





8,312/B

PRINCIPIA

MATHEMATICO-MEDICA.

AVGVSTVS SEVERVS

Handwritten signature or text

... and ...

PRINCIPIA
PHYSICO-MEDICA.

TOMUS SECUNDUS.

~~Handwritten scribbles and signatures in cursive script, likely indicating ownership or library markings.~~

PRINCIPIA
PHYSICO-MEDICAE
TOMUS SECONDUS

PRINCIPIA PHYSICO-MEDICA,

IN TIRONUM MEDICINÆ GRATIAM

CONSCRIPTA,

A JOANNE-CLAUDIO-ADRIANO HELVETIUS,
Regi à Sanctoribus Consiliis, Reginae Archiatro, Nos-
comiorum Regionum Militarium Præfecto, Doctore Medico
Parisiensi, è Regiâ Scientiarum Academia, & Regiâ
Nanceianorum Medicorum Collegii honoris Socio.

TOMUS SECUNDUS.



PARISIIS,

Apud Viduam D. A. PIERRES, Bibliopolam, viâ
San-Jacobæâ, sub insigne S. Ambrosii.

M. DCC. LII.

Cum Approbatione necnon Privilegio Regis.




PRINCIPIA PHYSICA.



CAPUT PRIMUM.

DE PRIMIGENIIS CORPORIBUS COGNITIS,
seu de Elementis Chymicis.



ARTICULUS PRIMUS.

De Luminis Materiâ seu de Igne,



NIMADVERTERUNT Physi-
fici diversas substantias, seu diverse
corpuscula ex omnibus educi corpori-
bus, quæ nullâ poterant industriâ in
alia solvi.

Hinc intulerunt illas substantias esse simplicissi-
mas, id est, genitas fuisse copulatione seu aduna-
tione simplicissimarum materiæ partium. His sub-
stantiis imponemus nomen Corporum primigenio-
rum.

2 DE PRIMIGENIIS CORPORIBUS

Observaverunt prætereà quòd diruebatur compages corporum è quibus illæ substantiæ fuerant eductæ, ita ut nulla remanerent indicia eorum naturæ. Ex his collegerunt omnia corpora his coagmentari seu coalescere substantiis, quæ pro diversâ connexionione, ordinatione, situ, &c. necnon pro majori vel minori earum quantitate, diversa procreabant corpora, quæ ideò *Corporum compositorum* nomen audient.

Quamvis illæ substantiæ sint simplicissimæ, attamen illæ sunt suâ naturâ prorsùs inter se diversæ; aliæ enim lumen, calorem & ignem pariunt, dum aliæ frigoris sensum suscitant & ignem extinguunt. Nonnullæ possunt excelsiùs evehi, & hinc indè diffundi minori ignis gradu, dum aliæ immotæ stant in suo loco, nec vel ad minorem ferri possunt altitudinem interioris ignis torturâ. Aliæ sunt odoris & saporis expertes, dum econtrà plures gustûs & odoratûs afficiunt organa.

Tandem nonnullæ ad accensionem sunt promptæ & penitùs cremantur, ac incendio consumuntur, dum aliæ diuturniùs igni commissæ, non inflammantur, & solummodò candent per breve temporis curriculum, absque ullâ mutatione eorum naturæ. Cùm igitur certiores essent Physici omnia corpora his substantiis coagmentari, eas habuerunt pro elementis omnium corporum.

Nemo non percipit quanti Physicorum & Chemicorum intersit accuratam assequi cognitionem naturæ corporum primigeniorum, siquidem his coalescunt omnia alia corpora.

Inter illa corpora primigenia jure ac meritò recensuerunt Physici illa quæ lucem & calorem pariunt, siquidem ab his suam lucem suumque mu-

tuentur calorem corpora ; verùm , cùm plurima nullam lucem nullumque calorem sensibilem ederent , cumque prætereà corpuscula lucem & calorem parientia , non poterant incarcerari in vasis , ad cognoscendum an inhæreant in omnibus corporibus compositis , & ad indagandam eorum naturam , utilius duxerunt perscrutari , an darentur in omnibus corporibus substantiæ seu corpuscula primigenia , quæ lucem & calorem parerent , & constituerent debitam partem compagis corporum compositorum , antequàm indagarent dotes peculiæres illorum corpusculorum , necnon præcipua phænomena ab his procreata.

Nemo nescit à Sole ac ex inflammatis corporibus emitti corpuscula , quæ in visûs vel tactûs organa irruere non possunt (debitâ copiâ debitoque cum impetu) quin lucem & calorem pariant. Cùm verò omnia alia corpora , quæ in eadem impingunt organa , nullam lucem nullumque calorem edant , perspicuum est ea esse suâ naturâ peculiaria & diversa ab omnibus aliis corporibus , quorum plurima diversis etiam gaudent dotibus peculiaribus.

Consentiunt igitur Physici substantiam seu corpuscula primigenia , lucem & calorem parientia , esse diversa suâ naturâ ab omnibus aliis substantiis seu primigeniis corpusculis. At inter nonnullos controvertitur Physicos , an ipsæmet partes , quæ calorem edunt , valeant etiam lucem procreare.

Quamobrem disquiremus an lux & calor procreentur ab iisdem partibus , antequàm perscrutemur an corpuscula primigenia lucem & calorem parientia , delitescant in omnibus corporibus compositis , & constituent debitam partem eorum compagis.

4 DE PRIMIGENIIS CORPORIBUS

Si enim omnia corpora composita non conflarentur corpusculis lucem & calorem parientibus, illa non possent inter compositorum corporum elementa recenseri.

Diximus illa corpora primigenia erumpere, cum è Sole, tum ex omnibus corporibus accensis & inflammatis; attamen inter se differunt illa quæ à Sole vibrantur, ab his quæ ex accensis emittuntur corporibus, quamvis iisdem gaudeant dotibus; nam illa quæ à Sole vibrantur, sunt sincera nullisque partibus heterogeneis adulterata, dum econtrà illa quæ ex accensis effluunt corporibus, plurimis copulentur partibus heterogeneis. Etenim semper erumpit fumus ex omnibus accensis corporibus; & licet ille sit nonnunquam adeò tenuis, ut oculos fugiat, attamen fuliginem parit, dum econtrà radii solares nihil unquam fumi fuliginisve suppeditent.

Cum verò fumus & fuligo constent partibus terreis, salinis, aqueis & sulphureis corporum combustorum, consequitur ignem communem seu focorum, non meris sincerisque tantum luminis partibus coalescere, ut radii solares, sed partes luminis ex accensis emissas corporibus secum admixtas, habere multas combustorum corporum partes.

Hæc de causâ radii solares nullam unquam procreant flammam, etiamsi multi simul adunentur, & in angustius spatium coerceantur; etenim flamma à solis sulphureis partibus procreatur, ut dicemus: omnia enim corpora sulphuribus orbata, aut in quibus minor est copia sulphurearum partium, vel quorum sulphureæ partes miscentur & obruuntur (ut ita dicam) terreis partibus: hæc, inquam, corpora nunquam inflammantur, etiam ab inten-

ssimo igne, sed candescunt tantum aut coruscant. Hinc liquet flammam meris genuinisque luminis partibus non conflare, sed esse fluidum ex luminis materiâ & sulphureis præcipuè partibus coalitum.

Hæc de causâ corpora primigenia à Sole vibrata, quæ in posterum nuncupabimus, *Materiam luminis* vel *Ignem elementarem*, multò citius comburunt corpora, eorumque compagem citius solvunt, quàm corpora primigenia ex accensis emissâ corporibus, quæ vocabimus *Ignem communem*, seu ignem focorum. Partes enim corporum quæ comburuntur, permixtæ cum luminis materiâ, ejus vim infringunt; nam sola hæc materia merus est & genuinus ignis.

ARTICULUS SECUNDUS.

Ipsæmet partes, quæ lucis sensationem procreant, caloris sensum excitant.

CUM innumeris pateret experimentis solares radios omniaque corpora inflammata, aut candentia, non solum illuminare corpora, sed etiam calorem excitare, extrâ dubium visum fuit lucem & calorem procreari ab iisdem partibus. Nonnulli tamen dissenserunt, & suam opinionem sequentibus firmaverunt experimentis.

« Ferrum, inquiunt, adeò calefactum, ut lig-
na, vel alia corpora comburat & inflammet, nul-
lam emittit lucem. »

Aliundè, « Luna, sereno cœlo, lucis sensatio-
nem parit; attamen ejus radii speculo caustico
collecti, & in angustius spatium coarctati, nullum

6 DE PRIMIGENIIS CORPORIBUS

» pariunt calorem, & ne minimùm quidem rarefa-
» ciunt liquores Thermoscopiorum. »

At, inquiunt, « si dentur corpora quæ, pluri-
» mùm incalefacta, & intensè calida, nullam lu-
» cem emittant; & alia quæ, licèt plurimùm lu-
» ceant, nullum tamen calorem pariunt, rationi
» consentaneum videtur lucem non gigni ab iis-
» dem partibus, seu corpusculis, quæ calorem pa-
» riunt. »

Ad dilucidandum primum experimentum, me-
minisse juvabit, 1^o. luminis partes ex accensis aut
candentibus corporibus effluentes, non esse since-
ras, sed eas esse permixtas & adunatas cum pluri-
mis partibus ex accensis effluentes corporibus, ut
diximus.

2^o. Luminis partes nunquam posse lucis sensatio-
nem procreare, quin agant immediatè in fibras
retinæ, & eas debitè concutiant. Hinc sequitur
luminis partes non posse lucem procreare, quin
priùs pervaserint corneam translucidam, humores
aqueos, vitreos, crystallinos, &c. His positis, pa-
lâm fit, luminis partes è corporibus plurimùm in-
calefactis erumpentes, numquam lucem parituras,
quotiescumque illæ permixtæ erunt & adunatæ cum
plurimis partibus crassioribus corporum calidorum;
nam tunc non poterunt permeare poros corneæ
translucidæ, & ad retinam pertingere: hâc de cau-
sâ, stipula, vel fœnum aquâ irroratum, nullam
emittit lucem, etiam dum comburitur & crematur,
licèt tunc magna partium luminis multitudo ex his
effluat. Partes enim luminis involutæ & obrutæ
partibus aqueis, &c. quæ sub fumi crassioris specie
ayolant, non possunt ad fibras retinæ pertingere,
& eas succutere. Verùm, ubi major partium aquea-

rum quantitas avolavit è stipulis, illicò lux procreatur, eò quòd erumpentes è stipulâ vel fœno luminis partes jam non involvuntur, nec obteguntur aliis crassioribus partibus; undè fit ut pupillam transgredi ac in retinæ fibras impingere possint.

Eâdem de causâ, ferrum intensissimè calens, non lucet, eò quòd luminis partes ex ipso effluentes, involvuntur & obteguntur crassioribus partibus è ferro exhalantibus.

Verùm, ubi partes igneæ tantâ copiâ in ferrum affluerunt, & adeò ejus poros extenderunt, ut earum uberior quantitas confestim erumpat è ferro; tunc quamplurimæ luminis partes, nullis jam obductæ partibus heterogeneis, in retinæ fibras, vel in alia corpora impingentes, lucem procreant.

Corruet etiam secundum argumentum, modò attendamus, 1°. majorem requiri partium luminis quantitatem, vel eas majori impetu protrudi debere ad calorem pariendum, quàm ad lucem procreandam.

2°. Rariores esse radios lucis è Lunâ ad nos usque pertingentes. Etenim experimentis ill. D. Bouguer constat densitatem lucis Lunæ, id est, densitatem radiorum luminis à Lunâ percussorum, esse ad densitatem radiorum Solis in terram vibratorum, ut unum ad tricies centena millia. At maximum speculum causticum quo usus est D. Delahire, trecenties tantùm coerces radios Solis; proindeque radii Lunæ ab hoc speculo collecti & coacti, nonnisi trecenties tantùm fiunt densiores: undè sequitur radios Lunæ hoc speculo collectos & coactos, rariores esse ac debiliores, quàm ut debitâ copiâ debitoque cum impetu in nos impingant, ut caloris sensationem suscitent: & verosimilius est

8 DE PRIMIGENIIS CORPORIBUS

quòd radii Solis nullum sensilem calorem procrearent, si essent adeò rari ac radii lucis Lunæ collecti speculo caustico; proindeque non mirum videbitur lucem Lunæ nulla præbere caloris indicia. His adde radios lunares non solum tricies centies millies esse rariores radiis solaribus, sed eos multò minori vi propelli in terram, & tunc planè intelliges eos nulla caloris indicia præbere posse, etiamsi eadem materiâ coalescant, id est, etiamsi conflentur iisdem partibus quæ calorem procreant, cò quòd illæ partes minori copiâ, minorique cum impetu in nos irruunt. Poterunt tamen lunares radii lucem diffundere,

1^o. Eò quòd luminis partes quibus conflantur, sunt sinceræ nullisque aliis partibus crassioribus adunatæ; undè fit ut ad retinam usque pertingere possint. At, cùm molliora sint visûs organa, & minori vi possint debite commoveri & concuti, illa poterunt menti transmittere impressionem factam à radiis Lunæ, & lucis sensationem suscitare. Verum, cùm organa dicata ad caloris sensationem pariendam, sint firmiora seu hebetiora; quàm ut à radiis Lunæ debitâ vi concutiantur, non transmittent menti leviorẽ impressionem factam à radiis Lunæ.

Præterea, quamvis luminis radii à Lunâ percussi, nullum caloris indicium præbeant, postquàm fuerunt collecti, & in angustum spatium coacti; attamen non possumus hinc colligere illos nullo caloris gradu gaudere; hinc tantum sequitur nostrà organa hebetiora esse & firmiora, quàm ut debite possint affici à minimâ vi quam ipsis inferunt radii Lunæ collecti, non secus ac organa visûs hominum hebetiora sunt & rudiora, quàm ut ipsa microscop-

piis armata possint debite affici à minimâ vi, quâ luminis partes cœcâ nocte & in obscurioribus locis errantes, in nos agunt, quamvis eadem luminis partes cœcâ nocte & in iisdem locis obscurioribus vagantes valeant adeò afficere organa visûs plurimorum aliorum animalium, ut ipsa debitâ luce recreentur, ut dicemus.

Ex allegatis igitur argumentis colligere non possumus lucem procreari à partibus, seu corpusculis diversis ab illis quæ calorem pariunt. Contrâ verò, cùm innumera testentur experimenta, omnia corpora inflammata lucem & calorem parere, pro certo habebimus materiam lucem efficientem, id est, materiam luminis, ejusdem prorsus indolis esse ac materia quæ caloris sensum excitat, id est, unam eandemque materiam lucem & calorem procreare.

Monendi sunt præterea Tirones Physici, calorem quo donantur corpora in quæ luminis partes irrue-
runt, non oriri solummodò ab ipsismet partibus luminis quæ in hæc impeerunt, sed etiam à majori motu quem illæ incusserunt aliis partibus luminis delitescentibus in intimâ corporum compage.

Quod quidem vulgari probatur experimento. Etenim videmus corpora debitâ vi fricata inclescere & ignescere, & nonnunquam inflammari; unde sequitur calorem corporum frictorum, oriri à majori motu quo fuerunt actæ luminis partes reconditæ & torpentes in intimâ corporum compage. Constat enim, ut dicemus, omnia corpora scatere luminis partibus reconditis in intimâ eorum compage; & calorem quem pariunt nonnulla corpora, oriri à partibus luminis quæ ex intimis eorum recessibus erumpunt.

ARTICULUS TERTIUS.

Omniū Corporum intima compages luminis partibus abundat.

POST QUAM certiores facti fuerunt Physici lucem & calorem ab iisdem procreari corpusculis, indagaverunt an illa recondentur & delitescerent in omnium corporum intimâ compage. Dubium ipsis visum non fuit hæc adesse corpuscula in omnibus compositis corporibus, quæ lucem & calorem pariebant; proindeque pro certo habuerunt nonnullos vermes terrestres, ligna putrida, pisces putrefactos, squammas plurimorum insectorum, &c. suo complecti sinu multam materiæ luminis copiam.

Perpicuum etiam habuerunt quòd animalia & eorum stercorea, v. g. fimus, recondebant plurimas luminis partes, siquidem calorem pariebant, & calefacere poterant circumfusa corpora: verum non erant certi quòd luminis materia recondita jaceret in illis corporibus, quæ nullam lucem nullumque calorem pariunt; attamen, cum attenderent quòd phosphori lucentes nullam lucem edebant, statim ac immergebantur aquis, vel statim atque gossypio vel aliis involvebantur corporibus, ipsosque rursus lumen parere, statim atque emergebant aquis vel spoliabantur gossypio, &c. pro certo habuerunt luminis partes reconditas, vel incarcerationas delitescere in illis phosphoris, dum lucem non emittunt, ac proinde corpora posse plurimas recondere luminis partes in suâ intimâ compage,

etiamsi nullam lucem nullumque calorem parerent. Confirmatiores fuerunt facti in suâ sententiâ diversis experimentis. Etenim, in aprico est liquores in Barometrorum tubos excelsiùs evehi, ubi eorum globus involvitur corporibus laneis, quàm ubi circumcinguntur corporibus è lino contextis; illi verò liquores non possunt excelsiùs evehi, quin magis rarefiant; nec magis rarefieri, nisi ab uberiori luminosarum partium affluxu. Verùm, cùm ille uberior affluxus non possit aliundè oriri, quàm à corporibus laneis, intulerunt majorem quantitatem luminosarum partium effluere è corporibus laneis, quàm ex his quæ è lino contexuntur.

Rursùs, cùm partes luminis non possint majori copiâ effluere è corporibus laneis, quàm è corporibus lineis, (ubi eodem circumdantur aëre,) nisi intima laneorum corporum compages redundet majori copiâ luminosarum partium, collegerunt majorem copiam partium luminis delitescere in intimâ compage corporum laneorum, quàm in compage corporum è lino contextorum.

Præterea palàm est plurima corpora enormem evomere flammam, id est, illa incredibilem luminosarum partium multitudinem emittere, statim atque minor ignea scintilla in ipsa fuit protrusa vel delapsa. At, cùm illa multitudo luminosarum partium aliundè oriri non possit, quàm ab eorum intimâ compage, sequitur hæc corpora in suis recondere penetralibus ingentem luminosarum partium multitudinem.

Rursùs, cùm observavissent Physici lanea corpora, quæ liquores Thermometrorum rarefaciunt, necnon corpora multas evomentia flammæ, nullâ luce, nulloque calore nos afficere, intulerunt cor-

pota posse intùs scatere luminosis partibus, etiamsi nullam lucem nullumque calorem procreent.

At, cùm hæc notitia plurimi posset esse emolumentum ad illustrandas plurimorum phænomenon causas, utilius duxerunt diversis indagare experimentis, an omnia corpora essent intùs referta luminosis partibus.

Pro certo habent Physici fluidum proximè terram ambiens, id est, atmosphæricum fluidum partibus luminis redundare. Etenim constat, quòd quamplurima animalia (quorum visûs organa acutiora sunt oculis hominum) vident, ambulant, currunt, prædamque nocte in obscurioribus locis venantur; undè sequitur hæc animalia frui lucis usurâ. At, cùm luce recreari non possint, nisi à luminis partibus in aëre circumfuso diffusis, sequitur aërem, id est, atmosphæricum fluidum semper scatere luminis partibus.

Constat prætereà Astronomorum observationibus, noctu lumina flammæque in hoc fluido apparere.

Ignæas adesse partes in vacuo experientia docet. Etenim, si sphaera vitrea cava (è quâ aër fuit educus) celerrimè versatur circà suum axim, & manu exterius admotâ fricetur, observabimus hanc sphaeram intùs lucidiorem fieri & luminosam.

Aqua maris majori motu acta lucet, præcipuè in navium fulcatione. Hoc sæpius observatur phænomenon in his maribus, quorum aqua unctuosa est, & bitumine referta.

Linteam hâc imbutum aquâ, subitò compressum, lumen edit : plures asserunt, nonnullas thermales aquas eundem effectum edere.

Ex hâc aquâ aëre spoliâtâ, & in vasis aëre vacuis

inclusâ, exiliunt bullæ, scintillarum instar, micantes, statim atque concutitur aqua.

Observaverunt Physici plurima alia fluida non solum lucere in vacuo, sed etiam inflammari.

Animalia plurimas in se recondunt partes luminis, quæ ultrò è nonnullis tantâ erumpunt copiâ, ut ab omnibus videri possint.

Sanguis & carnes nonnunquam lumen edunt, ubi certum putrefactionis gradum adepta sunt.

Si in locis tenebrosis dorso felium averfis pilis celeriter vique fricueris, scintillas dabunt.

Innatat sæpius mari corpus spongiosum, leve, fragile, maculis depictum cæruleis, figuram pulmonis æmulans, (undè pulmo marinus dicitur) quod noctu lucet, & luminosa reddit corpora quibus affricatur.

Notum vel rusticis ligna putrida lumen emittere.

Corpora dura vel solida rariùs spontè lucem emittunt. Nihilominus existimaverunt Physici ipsa partes igneas in se recondere, quæ ob compactam corporum compagem non poterant è carcere suis debitâ copiâ sese vindicare. Has tentaverunt evolvere, quod ipsis feliciter & ex animi sententiâ successit. Nam observaverunt plurima corpora dura & solida, solo tritu lucida fieri. Sic adamas cum auro fricatus, vel aurum, argentum, aut cuprum, fricata cum vitro, ita ut incalescant, lumen emittunt; & præcipuè adamas, qui, non secus ac pruna, sæpius coruscat.

Silices simul collisi, vel chalybe percussi, scintillas vibrant lucentes & igneas.

Sulphur commune, saccharum, vitrum, in obscuro loco trita, lucem pariunt, non secus ac plurima alia corpora solida & opaca.

14 DE PRIMIGENIIS CORPORIBUS

Mercurius in phialâ inclusus (è quâ sedulò fuit eductus aër) repetitis succussibus lumen edit.

Tandem omnes phosphori continuò lumen ex se emittunt per justum temporis curriculum, ut diximus, id est, donec omnes igneæ partes quas in se recondunt, fuerint evolutæ.

Postquàm Physici comperêre ex omnibus ferè corporibus lumen emitti posse, placuit ipsis scrutari, nùm aliquo non gauderent calore corpora etiam frigidiora; vel num non possent calore perfundi, absque igne extraneo. Cùm enim calor produci nequeat, nisi à partibus luminosis, seu igneis, nullus sanæ mentis negabit eas adesse in corporibus actu calidis, aut in his corporibus quæ incallescere possunt absque ullius ignis extranei auxilio.

Omnibus notum omnia animalia aliquo caloris gradu gaudere. Ut hunc tamen calorem diligentius observarent Physici, speculum causticum ita faciei hominis admoverunt, ut focus in faciem ejus incideret; quo factò, majorem hoc in loco sentiri calorem experientiâ constitit.

Undè calor iste, nisi à partibus è facie spirantibus, & rursùs in faciem percussis?

Observaverunt prætereà Physici calorem produci à permixtione plurimorum fluidorum: sic spiritus vini, & alia olea essentialia aquis affusa incallescunt.

Ipsamet olea cum spiritu nitri permixta, non solum calida fiunt, sed etiam fumant & inflammantur.

Plurimas fermentationes & corporum dissolutiones calore concomitari, apud omnes constat Chymicos.

Fit ebullitio, cùm calci affunditur aqua, & plurimæ micant scintillæ.

Quamplurima vegetabilia, (ut fœnum) pondere compressa, & aquis aspersa, incalescunt, fumant, & tandem inflammantur.

Si sulphur & ferrum pulverisata & simul permixta, in terris recondantur, & aquâ irrorentur, incalescunt, fumus ingens exurgit, & nonnunquam flamma.

E terris sulphureis & paludinosi emanant vapores qui in aëre inflammantur. Ipsi crinibus hominum, pilis animalium, & aliis corporibus illitis oleo, nonnunquam adhærent; undè hæc corpora ignita apparent.

Sentimus omnia corpora solida, solo tritu incalescere. Ferrum enim frigidum, percussum hyberno tempore super incudem gelidam cum malleo frigidiori, insigniter incalescere deprehendimus.

Omnia corpora fluida, v. g. aër, aqua, & alia liquida, non secùs ac solida corpora, quæ frigidiora nobis videntur, quammultas continent partes igneas, siquidem ad majorem frigoris gradum produci possunt. Si sal ammoniacum solvatur in aquâ, illa & aër circumambiens multò frigidiora fiunt, quod Thermoscopio probatur.

Corpora glacie obruta, gelidaque facta, intensius rigent, si sal commune, vel nitrum cum glacie miscetur. Intensior adhuc fiet frigoris & congelationis gradus, spiritu nitri glaciei affuso. Constat ergo corpora quæ nobis frigidiora videntur, calore quodam gaudere; ac proindè in his adesse partes igneas, quæ penitus fortè & in integrum nunquam exhauriri possunt.

His omnibus experimentis liquet quamplurima corpora sponte vel industriâ lucere: omnia aliquo perfundi calore, & solo tritu incalescere posse: plu-

16 DE PRIMIGENIIS CORPORIBUS
rima flammis corripì sine ullius sensibilis ignis auxi-
lio. Undè sequitur intimam omnium corporum
compagem luminis partibus esse refertam.

Arguere possunt nonnulli : « Lumen & calorem
» è corporibus emissa , non procreari à luminis ma-
» teriâ in intimis corporum recessibus reconditâ ,
» sed à partibus luminis extraneis , & quæ suppedi-
» tantur & oriuntur à circumfusiis corporibus. »

Verùm attendant Physici corpora circumfusa
sæpiùs non lucere , imò esse obscura & crassis obru-
ta tenebris , ita ut illuminentur ab ipsismet corpo-
ribus quæ naturâ suâ lucere diximus ; nempè , v. g.
à phosphoris & noctu lucentibus , vel ab iis quæ lu-
cida fiunt fricatione , tritu , aut aliâ quâvis opera-
tione.

Quo igitur jure possumus asserere lucida fieri illa
corpora à circumambientibus , v. g. ab aëre , cùm
aër , priùs obscurus , nonnisi ab his fuerit illumina-
tus ? Multò verosimilius videtur luminis partes in
corporum porulis inclusas , tritu & fermentatione
in libertatem vindicari , & majori evolveri copiâ ,
tuncque illas oculos afficere.

Aliundè , quî fieri posset ut corpora circumfusa
impertirent circumdatis corporibus calorem mayo-
rem eo quo gaudent ? Constat enim repetitis obser-
vationibus , circumambientia corpora impertire
tantùm corporibus circumfusiis gradum caloris aut
frigoris æqualem illi quo donantur. Observamus
enim vacuum Boyleanum , vel Torricellæanum , al-
cool vini , olea plurima , lapides , metallorum sco-
bes , ac tandem plurima corpora aëri exposita ,
æqualem omninò caloris vel frigoris gradum acqui-
rere , ac aër ambiens ; ita ut , si calidiora sint aëre ,
frigescent ; & contrà incalescant , si sint frigidiora.

Hinc

Hinc sequitur quòd corpora non possent acquirere tritu, vel percussione caloris, gradum majorem eo quod gaudet aër circumambiens, & quo donantur alia fluida circumfusa, nisi partes igneæ luminosæ, in ipsorum sinu reconditæ, motu agerentur à tritu, percussione, &c. & majorem gradum caloris impertirent aëri circumfuso, aliisque propinquioribus corporibus.

Quis enim sibi fingere poterit ignem & flammam quæ excitantur, ubi fœnum pondere compressum madefit, vel dum sulphur & ferrum pulverisata ac permixta, in terrâ sepeliuntur, & aquâ irrorantur, produci posse à terrâ frigidâ, vel ab aquâ, quæ valent ignem restinguere, flammamque sufflaminare?

Verùm, si corpora lucem & calorem diffundentia, has non mutantur dotes ab ambientibus corporibus, fatendum est eas in se habere & recondere partes, quæ lucis & caloris sensum commovent, id est, luminis partes.

Cùm igitur suprâ allatis & pluribus aliis constet experimentis, 1°. Omnia fere corpora vel sponte, vel arte lucem producere posse;

2°. Omnia corpora aliquem caloris gradum, licet insensilem, habere;

3°. Solo tritu, absque ullius ignis extranei auxilio, incallescere posse; jure ac meritò possunt asseverare Physici intimam omnium corporum compagem abundare materiâ luminis, ac proindè eam inter corporum elementa recenseri debere. Nunc exponendæ sunt dotes natales partium hujus materiæ, ut dilucidam assequi possimus notitiam earum naturæ.

ARTICULUS QUARTUS.

De dotibus propriis & peculiaribus materiae luminis partibus.

LUMINIS partes donantur à primordiis dotibus peculiaribus quibus distinguuntur ab omnibus aliis quibus diversa conflantur corpora.

Hæ sunt 1°. minima vis quâ secum cohærent, & proclivitas ad velocissimum motum; etenim velocitas quâ solares radii colliguntur, disperguntur & refranguntur, nullâ ferè vi illatâ corporibus è quibus reperiuntur, &c. satis superque indicat eorum partes multò minori vi secum cohærere, quàm partes omnium aliorum fluidorum, & eas mobilissimas esse.

2°. Constat Astronomorum computationibus eas agi velocitate superante captum humanum, siquidem asserant eas à Sole ad tellurem ferri septem vel octo minutis; quamvis Sol distet à terrâ decies mille semi-diametris terræ, quod quidem spatium vix percurreret viginti quinque annis globus ferreus eâdem velocitate actus quâ donatur, dum exploditur è tormento bellico.

Ex his sequitur luminis partes præ omnibus aliis fluidis esse mobiles, & multò velocius agi.

3°. Earum exilitas satis superque patet earum transitione per poros vitri & aliorum corporum; quamobrem supervacaneum esset plura alia experimenta addere. Si tamen alia velis argumenta quæ hanc exilitatem comprobent, vide quos clariss. Nyewentyt hâc de materiâ congeffit, calculos, qui-

bus constat molem partis luminis tantum recedere debere ab exili mole partis materiæ ferreæ æquantis decimam partem grani, quantum distat immanis impetus globi ferrei duodecim librarum è tormento bellico explosi, à debili impulsu, seu vi quæ partes luminis impingunt in obvia corpora.

4°. Sphæricâ donari figurâ luminis partes demonstravit ill. D. Demairan (a), siquidem constet experimentis immortalis Newtoni (b) angulos reflexionis partium luminis æquales semper esse angulis earum incidentiæ.

5°. Plura experimenta ab ill. Newton peracta demonstrant exiliorem Solis radium in quinque partes, seu fasciculos, seu penicillos diversos dividi, dum transit per prisma vitreum, & singulos diversimodè refrangi, siquidem diversis in locis diversos pingant colores. At, cùm diversa partium luminis refractione non oriatur à diversâ earum figurâ, siquidem omnes sint sphaericæ; cumque non oriatur à diversitate virium quibus pelluntur, siquidem eadem vi agantur, sequitur partes (quibus coalescit exilior Solis radius) inter se differe, vel ratione earum molis, vel ratione earum massæ, ut asseruit immortalis Newton, *asserendo tenuiora corporicula languidos colores parere, & facilius à rectâ lineâ recedere, crassiora verò floridos seu acutos colores procreare, & minus à rectâ lineâ recedere.*

6°. Tandem constat luminis partes esse duras, siquidem facile reperiuntur & refrangantur, &c. nam si essent molles, adhærerent & remanerent junctæ corporibus in quæ impingerent, aut saltem non reperiuntur.

(a) Act. Reg. Scient. Acad. Paris. ann. 1722. & 1723.

(b) Leg. Optic. Newton.

Cognitis natalibus dotibus partium luminis, disquirendum venit,

1°. An partes luminis vim inferant obviis corporibus, & connitantur ea motu agere.

2°. An partes luminis possint justâ quantitate intromitti & includi in corporibus, ut valeant eorum pondus ad sensum adaugere. De his enim controversantur inter se Physici.

ARTICULUS QUINTUS.

QUÆSTIO,

An partes luminis vim inferant obviis corporibus, & connitantur ea motu agere.

QUAMVIS unanimi Physicorum assensu constet luminis partes esse corpuscula dura & solida, attamen plures opinati sunt eas, præ suâ exilitate, nullam vim inferre corporibus in quæ impingebant; 1°. eò quòd experiebantur mollia visûs organa ab irruentibus luminis partibus minimè lædi; 2°. læviora corpora in atmosphæricum fluidum volitantia, nullo motu sensibili agi à luminis partibus. Nihilominus aliis placuit Physicis diversa periclitari experimenta, ut dilucidè cognoscerent an luminosæ partes aliquam vim inferrent obviis corporibus.

Ill. D. Homberg (a) posuit alumen plumeum in foco speculi caustici, & animadvertit illud expelli è foco, ubi radii luminis ad ipsum pertingebant.

(a) Act. Reg. Scient. Acad. Paris. ann.

Idem infixit ligno extremum lamellæ chalybeæ tenuissimæ & elasticæ, quales sunt illæ quæ motum conferunt omnibus partibus horologiorum portatiliū; hanc suspensam lamellam foco speculi caustici exposuit, viditque eam antè & retrò alternis vicibus moveri, non secus ac si baccillo diversis fuisset verberata succussibus.

Si centrum gravitatis tenuissimæ virgæ ferreæ, v. g. acūs, infigatur apici cuspidis ferrei, ita ut acūs extrema stent horizontaliter in æquilibrio, & acus facilè rotari possit; sique postea altera ex acūs extremitatibus apponatur in foco speculi caustici, tunc observabimus 1°. acum celerrimo rotationis motu donari; 2°. acūs partes à radiis luminis sejunctas & liquefactas, multò velocius & majori vi in terram trudi, quàm si laberentur solâ vi suæ gravitatis.

Si attendatur ad folia Brassicæ vel alterius plantæ inclusæ sub recipiente machinæ pneumaticæ vacuo aëre, fumus exhalans in fundo recipientis deprimetur; si verò ope speculi caustici dirigantur radii Solis in latera recipientis vitrei, ita ut illi fursum vergant, animadvertemus depressum fumum fursum tolli à luminis partibus è speculo caustico re-percussis, & in illum fumum irruentibus.

Quotidie experiri licet fumum è caminorum spiraculis effluentem deorsum protrudi & versum focum repelli à solaribus radiis in hunc fumum vibratis.

Experientia constat irruentes Solis radios in omnia corpora, ab iisdem repellere; quod quidem fieri non potest, quin illi vim prius intulerint corporibus quibus repelluntur.

Idem radii rarefaciunt & expandunt corpora & plurima comburunt, ac in vapores longè lateque diffundunt.

Ipsi liquefaciunt olea crassiora, resinas, pices, & citius solvunt in aquam glaciei frustula, quæ non nisi magnâ vi à se invicem sejungi possent ab aliis corporibus impingentibus.

Omnibus pernotum Physicis radios Solis ope speculi caustici collectos & in angustius spatium coactos, rarefacere, liquefacere & sub formâ vaporum longius diffundere posse metalla, quorum partes firmissimo nexu nectuntur, & tantâ vi sibi invicem cohærent, ut valeant immensa sustinere pondera absque mutuâ sejunctione.

Experiri possumus metalla in speculi caustici foco posita, non solum liquefieri ab irrudentibus luminis partibus, sed etiam vitrificari, id est, mutari in corpus vitri speciem referens. Aurum in foco speculi positum, non solum liquefit, sed etiam moles liquefacta celerrimo motu rotationis agitur ab irrudentibus radiis Solis.

At, nisi solares radii superarent vim quâ secum nectuntur & cohærent partes auri, ferri, &c. illi nunquam possent rarefacere illa corpora.

Nisi luminis partes speculo caustico congregatæ superarent vim cohærentiæ quâ ferri, auri & aliorum corporum duriorum partes connectuntur, & sibi invicem adhærent, non solverent illa corpora.

Ut luminosæ partes in vitri speciem immutent plurima corpora durissima, necesse est ut suâ vi valeant plurimum ampliare poros illorum corporum, aut in eorum substantiis novos terebrare poros.

Luminis radii non possunt in auras propellere, & sub vaporum formâ longius diffundere graviore plurium mineralium partes, quin superent earum vim gravitatis; nec illi radii celerrimo rotationis motu agerent gravem metallicam molem liquefactam, nisi magnâ vi in ipsam irruerent.

Proindeque hæc & plurima alia experimenta, quæ referre supervacaneum esset, certiores nos faciunt luminis partes magnam vim inferre posse obviis corporibus. Mollities quâ concutiunt visûs organa, oritur ab ineffabili earum exilitate, ut diximus. Verùm, cùm eâ ferantur velocitate quæ superet humanum captum, illæ valent continuis & iteratis ictibus justam vim inferre singulis partibus corporum in quæ irruunt, præsertim ubi non parent viæ quibus cumulatiùs possint effugere; proindeque luminis partes poterunt ingenti & validissimâ vi agere in corpora, ubi magnâ copiâ collectæ & congregatæ irruent in eodem temporis momento in obvia corpora.

COROLLARIUM.

Ex his colligere est vim, quam luminis partes inferunt plurimis corporibus, conferre posse ad ipsa fluida facienda.

Etenim certiores sumus firmiora durioraque corpora fluida fieri statim atque luminis partes debitâ copiâ debitoque cum impetu in ipsa protruduntur, ut constat innumeris experimentis è caustico speculo petitis; hinc sequitur quòd materia luminis à Sole emissa discretim & seorsim movere poterit corporum partes quæ minori vi sibi cohærent, ac proinde quòd illa poterit fluida facere nonnulla corpora quæ solida essent, nisi hæc materia debitam vim incuteret partibus horum corporum.

Eò firmiùs hanc tenere possumus opinionem, quòd oculis quotidie videre sit fluidorum & liquidorum motus adaugeri ab irruentibus solaribus radiis; & è contrâ motum fluiditatis illorum corporum imminui prout solares radii minori copiâ,

aut impetu in illa irruunt; etenim conjiciamus oculos, ut diximus, in olea, pices, resinas, gummi, &c. videbimus eorum corporum partes motu agi solo impulsu luminosarum partium à Sole propulsarum.

Si verò motus fluiditatis plurimorum corporum adaugetur, statim ac majori vi & impetu in illa irruunt luminis partes; & si eorundem minuitur fluiditatis motus, statim ac minuitur illarum luminosarum partium impulsus, rationi consentaneum est opinari materiam luminis in terram irruentem, fluiditatis motum inferre posse plurimis corporibus.

Nec enim mirum cuiquam videri potest, quòd ineffabilis illa luminosarum partium multitudo quæ à Sole in terram continuò propellitur, motu agat & discretim moveat partes corporum occurrentium, quarum infirmior est vis cohærentiæ; è contrà mirari debemus quòd ille incredibilis numerus luminosarum partium irruentium in terram, non exsiccet aut comburat vegetabilia, quodque duriora & solida corpora non liquefaciat; verisimilius est hanc luminosarum partium irruentium multitudinem hos effectus parituram, & omnium fortè corporum compagem soluturam, nisi earum vis infringebatur ab atmosphærico fluido, non secùs ac vis ignis infringitur ab aquâ interfusâ ignem & alia corpora.



ARTICULUS SEXTUS.

QUÆSTIO,

An partes luminis tantâ copiâ intromitti & includi possint in corporibus, ut valeant eorum pondus ad sensum adaugere.

EXTRA dubium est luminis partes justo donari ponderis gradu; nam nulla alia notio subjicitur vocabulo *gravitatis*, quàm vis, seu potentia quâ corpus quodcumque truditur versùs terram. At, cum quamplurimæ luminis partes debitâ vi ferantur versùs terram, perspicuum est illas quæ in terram trudentur, debitâ donari gravitate, id est, illas versùs terræ centrum premere, seu pellere omnia corpora diffusa inter illas & terræ centrum. Verùm, cum vis gravitatis corporum sit semper in ratione eorum massæ, & constet aliundè partium luminis massam exiliorem esse, quàm ut mente capi possit, existimamus illas magnâ copiâ intromitti & irretiri posse in intima corporum compage, absque sensibili eorum ponderis incremento; nihilominùs tamen, cum præstantiores Physici in medium protulerint luminis partes intromissas in corpora, eorum pondus plurimùm adaugere, perscrutabimur experimenta quibus ducti fuerunt ad hanc suscipiendam opinionem.

Qui opinantur luminis partes tantâ copiâ incarcerari posse in corporibus, ut incrementum eorum ponderis percipi possit, suam firmant opinionem experimentis institutis, 1°. cum corporibus quæ ignis communis torturæ fuerunt commissa; 2°. cum corporibus quæ ignis elementaris vim experta fuerunt.

Afferit ill. D. Robertus Boyle (in suo Tractatu de Ponderabilitate flammæ) plurima corpora vel in igne posita & calcinata , vel in vasis inclusa & igni commissa , pondus acquisivisse gravius eo quo gaudebant antequàm igni exponerentur. Sic , v. g. lamina cuprea duas drachmas & viginti quinque grana ponderans , exposita per bihorium flammæ sulphuris , duo super triginta grana ponderis lucrata est (a).

Uncia calcis stamni anglici in cateno per bihorium igni commissa , drachmæ & triginta quinque granorum pondus accepit ab igne.

Ex his experimentis non possunt colligere Physici partes igneas debitâ donari gravitate ; nam pondus quod lucrata fuerunt corpora igni commissa , non oritur ab igneis partibus quæ pariunt ignem cui commissa fuerunt corpora , sed à crassioribus partibus corporum accensorum , quæ fuerunt protrusæ in intimam compagem corporum huic igni commissorum ; etenim , cùm corporum pori coarctentur ac constringantur , statim atque removentur ab igne & frigescunt , plures partes corporum combustorum in eorum intimam compagem protrusæ non possunt effugere , statim atque constringuntur pori ; proindeque illæ partes irretiuntur in corporibus , & eorum pondus adaugent. Jure tamen ac meritò colligere potuit illust. Boyleus ex his experimentis , flammæ è corporibus erumpentes debito donari pondere , eò quòd illæ constantur crassioribus partibus corporum quæ comburuntur ; at hinc non possunt colligere Physici partes igneas esse graves.

Afferunt præterea nonnulli Physici experimenta

(a) Exper. VI.

instituta cum speculis causticis, quibus constat metalla in foro speculi caustici posita, gaudere post calcinationem pondere graviori illo quo prius polebant; etenim observavit illust. Homberg unciam reguli martis in pulverem redacti, & speculo caustico Ducis Aurelianensis calcinati (a) lucratam fuisse pondus trium unciarum cum tribus drachmis.

Docuit clar. D. Duclos (b) reguli antimonii libram in tenuissimum pulverem tritam, & caustici speculi ope in cineres calcinatam, lucratam fuisse pondus unciae cum tribus drachmis, quamvis inter calcinandum copiosi fumi avolaverint; & idem asserit ignem focorum eundem effectum edere.

Immeritò ex his inferrent experimentis Physici, pondus quod lucrantur corpora calcinata igne elementari, oriri ab igneis seu luminosis partibus in eorum compagem protrusis, & in ipsâ incarcerationis; nam adversatur huic sententiae ipsamet series experimentorum quæ à clariss. D. Duclos fuerunt peracta; ille enim annotat 1°. regulum antimonii in foco caustici speculi positum, albis cooperiri filamentis, statim atque candescit.

2°. Alkohol vini huic affusum, tingi colore rubro solo balnei mariae calore.

3°. Illud alkohol vini spoliare regulum antimonii omnibus partibus quæ auxerant ipsius pondus, siquidem postea ipsius pondus adæquet illud quo donabatur ante ipsius calcinationem.

4°. Alkohol vini affusum antimonii regulo, qui albis non fuerat coopertus filamentis, quique gravius non acquisiverat pondus, illud, inquam, alkohol non fuisse rubro tinctum colore.

(a) Histoir. Acad. Reg. Scient. Paris. ann. pag.

(b) Act. Reg. Sient. Acad. Paris. ann. pag.

Perpendamus illa experimenta, & attendamus;
 1°. Hæc filamenta (quibus cooperitur superficies
 reguli antimonii) non conflare luminis partibus,
 siquidem nullum lucis aut caloris indicium præ-
 beant, ac proindè illa filamenta coalescere par-
 tibus crassioribus heterogeneis, & in reguli antimo-
 nii superficiem protrusis. At, si per calcinationem
 crassiores partes fuerunt protrusæ in superficiem
 hujus reguli, sequitur plurimas alias partes crassas,
 protrusas etiam fuisse in intimam hujus reguli com-
 pagem.

2°. Attendamus alkohol vini affusum huic regulo,
 solvere & rapere omnia illa filamenta, ipsum rubro
 tingi colore, & postea hunc regulum deperdere
 omne incrementum ponderis quod calcinatione lu-
 cratum fuerat.

His perpenſis, perspicuum videbitur regulum an-
 timonii acceptum habuisse sui ponderis incremen-
 tum, cum à partibus crassioribus quibus conflata
 fuerunt hæc filamenta, tum ab aliis partibus cras-
 sis in intimam ipsius compagem protrusis. Confir-
 mationes nos faciet in hæc sententiâ experimentum
 quo patet 1°. regulum antimonii non acquirere cal-
 cinatione gravius pondus, ubi filamentis albis non
 cooperitur; 2°. alkohol vini huic affusum regulo,
 non tingi rubro colore; ex his enim sequitur colorem
 rubrum alkohol vini & ponderis incrementum re-
 guli antimonii oriri & pendere à partibus crassio-
 ribus quibus alba conflantur filamenta, necnon ab
 aliis partibus crassis in intimam reguli antimonii
 compagem protrusis.

Quî animo fingere poterimus, tantam luminis
 partium multitudinem incarcerari in unciâ reguli
 martis, quæ adæquet pondus trium unciarum cum

tribus drachmis absque ullo indicio lucis aut caloris? (nam constat quòd tunc quantitas partium luminis multò major est quantitate ignearum partium quæ à natalibus delitescent in illis corporibus). Quî fieret igitur ut major illa luminis partium multitudo nulla suæ præsentia præberet indicia?

In memoriam revocemus luminis partes reconditas in decimâ quartâ parte grani sebi; immensum illuminare spatium, quamvis omnes illæ luminis partes non adæquent centesimam partem hujus ponderis. Attendamus prætereà pondus metallorum igne candentium & lucem ac calorem parientium, non adaugeri ab incredibili partium luminis numero, qui in intimâ eorum compage reconditur; & rationi ac verisimili repugnare videbitur, tantam luminis partium quantitatem in corporibus recondi absque ullo lucis seu caloris indicio.

Redarguunt illas luminis partes nullam lucem edere, eò quòd illæ involvuntur & obruuntur à partibus crassioribus corporum in quibus reconduntur.

Esto. Sed calorem parere deberent. Prætereà constat quòd illæ lucem & calorem ederent, statim ac essent extricatae à crassioribus partibus corporum in quibus recondiebantur, v. g. statim ac transeunt in alkohol vini.

Quî fieri posset ut illa luminis partium multitudo affatim affluens in alkohol vini, non ipsum accenderet nec inflammaret? Nam 1°. vulgaribus constat experimentis alkohol vini à minimâ flammulâ inflammari.

2°. Electrica demonstrant experimenta minorem quantitatem partium luminis erumpentium ex hominis electrifati digito, inflammare alkohol vini.

Tandem in memoriam revocemus lapidem Bo-

30 DE PRIMIGENIIS CORPORIBUS
nonienſem, amiſſam recuperare lucem, ubi igni debite committitur, pluraque corpora fieri luminofa ignis ope, ipſa (poſt debitum temporis ſpatium) nullam lucem emittere, non ſecùs ac lapis Bononiſis, & illorum corporum intimam compagem eſſe fartam luminis partibus, ubi lucent; è contrà verò, extinctâ luce, ipſa minori partium luminis quantitate gaudere: attamen nec lapis Bononiſis, nec alii phoſphori majori donantur pondere, ubi luxuriant luminis partibus, id eſt, ubi incipiunt lucem emittere, quàm ubi lucere deſinunt, id eſt, ubi effluxit major partium luminis quantitas.

Tandem conſtat, ut diximus, metalla non graviore donari pondere, dum candent, quàm dum ſunt frigida.

Proindeque jure ac meritò poſſumus aſſerere, pondus quod lucrantur corpora, dum calcinantur in foco ſpeculi cauſtici, non oriri à partibus luminis in eorum intimâ compage irretitis, & illud pendere à partibus craſſioribus.

Illæ partes craſſiores oriuntur partim à nonnullis fortasſe partibus catini (in quo poſita fuerunt metalla) partim verò ab effluviis terræ (in atmophæricum fluidum protrufis) quæ rapiuntur & protruduntur ab urente radio in regulum antimonii; quod quidem experimentis probari videtur.

Etenim experienciâ conſtat 1°. fumum prunæ poſitæ ſub radio urente, infirmare ejus vires, & hunc radium multò debiliùs poſteà agere.

2°. Conſtat experienciâ radium urentem multò minori vi agere, ubi per plures dies Sol fervidiùs illuxit, & uberiora ſunt effluvia terræ.

At conſentiunt Phyſici urentis radii vim tunc infirmari, 1°. eò quòd craſſioris fumi & partes efflu-

viorum terræ in ipsum protrusæ, obtundunt impetum luminis partium; 2°. eò quòd obstant quominus plures luminis partes quibuscum junguntur aut permiscentur, possint subire strictiores corporum poros; verùm, si crassiores fumi partes, vel si partes effluviolorum terræ trudentur in radium urentem, aut ab ipso rapiuntur, constat illas fore pulsas in metalla in quæ irruit ille radius, ac proindè illorum metallorum pondus adaugeri posse ab his partibus, non secus ac adaugetur eorum pondus à crassioribus partibus corporum accensorum; dum igni focorum committuntur.

Ex his omnibus quæ suprà disputavimus, colligemus omnes luminis partes vi actas versùs terræ centrum, graves esse relativè ad corpora quæ occurrunt inter ipsas & illud centrum, siquidem illæ premunt obvia corpora versùs illud punctum; verùm hinc non sequitur incrementum ponderis, quod lucrantur corpora igni commissa, vel in foco caustici speculi calcinata, oriri à partibus luminis intrusis & incarceratis in intimâ corporum compage: verisimilius est illud incrementum pendere à crassioribus partibus vel corporum accensorum, vel effluviolorum terræ.

Non negamus tamen luminis partes includi posse in intimâ corporum compage, & in his irretiri per debitum temporis spatium; etenim constat experientiâ, luminis partes reconditas in phosphoris cum urinâ confectis, in ipsis irretiri quamdiu immersti sunt aquis, & hâc de causâ ipsos multò diutius virtute lucendi gaudere. In aliis phosphoris irretiuntur luminis partes à gossypio eos involvente; undè sequitur luminis partes, ut tenuissimæ, irretiri posse in corporibus ab aliis corporibus obstantibus earum

32 DE PRIMIGENIIS CORPORIBUS
effugio. A pari nonnullæ partes intimæ corporum
compagis poterunt suâ structurâ, vel connexionem,
ita irretire partes luminis, ut nonnisi minori co-
piâ effluent.

Si igitur quantitas partium luminis, seu ignis, sin-
gulo temporis puncto effluentium, sit minima; &
si aliundè luminis partes quæ fuerunt affatim pro-
trusæ in corpora, nonnisi per vices, & interposito
debito temporis curriculo, diffugiant, tunc debita
partium luminis quantitas remanebit recondita &
irretita in corporibus per justum temporis spatium.
Verùm illa partium luminis quantitas levius consti-
tuet pondus, quàm ut sub sensum cadat & perci-
pi possit.

ARTICULUS SEPTIMUS.

*De præcipuis Phænomenis quæ procreantur
ab actione materiæ luminis in corpora.*

PARAGRAPHUS PRIMUS.

De Rarefactione.

RAREFACTIONIS vocabulo subicitur no-
tio incrementi molis corporum quæ fit absque
ullius partis materiæ additione; attamen usus in-
valuit ut *Rarefactionis* vocabulo ea duntaxat indi-
caretur molis corporum accretio, quæ fit ignis ope
secundum omnes dimensiones, id est, in longum, la-
tum & profundum. Etenim licet spongiæ moles se-
cundum

cundum omnes dimensiones, augeatur ab aquâ affusâ; attamen ipsius incrementum non secum aufert intellectum *Rarefactionis*, quia non absolvitur igne, & illius incrementum vocatur *intumescencia*, seu *intumesc. Etio*. Eâdem de causâ dicimus vesicam aëre inflatam, intumescere: ubi verò corpora crescunt tantum longitudine, latitudine aut soliditate, illa dicuntur extendi aut crassiora fieri.

Quamdiu rarefactorum corporum partes sese mutuo contingunt & secum adhærent, tamdiu amplificatio eorum molis vocari debet *Rarefactio*. Verum, ubi omnes vel quamplurimæ eorum partes non sese contingunt secundum illas superficies, ita ut inter illas pateant interstitia, seu debita spatia, tunc amplificatio eorum molis *Expansionis* nomen audit; sic, v. g. diximus fluidum, in spumam actum, esse rarefactum; idem verò, in vaporem seu fumum conversum, dicimus expansum.

Innumeris constat experimentis, luminis materiam rarefacere omnia in quæ irruit corpora. Etenim oculis videmus fluida in Thermometrorum tubis inclusa rarefieri, statim atque in ipsa irruit major radiorum Solis copia, aut statim atque illi majori cum impetu in hæc irruunt. Etenim illa fluida majus occupant spatium, siquidem altiùs ascendant in tubos, & majorem ipsorum partem adimpleant: prætereà radii solares debitâ copiâ vel impetu irruentes in aquam, valent eam in vapores expandere. Duriora & solidiora corpora, quorum partes firmiùs secum cohærent, rarefiunt, & expanduntur ab impingente luminis materiâ, ut constat experimentis institutis cum Pyrometro; illa enim certiores nos faciunt, corpora à minimo quidem caloris gradu affici non posse, quin statim rarefiant,

34 DE PRIMIGENIIS CORPORIBUS
& debitam dari proportionem, seu relationem, inter diversos caloris & rarefactionis gradus.

Nunc exponamus artem quâ luminis materia rarefacit corpora. Dissentiunt enim inter se Physici de causâ *Rarefactionis*. Nonnulli enim asseruerunt corporum rarefactionem pendere & oriri à rarefactione aëris in eorum intima compage reconditi; verum, primus patefecit ill. D. de Reaumur, alkohol vini diligenter aëre spoliatum & in Thermometris inclusum, æquali progressu fursùm tolli minori incremento caloris atmosphæræ, ac alkohol vini fartum aëre: quo rectè colligitur corporum rarefactionem ab aëris rarefactione minimè fieri; si enim ab aëre absolveretur, fluida omni aëre spoliata lentius incederent, neque pari caloris gradu ad æqualem eveherentur excelsitudinem ad quam assurgunt fluida aëre luxuriantia. Hoc igitur & quamplurimis aliis experimentis (quæ referemus, ubi agemus de aëris Rarefactione) constat, corporum absolvi rarefactionem absque aëris auxilio, & solâ vi, seu solo impulsu partium materiæ luminis.

Ut autem dilucidè percipiant animo Tirones Physici mechanicam quâ luminis partes rarefaciunt corpora, ipsi mente fingant cubum ligneum pedalem, resectum in partes cubicas semi-lineam longas: supponant omnes illas partes reponi in eodem situ in quo erant ante hujus cubi divisionem: supponant prætereà fluidum tenuissimum, v. g. aquam, pelli (justâ virium quantitate) in illum cubum, tunc animo percipient aqueas partes subrepere & subire debere omnes rimas, seu insensilia interstitia quæ singulas cubi lignei partes discriminant: ubi illa interstitia strictiora sunt, quàm ut

facilem præbeant transitum omnibus aquæ partibus impulsis, illæ ratione suæ multitudinis & sui motûs, vim inferunt parietibus illorum interstitiorum, id est, in partes sejunctas cubi lignei: si igitur vis aquæ affluentis superat vim gravitatis, vel aliam quamcumque vim, quâ illæ partes tenentur in eodem situ in quo fuerunt positæ, tunc illæ partes quoquò versùs removebuntur à viribus aquæ affluentis; id est, illæ partes pellentur seorsùm, deorsùm, antroorsùm, retrorsùm, dextroorsùm & sinistroorsùm; proindeque tota moles lignei cubi in omnem partem, & secundùm omnes dimensiones ampliabitur ab aquâ affluente; & sic cubus ligneus majus occupabit spàtium.

Ubi rimæ, seu interstitia discriminantia cubi lignei partes, & singula segmina ita erunt à se invicem remota, ut facilem viam præbeant omnibus partibus aqueis affluentibus; tunc aqua nullam, aut minimam vim faciet in omnes illas rimas, nec cubi lignei segmina removebit.

Verùm, si (quâcumque de causâ) aqua rursùs affluat majori copiâ in ligneum cubum, ita ut omnis aqua affluens transire non possit per illa interstitia, tunc hæc aqua vim rursùs inferet parietibus interstitiorum, id est, partibus sejunctis, & longiùs eas à se invicem removebit, donec ita pateant interstitia, ut tota affluentis aquæ copia per hæc facile transire possit.

Simili prorsùs mechanicâ materia luminis absolvit corporum rarefactionem.

Ubi enim pori, seu interstitia corporum, facilem viam præbebunt omnibus partibus luminis affluentibus; vel ubi vis, seu impulsus (quo luminis materia impingit in latera) non superabit vim quâ

solidæ illorum corporum partes sibi invicem cohærent & nectuntur, tunc illæ partes nec à suo situ, nec à mutuâ cohæsione dimovebuntur; proindeque materia luminis non dilatabit, nec extendet poros corporum, nec ampliabit illorum molem, id est, non rarefaciet illa corpora, & illa in suo situ naturali remanebunt.

Verùm, si (quâcumque de causâ) materia luminis affluat majori copiâ, quàm ut per interstitia facilè transire possit, tunc à se invicem removebit solidas illorum corporum partes, extendet interstitia, & corporum molem ampliabit, id est, corpora rarefaciet; & erit eorum *rarefactio*, seu expansio, major vel minor, prout major vel minor erit copia materiæ luminis affluentis; vel prout vis, seu impulsus, erit validior vel debilior; vel tandem prout partes quibus coalescunt corpora, firmius vel remissiùs sibi invicem adhærebunt.

Etenim experienciâ constat, quòd omnia corpora non consequuntur eundem *rarefactionis* gradum ab eodem caloris gradu; plurima enim corpora, v. g. aër, & alia tenuiora fluida, minimo caloris gradu plurimùm ad sensum rarefiunt, dum è contrâ vix possumus cognoscere rarefactionem quam consequuntur alia corpora ab eodem caloris gradu.

Rarefactio corporum non pendet à solis viribus materiæ luminis irruentis in corpora. Eorum rarefactio plurimùm adaugetur à viribus partium luminis in his reconditarum, vel pervadentium eorum intimam compagem. Nam ubi luminis materia protruditur in corpora (copiâ solito majori) illam vim infert, & motu agit alias partes luminis in hujus corporis intimâ compage quiescentes, aut se-

gniùs eam percurrentes. Cùm verò materia luminis plurimùm expandi valeat, ut dicemus, illa quæ quiescebat in suis recessibus, vel quæ segniùs fluebat, majori vi acta expanditur, & vim infert partibus conſtruentibus tramites quos lentè permeabat, vel recessus in quibus hospitabatur. Hâc arte luminis materia, quæ latet in intimâ corporum compage, adauget rarefactionem quam materia luminis irruens priùs inchoaverat.

Hâc ſimplici mechanicâ ſolâ, luminis materia corporum abſolvit rarefactionem, abſque aëris auxilio, ut diximus.

PARAGRAPHUS SECUNDUS.

Materia luminis flexilia facit quamplurima corpora dura, & è contrâ valet indurare plurima corpora mollia & liquida.

QUA arte luminis materia rarefacit & expandit corpora, eâdem flexilia facit ea quæ indolente natali ſunt dura? Corporum enim durities oritur à firmitate quâ eorum partes ſefe ſuffulciunt: ubi enim illorum partes ſefe tangunt ſecundùm majores ſuperficies, minoraque inter ſe relinquunt interſtitia, tunc illæ, nonniſi majoribus viribus, à ſe invicem ſejungi poſſunt, nec poſſunt adigi per interſtitia adjacentia. Proindeque conſtituunt corpus durum, id eſt, corpus, cujus partes, nonniſi majoribus viribus, comprimì aut ſejungi poſſunt.

Verùm, ubi materia luminis debitâ copiâ, debitoque cum impetu impegit in hæc corpora, & ſubiit eorum interſtitia, removel à ſe invicem

partes quæ sese suffulciebant; proindeque illæ possunt postea vel ad se rursus admoveri, quotiescumque vis eas premens, erit major vi materiæ luminis eas removentis.

Præterea illæ partes remotæ intromitti & adigi poterunt in interstitia ampliata, proindeque corporum durorum partes minori vi comprimi poterunt, vel eorum partes minori vi à se invicem sejungungi poterunt, statim atque luminis materia à se invicem removit partes quæ prius immediato contactu, & secundum magnas superficies, sese tangebant & sese suffulciebant.

Contrà verò, nonnulla corpora mollia fiunt, affluxu materiæ luminis; duriora, ubi eorum mollieties pendet à partibus heterogeneis permixtis, quæ obstant quominus diversæ partes quibus coalescunt, immediato contactu sese contingant secundum magnas superficies, ac sese firmius fulciant; affluens enim luminis materia discutit partes heterogeneas, minori vi adhærentes aliis partibus; illis verò discussis, partes homogeneæ, vel illæ quæ sese contingere possunt secundum magnas superficies, ad sese invicem pelluntur ab aëre, vel alio fluido circumfuso: & tunc illæ partes firmius sese suffulciantes, solidius vel durius constituunt corpus: hanc arte gypsum, quod cum aquâ permixtum, constituit corpus molle, fit corpus durum, ubi discussa fuit debita quantitas partium aquearum. Eadem arte plurima indurantur corpora, cum in intimâ telluris compage, tum in ipsius superficie.



PARAGRAPHUS TERTIUS.

Materia luminis potest imminuere & extinguere elaterium natale plurimorum corporum, & vim elasticam adventitiam impertire plurimis corporibus quæ indole natali nullo donabantur elaterio.

MATERIA luminis imminuit elaterium natale corporum, consimili arte quâ ea rarefacit; quod ut animo percipiant Tirones Physici, meminisse juvabit nos dixisse,

1°. Corporum elaterium nil aliud esse quàm vim restituentem in primum statum partes corporum quæ fuerunt compressæ & depressæ.

2° In memoriam revocare debent, hanc vim oriri à fluido tenuiori permeante trameses intimæ corporum compagis, & vim inferente lateribus tramesum, statim atque coarctantur & coangustantur à partibus compressis vel depressis.

3°. Tandem recordentur fluidum permeans trameses intimæ corporum compagis, nullam vim inferre partibus depressis, ubi plura patent spiracula quibus effugere possit; hisque de causis corpora mollia nullo gaudere elaterio.

His in memoriam revocatis, attendamus luminis materiam irruere non posse in corpora, quin à sese invicem removeat eorum partes, ac proindè quin distendat spiracula quibus tenue fluidum permeans intimam eorum compagem, potest effugere.

Præterea recordemur luminis materiam novas aperire vias.

His perpensis, palam fit quòd licèt partes cor-

porum elasticorum deprimantur in interstitia adjacentia, ac proindè præcludant viam tenuioribus fluidis quæ hæc percurrunt; attamen quòd illa fluida nullam aut minorem vim inferent partibus depressis, vel eò quòd dilatata fuerunt primigenia spiracula, vel eò quòd reſeratae fuerunt novæ viæ à materiâ luminis.

His enim expeditè poſſunt effugere fluida quibus præcluſæ fuerunt viæ. Hinc colligere eſt quòd fluida permeantia corporum intimam compagem, non repellent eorum partes depreſſas, vel quòd minori vi in eas irruent, ſtatim atque materia luminis nova fecit ſpiracula; vel ubi ampliora fecit illa quibus corpora erant prædita.

E contrà verò, luminis materia irruens in corpora nullo natali elaterio prædita, poterit adventitiam vim elasticam ipsis impertire, ea rarefaciendo. Etenim conſtat aquam & plurima alia fluida nullo natali elaterio gaudere, ſiquidem illa nullâ vi comprimi poſſunt, & in anguſtius ſpatium cogi; attamen innumeris conſtat experimentis, plurima fluida & aquam rarefactam, ſeu in vaporem expanſam, ingenti gaudere vi elatiſcâ, & ipſius elaterium non oriri ab aëre permixto & recondito in aquâ, ut diximus; proindeque conſtat luminis materiam irruentem in corpora elaterio orbata, vim elasticam ipsis impertire. Ars, ſeu induſtria, quâ illa materia vim elasticam impertit illis corporibus fluidis, eadem eſt ac illa quâ rarefacit ac flexilia facit corpora, debità ſejungendo & à ſe invicem removendo ſolidas partes quibus conſtantur: ubi enim illæ partes fuerunt à ſe invicem ſejunctæ & remotæ à luminis materiâ jugiter affluente, illæ remanent, ſeu tenentur ſegregatæ & ſejunctæ à ſolâ vi quâ luminis materia reniti-

tur pressioni fluidorum circumfusorum. His positis, palam fit partes sejunctas commoraturas semper in eodem situ & loco, quamdiu vis luminis materiæ major erit vi fluidorum circumfusorum. Verum, si major fiat vis exterius comprimens, ita ut superet vim quâ luminis materia à se invicem removet partes fluidi, illicò illæ partes sejunctæ rursus ad se pel-
lentur & admovebuntur à vi exterius eas comprimente. Si verò debilior sit vis comprimens, vel si potentior vis materiæ luminis, tunc illa repellet partes admotas vel depressas, & eas restituet in primum statum; proindeque fluida & ipsamet aqua vi elasticâ gaudebunt, quamdiu erunt rarefacta & expansa à luminis materiâ, quamvis illorum corporum partes non polleant elaterio.

Tandem si defectus elaterii corporis oriatur à permixtione partium ipsi heterogenearum, quæ ipsum molle efficiunt, luminis materia ipsum faciet elasticum, discutiendo partes heterogeneas; tunc enim omnes ipsius partes firmius secum connectuntur, strictiora fiunt interstitia discriminantia singulas corporis partes, nec procreantur nova spiracula, dum ipsius partes deprimuntur; proindeque fluida tenuissima pervadentia corporis compagem, non poterunt debitâ copiâ diffugere, & illa vim inferrent depressis partibus, ac eas restituant in primum statum.

Ex his sequitur luminis materiam vim elasticam impertire posse illis corporibus quæ, suâ naturâ, nullo pollent elaterio.



PARAGRAPHUS QUARTUS.

Ipsamet luminis materia, quæ in intimâ corporum compage reconditur ac hospitatur, ipsorum est consumptor, & eorum absolvit cremationem.

NEMINI mirum videri potest ea igne consumi corpora quæ in fornace concluduntur, vel quæ mediis flammis committuntur. Etenim cum tunc nova continuò partium ignearum multitudo ruat in illa corpora, nemo non percipit perenni affluxu partium ignearum corpora comburi, id est, eorum partes disjungi, tenuiores in auras propelli, & longè dispergi, his tantùm remanentibus, quæ, præ suâ gravitate, fursùm ferri minimè possunt.

Prætereà, nullus dubitabit crassiorum partium naturam immutari ab impetu igneæ materiæ, vel quoniam plurimæ sejunguntur, quæ priùs arctè cohærebant; vel quia plures partes heterogeneæ, priùs sejunctæ, conjunguntur; vel tandem quia irruens luminis materia novas sibi parat vias, vel terebrando novos poros, vel plurimùm amplificando illos quibus illa corpora erant priùs ornata.

At omnes Tirões Physici non dilucidè percipient quâ ratione exigua scintilla delapsa in nonnulla corpora, ingentem flammam & incendia excitet, vel quâ de causâ corpora accensa, remoto igne extraneo supposito, deflagrare pergant, donec planè consumantur; nam cum plurimis constet experimentis igneas partes ex accensis corporibus continuò effluere, confectarium est igneas scintillas in aliquod corpus delapsas, celeriter & longè ab eo

repelli debere; proindeque eas absolvere non posse deflagrationem inchoatam.

Ad causam combustionis corporum dilucidius percipiendam, meminisse juvabit nos patefecisse magnam materiæ luminis copiam in intimâ corporum compage recondi. His in memoriam revocatis, dilucidè percipiemus luminosas, seu igneas partes in poris, seu recessibus primæ lamellæ, seu superficie corporum delitescentes, motu agi & evolvi ab igneâ scintillâ delapsâ. Partes enim igneæ, quibus illa coalescit, hinc indè feruntur in obvios poros, seu recessus. Tunc luminis partes in his poris quietè hospitantes & torpidæ, motu aguntur, fuscitantur & in libertatem vindicantur. Earum plures truduntur, ut dicemus, in poros secundæ lamellæ; sicque motu agunt & evolvunt igneas partes in ipsius poris inclusas; & hâc arte per vices motu aguntur omnes igneæ partes in intimâ corporum compage reconditæ; quod quidem plurimis & vulgaribus patet experimentis.

Etenim conjiciamus oculos in igniaria, oculis videbimus ea corpora primò ignescere in illo puncto, in quo delapsa est scintilla: mox vicinas partes igne corripit, omnesque alternatim ignescere eo ordine, ut quæ primò ignescunt, proximæ accendant. His verò corporibus igne penitus absumptis, jam non ampliùs ignescunt, nec ignem concipiunt, etiamsi innumeræ scintillæ in hæc irruant, & pelantur.

Ubi corporum igniariorum debita pars absumpta fuit ab igneâ scintillâ, observare est, ignem grassari & serpere in viciniore partes. Si verò tunc extinguimus ignem, & postea propellimus novas igneas scintillas, tum in partes consumptas

igne, tum in proximas à quibus ignis abstinuit, observabimus partes quas ignis depopulatus est, nullo igne corripì: illas verò quæ vim ignis non sunt expertæ, subito excandescere. Videbimus prætereà ignem suscitatum serpere & grassari versùs omnes partes quæ non fuerunt ignitæ. Verùm, ubi accedet ignis ad eas quas antè corrumpit, tunc non grassabitur, nullaque in his partibus micabit ignea scintilla.

Si acicula transversim infigatur per tæniolas quæ minori scintillâ ignescunt, & quæ in integrum comburuntur, ubi fuerunt igne corruptæ, observabimus ignem restingui, cùm ad aciculam pervenit, illâ obstante quominùs evolutæ & motu actæ partes igneæ, possint proximas evolvere, & eas in motum concitare.

Comburuntur igitur & cremantur corpora à minimâ scintillâ igneâ, eò quòd illa motu agit & evolvit igneas partes reconditas iis in locis in quæ cecidit. Verùm, cùm plures earum quæ fuerant evolutæ & motu actæ ab igneâ scintillâ, pellantur in intimam corporum compagem, & obvios subeant porulos, illæ motu agunt reconditas igneas partes in his porulis delitescentes; sicque per vices evolvuntur omnes partes in corporum sinu reconditæ, nisi obstant vel parietes pororum in quibus illæ includuntur, vel alia corpora interposita.

Comburuntur & cremantur etiam corpora à solis partibus in eorum intimâ compage delitescentibus, absque ullius ignis extranei auxilio, modò illæ motu agantur. Etenim, si duo corpora lignea frigida simul vi collidantur, observabimus primò ea his in locis incallescere, in quibus fit tritus; deindè, in iisdem scintillas micare, & postea ignescere, & sæ-

piùs inflammari : etenim tritu commoventur solidæ corporum partes ; & illæ commotæ , motu agunt & evolvunt partes igneas torpidas , & ignavè delitescentes in propinquieribus recessibus ; illæ verò evolutæ , ac in libertatem vindicatæ , disjungunt crassiores corporum partes , ignem , flammæque procreant , & integram absolvunt cremationem corporum , in quibus ignavè priùs delitescabant.

His perspicuum fit igneas partes reconditas in intimâ corporum compage , eorum peragere cremationem , statim ac evolvuntur. Nunc indagandum venit , quâ de causâ omnes partes evolutæ non effugiant , nec in auras diffundantur , & è contrâ , plurimæ vi trudentur in intimam corporum compagem.

PARAGRAPHUS QUINTUS.

Evolutio materiæ luminis in corporibus accensis reconditæ , per vices absolvitur ab aëris incumbentis renixu & elaterio.

DIXIMUS articulo superiori , corpora comburi ab evolutione continuâ materiæ luminis in eorum sinu reconditæ. Patefaciendum igitur Tironibus Physicis artem , quâ fit ut partes igneæ superficie corporis motu actæ , valeant agere & evolvere partes igneas in intimâ corporum compage delitescentes ; nam experimentis constat igneas partes jugiter affluere è corporibus accensis aut calidis ; si enim phiala repleta aquâ calidâ immergatur vasi aquâ frigidâ pleno , oculis videmus aquam circumfusam per undas concentricas repelli. Si Thermos-

copium immergatur aquæ frigidæ ad debitam distantiam phialæ, quæ complectitur aquam calidam, liquor Thermoscopii sublimia petit, & rarefit, prout undæ concentricæ majori copiâ ad illud accedunt. His patet experimentis igneas partes effluere ex aquâ calidâ, & longiùs per aquam frigidam diffundi. Constat aliundè pluribus experimentis, calida aut accensa corpora calefacere alia corpora longiùs distantia : illa verò non possunt calefieri, quin in ipsa irruant igneæ partes effluentes ex accensis corporibus ; proindeque constat igneas partes evolutas jugiter effugere è corporibus accensis aut calidis. At, si partes igneæ jugiter effugiunt ex illis corporibus, illæ non possunt evolvere alias partes in intimis porulis hospitantes ; nam, etiamsi, v. g. ignea scintilla in sulphureum corpus protrusa, evolvat nonnullas partes igneas hospitantes in porulis superficiei hujus corporis, attamen illæ non poterunt evolvere postea partes igneas in porulis secundæ lamellæ, aut in intimâ compage hujus corporis delitescentes, eò quòd effugiunt è poris superficiei.

Præterea partes solidæ, seu parietes horum porulorum, obstare possunt quominùs igneæ partes primum evolutæ, vim & motum inferant igneis partibus reconditis. Tandem, cùm viæ quæ in diversos porulos ducunt, sint maximè flexuosæ, partes igneæ incurrunt necessariò in solidas corporum partes quibus repelli poterunt.

Ex his igitur colligere possent Tirones Physici, quòd partes igneæ evolutæ non possent motu agere & evolvere partes igneas, abstrusas in intimâ corporum compage.

Ad dilucidandam hujus phœnomeni causam, attendamus igneas partes non posse è corporibus ef-

fluere, quin prius repulerint aërem proximè circumfusum corporibus è quibus effugere connituntur: constat verò aërem reniti debere earum effugio, & vi suæ gravitatis, & vi sui elaterii, per justum temporis curriculum. At aër non potest reniti effugio partium ignearum, quin eas repellat versùs corpus è quo connituntur effugere, ac proinde quin eas adigat in ipsius intimam compagem, quod vulgari probatur experimento. Si enim intueamur attentè prunam, vel corpus ignitum aëre circumdatum, oculis videbimus tenuem fumum ex hoc erumpentem mox repelli versùs illud corpus, mox verò effugere & repellere circumfusum aërem; ita ut oscillationis motu agantur & aër circumfusus, & fumus erumpens. Constat igitur tenuiores fumos effluentes ex ignitis corporibus, repelli versùs ignitum corpus, ab aëre circumfuso.

Undè sequitur igneas partes in ipsum repelli, antequàm effugiant, siquidem luxurient fumi partibus igneis.

Præstantiora experimenta certiores nos faciunt, aërem reniti effugio partium ignearum è corporibus accensis, aut calidis, & eas versùs illa corpora destrudere.

Etenim, si imponamus tubum flammæ candelæ, & ore vel embolo educamus aërem inclusum, videbimus, 1°. hujus candelæ flammam in longitudinem exporrigi, mox ab ellychnio recedere, & tubi cavum ingredi, ac tandem diffuari;

2°. Plurimas igneas scintillas ex ellychnio erumpere.

Hoc palam fit experimento, flammam, id est, partes igneas cohiberi & retineri circà ellychnium ab aëre circumfuso, siquidem effugiant è quocum-

48 DE PRIMIGENIIS CORPORIBUS
que peripheriæ loco, statim ac eductus fuit aër.

Projiciamus nonnulla pyrii-pulveris grana in ferum candens, inclusum sub excipulo machinæ pneumaticæ aëre vacuo, videbimus omnia illa grana seorsim & sigillatim flammis corripì; neque enim accensi grani flamma accendet vicina, nec erumpentes è pluribus granis flammæ in unam coibunt flammam; contrà verò, si idem instituaturs experimentum in aëre patulo, licebit observare flammam unius grani accendere vicina grana, & omnes flammæ è diversis erumpentes granis, in unam coire & adunari; undè sequitur aërem circumfufum flammæ grani accensi, eam repellere versùs grana propinquiora, & omnes flammæ ex his erumpentes, in unam cogi ab aëre exteriùs circumfuso.

Idem experimur, si pyrii pulveris grana inclusa in vacuo, accendantur ope speculi caustici, nam inflammato grano non accendantur propinquiora grana; contrà verò, illa flammis corripientur in aëre patulo.

Tandem, si includimus in vacuo phialam aquâ fervente plenam, sique alia phiala aquâ fervente plena, stet in aëre patulo, experiemur aquam in vacuo inclusam illicò tepidam fieri, & omnem suum calorem citiùs amittere; contrà verò aquam aëre circumdatam fervere per debitum temporis curriculum, & multò diuturniùs debito caloris gradu gaudere.

His perspicuum fit experimentis, aërem circumfufum repellere versùs ignita aut calida corpora, partes igneas connitentes ex ipsis effugere: at partes igneæ non possunt ab aëre repelli versùs ignita aut calida corpora, antequàm ex ipsis effugiant, quin plures adigantur in porulos adjacentes, & vim

ac motum inferant igneis partibus delitescentibus in illis porulis; illæ verò motu actæ & evolutæ, re-
percutiuntur, etiam ab aëre, antequàm effugiant,
& pelluntur in porulos propinquiores, in quibus la-
tent aliæ partes igneæ, quæ motu etiam aguntur ab
illis quæ in ipsas irruerunt: hâc arte per vices, &
continuâ serie, motu aguntur & evolvuntur omnes
igneæ partes quæ in intimâ corporum compage de-
litescent, sicque peragitur integra corporum defla-
gratio.

Plurima testantur experimenta hâc arte perâgi
integram evolutionem partium ignearum in corpo-
ribus reconditarum, ac absolvi integram deflagra-
tionem corporum; etenim, quâque videmus horâ,
aërem motu actum, id est, ventum ignem pereun-
tem suscitare, dum repellit igneas partes in ignita
corpora; & è contrâ, eundem aërem ignem &
flammas restinguere, ubi removet igneas partes ab
ignito corpore; v. g. si leviori oris flatu paululùm
tantùm removemus flammam candelæ ab ejus elly-
chnio, extinguetur citiùs; si verò hanc repellimus
flammam in ellychnium, antequàm fuerit extincta,
vel si repellimus in ellychnium igneas partes ex ipso
effugientes, illud rursùs flammâ corripietur.

Si, sufflaminatâ candelæ flammâ, velociùs cande-
lam fursùm tollimus (dum ardet ellychnium,) vide-
mus illud rursùs flammis corripì; nam cùm aër ma-
jori vi impingat in ellychnium, (dum velocissimè
fursùm tollitur candela) ille repellit in ellychnium
majorem copiam ignearum partium ex ipso effluen-
tium, tuncque suscitatur flammâ.

Si vehemens ventus irruit in facem, ita ut flam-
mam ab eâ removeat, flamma extinguitur; si verò
citiùs & subitò invertatur illa fax, ita ut ventus adi-

30 DE PRIMIGENIIS CORPORIBUS
gat in ardens ellychnium igneas partes effugere
connitentes, tunc rursus fuscitabitur flamma.

Dum ignis micat in nonnullis tantum locis carbonum, tunc si ore vel folle ita conflemus in illa puncta ignita, ut ex illis emanantes igneae partes in ipsa repellantur, videbimus haec puncta sensim ampliari, ignemque grassari, donec carbones ex omni parte candescant.

His & quamplurimis aliis patet experimentis, ignem pereuntem redintegrari, & flammam extinctam renovari, cum aer obstat effugio partium ignearum, vel cum eas repellit versus ignita aut calida corpora. At si aer irruens in ignitum corpus valet, (repellendo igneas partes versus illud corpus) ignem pereuntem fuscitare, quidni aer, accensis aut ignitis incumbens corporibus, valeret suo pondere, suisque vibrationibus ignem fovere, siquidem valeat suo pondere, suoque elaterio, folliis vices adimplere, & repellere versus ignitum corpus partes igneas evolutas, antequam potuerint superare ipsius vires, & in auras diffundi?

Jure igitur ac merito possumus asserere partes igneas delitescentes in intimâ corporum compage, per vices evolvi ab ipsismet partibus igneis, quae in ipsas pelluntur ab aëre circumfuso.

Hinc sequitur 1°. aërem fovere ignem & peragere integram corporum deflagrationem, quatenus renititur partium ignearum effugio, & quatenus eas repellit versus ignita corpora.

2°. Ignem citius extinguere in vacuo, eò quod aer non renititur partium ignearum effluvio; unde fit ut illae in auras diffundantur & dissidentur, prout evolvuntur. Etenim cum nullae aut pauciores partes igneae repellantur in ignita corpora, illae quae

delitescunt & latent in intimâ corporum compage, non evolvuntur, proindè desinit, seu diffatur ignis. Non debemus igitur assentiri Physicis qui asserunt aërem esse *pabulum ignis*. Illud vocabulum inane est, nullamque procreat notionem mechanices quâ aer fovet & suscitatur ignem. Potiori jure nuncupari potest aer ignis *suscitabulum*, seu *suscitator*.

ARTICULUS OCTAVUS.

De viribus quibus agitur erumpens è corporibus luminis Materia, & de expansione quæ gaudet Materia luminis ubi è corporibus effluxit.

PARAGRAPHUS PRIMUS.

DIXIMUS corporum intimam compagem scaterere luminis partibus, easque per vices evolvi renixu aëris eas repellentis in corpus ignitum è quo effluere connituntur. Verùm, cum constet partes igneas effluere & diffundi, licet fuerint prius repulsæ, perspectum est eas trudi viribus validioribus his quibus aer obnititur earum effluxui, id est, vires quibus expelluntur igneæ partes ex ignitis corporibus, majores esse viribus elaterii & gravitatis aëris incumbentis; proindeque, si columna aëris, cujus basis quadrata, pollex longa, adæquat pondus viginti & unius libræ, vis ignearum partium erumpentium è superficie primæ lamellæ quadratæ, cujus latus est pollex longum, major est vi ponderis viginti & unius libræ, & ampliùs, siquidem aer renitatur, etiam suo elaterio, partium ignearum effluxui.

D ij

Docent adhuc quamplurima experimenta, vires quibus gaudent igneæ partes ex ignitis erumpentes corporibus, multò majores esse viribus aëris incumbentis; nam non solùm removent aërem, sed etiam excelsius pellunt crassiores & graviores accensorum corporum partes, sub fumi specie.

Ad accuratiorem assequendam cognitionem ingentium virium, quibus gaudent igneæ partes ex ignitis erumpentes corporibus, conjiciamus oculos in machinam Londinensem, quæ immensam aquæ molem evehit ad centum & viginti pedes; constat enim molem aqueam fursùm tolli à viribus ignearum partium erumpentium ex ignitis corporibus positis sub æneo tubo. Ita scilicet fabrefacta est ea Londinensis machina, ut per expansos ebullientis aquæ vapores attollatur ponderosissimus embolus, sicque per refractas directiones in aquam adductus, eam premat, cogatque in anthliam ascendere, quam rursùs trahit, atque altiùs evehit cum proprio pondere, & evanescentibus per affusum frigidæ, aquæ expansæ vaporibus, rursùs retrahitur.

Confitemur equidem quòd igneæ partes non repellerent embolum hujus machinæ, nisi debita quantitas aquæ frigidæ per vices affunderetur æneo tubo, & postea expanderetur. Verùm attendamus hujus aquæ rarefactionem & expansionem non pendere ab aëre in hâc delitescente, siquidem fluida aëre spoliata, & in vacuo inclusa, æqualiter rarefiant, ac fluida aëre scatentia, & sæpiùs magis expandantur.

Constat igitur expansionem aquæ frigidæ affusæ in tubum machinæ Londinensis, absolvi ab igneis partibus vim inferentibus & removentibus à se invicem aqueas partes, & quòd aqua frigida affusa in æneum tubum, & compressa ab embolo gravissimo,

non posset expandi ab igneis partibus, nisi illarum vires superarent vires gravitatis emboli, &c. proindeque constat sublationem immensæ molis aqueæ ad ingentem excelsitudinem, absolvi à viribus quibus igneæ partes erumpentes ex igne supposito, agunt in aquam interpositam embolum & locum in quo ardet ignis.

Quærent Tirones Physici cur igneæ partes non possent embolum repellere, nisi partes aqueæ interjacerent ignem & embolum? Hujus phœnomeni causam perspectam habebunt, modò attendant igneas partes tantæ exilitatis esse, ut citiùs & expeditè pervadant poros corporum, ut patet experimentis; proindeque constat eas effluxuras per poros emboli & ænei tubi, minori vi illatâ embolo, quàm ut fursùm propellatur.

Verùm, ubi aqua affusa fuit inter embolum & ignem, tunc partes igneæ irruunt primò in aqueas partes, & eas rarefaciunt, ac eas pellunt in embolum. Cùm verò illæ non possint (præ suâ crassitie) pervadere poros emboli in quos protruduntur, illæ eos adimplent & obturant, ac proindè præcludunt poros, seu effugia quibus effluerent igneæ partes, nisi essent occupata ab aqueis partibus.

At, ubi illi pori aut eorum quamplurimi, occupantur ab aqueis partibus, omnes igneæ partes quæ per hos poros effugere potuissent, irruunt in embolum, multoque majori vi eum pellunt, undè fursùm tollitur ab iisdem igneis partibus quibus non potuisset motu agi, si potuissent effugere per ipsius poros, & per poros ænei tubi.

Ne tamen opinentur Tirones Physici hoc responsum merum esse figmentum, illud experimentis firmabimus.

54 DE PRIMIGENIIS CORPORIBUS

III. D. Parent imposuit prunis phialam vitream aëre, & alio omni corpore vacuum, & observavit illam fatiscere & dehiscere in nonnullis tantum locis: postea affudit aquæ guttulam in æquali phialâ vitreâ, & eam prunis imposuit, postquam aër ex ipsâ fuit eductus; tunc expertus est,

1°. Caliginem exoriri in cavo phialæ;

2°. Ipsius pelluciditatem hebetari;

3°. Tandem illam phialam in millena desilire frustula cum explosione: etiamsi centies instituerit illud experimentum, eadem semper fuerunt procreata phænomena, nunquamque vidit phialam explodere, quin prius suam amiserit pelluciditatem.

Attento perpendamus animo illud experimentum, & exploratum habebimus,

1°. Caliginem procreari in phialæ cavo à rarefactione, seu expansione partium guttulæ aqueæ;

2°. Phialæ pelluciditatem hebetari ab iisdem partibus aqueis expansis, & internam phialæ superficiem obtegentibus, ac occupantibus plurimos poros, per quos luminis partes transibant in phialæ cavum, & ex ipso egrediebantur.

At, si partes aqueæ valent adeò induere superficiem internam phialæ, & adeò obturare poros phialæ, ut luminis partes non possint, solitâ copiâ, & expeditè eos pervadere, constat easdem partes aqueas impedituras (eâdem de causâ) quominus igneæ partes, magnâ vi protrusæ ab igne supposito in phialæ cavum, possint ex ipso effugere eâdem quantitate quâ effluebant, antequàm illi pori fuissent obtekti ab aqueis partibus expansis. Quamplurimæ igitur igneæ partes in phialæ cavum protrusæ, non poterunt effugere. Verùm, cùm illæ debitis agantur viribus, & novæ continuò protrudantur in

phialæ cavum ab igne supposito, omnes illæ partes tantis agunt cum viribus in internam phialæ superficiem, ut illam diffringant in millena frustula, cum explosione.

Sequitur igitur ex hoc experimento, partes igneas acturas in corpora quorum superficies obtegatur aqueis partibus expansis, multò majori vi quàm agunt in eadem corpora, ubi eorum superficies non obtegatur aqueo vapore; undè rursùs sequitur igneas partes multò potentiùs pulsuras embolum machinæ Londinensis, ubi ipsius superficies obtegatur aqueo vapore, quàm possunt ipsum trudere, ubi non cooperitur aqueis partibus, cò quòd tunc patent plurimi pori, quibus effugit major partium ignearum quantitas.

Aqueæ partes expansæ, & supervestientes superficies corporum, adaugent effectus partium ignearum irruentium in illa corpora, eadem prorsùs mechanicâ, quâ adaugent effectus aëris seu venti in vela navicularum impingentis, ut jam diximus.

His patet sublationem emboli peragi in machinâ Londinensi ab igneis partibus erumpentibus ex igne supposito; undè sequitur ingentem & incredibilem esse vim partium ignearum erumpentium ex ignitis aut accensis corporibus, ac proindè illas partes igneas portentosos procreaturas effectus, ubi non patebunt viæ, quibus possint citiùs effugere. Hæc notitia plurimùm illustrare poterit non solum causas plurium phœnomenon Physicorum & Chymicorum, sed etiam causas plurium phœnomenon œconomiae animalis.

PARAGRAPHUS SECUNDUS.

*De Expansione quam adipisci potest luminis Materia
quæ è corporibus effluit.*

COGNITIO expansionis quam acquirere potest luminis materia ex ignitis aut calidis corporibus erumpens, non minoris est emolumenti ad illustrationem plurium phænomenon Physicorum & Chymicorum, & ad dilucidandas plurimas functiones corporis animalis, quàm notitia virium quibus illa materia gaudet, dum effluit è corporibus. Ut Tirones Physici possint dilucidiùs animo percipere, quantum expandi possit materia luminis, in eorum revocabimus memoriam, velocitatem quâ effluunt luminis partes è corporibus accensis, majorem esse eâ quâ aguntur globi è sclopetis vel tormentis bellicis explosi; at partes igneæ tantâ cum velocitate è corporibus accensis effluentes, non possent continuam & æqualem flammam semper alere & fovere, nisi mille, & fortasse decem mille partes igneæ per vices erumperent ex accenso corpore, per curriculum tertii minuti; alioquin longiùs abessent igneæ partes quæ primò effluxissent ex ignito corpore, quàm ut subsequentes possent continuam flammam edere, id est, parere novam flammam singulo temporis puncto.

Tirones Physici dilucidiùs percipient plusquam mille partes igneas ex inflammatis erumpere corporibus singulo minuti tertio, modò conjiciant oculos in aquas salientes & in altum trusas, quas vident in hortis; nam evehuntur, ut plurimum, per tertium

minuti curriculum, ad excelsitudinem viginti, triginta, aut quadraginta pedum, & columnam aqueam continuam procreant; at, cum partes illæ exilissimæ sint, non possent longam hanc procreare columnam per curriculum tertii minuti, nisi plusquam mille partes aqueæ erupissent per vices è foraminibus tuborum ferreorum, &c. Undè sequitur plusquam mille partes igneas erumpere posse, singulo tertio minuti, ex accensis corporibus.

Constabit igitur apud Tirones Physicos plusquam mille partes igneas erumpere per vices ex inflammatis corporibus singulo minuti tertio, ad alendam & pariendam flammam continuam.

His cognitis, perscrutemur spatium quod adimplerent igneæ partes, si omnes illæ quæ per vices affluunt per minuti tertium, confestim, & in ipso temporis curriculo erumpebant, & in exemplum ponamus flammam ortam è candelâ adimplentem spatium semi-pollicis quadrati.

Hæc flamma vigere non poterit per tertium minuti, ut diximus, quin mille novæ partes igneæ eruperint per vices è candelâ. Hinc sequitur quòd si omnes partes igneæ (quæ per vices effluunt è candelâ per illud temporis curriculum) affatim & in eodem temporis puncto erupissent; sequitur, inquam, quòd illæ partes igneæ occupavissent spatium millies amplius eo quod implent.

Sed supponamus quòd centum duntaxat partes igneæ erumpunt per vices è candelâ singulo minuti tertio, constabit semper quòd illæ concitarent flammam centies majorem; id est, quòd illæ concitarent flammam quæ adimpleret spatium quinquaginta pollicum quadratorum.

Hinc rursus sequitur (computatione factâ) quòd

58 DE PRIMIGENIIS CORPORIBUS
partes igneæ, quæ per vices effluunt è candelâ,
(ad flammam redintegrandam per horæ spatium)
procrearent flammam quæ occuparet spatium de-
cies centum & octoginta mille pollicum quadrato-
rum, si illæ erupissent in eodem temporis puncto.

Nunc attendamus experienciâ constare,

1°. Unciam duntaxat sebi, ut plurimum, consu-
mi per horæ spatium, & igneas partes quæ hanc
ediderunt flammam, fuisse inclusas in unciâ sebi;

2°. Hujus unciæ minorem esse molem;

3°. Hanc unciam conflari partibus aqueis, ter-
reis, salinis & sulphureis, quæ majorem partem mo-
lis sebaceæ constituunt; ita ut igneæ partes in hâc
unciâ delitescerent, non constituant millesimam,
aut ad majus centesimam ipsius partem.

4°. Animadvertamus quàm minima sit centesima
pars unciæ sebi, & tunc percipiemus quantum ex-
pandi debeant igneæ partes quæ in hâc minimâ mo-
le reconduntur, ut possint adimplere spatium de-
cies centum & octoginta mille pollicum quadrato-
rum. Hoc exemplo poterunt Tirones Physici ani-
mo sibi fingere quantum expandi debeant igneæ
partes, ad tantum spatium adimplendum.

Pro certo igitur habebimus,

1°. Erumpentes ex ignitis corporibus igneas par-
tes ingentibus agi viribus;

2°. Eas velocissimè ex his effugere corporibus;

3°. Ipsas plurimum expandi, statim atque eru-
perunt è corporibus. Quâ autem arte, seu causâ,
igneæ partes tantis agantur viribus, tantâ cum ve-
locitate effugiant è corporibus, & adeò expandan-
tur, dum erumpunt è corporibus ignitis aut calidis,
latet altâ caliginemersum; conjecturis tamen augu-
rari possent fortasse nonnulli, materiam centalem

jugiter & cumulatiùs ingenti cum impetu è terræ vilceribus erumpentem, incurrere in partes igneas extrusas, (quâcumque de causâ) de loculamentis, seu recessibus intimis corporum in quibus delitecebant, & hanc materiam ingentes vires impertire igneis partibus extricatis & evolutis.

Etenim, si materia centralis potest tantis cum viribus impingere in mineralia occurrentia, ut eorum partes sejungant, licèt firmiùs secum nectantur; sique valet has partes crassas, ponderosas, & altiùs terræ sepultas, excelsiùs in auras amandare, & longiùs lateque diffundere, ipsa poterit ingentibus agere cum viribus, & velocissimè pellere igneas partes exilissimas debiliùs secum cohærentes, & ad motum promptas, ac eas plurimùm expandere, statim ac extrusæ fuerunt è loculamentis, seu recessibus intimæ corporum compagis.

PARAGRAPHUS TERTIUS.

Subitanea eruptio totius Materiæ luminis in corporibus reconditæ, causa est explosionis corporum.

INTER phænomena quæ quotidie demirantur Physici, nulla aut pauciora majorem admirationem commovent, quàm quæ ab explodentibus corporibus producuntur. Quis enim non obstupescit, cùm videt validiora dirui munimenta, & diversas moles longè projici, ab exiguâ accensi pulveris pyrii copiâ?

Horum phænomenon causam diligenter investigaverunt Physici. Plures contenderunt hanc oriri ab aëris elaterio, quippe, cùm scirent magnam aë-

ris copiam in omnibus corporibus inesse, huncque compressum vegetiori gaudere elaterio, minimè dubitârunt quin ille aër igne evolutus & expansus, valeret natali suo elaterio erumpere, & hinc indè cum impetu protrudere ac disjicere quod suæ eruptioni & expansioni obstabat; id est, arbitrati sunt omnia phænomena, quæ ab explosione producuntur, absolvi ab aëris elaterio.

Suam firmaverunt opinionem, exemplo sclopetorum pneumaticorum; nam, inquiunt, quemadmodùm aër coactus & conclusus in posticâ parte sclopetorum pneumaticorum vibrat & protrudit majori cum impetu globos plumbeos, statim atque non comprimitur, ita aër in explodentibus corporibus, v. g. in pyrio pulvere inclusus, vibrat, disjicit & dirumpit obvia corpora.

Argumenta & Experimenta quæ impugnant hanc opinionem.

Quamvis hæc opinio verisimilior primâ fronte videatur, attamen plura argumenta & experimenta nos ab assensu cohibent.

Etenim, quisquis accuratiùs scrutabitur laudatum exemplum, is planè intelliget ex eo inferri non posse explosiones ab eâdem perfici causâ: aër enim in sclopetis pneumaticis coactus, non aliter agit in globulos plumbeos (cùm suæ spontis est) ac omnia corpora elastica.

At plurimùm differt explosio ab elaterio. Nam
1°. explosio fit semper cum maximo strepitu & fragore.

2°. Eam concomitatur accensio, deflagratio, & corporis explodentis excidium ac consumptio.

3°. Corpora quæ semel explosæ sunt, jam non possunt rursus explodere.

Contrà verò, 1°. elastica corpora, & præcipuè aër eodem semper gaudet elaterio, etiamsi millies coërceatur, ac postea expandatur. 2°. Nullus, aut minor strepitus, vel fragor excitatur. 3°. Nulla accensio aut deflagratio, nulla intimæ compagis corporis elastici fit immutatio, proindeque plurimum discrepat elaterium ab explosione.

Prætereà constat aërem non posse coactum incarcerari & retineri in posticâ parte sclopeti pneumatîci, nisi vis obturamenti ferrei, quo coërcetur, sit major vi elaterii aëris. At perspicuum est minimam vim, quâ sibi cohærent partes quibus coalescunt pulveris pyrii grana, non posse esse majorem vi elaterii aëris coacti & valentis tam immania procreare phænomena; proindeque constabit aërem tanto pollentem elaterio non posse incarceratum & coactum retineri in intimâ compage granorum pyrii pulveris, & ipsius explosiones non pendere ab aëre in hoc incluso pulvere.

Plura experimenta firmant hanc opinionem; etenim ponantur sub recipiente duæ phialæ, quarum illa includat liquorem, seu spiritum confectum cum nitro ac vitriolo, & altera repleatur oleo Carvi aut Guaiaci, &c. deindè aër educatur sedulò, tùm è recipiente, tùm ex illis fluidis, & postea hæc permisceantur fluida, tunc fermentescunt & explodent, ac in millena frangent frustula amplum recipiens in quo includebantur; cùm verò aër sedulò fuerit exhaustus ex illis liquoribus, consequitur hanc explosionem ab aëre non produci.

Reponent fortasse nonnulli, partes aëreas in his liquoribus inclusas remansisse; verùm attendant par-

tes aëreas irretiri & incarcerari non posse intrâ partes illorum liquorum, aliâ vi quàm vi mutuae earum cohærentiæ (præsertim postquàm aër circumambiens fuit eductus :) at vis elaterii partium aërearum delitescentium intrâ liquorum partes, multò potentior est vi mutuae cohærentiæ partium cujuscunque liquoris ; nam computavit ill. Musschenbroeck (a) quòd moles bullæ, quæ in imo liquorum delitescit, coacta, est ad molem quâ donatur, ubi pertigit ad superficiem liquoris (post aëris educationem,) ut 1 ad 46, 556, 000, 000 ; at supponendo hanc bullam tantam affecutam fuisse molem, seu amplitudinem, elaterio partium aërearum in liquoribus delitescentium, sequitur vim elaterii partium aërearum, esse multò potentiorẽ vi mutuae cohærentiæ partium liquoris ; undè sequitur nullas adeste posse partes aëreas in spiritu nitri & oleo cavi, præsertim postquàm eductus fuit aër incumbens ; hinc rursus sequitur explosiones procreatas ab illorum liquorum permixtione, absolvi non posse ab aëris elaterio.

Experimentum ab ill. D. Parent institutum, & sæpiùs à nobis allatum, confirmationes nos facit in nostrâ sententiâ. Etenim si, ut jam diximus, phiala aëre plena, & solerter obturata, prunis imponatur, illa dehiscet tunc in nonnullis locis, & rimas sine explosione aget. Si verò aquæ vel alterius liquoris gutta affundatur in pari phialâ, & aër postea sedulò ex ipsa educatur, hæcque solerter obturata prunis imponatur, illa cum fragore & strepitu magnâque cum explosione diffringetur, & ipsius frustula longiùs disjicientur : at si phiala aëre plena prunis imposita non explodit, & aliundè eodem ignis gradu magnâ cum explosione diffiliat phiala in quâ nul-

(a) Additam. tentaminib. Philos. Florent.

lus aër, aut saltem exigua ipsius copia superest, legitimè sequitur explosiones peractas in phialis aëre vacuis peragi à solis partibus igneis; vel eò quòd partes aqueæ protrusæ vi ignearum partium, in solidas vitri partes valent, præ suâ majori massâ, eas diffringere, non secùs ac experimur scobem ferri debito pulsam cum impetu, diffringere vitrea corpora, quæ non diffringerentur à tenuioribus corporibus, v. g. à scobe ligni eodem cum impetu trussâ; vel potiùs eò quòd partes aqueæ, vel aliorum liquorum vi ignis expansæ, ita integunt interiores phialarum parietes, ut obturent vel coangustent omnes, vel quamplurimos phialarum poros, seu meatus; tunc enim præcluduntur spiracula quibus partes igneæ jugiter affluentes poterant effugere; his enim præclusis, illæ partes, magno cum impetu irruent in phialæ parietes, & eas in millena fragmenta comminuent cum strepitu & fragore.

Tandem experimentum nobile à Papino institutum, videtur acriter adhuc impugnare opinionem eorum qui contendunt explosiones ex aëre procedere. (a) Intromisit clariss. ille Physicus aërem in amplum recipiens, è quo priùs aërem sedulò eduxerat, & observavit aërem externum eo celeritatis gradu protrudi in illud recipiens, quo in uno minuti secundo percurrere posset spatium mille trecentum quinque pedum; velocitas quæ tunc truditur aër in recipiens, paululùm tantùm major est celeritate motûs soni, ac proindè multò minor est velocitate motûs quo protruduntur globi è tormento bellico; attamen aër protruditur tunc in illud recipiens aëre vacuum, vi gravitatis totius at-

(a) Lege Comprend. Transact. Philosoph. à D. Lowtorp. editum vol. I. pag. 586.

64 DE PRIMIGENIIS CORPORIBUS
mosphæræ, & integrâ vi sui elaterii; rursûs illæ vi-
res eò potentiùs & velociùs pellunt tunc aërem in
recipiens, quòd nulla aut minor vis renititur, si-
quidem recipiens sit aëre vacuum. At, si aër pul-
fus in vacuum, gravitate totius atmosphæræ, & toto
suo elaterio segniùs agitur globo è tormentis belli-
cis exploso, rationi minus esset consentaneum opi-
nari minorem aëris quantitatem reconditam in exi-
guâ pulveris pyrii mole, protrudere globos ferreos
graviores per spatia aëre crassiori repleta, cum ve-
locitate majori eâ quâ ipse aër truditur in spatia aëre
vacua, in quibus nulla aut minor vis renititur ipsius
motui.

Ex omnibus igitur allatis experimentis meritò
colligere possumus corporum explosionem peragi
non posse ab elaterio aëris in corporibus reconditi.

*Argumenta & experimenta quæ videntur indicare
corporum explosionem absolvi à solis viribus
quibus gaudent igneæ partes.*

Cùm verò cognitionem consequi non possent
Physici nisi diversis experimentis, debent semper
sedulò perpendere omnia quæ procreantur phœ-
nomena, dum diversa peraguntur experimenta.
Quamobrem sedulò debemus perpendere phœno-
mena quæ procreantur, dum explodunt corpora.
His enim cognitis, certiolem consequi poterimus
cognitionem causæ explosionum.

Observamus 1°. solida corpora nunquam explo-
dere, quin inflammentur aut accendantur; fluida
verò vel accendi, vel inflammari, vel uberiolem
fumum eructare, vel saltem plurimùm incalescere,
antequàm explodant,

2°. Explosionem fieri in ipso temporis puncto quo accenduntur corpora ;

3°. Integram corporum cremationem , seu ex-
cidium , absolvi in ipso brevissimo temporis arti-
culo quo fit explosio ;

4°. Peraçtâ explosione , nulla remanere indicia
naturæ corporum quæ exploferunt , ita ut pateat
hæc fuisse in integrum consummata & destructa.

5°. Constat nullas remanere partes igneas in ci-
neribus solidorum corporum quæ exploferunt ; hic
enim cinis non potest ignescere , ut omnia corpora
in quibus remanserunt igneæ partes , postquàm fue-
runt accensa.

Ex his sequitur 1°. quòd corpora quæ explodunt,
penitus comburuntur in ipso explosionis puncto ;

2°. Quòd omnes igneæ partes quæ in ipsorum
intimâ compage recondebantur , eruperunt & avo-
laverunt in ipso temporis articulo quo peraçta fuit
explosio.

His cognitis , computemus vires quibus aguntur
igneæ partes , dum paucae per vices erumpunt ex
ignitis corporibus , ad assequendam cognitionem
virium quibus gauderent innumeræ partes igneæ
confestim erumpentes ex ignito corpore. In exem-
plum ponamus prunam cubicam , cujus latus est
pollex.

Constat igneas partes erumpentes è singulâ su-
perficie hujus prunæ , remove ærem huic incum-
bentem. Nunc supponamus vim gravitatis aëris
incumbentis superficiei prunæ , cujus latus est pollex ,
adæquare pondus viginti & unius libræ , & vires
ignearum partium confestim erumpentium ex om-
nibus superficiibus hujus prunæ cubicæ , esse cen-
tum sexaginta & octo librarum ,

66 DE PRIMIGENIIS CORPORIBUS

His cognitis, supponamus quòd summa virium partium ignearum, quæ per vices effluent è prunâ singulo minuti secundo, sit ducentum, sequetur quòd summa virium partium ignearum quæ per vices effluent ex eâdem prunâ per horæ minutum, erit sexagies major, siquidem dentur sexaginta secunda in minuto; proindeque summa virium ignearum partium per vices erumpentium per horæ minutum, erit duodecim mille.

Nunc supponamus fieri (quâcumque de causâ) ut omnes partes igneæ quæ per vices effluebant è prunâ singulo horæ minuto, confestim erumpant in uno minuti secundo, vel debitam pyrii pulveris congeriem recondere in suâ compage quantitatem partium ignearum æqualem illi quæ per vices effluere posset è prunâ per minuti curriculum, constat quòd illarum vires erunt duodecim mille. Si igitur omnes illæ partes confestim, & in eodem temporis puncto, erumpant è pyrio pulvere, statim accenditur, constat quòd tunc illæ partes offendent & impingent in obvia corpora cum viribus æqualibus illis quæ valerent motu agere corpus duodecim mille librarum. Hinc sequitur quòd solæ vires quibus aguntur igneæ partes, dum erumpunt ex ignitis corporibus, poterunt immanes effectus, portentosaque procreare phœnomena, absque aëris auxilio, &c. quoties illæ partes confestim & magnâ copiâ erumpent è corpore in quo recondebantur.

Pluribus patet experimentis, effectus qui sequuntur corporum explosionem, oriri à multitudine partium ignearum quæ confestim erumpunt, siquidem debiliores fiant effectus, quoties igneæ partes non nisi per vices, & interposito temporis spatio, evolvuntur ac erumpunt; etenim si permiscemus cum py-

rio pulvere alkohol vini, vel oleum terebinthinæ, tunc multò debilior erit explosio, & globus qui huic impositus est, multò minori vi pelletur, eò quòd igneæ partes in pyrio pulvere delitescentes, non nisi per vices, & interposito justo temporis spatio, evolvuntur & erumpunt, ut patet experientiâ; nam tunc hujus pulveris deflagratio in longius temporis spatium producitur, licèt illa corpora sint accensione prompta.

Si permiscemus cum pyrio pulvere debitam quantitatem aliorum corporum, quæ non tam citò deflagrant, ut sulphur & scobs ligni, &c. tunc videbimus,

1º. Deflagrationem hujus molis diuturniorem adhuc esse, quàm fuit, ubi spiritus vini fuit permixtus cum pyrio pulvere; & vim, seu impetum hujus molis accensæ & deflagrantis, debiliorem adhuc esse impetu molis coalitæ è pyrio pulvere & spiritu terebinthinæ.

His & quamplurimis aliis experimentis constat, eò debiliorem fieri impetum, seu vim pyriipulveris, quò in longius tempus producitur ipsius deflagratio.

Undè sequitur phœnomena portentosa, quæ procreantur ab illo pulvere ac ab aliis explodentibus corporibus, pendere & oriri à multitudine partium ignearum, quæ simul & in eodem temporis curriculo accenduntur & erumpunt.

Quemadmodum enim luminis partes erumpentes è Sole, & per magnum spatium diffusæ, non nisi levem blandumque calorem excitant, & è contrà protinus accendunt, comburunt & liquefaciunt corpora, si, mediante speculo caustico, magnâ copiâ coguntur in angustius spatium; ita luminis seu igneæ partes minori copiâ, & alternatim erumpen-

tes ex accensis corporibus, blandum duntaxat calorem aut accensionem, vel flammam procreant; & è contrà, explosiones & alia portentosa pariunt phœnomena, ubi confestim & ipso temporis puncto erumpunt.

Idem sit judicium de igneis partibus ac de partibus aqueis. Illæ minori copiâ, & per vices effluentes, debiliores pariunt effectus; & ipsæ portentosa procreant phœnomena, si confestim & maximâ copiâ effluant. Etenim supponamus aggerem retinentem magnam aquæ molem, plurimis tubulis ornari, per quos aqua diffuat in alas rotæ moletrinae, oculis videbimus alas eò velocius versari, quò aqua per plures tubos effluet. Si verò, quâcumque de causâ, confestim multa aqua effluat, v. g. si subito diruatur & subvertatur agger, tunc multitudo partium aquearum confestim erumpentium, tantis aget viribus in moletrinam & alia corpora obvia, ut longius projiciat aut frangat illa corpora; & videbimus moletrinam subverti, arbores eradicari, aliosque portentosos procreari effectus à solis viribus quibus aguntur aqueæ partes: eâdem prorsus de causâ, immanes edunt effectus igneæ partes erumpentes ex illis corporibus, quæ, peculiari suâ structurâ, evomunt in eodem temporis articulo omnes igneas partes quas in suâ compage recondebant.

Quamvis immanis sit summa virium omnium partium quæ confestim erumpunt è corporibus explodentibus, attamen experienciâ constat illas minores effectus procreaturas, si pateant viæ quibus plurimæ possint effugere. Etenim, cum illæ partes sint exilissimæ, mobilissimæ, & minimâ vi sibi cohæreant, illæ seorsim moveri possunt, & fluere, ac, quâ datâ portâ, effugere; proindeque illæ

nullam aut minorem vim inferent obviis corporibus, modò pateant spiracula aut effugia, eoque minorem vim inferent igneæ partes, quò plura & majora patebunt effugia, ut patet experimentis institutis cum pyrio pulvere in aëre patulo & vacuo. Pulvis enim pyrius accensus in aëre patulo, minores parit explosiones: si verò accendatur in vacuo, debiliores edet explosiones; etenim pulveris grana delapsa in ferrum candens inclusum in vacuo, nullas aut insensiles explosiones faciunt, ipsa in vacuo inclusa non sæpiùs inflammantur ope debioris speculi caustici, sed tantùm liquefunt & fumum edunt. Nam cùm rarius sit fluidum complexum cavo recipientis, (è quo fuit eductus aër;) cumque debile speculum causticum evolvat in eodem temporis puncto minorem copiam ignearum partium in grano pyrii pulveris inclusarum, patientes hinc indè occurrunt viæ quibus igneæ partes extricatae, & motu actæ, possunt effugere.

Hâc de causâ, 1°. partes igneæ non colliguntur, flammamque non procreant. 2°. Eâdem de causâ partes igneæ valentes effugere in aëre patulo, per innumeròs & patentes tramites, nullam aut minimam vim inferunt circumfusis corporibus, & minorem procreant explosionem.

Contrà verò, si pyrius pulvis includitur in arcto loco, qui nullas aut pauciores offert vias, seu exitus, quibus effugere possint igneæ partes, tunc omnes quæ erumpunt, vim inferunt circumpositis corporibus; & nisi vis cohærentiæ partium corporum circumpositorum superet aut adæquet summam omnium virium ignearum partium simul erumpentium, corpus diffringetur, & omnia fragmenta longiùs disjicientur.

Eâdem quippe tunc agunt mechanicâ partes igneæ ac partes aqueæ, ubi magna aquæ moles velocius & præcipiti fluxu acta, in aliquod impellit corpus innumeris in locis perforatum. Si enim omnes, vel quamplurimæ partes aqueæ effluere possunt per foramina hujus corporis, tunc aqua minorem vim huic infert; verum, si nulla adsint foramina, nullæque viæ per quas effluere possint aqueæ partes, tunc nisi vis cohærentiæ partium hujus corporis superet aut adæquet impetum aquearum partium, illud corpus frangetur, & omnia ejus fragmenta longius protrudentur. Sic multa aqua confertim affluens in stagnum, nullam aut minorem vim infert aggeri, si hinc & indè pateant canaliculi, seu fulci aquarii, per quos effluere possit. Verum, si nulli pateant canaliculi, seu elices, tunc aqua vi immensâ irruet in aggerem & eum subvertet, &c.

Argumenta allata contra hanc Opinionem.

Opponunt nonnulli, materiam luminis confertim erumpentem è corporibus explodentibus, v. g. è pyrio pulvere, non posse tantos effectus parere, & hanc non posse tantis cum viribus vibrare glandem tormentarium, eò quòd radius urens re-percussus è speculo caustico, non motu agit, nec extrudit gravia corpora in foco posita, & nonnisi debilem incutit motum exiguis & levibus corporibus in foco positis. Attamen, inquiunt, ille radius conflatur innumero numero partium luminis, quarum singulæ debent gaudere viribus majoribus, aut saltem æqualibus illis quibus donari possunt luminis partes ex accensis erumpentes corporibus; proindeque, si multitudo partium ignea-

rum ex accensis corporibus confertim erumpentium valeret suis viribus longiùs protrudere glandes tormentarias & alia corpora gravissima, multitudo partium luminis è caustico speculo reperfusarum, (quibus conflatur radius urens) valeret etiam longiùs projicere gravia corpora in foco speculi caustici posita; quod repugnat experientiæ.

Quamvis illud argumentum videatur primâ fronte maximi ponderis, attamen plura videntur illud solvere; etenim attendendum, 1^o. quod vires ignearum partium debiliores pariunt effectus in aëre patulo, ut diximus; nam pyrius pulvis non longiùs projiceret glandem ferream vel plumbeam ipsi incumbentem in aëre patulo. Eâdem de causâ, partes urentis radii debiliores edent effectus; nam hinc indè patent tramites quibus partes urentis radii possunt effugere.

2^o. Attendendum quòd urentis radii partes reperfusæ ex omnibus punctis speculi caustici, coeunt in focum cum innumeris diversis gradibus obliquitatis, ac proindè cum directionibus diversis & oppositis; nam illius partes egrediuntur è foco cum directionibus diversis & oppositis, proindeque gaudebant iisdem diversis directionibus in ipso foco. Hinc sequitur, quòd omnes illæ partes pellere non possunt corpus in foco positum, secundum unam eandemque directionem, & quòd illud agent secundum innumeras directiones diversas, quarum plures suos effectus extinguunt, eò quòd sunt prorsus oppositæ, dum aliæ agent corpus secundum directiones participes omnium directionum quibus aguntur. Hâc de causâ moles auri liquefacta velocissimè agitur in gyrum circâ centrum foci.

3^o. Animadvertendum adhuc quòd partes urent-

tis radii, non sunt adunatæ cum plurimis partibus crassioribus heterogeneis, ut igneæ partes erumpentes è pyrio pulvere; hinc sequitur urentis radii partes subituras & ingressuras facilè poros corporis in foco positi. At, cùm illæ agantur secundum diversas directiones obliquas, quamplurimæ agunt in latera pororum, & tota earum vis impenditur ad sejungendas & disgregandas partes corporis positi in foco speculi caustici; proindeque minor vis impenditur ad illud corpus repellendum è suo loco; omnes enim partes urentis radii agunt tunc cuneolorum ad instar. At experienciâ vulgari patet, quòd moles lignea cui infixi fuerunt plures cuneoli, non longiùs removebitur è suo loco, etiamsi magnis cum viribus percutiantur cuneoli, eò quòd tota vis impenditur ad sejungendas partes ligneæ molis quæ in plura dissilit frustula. A pari omnes tenuissimi radii qui è quocumque caustici speculi loco reperiuntur, ingrediuntur cum diversis obliquitatis gradibus, poros corporis in foco stantis, & agunt præcipuè in latera, seu parietes pororum, ac impenduntur ad disjungendas corporum partes; hæc de causâ citiùs comburuntur nonnulla corpora, solvuntur & liquefiunt metalla.

His de causis non repelluntur, nec removentur corpora gravia in ipso posita, quamvis urentis radii partes magnis cum viribus in ipsa irruant. Etenim velocitas quâ in gyrum agitur auri liquefacta moles, vis quâ excelsiùs dissiliunt nonnullæ partes auri, celeritas quâ sejunguntur duriorum corporum partes firmissimè nexæ; hæc fati superque probant ingentem esse vim quâ donantur urentis radii partes, siquidem tanta pariant phænomena in aëre patulo; nam cùm massa singularum partium luminis sit exi-

liffima, fingulæ minorem vim inferunt, & debiliores pariunt effectus. Prætereà cùm illæ minimè fibi cohæreant, & facilè feorsim agantur, omnes quæ offendunt solidas partes superficiei corporum, hinc indè repelluntur & effugiunt per patentès poros circumfufos, nullâ aut minori vi illatâ partibus solidis in quæ impegerunt, ratione exilitatis fuæ maffæ, ut diximus; folæ partes urentis radii intromiffæ & adactæ in poros corporum, magnis agunt cum viribus, eò quòd effugere nequeunt, quin priùs fejunerint partes quibus conftituuntur pororum parietes, &c.

Non poffunt igitur inferre adverfarii è commotione corporum gravium in foco speculi cauftici, quòd impetus, quo glandes & alia corpora projiciuntur è pyrio pulvere & aliis corporibus explodentibus in arcto loco coactis, peragi non poteft viribus quibus gaudent igneæ partes confestim è corporibus explodentibus erumpentes.

Contrà verò, poffumus è dictis colligere, portentofa & immania phænomena ab explodentibus peracta corporibus, non pendere ab elaterio aëris in eorum finu conclufi, fed peragi & abfolvi à fumma virium quibus gaudent omnes & fingulæ partes luminis, quæ ipfo temporis puncto è corporibus confestim erumpunt.

Subitanea verò & integra eruptio partium ignearum reconditarum in intimâ corporum compage, pendet & oritur à peculiari ftructurâ corporum explodentium, quâ fit ut pervius fit ufus omnium recessuum, feu loculamentorum in quibus delitefcunt & reconduntur igneæ partes; ita ut omnes igneæ partes in corporum compage reconditæ, motu agantur & erumpant, flatim atque earum

74 DE PRIMIGENIIS CORPORIBUS
nonnullæ fuerunt evolutæ, vel ab igneâ scintillâ,
vel ab aliâ quâcumque causâ.

Contrà verò, corpora quorum intima compages ita est constructa & ordinata, ut multi obices obstant quominus igneæ partes in eorum recessibus delitescerent, evolvantur in ipso temporis puncto, quo earum nonnullæ fuerunt motu actæ & in libertatem vindicatæ, illa non explodent; licet enim nonnulla sint apta & prompta ad accensionem, attamen cum partes igneæ in ipsis reconditæ, nonnisi per vices, & interposito temporis curriculo, evolvantur ac erumpant, nulla procreabitur explosio.

ARTICULUS NONUS.

De propagatione Caloris & Lucis.

PRÆSENTIA Solis, luce & calore recreari mortales, ejusque absentiam eos altâ obrui caligine ac frigescere, quâque horâ licet experiri.

Consentiunt Physici Solem, nullaue alia corpora lucis aut caloris sensationes procreare posse, nisi organa dicata ad has sensationes suscitandas debite concutiantur & commoveantur: at dissentiunt de mechanicâ, quâ Sol potest hæc organa commovere & concutere.

Etenim inter eos est in controversiâ, 1°. an Sol concutiat nostra organa, mediantibus aliis partibus; id est, an Sol commoveat organa, viribus quas incutit aliis partibus interfusis; an verò emittat è suâ compage partes, quæ immediatè in nostra irruentes organa, sensationes procreent?

Ill. nunquamque fatis laudandus Cartesius pro certo habuit, lucem à Sole in omnia vorticis puncta diffundi ipso temporis puncto, id est, nullo impenso temporis curriculo, ut legere est in Epistolâ decimâ septimâ secundi voluminis. Censuit Solem circumcingi & premi à nonnullis corpusculis, seu partibus, quibus nomen, *Æthereæ Materiæ* indidit, & in medium prompsit has partes, seu hæc corpuscula, sibi esse continua, & illa continuo rectoque filo à Sole in omnia vorticis puncta dispergi. His positis, dixit. « Vim, quâ Sol versatur circâ » suum axim, motu agere partes ipsi proximè circumfusas ». At, cùm supposuerit continuam esse feriem illarum partium à Sole ad omnia vorticis solaris puncta, collegit omnes illas partes motu agi debere ipso temporis articulo, quo Sol vim incutiebat partibus ipsum proximè circumcingentibus. Existimat igitur præclarus Cartesius, hâc mechanice nostrâ commoveri organa.

Verùm, cùm animadvertisset (a) D. de Roemer, Satellitem Jovis videri citiùs ex umbrâ emergere, cùm terra transit Solem inter & Jovem; contrà verò, satellitem tardiùs videri, cùm Sol stat inter terram & Jovem, id est, cùm terra ponè Solem errat, collegit ex hâc observatione, luminis propagationem non absolvi ipso temporis puncto, ut existimaverat Cartesius (b), sed interposito quodam temporis curriculo: & huic assenserunt quamplurimi Physici.

Ill. D. Demairan, è Regiâ Scientiarum Academiâ Parisiensi, firmis impugnavit argumentis opi-

(a) Leg. Act. Reg. Scient Acad. Paris. tom. I. ann. 1676. pag. 214. & tom. X. pag. 575.

(b) Vide Newto. in Optic. propag. 12. lib. 2. part. 3. & Viston. Prælect. Altron.

76 DE PRIMIGENIIS CORPORIBUS
nionem Cartesiii, suamque de luminis propagatio-
ne sententiam promulgavit in suâ Dissertatione (a)
*de causâ luminis Phosphororum & noctu lucentium cor-
porum.*

Hâc Dissertatione plura fuerunt ab illo allata ar-
gumenta, è quibus sequitur « lucem & calorem
» procreari ab emissionem partium luminosarum qui-
» bus Sol conflatur. »

Ipsius opinionem firmare videntur quamplurima
experimenta vulgaria. Etenim, 1^o. experimentis
constat, ut diximus, perennitatem ignis, necnon
lucis aut caloris, quem pariunt ignita corpora,
pendere à jugi effluxu partium luminis ex intimâ
corporum compage; nam si, infixis aciculis, vel
clavibus in corpore ignito, obstamus quominus
igneæ partes delitescerent in his corporibus, ultra
aciculas possint evolvi & effluere, illicò extingui-
tur ignis.

Idem operamur, si, madefacto corpore, ultra
locum ignitum, obstamus quominus igneæ partes
in hoc reconditæ loco, possint evolvi & effluere.
Tandem notum fecimus corpora luminis partibus
exhausta, nunquam ignescere posse, ipsaque nec
lucem, nec calorem procreare.

His & quamplurimis aliis experimentis constat,
novas indefinenter effluere partes luminosas, seu
igneas, è corporibus quæ lucem aut calorem diffun-
dunt. At, cùm Sol sit corpus præ aliis lucens; cum-
que non solum lucem, sed etiam calorem pariat,
rationi consentaneum est existimare illum pro-
creare lucem & calorem, eâdem ratione, seu eo-
dem modo quo lucem & calorem pariunt omnia

(a) Leg. Dissert. Edit. Burdegal, anno 1717.

lucētia & calefacientia corpora; id est, Solem diffundere lucem & calorem novā & perenni emissionē partium quibus conflatur. Cū verò partes quibus coalescunt radii solares, sint exilissimæ, mobilissimæ, discretæ, minimèque sibi adhæreant, illæ constituent necessariò corpus liquidum, seu fluidum, cujus singulæ partes seorsim & expeditè possunt hinc indè effugere. Undè sequitur Solis molem, seu Solem, esse corpus liquidissimum, seu fluidissimum.

Nunc recordemur velocitatem (quā Sol circa suum axim versatur) multò majorem esse velocitate quā agitur globus ferreus explosus è tormento bellico; tuncque pro certo habebimus partes exilissimas, discretas, & mobilissimas, quibus Sol conflatur, longiùs projici & diffundi debere ab immensā vi quā trudentur, eò magis quòd verisimilius est fluidum circa Solem circumfusum, rarius esse fluido terram ambiente. Constat enim experientiā, partes fluidi inclusas in orbe cavo, longiùs projici, statim atque circa suum axim versatur orbis, & hujus fluidi partes eò longiùs protrudi, quò velocior est ipsius rotatio, & minor renixus occurrentis fluidi circumfusi orbi. Constat igitur omnes partes, quibus conflatur liquida seu fluida Solis moles, debere longiùs vibrari & dispergi à viribus ingentibus quibus vibrantur; undè sequitur verisimilius esse & rationi consentaneum opinari Solem procreare lucem & calorem, emissionē ipsarum partium quibus conflatur. Nunc perscrutandum, an lux & calor procreari non possint, nisi ipsæmet partes luminis, quæ eruperunt è Sole, pertigerint ad corpora illuminata aut calefacta; an verò Sol lucem & calorem parere possit, me-

78 DE PRIMIGENIIS CORPORIBUS
diantibus aliis partibus luminosis, Solem inter &
illuminata aut calefacta corpora diffusis?

Ad hanc quæstionem dilucidandam perscrutemur prius, an caloris prima sensatio procreetur ab ipsismet partibus igneis quæ erumpunt è corporibus accensis; an verò suscitetur illa sensatio à partibus igneis, diffusis inter accensa corpora, & illa quæ calore perfunduntur?

PARAGRAPHUS PRIMUS.

*An corporum calefactio & sensatio caloris procreentur
in primis momentis ab ipsis partibus igneis
quæ erumpunt ex accensis corporibus.*

ANTEQUAM indagemus an caloris sensatio procreetur ab immediato contactu ipsarummet partium, quæ ex accensis erumpunt corporibus, in memoriam Tironum revocabimus,

1°. Nullas sensationes procreari posse, nisi organa dicata ad eas suscitandas debite concutiantur;

2°. Organa debite concuti non posse, nisi à partibus, seu corpusculis justæ indolis; neque enim omnia corpora in oculos, vel in cutem irruentia, lucis aut caloris sensationem procreant; nonnulla tantum corpuscula valent natali suâ indole has procreare sensationes, non secus ac dantur alia corpuscula, quæ indole natali, frigoris vel aciditatis, aut acredinis, &c. sensationes pariunt;

3°. Organa non posse debite succuti aut commoveri ab ipsismet partibus quæ (suâ indole) justas tantum procreant sensationes, nisi illæ partes debitâ quantitate debitoque cum impetu irruant in or-

gana; neque enim diverforum animalium nec diverforum hominum organa commoventur ab eâdem vi. Experimur enim multos homines calefieri, vel affici luce in locis in quibus alii homines nullo calore nullâque luce recreantur.

His in memoriam revocatis, perpendamus nonnulla phœnomena quæ ab accensis educuntur corporibus.

1°. Observamus calorem quo afficimur ab ignitis & calefacientibus corporibus, humidum esse, ubi aër ambiens humidus est, vel ubi moles aquea nos inter & ignita corpora fuit posita: at caloris humidi sensatio procreari non potest, nisi plures aquæ partes in nos fuerint propulsæ; proindeque constat erumpentes ex ignitis corporibus igneas partes, in nos protrusisse plures partes aqueas in aëre circumfuso vagantes, vel positas inter nos & ignita corpora.

Altero experimento dilucidius evincitur igneas partes è corporibus erumpentes, propellere corpuscula obvia. Sumamus duos catinos, & singulis imponamus phialam aquâ plenam: has obruamus phialas nive aut glacie tritâ. Ponamus sub alterutro catino carbonem ignitum, & alterum stet expositum aëri gelido, tunc observabimus 1°. aquam complexam cavo phialæ incumbentis catino posito super prunas, congelari multò citius aquâ complexâ cavo phialæ stantis in aëre gelido, sub quâ nullus ignis adfuit; nam illa aqua incepit glaciari statim atque nix vel glacies liquefit ab igne supposito. At consentiunt Physici citiorem congelationem aquæ inclusæ in phialâ, cui subpositus fuit ignis, oriri ex igneis partibus erumpentibus è prunis quæ protrudunt in hanc phialam partes nivis, seu cor-

pusculâ frigefacientia interposita ignem & phialam. Cum verò postea aqua phialæ glaciata solvatur & liquefiat ab igne supposito, sequitur igneas partes è prunis erumpentes primò propulisse in hujus phialæ cavum partes nivis seu glaciei inter ignem & phialas positas.

Si lagena vino vel alio liquido plena, infoditur terræ, locusque in quo posita est, circumsepitur fossâ sex aut duodecim pollices distante à lagenâ, & in eâ fossâ accendatur ignis, experiemur, (interjecto debito temporis spatio) 1°. liquidum in lagenâ inclusum, frigidum & ferè gelidum fieri, etiamsi patenti campo fuerit posita; 2°. idem fluidum postea debito perfundi calore. At constat frigus quo primò perfunditur lagena, non oriri aliundè quàm à corpusculis reconditis in terrâ interpositâ lagenam & fossam, quæ trudentur in lagenam ab igneis partibus emissis è corporibus accensis in fossâ lagenam circumdante; undè sequitur igneas partes permeavisse parietes terreos interpositos, & propulisse in lagenam corpora frigefacientia in terris recondita, antequàm ipsæ pertigerint ad lagenam.

Experimur calorem quem ignita suscitant corpora, vellicationis quodam sensu concomitari, ubi aër redundat nonnullis partibus, v. g. ubi gelidior & siccior est tempestas, eò quòd nempe partes igneæ majori copiâ majorique cum impetu in nos protrudent partes quæ vagantur in spatio quod est inter nos & ignita corpora.

Jam si partes igneæ erumpentes ex ignitis corporibus, valent in lagenam propellere frigefacientia corpora irretita in parietibus terreis; si partes igneæ valent in nos protrudere aqueas & alias partes

tes

tes atmosphærici fluidi interfusas ignem & corpora obvia, à majori poterunt protrudere tenuissimas partes igneas interfusas ignem & alia corpora; at, cum, ut diximus, fluidum terram ambiens luxuriet luminis partibus, perspicuum est plurimas fore propulsas in propinquiora corpora, ab igneis partibus erumpentibus ex accensis aut ignitis corporibus, antequàm ipsæ partes igneæ, quæ eruperunt ex ignitis corporibus, ad illa pertigerint corpora.

Ex omnibus igitur experimentis quæ retulimus, jure ac meritò consequi videtur organa dicata ad caloris sensationem suscitandam, primò concuti & commoveri ab igneis, seu luminosis partibus nos inter & accensa corpora diffusis.

At, si corpora accensa, aut ignita, hâc arte calorem diffundunt, jure ac meritò possumus asserere Solem eâdem mechanice calorem diffundere, siquidem fluidum quod est terram inter & Solem, redundet innumeris partibus igneis, ut diximus. Verisimilius igitur erit calorem quo Sol recreat mortales, procreari ab igneis partibus erumpentibus, aut enitentibus erumpere à Sole, quatenus illæ motu agunt primò alias partes igneas, seu luminosas, proximè diffusas, quæ quidem motu actæ, vim postea incutiunt aliis partibus igneis propinquiorebus, donec per vices agantur illæ quæ sunt propinquo- res terræ, & illæ quæ nos proximè circumcingunt.

Consimili mechanicâ peragi potest luminis propagatio; etenim constat, ut diximus, fluidum terræ circumfufum scatere luminis partibus. Prætereà constat illas tantâ adesse copiâ, ut pariant debitum lucis gradum cœcâ nocte & in obscurioribus locis; nam animalia quorum molliora sunt & exquisita visus organa, ambulant, currunt, prædamque venantur

82 DE PRIMIGENIIS CORPORIBUS
in locis obscurioribus. Plura equidem dantur animalia quæ iisdem in locis non afficiuntur luce ; verum eorum cœcitas , seu orbatio lucis ipsis propria , non oritur à defectu vel inopiâ partium luminis , sed à debilitate virium quibus aguntur illæ quæ continentur in his locis , quâ fit ut organa visûs animalium , quæ sunt firmiora , non possint debite commoveri à debilioribus viribus quibus aguntur luminis partes in obscuro loco vagantes , ut patet experimento vulgari. Si enim subito transimus è collustrato loco in obscurum , nullâ luce afficimur , & non perspicimus oculis (in primis momentis mutationis) corpora proximè circumfusa ; attamen post justum temporis curriculum , luce recreamur , & oculis dilucide percipimus omnia circumjacentia corpora ; at , cùm non affluerit major luminis partium quantitas in locum obscurum à momento nostræ transitionis , sequitur quòd lux quâ afficimur , non pendet à majori copiâ partium luminis errantium in hoc loco.

Aliundè nemo nescit constringi pupillam , dum perstamus in collustrato loco ; nam cùm partes luminis in hunc locum ruentes , magnis agantur viribus , illæ vehementiùs impingunt in retinæ fibras , & eas tantâ vi commovent , ut menti non transmittatur imago dilucida corporum. Cùm verò non possimus infirmare vires quibus truduntur partes luminis , constringitur pupilla , ut minor partium luminis quantitas ad retinam pertingat : imminutio quantitatis partium luminis idem præstat ac infirmatio virium , seu motûs ; nam minori vi succutiantur fibræ retinæ , statim atque luminis partes minori copiâ in has impingunt.

Constat è contrâ dilatari pupillam , statim atque sumus in obscuro loco : tunc major partium lumi-

nis quantitas ingreditur aditum pupillæ, & ad retinam pertingit; à majori verò partium luminis affluxu, vehementius commoventur fibræ retinæ, quæ prius non commovebantur à partibus luminis circumfufis, & lucis fenfatio fufcitatur. His patet quòd orbatio lucis, dum transimus è loco colluftrato in obfcurum, oritur à minori vi quâ tunc fuccutiuntur fibræ retinæ, feu fibræ optici nervi, & illam debiliorem commotionem oriri à minori vi quâ aguntur luminis partes in obfcurò loco errantes, relativè ad majores vires quibus aguntur in loco colluftrato; undè fequitur quòd procreatio, &, ut ita dicam, refurrectio lucis, (poftquàm perftitimus in obfcurò loco per debitum temporis fpatium) oritur à majori vi quâ fuccutiuntur fibræ retinæ (poftquàm dilatata fuit pupilla), eò quòd fuppletur, majori partium luminis copiâ, quod deeft virium partibus luminis errantibus in obfcurò loco.

Hinc fequitur plura animalia luce privari cæcâ nocte, & in obfcuris locis, eò quòd debilior eft vis, feu motus partium luminis errantium in his locis, quàm ut valeant debitè commovere retinæ fibras, fi fint firmiores; & quòd orbatio lucis non pendet à defectu partium luminis in his locis, fi quidem plura animalia luce recreentur in ipfismet locis. At fi lucis privatio cæcâ nocte, & in obfcuris locis (refpectu plurium animalium) oritur à minori vi quâ tunc aguntur luminis partes in his errantes locis, perfpicuum eft quòd eadem animalia afficientur luce in iisdem locis, ftatim atque major vis incutietur luminis partibus hæc pervadentibus loca. Verùm, cùm nullis in locis Sol poffit affulgere, cùmque lucentia corpora non poffint ullis in locis adeffe, quin luminis partes ex his

84 DE PRIMIGENIIS CORPORIBUS

magnâ vi emissæ, incurrant & offendant alias partes luminis in his locis errantes, illæ majori vi agentur & vehementius impingent in visûs organa, & in alia corpora; undè lucis sensatio & corporum collustratio procreabitur ab illis partibus, antequàm illæ quæ eruperunt è lucentibus corporibus, potuerint ad visûs organa, vel alia corpora pertingere.

Hinc sequitur quòd lucis propagatio poterit absolvi eâdem arte quâ peragitur caloris propagatio, id est, quòd partes luminis erumpentes è corporibus lucentibus, vim incutiunt, & majori motu agunt luminis partes proximè circumfusas, & illæ alias propinquiores, & sic alternatim vehementiori motu agentur omnes luminis partes interfusæ lucentia corpora & non pellucida; ita ut illæ quæ propinquiores erunt organorum visûs, vel aliorum corporum, lucis sensationem primò procreabunt & alia corpora collustrabunt. Cùm verò partes non sint continuæ, id est, cùm non construant continuam seriem à lucentibus corporibus ad corpora remota, impendetur necessariò debitum temporis curriculum, ut lux à corpore lucente pertingat ad corpus obscurum; illud temporis spatium erit brevissimum, eò quòd adsint tantâ copiâ luminis partes in omnibus locis, ut sint propinquiores & quasi contiguæ.

Tandem, cùm partes luminis, non secùs ac omnia alia corpora, eò majorem vim incutiant corporibus obviis, quò directiùs seu rectiùs in illa impingunt, sequitur quòd corpora in quæ rectiùs impingent partes luminis, magis erunt collustrata quàm alia, &c.

ARTICULUS SECUNDUS.

DE AËRE.

Q U Æ S T I O

An dentur corpuscula simplicissima, quæ sint, propriâ suâ naturâ, flexilia & elastica, & diversa ab aliis corporibus simplicissimis, quibus composita constantur corpora, id est, an detur aër, & ille inter primigenia, seu simplicissima corpora, recenseri debeat.

APUD omnes constat Physicos atmosphæricum fluidum, id est, fluidum terram proximè circumcingens, in angustius cogi spatium, vi quâcumque premente, v. g. pondere corporum ipsi, impositorum; proindeque constat illud fluidum esse flexile: aliundè in confesso est illud fluidum coactum & depressum, reverti in primum statum, statim atque amoveniuntur pondera, seu corpora prementia; undè sequitur illud fluidum esse flexile & elasticum.

Experimentis prætereà constat illud fluidum suam nunquam amittere flexilitatem, nec suum elaterium, etiamsi plures annos coactum remanserit, & frigore fuerit densatum.

Hinc collegerunt Physici has dotes esse ipsi proprias & innatas: at, cum scirent aqueas, salinas, terreas & sulphureas partes, quibus coalescit illud fluidum, non esse naturâ suâ flexiles, nec elasticas, nullaque noscerent corpora quæ suâ indole essent his dotibus prædita, & quæ eas non amitterent,

si per longius temporis curriculum coacta & compressa manerent, asseruerunt dari in fluido terram ambiente, partes peculiare exilissimas & insensiles, quæ essent propriâ naturâ flexiles & elasticæ, illudque fluidum suam flexilitatem, suumque elaterium ab his mutuari partibus.

Animadverterunt prætereà, 1°. ingentes erumpere bullas è fluidis sub excipulo machinæ pneumaticæ positis, statim ac ex ipsis educebatur aër; 2°. vaporem inconspicuum & insensibile sæpius è solidis erumpere corporibus, cum fragore & strepitu; 3°. certiores facti fuerunt inclytis Halesii experimentis, educi posse ex omnibus corporibus, fermentationis vel accensionis ope, &c. fluidum insensibile & tenuissimum, flexibile & elasticum, omnibusque præditum dotibus quibus gaudet atmosphæricum fluidum. Ex his collegerunt omnia corpora conflare iisdem partibus flexibilibus & elasticis, quibus luxuriabat atmosphæricum fluidum. His partibus naturâ suâ flexibilibus & elasticis imposuerunt Physici nomen *partium æreærum*, & subjecerunt aëris propriè dicti vocabulo notionem substantiæ naturâ flexibilis & elasticæ.

Quamvis illæ partes sint insensiles, nulloque sensu earum figura potuerit percipi, attamen plures Physici tentaverunt colligere ex earum dotibus figuram quâ donari possent. Quamobrem nonnulli finxerunt eas partes esse, filamentorum instar lanæ vel jubæ, constructas, quæ in se plicabantur, aut contorquebantur, dum premebantur, & quæ evolvebantur, statim atque vires prementes imminuebantur.

Alii verò opinati sunt illa corpuscula esse lamellas, spirarum instar contortas & volutas, quæ coar-

Et abantur compressione, & evolvebantur, statim ac non premebantur.

Parvi nunc refert cognoscere figuram partium aërearum, sed Physicorum & Chymicorum interest certò scire an reverâ dentur partes naturâ suâ flexiles & elasticæ, quæ in alias simpliciores solvi nequeant, & quæ ingrediantur omnium corporum compositionem; ita ut illæ recenferi debeant inter simplicissima corpora, seu inter corporum elementa.

Ad hanc cognitionem assequendam perpendenda sunt phœnomena, è quibus intulerunt Physici illarum partium existentiam. Conjecturis augurati sunt Physici, dari partes naturâ suâ flexibiles & elasticas, eò quòd, ut diximus, atmosphæricum fluidum est flexibile ac elasticum; & existimaverunt illas partes inter corporum compositorum elementa recenferi debere, eò quòd ex omnibus educebatur corporibus fluidum omnibus præditum dotibus, quibus gaudet atmosphæricum fluidum. Indagandum igitur an legitimè sequatur ex elaterio & flexibilitate atmosphærici fluidi, & illius quod erumpit ex omnibus corporibus fermentatione, &c. illa fluida suum elaterium suamque flexilitatem mutuari à partibus peculiaribus naturâ suâ flexilibus & elasticis; an verò flexibilitas & elaterium atmosphærici fluidi, necnon fluidi caloris ope è corporibus educi, oriantur, seu procreentur à solâ expansione partium aquearum, salinarum, terrearum & sulphurearum, ac aliorum corpusculorum tenuissimorum, quæ sub formâ vaporum è terris jugiter effluunt, vel quæ educuntur è corporibus caloris ope.

Si enim telluris effluvia, vel corpuscula, quibus

88 DE PRIMIGENIIS CORPORIBUS
composita conflantur corpora, procreare possunt
fluidum flexibile, elasticum, &c. statim atque fue-
runt in vaporem expansa, licet nullas in suo recon-
dant sinu partes naturâ suâ flexiles & elasticas,
tunc nullo jure poterunt fingere Physici, dari par-
tes peculiares naturâ suâ flexiles & elasticas, à qui-
bus atmosphæricum fluidum suam flexibilitatem
suumque mutuetur elaterium; neque enim fas est
Physicis in scenam promere ficta & ignota ad dilu-
cidanda phœnomena quæ per pauciora nota & con-
fessa possunt absolvi.

Ad illustrandam igitur causam elaterii, ac flexi-
bilitatis atmosphærici fluidi, necnon fluidi elastici
ac flexibilis, quod ope caloris ex omnibus educi-
tur corporibus, sub uno conspectu ponemus expe-
rimenta quibus patet,

1°. Corpora inflexilia nulloque pollentia elate-
rio, flexilia fieri & elastica, statim atque fuerunt
rarefacta & expansa;

2°. Corpora omni aëre spoliata rarefieri caloris
ope, ac proindè ipsa flexilia fieri & elastica absque
aëris auxilio;

3°. Fluidum atmosphæricum esse semper actu ra-
refactum;

4°. Fluidum elasticum & flexile, quod ope ca-
loris ex omnibus educitur corporibus, procreari
ab ipsismet partibus quibus coalescunt corpora è
quibus eductum fuit.

Collatis enim omnibus illis experimentis, explo-
ratè poterunt dijudicare Physici, an legitimè se-
quatur ex elaterio & flexibilitate atmosphærici flu-
di, dari partes peculiares naturâ suâ flexiles & ela-
sticas, à quibus illud fluidum suam mutuetur flexi-
bilitatem, suumque elaterium; & an sequatur è fle-

xibilitate ac elaterio fluidi ope caloris è corporibus educti, dari corpuscula primigenia suâ naturâ flexibilia & elastica, quæ constituent justam partem corporum compositorum.

PARAGRAPHUS PRIMUS.

PRIMUM EXPERIMENTUM,

Quo patet corpora inflexilia & nullo pollentia elaterio, flexilia fieri & elastica, statim ac fuerunt rarefacta aut expansa.

EXPERIENTIA constat aquam & quamplurima fluida nullâ vi comprimi posse, ac proinde ipsa non esse flexilia; at, cùm elaterium corporum nil aliud sit quàm vis restituens partes depressas in primum statum, perspicuum est corpora naturâ suâ inflexilia, nullo natali elaterio gaudere; attamen innumeris constat experimentis, aquam, & alia fluida in vaporem expansa, plurimùm comprimi posse, & tunc vegeto donari elaterio; proindeque constat corpora quæ sunt inflexilia & elaterio orbata, fieri flexilia & elastica, statim ac fuerunt rarefacta & expansa. Si quis dubitat, in memoriam revocet quantum comprimatur vapor aqueus in machinâ Londinensi, & quantâ vi postea repellat embolum quo fuit compressus.

SECUNDUM EXPERIMENTUM,

Quo patet corpora rarefieri posse absque auxilio partium aërearum propriè dictarum.

Constat experimento ab ill. D. de Reaumur in-

90 DE PRIMIGENIIS CORPORIBUS
stituto, fluida aëre spoliata, & in Barometrorum
tubis inclusa, æqualiter rarefieri ac fluida aëre lu-
xuriantia in iisdem tubis contenta; undè sequitur
hæc fluida rarefieri posse absque aëris auxilio.

TERTIUM EXPERIMENTUM,

*Quo patet rarefacta fluida aëre spoliata, flexilia esse
& elastica.*

Si fluida aëre spoliata & in tubis Barometrorum
inclusa, iusto caloris gradu debite rarefiant, ob-
servare licebit ea ponderibus comprimi posse, &
ad primum reverti rarefactionis gradum, statim ac
ponderibus non comprimuntur, modò æquali ca-
lore semper urgeantur; undè sequitur corpora quæ
naturâ suâ sunt inflexilia & omni elaterio orbata,
flexilia fieri posse ac elastica solo calore, absque
præsentiâ partium naturâ suâ flexilium, elastica-
rum, &c.

*Atmosphericum fluidum est semper & actu
rarefactum.*

Extra dubium erit fluidum terram ambiens, esse
semper rarefactum, modò attendamus illud, aut
majorem ipsius partem, coalescere partibus actu
rarefactis & expansis. Etenim constat illud conflare
innumeris partibus, quæ cùm è tellure, tum ex om-
nibus vegetabilibus & animalibus fuerunt sejunctæ,
& quæ, insensilium vaporum specie, in atmosphæ-
ram indefinenter propelluntur.

At fluidum conflatum partibus rarefactis & ex-
pansis, constituit necessariò corpus, seu molem ra-
refactam & expansam; proindeque constat illud
fluidum esse semper & actu rarefactum.

Opponunt illud fluidum non esse semper & actu rarefactum, etiam si jugiter in ipsum pellatur innu-mera multitudo partium expansarum, eò quòd illæ citius densari debent & subsidere.

In aprico est illud fluidum futurum semper rarefactum, etiam si citius densarentur partes expansæ quæ in ipsum trudentur, siquidem jure sit partium expansarum effluvium; sed constat prætereà partes expansas quæ in ipsum protrudentur, citius non densari: contrà patet earum expansionem adaugeri posse, aut saltem foveri, cùm à caloris gradu quo donatur illud fluidum, etiam in gelidâ tempestate, tum à motu quo indefinenter jactantur ipsius partes.

Certiores erimus expansionem partium, seu vaporum in atmosphæricum fluidum protrusorum, foveri posse solâ vi caloris quo perfunditur atmosphæra, modò recordemur nobilioris experimenti ill. D. de Reaumur superiùs allati; etenim ubi sagax & diligens ille naturæ scrutator liquorem in tubo Thermometri inclusit, & ex hoc aërem eduxit, observavit hunc liquorem minori incremento caloris atmosphære ad eandem excelsitatem, & æquali progressu fursùm tolli, ac liquor alterius Thermometri è quo aër non fuerat eductus, & è contrà à minori caloris imminutione hunc deprimi liquorem aëre spoliatum, in eâdem proportionem quâ deprimebatur liquor alterius Thermometri aëre redundantis.

Verùm, si calor quo perfunditur atmosphæra valet rarefacere & expandere, absque aëris auxilio, liquores densatos in Barometrorum tubis inclusos, à majori poterit fovere & adaugere, absque aëris auxilio, rarefactionem fluidorum ejusdem indolis jam expansorum.

At constat, 1°. atmosphæricum fluidum conflare præcipuè partibus expansis quæ è terris jugiter in ipsum truduntur.

2°. Constat quamplurimas partes expansas, quæ in ipsum protruduntur, ejusdem esse indolis partium liquorum aëre spoliatorum, qui inclusi fuerunt in Barometrorum tubis; ac proindè constat solum calorem, quo perfunditur atmosphæricum fluidum, valere adaugere, aut saltem fovere expansionem partium quæ sub insensilium vaporum formâ in ipsum continuò propelluntur.

Attendamus prætereà vulgaribus experimentis constare motum quo indefinenter jactantur atmosphærici fluidi partes, adaugere aut saltem fovere expansionem partium quæ è terris erumpunt; etenim videmus spissiores è caminis effluentes fumos, mox tenuiores fieri, & illas partes adeò dispergi aut expandi, ut oculorum Microscopiis armatorum aciem effugiant.

Constat fumos eò citiùs hanc tenuitatem consequi, quò vehementiori motu jactatur atmosphæricum fluidum; diversi enim motus, quibus agitur à se invicem remonent vaporum partes, & eas longiùs per aëra dispergunt; ac proindè obstant quominùs illæ partes sibi fociantur & densentur.

Redarguunt nonnulli, vapores propulsos è calidiori loco in frigidiorē, citiùs frigore densari, & ad primum duci densitatis statum, præsertim si aquei sint.

Verùm huic argumento refragatur experientia. Etenim videmus è caminis effluentes fumos per aëra dispergi & expandi, etiamsi gelidior sit tempestas, præsertim si sicciior sit.

Prætereà ex æolipylâ erumpens fumus totus

aqueus est, & è calidissimo erumpit loco; attamen non densatur ille fumus, statim ac in gelidam vadit atmosphæram; contrà verò hujus aquei fumi, seu vaporis, partes eò magis à se invicem removentur & expanduntur, quò longiùs ab æolipylâ recedunt; & tandem adeò expanditur ille fumus (etiam omnibus gelu rigentibus corporibus) ut effugiat oculorum aciem, etiamsi tunc à longè nares feriat, ubi corpora odorantia fuerunt inclusa cum aquâ in æolipylâ.

At, si partes accensorum corporum erumpentes è caminorum spiraculis ac ex æolipylâ, non densantur dum gelidam ingrediuntur atmosphæram, à majori partes erumpentes, sub insensilium vaporum specie, è telluris superficie, non erunt densatæ, ubi pellentur magnâ vi in gelidum atmosphæricum fluidum; proindeque constabit quòd illud fluidum coalescit rarefactis & expansis partibus, etiam dum gelu rigent corpora.

Altero patefit experimento illud fluidum gelidum expansis coalescere partibus; etenim experientiâ constat singulo quoque die imminui pondus frustuli glaciei impositi patinæ & aëri gelido expositæ, ac plures ipsius partes in vaporem expansas ex ipso avolare & in auras dispergi, siquidem nullæ partes aqueæ aut glaciatae reperiantur super patinam.

At, si partes constituentes frustulum glaciei atmosphærâ gelidâ circumdatum, in vapores insensiles expanduntur & diffunduntur, à majori rarefactio, seu expansio vaporum in hanc atmosphæram protrusorum, foveri & adaugeri poterit.

Constabit igitur atmosphæricum fluidum expansis conflari partibus, dum gelu rigent plurima corpora; verùm, si illud tunc expansis coalescat par-

94 DE PRIMIGENIIS CORPORIBUS
tibus, sequetur illud tunc esse rarefactum.

At, cum omne fluidum rarefactum sit compressibile, & debito gaudeat elaterio, etiamsi nullas in se recondat partes naturâ suâ flexiles & elasticas, sequetur atmosphæricum fluidum futurum semper compressibile & elasticum, etiamsi nullas in se recondat partes naturâ suâ flexiles & elasticas, non secus ac aqua in machinâ Londinensi inclusa compressibilis est & elastica, ubi fuit rarefacta, quamvis eadem aqua nullâ vi possit comprimi, nulloque polleat elaterio, antequam fuerit rarefacta.

Hinc etiam sequitur fluidum atmosphæricum nunquam amissurum suam vim elasticam, etiamsi per annos in arcto coarctatum loco remaneat; nam, cum ipsius rarefactio, seu expansio, oriatur à calore atmosphæræ, id est, à materiâ luminis & à materiâ centrali jugiter permeantibus atmosphæram, perspicuum est fluidum atmosphæricum fore semper rarefactum, etiamsi in recondito loco diu commoretur coactum & compressum, eò quòd luminis materia, & ea quæ jugiter emittitur è terra-queo globo, permeent omnium corporum poros; nam illarum materiarum partes non possunt jugiter affluere in abditos locos, seu recessus, in quibus coactæ latent atmosphærici fluidi partes, quin nitantur eas à se invicem removere ac rarefacere. Constat igitur quòd illæ materiæ poterunt fovere expansionem atmosphærici fluidi in absconditis locis in quibus coactum includitur.

Quamdiu vires comprimentes superabunt vim illarum materiarum, tamdiu permanebit in eodem compressionis gradu atmosphæricum fluidum in absconditis locis coactum. Si verò vires comprimentes imminuuntur, illicò materia luminis & materia è

terris emanans, quæ continuò pervadunt illa loca, removebunt à se invicem partes compressi fluidi, ac proindè eas restituent in primum rarefactionis seu expansionis gradum, eodem temporis articulo quo imminuetur vis comprimens.

Poterit igitur atmosphæricum fluidum nunquam amittere suam vim elasticam, etiamsi diu in abscondito loco comprimatur, & licèt nullis coalescat partibus aëreis propriè dictis.

Prætereà, cùm luminis materia & ea quæ è terris erumpit, valeant restituere in primum statum partes atmosphærici fluidi compressas, statim ac imminuitur vis comprimens, consequitur restitutionem partium compressarum atmosphærici fluidi fore in ratione imminutionis virium comprimantium; etenim quò magis comprimuntur partes fluidi terram ambientis, eò pauciora & angustiora erunt interstitia ipsius partes interposita, & eò minor quantitas materiæ luminis & materiæ centralis effluere poterit per hæc interstitia. Hinc sequitur majorem quantitatem materiæ luminis illaturam vim partibus atmosphærici fluidi, undè rursus sequitur quòd statim ac removebitur, vel imminuetur vis comprimens partes hujus fluidi, repellentur & restituentur in primum rarefactionis statum à materiâ luminis, eò majori vi, quò magis fuerunt compressæ & coactæ; id est, quòd eò vegetius erit elaterium atmosphærici fluidi, quò magis fuerit compressum.

His palam fit, 1°. quòd atmosphæricum fluidum potest esse compressibile & elasticum; 2°. quòd nunquam potest suum elaterium amittere; 3°. quòd hujus fluidi coarctati restitutio, seu elaterium, potest semper esse in ratione imminutionis virium com-

96 DE PRIMIGENIIS CORPORIBUS
primentium, quamvis illud fluidum nullas in se re-
condat partes aëreas propriè dictas, id est, partes
naturâ suâ flexiles, elasticas & diversas ab omni-
bus partibus quibus conflantur corpora, siquidem
omne fluidum actu rarefactum, seu expansum, sit
elasticum & compressibile, etiamsi nullas in se re-
condat partes naturâ suâ flexiles & elasticas, & eò
duntaxat quòd sit rarefactum & expansum.

PARAGRAPHUS SECUNDUS.

*Experimenta ab Halesio peracta, quæ probant omnium
corporum partes in vaporem expansas, procreare
fluidum elasticum flexile, omnibusque dotibus præ-
ditum quibus gaudet atmosphæricum fluidum.*

EXPERIMENTA cum sedulitate & sagacitate
ab ill. Halesio peracta, videntur certiores nos
facere quòd atmosphæricum fluidum suam flexibi-
litem suumque elaterium mutuetur à solâ expan-
sione partium quæ è terris effluunt. Etenim his patet,

1°. Quòd fluidum ortum ex omnibus corporibus
caloris ope, (id est, distillatione vel fermentatione,
&c.) coagmentatur ipsismet partibus quæ consti-
tuunt naturam corporum è quibus erupit ;

2°. Illud fluidum crassioribus defœcatum parti-
bus, esse in omnibus homogeneous aëri, id est, il-
lud fluidum esse flexile, elasticum, omnibusque præ-
ditum dotibus quibus gaudet aër naturalis.

At, cum partes quæ constituunt naturam cor-
porum, non sint indole natali flexiles & elasticæ,
sequitur partes inflexiles nullo gaudentes elaterio,
procreare posse fluidum elasticum, flexile, &c. &
consimile aëri,

Rursus,

Rursus, cum partes, quæ jugiter è terris erumpunt sub formâ vaporum, sint ejusdem indolis & naturæ ac illæ quæ è corporibus educuntur caloris ope, sequitur partes jugiter erumpentes ex animalibus, vegetabilibus, mineralibus, & è toto terraqueo globo, procreare posse fluidum flexile, elasticum, &c. etiamsi illæ partes non sint suâ naturâ flexiles, elasticæ, &c.

Tandem, cum experimentis constet aërem naturalem & aërem factitium, ab iisdem fumis absolvi suoque spoliari elaterio, & utrumque aërem amissum elaterium recuperare solo caloris incremento, sequitur & aërem naturalem & aërem factitium, suum elaterium mutuari posse à calore quo semper donatur atmosphæra, id est, à partibus materiæ luminis & materiæ centralis jugiter propulsis in atmosphæram, & connitentibus à se invicem remove, id est, rarefacere, ac expandere partes crassiores quibus coalescit intima compages corporum terraquei globi.

Ne quis tamen in dubium habeat, fluidum educum è corporibus ope caloris, constare & coagmentari iisdem partibus quæ constituebant naturam corporum è quibus effluxerunt, referemus in fine hujus articuli, experimenta quibus constat, 1°. illud fluidum, odorem, saporemque referre corporum è quibus erupit; 2°. corpora è quibus effluit illud fluidum, maiorem eorum ponderis partem deperdere; 3°. aërem naturalem & aërem factitium homogeneos esse; patet enim Halesii experimentis, illos ab æqualibus ponderibus æqualiter comprimi, & æquali postea elaterio gaudere.

Præterea exploratum habemus aërem factitium crassioribus defœcatum partibus, servari posse compressum absque ullâ sui elaterii imminutione, non

secùs ac aër naturalis; quòd uterque æqualiter absorbeatur ab iisdem fumis, & quòd æqualem sui elaterii quantitatem deperdat.

Tandem constat utrumque aërem amissum elaterium recuperare incremento caloris atmosphærici; undè sequitur aërem factitium & aërem naturalem homogenea esse corpora iisdem omnibus dotibus prædita.

Arguunt adversarii, flexilitatem, elaterium, aliasque dotes aëris factitii, procreari à partibus peculiaribus naturâ suâ flexibilibus, elasticis, &c. quæ delitescabant & recondebantur coactæ in corporum intimâ compage, seu recessibus, & quæ fuerunt evolutæ ac in libertatem vindicatæ caloris ope, cum aliis partibus quæ constituiebant naturam corporum è quibus erupit aër factitius.

Hoc confutatur argumentum computatione ill. Halesii, quâ patet tantas esse debere vires elasticas partium aërearum coarctatarum, ut ipsæ non possent cogi & incarceratæ teneri in recessibus vel in interstitiis partium quibus coalescunt corpora. Etenim, conferendo gradum coarctationis quo donari deberent partes aëris, quandiu delitescunt in corporum intimâ compage, cum gradu rarefactionis & expansionis ad quem ducuntur ope caloris, comperiit computatione natales vires elasticas partium aërearum in nonnullis corporibus, v. g. in malis inclusarum, debuisse esse æquales viribus undecim mille septingenta & septuaginta sex librarum;

2°. Natales vires elasticas aëris erupti è quercûs frustulo, debuisse esse æquales viribus novem mille octingenta & sexaginta librarum, & multò validiorem esse natalem vim elasticam aëris factitii, seu fluidi, quod educitur è minerali Walton & aquâ forti.

Confert postea minimam vim quâ secum neſtuntur partes quibus contexitur malum vel quercûs frustulum, vel quâ secum cohærent diverſorum fluidorum partes, & exploratum habuit quod partes quæ suâ naturâ tanto pollerent elaterio ipsis proprio, non possent irretiri, nec incarceratæ teneri intrâ partes corporum, præsertim inter illas quæ minimâ vi sibi adhærent; proficitur enim vires quibus donatur aër factitius eductus è quercûs frustulo, valere in frustula diffringere, & cum explosione disrumpere robustiorem quercum.

Quamobrem non dubitavit asserere, partes aëreas nullo elaterio gaudere posse, quamdiu delitescunt & hospitantur in corporibus.

Verum, si partes aëreæ nullâ vi pollent elasticâ, quamdiu hospitantur & reconduntur in corporum intimâ compage, sequitur eas partes non esse naturâ suâ elasticas, & earum elaterium esse dotem ipsis extraneam, quam mutantur ab adventitiâ & alienigenâ causâ, nempe à calore.

Hinc sequitur flexilitatem & elaterium aëris factitii, non pendere nec procreari à partibus peculiaribus naturâ suâ flexilibus, elasticis, &c. id est, à partibus aëreis propriè dictis; proindeque in integrum ruit allatum argumentum.

Verum, si aliundè revocamus in memoriam quod jam diximus, nempe, 1°. aërem factitium, ut plurimum, odorem saporemque referre corporum è quibus eductus fuit;

2°. Corpora è quibus erumpit, magnam eorum ponderis jacturam ferre;

3°. Corpora quæ nullâ vi comprimi possunt, nullaque præbent elaterii signa, fieri flexilia & elastica, statim ac fuerunt ignis ope rarefacta & expansa;

tunc perspectum erit aërem factitium coalescere ipsismet partibus quibus conflantur corpora è quibus eductus fuit; id est, perspectum erit procreari fluidum elasticum, flexile, omnibusque præditum donis quibus gaudet fluidum atmosphæricum à solis partibus corporum, quæ distillationis, accensionis, aut fermentationis ope fuerunt expansæ, & in auras propulsæ sub vaporum formâ.

At, si vapores qui ex omnibus erumpunt corporibus caloris ope, pariunt fluidum elasticum, flexile, &c. absque auxilio & præsentia partium naturâ suâ flexilium, elasticarum, &c. vapores qui jugiter è terris effluunt, procreare poterunt fluidum ejusdem indolis absque præsentia partium suâ naturâ flexilium, elasticarum, &c. proindeque fluidum terram ambiens poterit esse flexile, elasticum, &c. absque auxilio & præsentia partium aërearum propriè dictarum. Hinc sequitur dubiam ad minimum esse illarum partium existentiam; undè rursus sequitur eas inter corporum elementa recenseri non posse, donec earum actualis existentia experimentis, aut validioribus argumentis fuerit firmata. Eo potiori jure hanc tenere possumus opinionem, quòd verisimilius sit immortalem Newtonium non opinatum fuisse, aërem coagmentari partibus peculiari-bus naturâ suâ flexibilibus, elasticis; & è contrâ illum Physicum existimavisse, aërem iisdem conflari partibus quibus omnia alia coalescunt corpora; ille enim asserit in trigessimâ suæ Optices quæstione, *densa corpora fermentationis auxilio rarefieri in plures aëris species, easque diversas aëris species rursus in corpora densi converti, vel fermentationis ope, vel absque ullo præcedentis fermentationis indicio.*

His patet immortalem illum Physicum indicavisse

se, seu insignivisse *aëris* vocabulo, totum illud fluidum quo circumcingitur terra, id est, atmosphæricum fluidum; si enim insignire voluisset hoc vocabulo fluidum conflatum peculiaribus partibus naturâ suâ flexilibus & elasticis, non dixisset in *diversas aëris species* densa rareferi corpora, sed in *aërem* rareferi. Prætereà, cùm fateatur diversas esse aëris species, & illas immutari in densa corpora, verisimile est illum auguratum fuisse has diversas aëris species nil aliud esse quàm partes diversorum corporum caloris ope rarefactas vel expansas; eò magis quòd asserit adhuc postea, has *diversas aëris species rursus in densa converti corpora*, quibus verbis videtur innuere has diversas aëris species in eadem densa corpora converti, è quibus eductæ fuerunt; proindeque eas nil aliud esse quàm densorum corporum partes rarefactas; nam non dicit in densum converti corpus, diversas aëris species, sed in densa corpora.

Ex his igitur verisimile mihi videtur Newtonium existimavisse aërem, seu atmosphæricum fluidum, nil aliud esse quàm ipforummet densorum corporum partes rarefactas, quæ iisdem pollent dotibus ac aër naturalis, quamdiù calore fovetur earum expansio; ad firmiùs tamen stabiliendam allatam opinionem, satisfacere conabimur nonnullis argumentis quibus eam oppugnaverunt Physici.



PARAGRAPHUS TERTIUS.

PRIMUM ARGUMENTUM,

*Petitur è flexibilitate & elaterio quibus gaudet atmos-
sphericum fluidum in gelidiori tempestate.*

SI fluidum terram ambiens (inquiunt adversarii, suam flexibilitatem suumque mutuaretur elateriam ab expansione partium quæ è terris, vaporum formâ, fursùm tolluntur, illud has deperderet dotes, statim ac gelidior fieret tempesta; minimus enim, quo tunc gaudet atmosphæra, caloris gradus non posset earum partium expansionem fovere; proindeque illæ partes, præ suâ gravitate, subsiderent & collaberentur eò citiùs, quòd atmosphæricum fluidum aqueis redundat partibus quæ frigore citò densantur. Hoc firmati argumento continent fluidum terram ambiens, suas acceptas habere dotes ab indole nonnullarum partium peculiarium quibus fartum est, & quas nuncupant *partes aëreas*.

Huic argumento jam satisfecimus patefaciendo,

1^o. Quòd plurimæ partes aqueæ, formâ vaporum insensilium expansæ, vagantur in atmosphæricum fluidum, dum omnia gelu constringuntur corpora;

2^o. Quòd in gelidissimâ tempestate plurimæ partes aqueæ, &c. ex omnibus corporibus & ex ipsâ glacie continuò effluunt, & per atmosphæram, sub formâ vaporum, longè lateque diffunduntur;

3^o. Quòd vapores ex æolipylâ erumpentes, diffunduntur per atmosphæram gelidam, & non citiùs densantur;

4^o. Quòd fumi è caminorum spiraculis effluentes,

longè lateque diffunduntur per atmosphæram , & divagantur ;

5°. Quòd sal tartari aëri gelido & libero expositum , deliquescit & liquidum fit ; at illud suam fluiditatem habere non potest ab aliis partibus aqueis , quàm ab illis quæ , sub formâ vaporum , per atmosphæram errant ; proindeque constat vagari per atmosphæram gelidam multas partes aqueas in vaporem expansas ;

6°. Quòd effluentes humores ex animalium pulmonibus , vel è spiraculis eorum cutis , non densantur , dum in atmosphæram ingrediuntur gelidam.

Verum est quidem nos videre tenues illos vapores in nubeculas crassescere , & nonnullas crassiores partes subsidere : at constat quòd tenuiores per aërem diffunduntur & vagantur expansæ. Prætereà animadvertendum hanc densationem non pendere præcipuè ab atmosphæræ frigore ; nam testatur experientia , humores è pulmonibus emissos , vel è cutis propulsos spiraculis , in crassiorem spissari fumum , ubi nebulosum est cœlum , & ubi caligo circumcingit terram , quàm dum sicca est tempestas , etiamsi multò intentius tunc vigeat frigus.

7°. Nix solvitur gelidâ tempestate ab irruentibus Solis radiis ; & multò citiùs solvitur , ubi radiorum luminis vis , seu actio , corroboratur à centrali materiâ , ut diximus.

8°. In gelidiori tempestate oculis cernere licet , nebulas , seu tenuissimum fumum , ex aquis effluere , præsertim ex aquis stagnantibus , huncque vaporem faciliùs est oculis percipere , matutinis & serotinis horis.

Ex allatis igitur colligemus experimentis , partes expansas in atmosphærico fluido , diutiùs vagari

104 DE PRIMIGENIIS CORPORIBUS
posse omnibus gelu constrictis corporibus; undè sequitur atmosphæricum fluidum esse semper & actu rarefactum ac expansum in gelidissimâ tempestate; proindeque illud tunc posse semper comprimi, ac deindè in primum rarefactionis gradum reverti.

SECUNDUM ARGUMENTUM,

*Petium è fulgore prunarum in atmosphærico fluido,
& diuturnitate vitæ animalium in ilo fluido.*

Adversùs nostram hypothesim asserunt adhuc nonnulli, 1°. ardentes prunas, ferrumque candens, posita & inclusa in vase repleto aëre factitio, (id est, in vase repleto vaporibus eductis ope caloris è quocumque corpore) omnem suum citiùs amittere fulgorem, & accensa corpora in hoc inclusa vase, ab his extinguì vaporibus.

2°. Addunt citiùs interire animalia, quæ sub excipulo vaporibus pleno concluduntur.

Cùm verò constet experienciâ, 1°. accensionem & fulgorem ignitorum corporum foveri ab aëre libero;

2°. Animalia diuturniori vitâ frui in aëre libero, intulerunt indolem atmosphærici fluidi diversam esse, & plurimùm distare ab indole vaporum qui caloris ope educuntur è corporibus, id est, ab indole aëris factitii.

Illa argumenta non valent nostram infirmare opinionem, eò quòd non fuerunt instituta cum aëre factitio defæcato crassioribus partibus, id est, cum illo aëre factitio qui debitam aquæ molem permeavit, antequàm in superiori parte excipuli colligeretur. Nam annotavimus cum Halesio, illum solum aërem factitium iisdem esse præditum dotibus ac

aër naturalis : cùm verò experimenta ab adversariis allata, fuerint instituta cum aëre crassiori factitio, nihil è suis experimentis colligere possunt quod nostram impugnet sententiam.

Etenim aër factitius plurimis luxurians partibus crassioribus, ignem & candentis ferri fulgorem extinguere debet, non secùs ac aër naturalis crassioribus vaporibus redundans, v. g. ille aër qui vagatur & fluit in locis subterraneis; ille enim extinguit ignem, flammam, & fulgorem corporum ardentium, eò quòd plurimis luxuriet partibus aqueis & terreis, quæ in ignem, flammam aut ardentia corpora delapsæ vel propulsæ, debent ignes & candentium corporum fulgorem extinguere, non secùs ac major copia aquæ, aut pulveris humidi affusi corporibus ardentibus, ignem extinguit.

Non gravioris est momenti secundum argumentum petitum è morte animalium inclusorum sub excipulo pleno crassorum vaporum. Etenim animalia intereunt, quotiescumque aër patulus, quem spiritu ducunt, noxiis partibus, seu vaporibus luxuriat, vel quotiescumque crassior est, vel tandem quotiescumque majori perfunditur calore.

Etenim constat experienciâ, dari antrum in Italiâ, cujus aër necat omnes canes qui in hoc ingrediuntur, & non longè ab hoc antro adeste paludem cujus aër superfusus occidit volucres supervolantes.

Aër luxurians vaporibus erumpentibus è nonnullis locis effossis, mortem & lethales morbos intulit animalibus & hominibus incolis.

Etiam si aër non luxuriet vaporibus noxiis, attamen si fervidior est aut crassior, tunc crebrior fit animalium anhelitus; jam aëris aspiratione non

106 DE PRIMIGENIIS CORPORIBUS
reficiuntur homines, animalia linquntur animo,
& caligine oculis affusâ veluti moribunda extendun-
tur, & reipsâ exanimarentur, si diutiùs in hoc rema-
nerent aëre. Verùm hæc oriuntur phænomena, eò
quòd circulus sanguinis in pulmonibus absolvi ne-
quit, ut diximus in Actis Regiæ Scientiarum Aca-
demiæ Parisiensis anni 1718.

Jam si animalia & homines extinguuntur & pe-
reunt in aëre patulo fervidiori, vel vaporibus noxiis
aut crassioribus inquinato, eadem animalia debent
exanimari sub excipulo cujus aër vel fervidior est,
vel crassioribus aut noxiis vaporibus redundat; nec
inferre possunt adversarii ex hoc experimento, di-
versam esse indolem aëris factitii defæcati, ab aëre
terræ circumfuso; ut enim legitima esset eorum con-
clusio, necesse esset ut conferrent hunc aërem cum
aëre factitio defæcatissimo & tenuissimo, & ut con-
ferrent calorem aëris naturalis in quo diu vivunt
animalia, cum calore aëris factitii in quo eadem
posuerunt animalia; alioquin mendosa erit eorum
conclusio.

Etenim constat, ut diximus, 1°. animalia exa-
nimari & extinguì in aëre naturali, si fervidior sit
aut vaporibus crassioribus inquinatus; proindeque
debent extinguì animalia in aëre factitio, si ferve-
dior sit, vel si redundet crassioribus vaporibus.

2°. Experimentiâ constat, animalia citiùs exani-
mari in aëre saluberrimo recondito in arctiori loco,
eò quòd ubi aër naturalis & saluberrimus non potest
sæpiùs renovari, inquinatur vaporibus effluentibus
è spiraculis cutis animalium, & ex eorum pulmoni-
bus: prætereà tunc fervidior fit, quàm ut animalia
vitâ frui possint in hoc aëre. Eâdem de causâ citiùs
intereunt animalia in aëre factitio defæcato, ubi

includuntur sub excipulo pleno hoc aëre factitio, quod non potest sæpius renovari.

Perspectum est igitur adversarios inferre non posse ex experimentis ab ipsis allatis, diversam esse indolem aëris factitii defæcati ab indole aëris liberi & puri quem haurimus.

TERTIUM ARGUMENTUM.

Ortum ex æqualite elaterii fluidi atmosphærici, dum tonitruis omnia concutiuntur corpora, & dum uberior imber è cælo demittitur.

Arguunt tandem nonnulli, vaporibus è terrâ propulsis conflari non posse fluidum elasticum terram ambiens, nec ab his suas mutuari dotes; si enim, inquiunt, his coalescebat vaporibus atmosphæricum fluidum, illud accenderetur, dum tonitru concussa tremunt omnia, & atmosphæram pervadunt fulmina; omnes enim, inquiunt, sulphurei & oleosi vapores qui, spirituum ardentium formâ, fursùm tolluntur, citò accenderentur, ac proindè evanescerent vapores illis conflati partibus.

Prætereà, dum uberior è cælo demittitur aquæ copia, omnes, aut saltem quamplurimæ illorum vaporum partes, ab aqueis partibus corruentibus raperentur, & in terram protruderentur, proindeque majori vaporum quantitate spoliaretur fluidum atmosphæricum; undè sequeretur quòd illud in utroque casu amitteret majorem partem suarum virium elasticarum, necnon aliarum sibi propriarum dotium, quod repugnat experientiæ.

Non arduum erit ostendere, accendi non debere fluidum atmosphæricum, cùm atmosphæram transmeant fulmina, etiamsi plurimis redundet va-

poribus oleosis, sulphureis, &c. qui citò & facile accendi possunt; etenim, cùm constet aqueas partes, præ cæteris, redundare in fluido terram ambiente, ipsasque majorem ejus constituere partem, illæ aqueæ partes cum sulphureis permixtæ vaporibus, obstant quominus inflammentur, ut constat experimentis. Etenim, si alkohol vini emendatum quod citò accenditur cùm multâ permisceatur aquâ, tunc illud inflammari & accendi non potest igne, eâdem de causâ accendi non debet à fulminibus fluidum atmosphæricum, etiamsi pluribus fartum sit vaporibus sulphureis tenuissimis & flammabilibus, quia multò plures in eo redundant aqueæ partes. Aliundè recentissimis experimentis constat omnem aërem fieri electricum, cùm fulgent fulguribus nubes.

Fatemur equidem plures atmosphærici fluidi partes in vaporem expansas, præcipuè vapores crassiores, ab aqueis partibus è cœlo depluentibus rapi & ab his in terram propelli. At verisimilius est omnes vapores non rapi & tenuiores non subsidere.

Præterea plures partes tenuiores defluunt ex ipsis nubibus, vaporum formâ, & per atmosphæram diffunduntur, ac diù vagantur.

Tandem quamplurimæ partes in vaporem expansæ, è terris indefinenter erumpunt, etiam cùm è cœlo largiùs demittitur imber; eoque uberiori copiâ effluunt vapores, quò laxior est terræ compages, & quò pluribus aqueis partibus abundat. Etenim centralis materia è terraqueo globo jugiter erumpens, multas semper fursùm tollit partes in vaporem expansas, eoque majori copiâ, quò ab aqueis partibus depluentibus, plures solutæ fuerunt terræ partes; ipsæ enim tunc minùs sibi invicem adhærent, & jam sejunctæ minori vi fursùm tolli

possunt, quin etiam ipsæ aqueæ partes cœlo demissæ rursus in vaporem abeunt; proindeque omnes vapores, tum è nubibus delapsæ, tum è terris erumpentes, continuò & citiùs factam resarciunt jacturam. Uberior hæc vaporum è terrâ propulsorum emanatio luculenter probatur odore jucundè gravi, qui afflatur è terrâ cum æstate multæ depluerunt aquæ, qui quidem apud Gallos nuncupatur, *odor imbrium æstatis*.

Profluentia vaporum, dum depluunt aquæ luculenter, potest probari experimento vulgari. Ponamus in lebetè terram madidam, huncque imponamus igni, statim ac verò ex illâ terrâ plurimi effluent fumi, seu vapores, tunc irrorarii ope aquam affundamus, ita ut aqua permeet illos vapores, antequàm depluat in terram; tunc observare poterimus plurimos fursùm tolli & effluere fumos, seu vapores è terrâ madidâ, dum affunditur aqua, eosque vapores sæpiùs tunc effluere uberiori copiâ, quàm effluerent, si novæ partes aqueæ continuò non affunderentur.

Prætereà, si affundimus irrorarii ope, aquam in spumam saponaceam calore procreatam, videbimus aquam permeare spumam, & non observabimus spumam deprimi & evanescere, modò aqua saponacea eodem semper caloris gradu urgeatur, & non affundatur uberior aquæ gelidæ copia.

His notum fit animadversionibus, quòd etiamsi multæ, & diutiùs de cœlo depluant aquæ, attamen atmosphæricum fluidum luxuriabit semper vaporibus; undè sequitur quòd elaterio & aliis gaudebit dotibus quas ab illorum vaporum expansione mutuatur.

QUARTUM ARGUMENTUM,

Petitur è procreatione & magnitudine bullarum quæ eructantur è fluidis, statim ac ex ipsis educitur atmosphæricum fluidum.

Tandem arguunt adversarii, flexilitatem & elaterium atmosphærici fluidi procreari debere à partibus peculiaribus naturâ suâ flexilibus, elasticis, &c. siquidem illæ partes proprio suo elaterio sese exerant & expandantur absque ullius caloris incremento, statim ac exonerantur pondere fluidi atmosphærici quo premebantur & coarctabantur in angustioribus corporum recessibus; etenim, inquiunt, includatur fluidum, v. g. aqua sub excipulo, & ex eo educatur atmosphæricum fluidum, oculis perspicere licet exilissimas gigni bullas in fundo fluidi, & illas in superficiem ascendentem, quamplurimum incrementum, ac tandem maximam amplitudinem acquirere; at, cùm nullum caloris incrementum intervenerit, palàm est harum bullarum genesim pendere non posse à majori copiâ, vel à majori impetu partium ignearum.

Contrà verò, cùm pariantur bullæ, statim ac aqua exoneratur incumbentis atmosphærici fluidi pondere, & illæ eò ampliores fiant, quò magis ad superficiem accedunt, perspicuum est has procreari bullas à partibus quæ coactæ delitescabant intrâ partes aqueas, & quæ valent propriâ suâ vi sese expandere; id est, patet ex illarum bullarum genesi, dari & præsentem adesse in aquâ partes adeò flexiles, ut illæ plurimum coarctari possint à pondere fluidi atmosphærici, & adeò elasticas, seu tanto elaterio præditas, ut quamplurimum valeant sese

expandere absque ullo auxilio extraneo, statim ac non premuntur.

At, cùm aliundè constet partes plurimorum fluidorum, v. g. partes aqueas, non esse flexiles, nec elasticas, sequitur dari & delitescere in fluidis partes peculiares & diversas ab illis quibus aquæ, vel alia fluida coalescunt, illas parere bullas, ac proinde esse suâ naturâ flexiles, elasticas & diversas ab illis quibus coalescunt illa fluida.

Constat equidem bullas procreari in fluidis, statim ac educitur incumbens atmosphæricum fluidum; ipsas exilissimas esse in fundo, seu imo fluidi, & eas increfcere prout in superficiem ascendunt, ac tandem amplissimas fieri: at non possunt Phisici colligere ex illarum bullarum genesi, illas procreari à partibus naturâ suâ flexilibus & elasticis, quæ plurimùm coactæ delitescunt in corporibus, v. g. in aquâ, & quæ proprio suo elaterio rarefiunt & expanduntur, statim ac imminuitur, vel amoveatur vis comprimens.

Etenim ratio certiores nos facit, partes naturâ suâ flexiles & elasticas non posse coactas & compressas remanere in corporibus, nisi vires, quibus coactæ & compressæ retinentur, sint majores viribus elasticis quibus enituntur sese expandere.

At perspicuum est vires elasticas partium has bullas procreantium, multò validiores esse viribus quibus possent cogi, & coactæ teneri in fluidis; proindeque constat has bullas procreari non posse à partibus elasticis & delitescentibus in fluidis.

Etenim in confesso est partes aëreas, seu elasticas, non posse coactas retineri in aquâ ab aliis viribus quàm, 1°. vi gravitatis, id est, pondere incumbentis atmosphærici fluidi; 2°. vi quâ secum nectun-

tur partes aqueæ intrâ quas reconduntur. At illæ vires sunt multò minores vi elasticâ quâ donari deberent partes quæ has bullas procrearent; proindeque constat illas bullas non gigni à partibus naturâ suâ flexilibus & elasticis, delitescentibus in aquâ è quâ eductum fuit atmosphæricum fluidum.

Haud arduum est probare quòd vis gravitatis incumbentis atmosphærici fluidi, & vis mutuæ coherentiæ partium aquæ, multò sunt debiliores viribus elaterii quibus gauderent aëris partes, si illæ procreabant bullas quæ procreantur, ubi educitur aër; etenim conferamus gradum coarctationis partium elasticarum delitescentium in fluidis, cum expansionis gradu quem adipiscuntur, dum erumpunt, & assentiamur plurimis Physicis asserentibus diametrum bullarum in imo aquæ delitescentium, esse ad diametrum earundem bullarum in superficie aquæ (a), ut 1 ad 3-600. Rursus attendamus illas bullas esse sphæricas, & sphæras esse inter se ut cubi suorum diametrorum; tunc constabit statum aëreæ particulæ in fluido coactæ, esse ad ipsius statum in superficie fluidi, ubi sese expansit, ut 1. ad 45. 556. 000. 000; nunc computemus cum Geometris vim elaterii particulæ aëreæ, adeò coactæ, & valentis adeò sese expandere, & vim elasticam quâ illa aëris particula gaudere debebat (dum erat coacta) cum vi gravitatis columnæ fluidi atmosphærici incumbentis, & cum minimâ illâ vi quâ secum cohærent aqueæ partes, & exploratam habebimus vim elasticam partium aërearum in aquis coarctarum, plusquam millies superare vim gravitatis atmosphærici fluidi, & plusquam centies millies superare debilio-

(a) Leg. addit. Muschemb. tentamin. Philosoph. Florent.

rem vim quâ secum nectuntur partes aquæ. His computatis, pro certo habebimus partes tanto natali gaudentes elaterio, non posse delitescere & coactas retineri in fluidis, ac proindè bullas quæ pariuntur in fluidis (ubi exonerantur atmosphærici fluidi pondere) non procreari à partibus elasticis reconditis & inclusis in fluidorum intimâ compage.

Aliundè verò constat experimentis, ingentes procreari bullas in fluidis aëre diligenter spoliatis, & in vacuo inclusis; proindeque perspectum est bullas procreari in fluidis absque auxilio partium aërearum, id est, absque auxilio partium naturâ suâ flexilium & elasticarum, delitescantium in aquis; etenim si ponantur sub excipulo pneumaticæ machinæ oleum gaiaci & spiritus nitri, & educatur aër, ita ut nullus super sit, nec in iis liquoribus, nec sub excipulo; sique postea permisceantur illi liquores, tunc fermentescunt, & ingentes ac innumeræ procreantur bullæ, moxque sequitur explosio.

Legimus in Additamentis (a) Musschembroek, spiritum nitri cum æquali quantitate aquæ in aëre permixtum, nullo sensibili motu agi, quamvis Thermoscopium indicet adauctum fuisse caloris gradum: cum verò Musschembroek idem voluit experimentum instituere cum his liquoribus aëre spoliatis & in vacuo inclusis, animadvertit ex his erumpere liquoribus bullas, multoque majorem fuisse caloris gradum.

Innumeris aliis experimentis descriptis in iisdem Additamentis constat, non solum plurimas fieri effervescentias in vacuo, quæ non observantur in aëre libero, sed etiam adesse corpora solida & flui-

(a) Lege Tentam. Exper. natur. cap. in Acad. Del Cim. pag. 137, & Exper. 25.

da è quibus simul mixtis permagnæ in vacuo erumpunt bullæ, & è quibus nullæ eructantur in aëre libero. Hæc quisque noscere poterit, conferendo experimentum XXX cum experimento XXXI, experimentum LII cum LIII, exper. CLXXVII, cum CLXXVIII, exper. CLXXIX cum CLXXX, & exper. CLXXXI cum CLXXXII.

Includatur aqua sub excipulo machinæ pneumaticæ, & aër tum è lagenâ, tum ex aquâ, tum è vase exceptorio educatur; hoc educto, hermetice claudatur lagena ignis ope, & postea ex excipulo extrahatur illa, tunc fursùm deorsumque velociùs moveatur lagena; ut aqua intùs contenta, velociori motu agatur, observare licebit innumeras ex aquâ erumpere bullas præbentes formam bullarum aërearum, & micantes ad instar ignearum scintillarum.

His & quamplurimis aliis experimentis, quæ referre supervacaneum esset, constat bullas erumpere è fluidis atque è solidis corporibus absque aëris auxilio; undè sequitur eas procreari ab aliis fluidis tenuissimis diversis ab aëre.

Verùm, cum experimentis constet, ut diximus, 1°. materiam luminis & materiam centram cumulatius affluere in vasa aëre vacua, siquidem intùs luminosa fiant, ubi celeriter circa suum axim versantur;

2°. Cum certiores simus has materias vim inferre corporibus complexis cavo vasorum aëre vacuorum;

3°. Cum testentur experimenta genesim bullarum in vacuo, concomitari caloris gradu, siquidem incallescant fluida aëre spoliata, & in vacuo permixta, statim ac bullæ ex ipsis erumpunt;

4°. Cum fluida nonnunquam flammam edant in vacuo, ubi permiscantur;

5°. Cum aqua aëre spoliata in vacuo inclusa, pariat bullas, ignearum scintillarum ad instar micantes, si vas in quo includitur, debitè succutiatur, verisimilius est bullas sæpius procreari à materiâ luminis & à materiâ centrali absque aëris auxilio; illæ enim affatim tunc affluentes in vasa aëre vacua, vim inferunt obviis partibus aqueis, & connituntur has partes à se invicem sejungere, ad sibi parandam viam quâ effluere possint.

Verùm, cum aqueæ partes debitis viribus secum cohæreant, illæ non poterunt sejungi, quin prius exporrectæ & distentæ fuerint, ad instar veli, à luminis materiâ affluente: hâc arte procreatur bulla quæ minima est in fundo fluidi, eò quòd pauciores partes primò removentur, & à se invicem sejunguntur vi materiæ luminis.

Verùm, cum 1°. vis renitens eò minor fiat, quòd bulla procreata propiùs accedit ad fluidi superficiem; 2°. cum tunc plures partes aquæ fuerint se-junctæ & distentæ à luminis partibus jugiter affluentibus, amplior fiet bulla, eoque major quòd magis ad superficiem accedit, eò quòd novæ semper adjunguntur partes aqueæ quibus fit ut magis distendi & ampliari possit bulla.


Tandem illa amplior adhuc fiet, ubi exurget ultrà fluidi superficiem, donec tandem vis materiæ luminis penitùs à se invicem sejunxerit nonnullas fluidi partes; tunc enim disrumpetur & evanescet bulla procreata in fundo fluidi, ut diximus.

Ad firmandam hanc opinionem experiri placuit, an ignea materia erumpens ex ignitis corporibus, posset bullas procreare absque aëris auxilio. Quamobrem inclusimus aquam sub excipulo machinæ pneumaticæ, & deindè aërem diligenter eduximus


116 DE PRIMIGENIIS CORPORIBUS

ex illo vase & ex aquâ : admovimus postea prunas ardentes sub tabulâ æneâ machinæ pneumaticæ, ut ebulliret aqua ad explorandum, 1°. an bullæ exurgerent, 2°. an bullæ hæc industriâ procreatæ acquirere possent amplitudinem æqualem illi quâ gaudent bullæ quæ procreantur in superficie aquæ aëre luxuriantis, ac in aëre libero ebullientis. Verum, statim ac ignis ope vapores ex aquis effluxerunt, ab his cum explosione fuerunt diffracta vasa, & hinc indè longiùs maximoque cum impetu fuerunt propulsa frustula. Quamobrem ad amicum plurimumque colendum ill. D. Petrum Van-Musschembroek confugimus, ut, præ suâ sagacitate, inveniret modum quo experimentum absolvi posset, nec vana lusit spes. Ille enim hoc absolvit experimentum sine periculo & maximo cum successu. Quâ verò industriâ hoc absolvit publici facere juris utile duximus, necnon ea quæ observavit phænomena. Ut autem Physici possent idem periclitari, iconem adjunximus quo dilucidius intelligant rationem hujus instituendi experimenti.

A A repræsentat tabulam æneam anthliæ cui imponuntur excipula. Hæc tabula duobus foraminibus pertunditur : *I* & *K*, per foramen *I*, aër transit è recipiente in anthliæ foramen : in medio tabulæ est foramen *K*, varios in usus. Huic foramini *K* infixit rostrum *B C* phialæ chymicæ; illud rostrum longitudinem habebat 14 pollices Rhenol. & ipsius partem superiorem ultra *B*, in igne liquefecerat eduxeratque in angustiam capillarem : postea clausit accuratè cemento rimas quæ erant inter foramen & rostrum phialæ; & ne illud cementum à calore inferiori liquefieret, exterius illud munierat corio : phialæ venter usque ad dimidium, id est, ad *D*,



THE
MUSEUM
OF
THE
CITY OF
NEW YORK



implebatur aquâ pluviae : imposuit tabulae *A A* vitreum excipulum *F*, quod communicationem faciebat inter ambo foramina *I & K* : infra phialae ventrem posuit fictile cum prunis ardentibus *E*, sed sine flammâ. Hoc vas prius in remotiori intervallo à phialâ posuit, dein lentè propiùs admovit, donec aqua inciperet ebullire ; sed interim ope anthliae pneumaticae educebat aërem, tum è recipiente *F*, tum è phialâ *B, C, D*, tum ex aquâ contentâ in ventre phialae *C, D*, atque perrexit reciprocare embolum, quamdiu continuatum fuit experimentum, tunc enim continuò auferebat vaporem elasticum, qui aquam premebat. Hâc industriâ non poterat ille vapor diffringere, suâ vi elasticâ, vitrum, nec premere superficiem aquae : quamobrem reverâ semper remanebat aqua phialae in loco vacuo. Eventus hujus experimenti fuit quòd ab ipsius initio ad finem obortae fuerint ex aquâ *D* bullae magnae, quae in ejus superficie rumpebantur, & nunc magnitudinem phialae parem, nunc triplo, quadruplo minorem habebant.

Coctio, sive ebullitio hujus aquae supra ignem, differebat ab ebullitione communi aquae in phialâ apertâ, & aëris plenâ ; nam ebullitio quae tunc procreabatur, erat prorsus similis illi quae fit, cum ex aquâ calidâ sub recipiente positâ, extrahitur aër ; nullas vidit undas, ut vulgò in aperto vase fiunt. Protraxit hoc experimentum ultrabihorium, donec omnis aqua coctione abierit in vaporem, & ascenderit fursùm in recipiens *F*.

1°. Ascendit aquae vapor in vacuo ad 20 pollices, forsitan multò altiùs ascendere potest ; sed in hoc experimento ad eam altitudinem tantum cum igne avolvit.

2°. Venter phialæ & collum, ut cumque ebulliret aqua, ad tactum vix tepere observabantur. Extrinsecus applicatum Thermoscopium ostendebat 96; cum verò in aëre aperto aqua non ebulliat, nisi caleat ad gradum 212, his patet majorem partium ignearum quantitatem per phialæ rostrum cum vaporibus in excipulum effugere, eò quòd minor est renixus.

Hoc experimento constat 1°. igneam materiam ingentes bullas procreare posse absque aëris auxilio, seu præsentia.

2°. Aqueas partes plurimùm expandi posse ab igneâ materiâ, sine aëris præsentia.

3°. Bullas majores procreari in vacuo, & solo impulsu materiæ igneæ è cespitibus ardentibus emissæ, quàm ex aquâ redundante partibus aëris & in aëre patulo bulliente.

Si verò ignea materia ex ardentibus erumpens cespitibus, valet aqueas partes in bullas rarefacere & expandere, quid impedit quominus centralis vel ignea materia, quæ jugiter transmeat aquas, expandat aquæ partes, & procreet bullas, dum anthliæ auxilio debitâ incumbentis atmosphæræ copiam, educitur: nam experiëntiâ constat,

1°. Materiam luminis & materiam centralem eò cumulatius affluere in vasa, quò major copia crassioris aëris ex his educitur;

2°. Eas materias posse plurimùm expandere partes aqueas, statim ac aër fuit eductus, eò quòd debilior est vis renitens earum expansioni. At si,

1°. Materia luminis, &c. cumulatius affluit in aquas inclusas in vasis aëre vacuis;

2°. Si ipsa magis expandit aqueas partes quibus aër crassior non incumbit, illa magis distendet partes aqueas, ac eas in bullas expandet.

Opponunt nonnulli, quòd si bullæ erumpentes è fluidis inclusis sub excipulo machinæ pneumaticæ, procreabantur ab igneâ materiâ, vel à materiâ centrali, non secùs ac procreantur in aëre patulo ab igneis partibus effluentibus è prunis, vel lignis accensis, &c. novæ bullæ continuò erumperent ex aquâ in vacuo quamdiu reciprocaretur embolus; nam cum de novo jugiter affluant & ignea materia, & centralis materia, illæ novas continuò deberent edere bullas; attamen experienciâ constat nullas erumpere bullas, etiamsi reciprocetur embolus, postquam eductum fuit atmosphæricum fluidum complexum excipuli cavo; & hinc inferunt adversarii, nec igneam materiam, nec materiam centalem parere bullas quæ erumpunt ex aquis inclusis sub excipulo pneumaticæ machinæ; undè rursus inferunt has procreari bullas ab aëris partibus delitescentibus in fluidorum intimâ compage.

Hoc solvitur argumentum experimentis quibus patet igneas partes nunquam parere bullas quamdiu possunt expeditiùs percurrere interstitia interjecta partes aqueas, nullâ aut minori vi illatâ partibus fluidi circumpositis; & bullas nunquam procreari, nisi partes igneæ affluant tantâ copiâ, ut non possint permeare interstitia interjecta fluidi partes, quin vim ipsis inferant & à sese removeant.

Etenim imponamus aquam igni, donec pariantur bullæ; tunc annotemus ope Thermoscopii gradum caloris quo urgetur aqua, & ita dirigamus ignem suppositum aquæ, ut non adaugeatur caloris gradus; tunc sinamus aquam frigescere & rursus igni imponatur, experiemur quòd ex hâc aquâ igni commissâ non exurgent novæ bullæ, nisi adaugeatur ignis gradus quem priùs passa est.

Rursùs sinamus hanc aquam frigescere, & eam postea imponamus igni, donec novæ procreentur bullæ; annotemus adhuc secundum caloris seu ignis gradum, quo fuerunt procreatæ bullæ; amoveamus aquam ab igne ut frigescat, & postea hanc rursùs imponamus igni, observabimus quòd bullæ non erumpent ex illâ aquâ, nisi urgeatur ignis seu caloris gradu intensiori illo quo secundâ vice fuit acta: & licet pluries idem instituat experimentum, idem semper erit eventus.

Si attento perpendimus animo quòd idem gradus caloris, qui semel bullas peperit, non potest novas edere bullas, & quòd novæ non procreantur bullæ, nisi ille gradus caloris adaugeatur, dilucidè percipimus 1°. quòd igneæ partes, quæ primò irruerunt in aqueam molem, vim intulerunt plurimis partibus aqueis obstantibus earum effugio, & quòd tunc illæ partes igneæ indè propulerunt aqueas partes obvias, & quòd illas trudere non potuerunt, quin eas fursùm propulerint & in bullas expanserint;

2°. Quòd postea aqua non ebullit, nec bullas edit ab eodem ignis gradu, cò quòd eadem partium ignearum quantitas potest expeditius effluere per vias quas priùs referavit; nam cum idem caloris gradus eandem semper ignearum partium quantitatem suppeditet, omnes partes igneæ quæ debito ignis gradu pulsæ fuerunt in aqueam molem, possunt effugere per easdem vias quæ fuerunt paratæ & referatæ ab æquali quantitate partium ignearum; proindeque eadem quantitas ignearum partium de novo affluentium, poterit pervadere easdem vias, nullâ vi illatâ aqueis partibus: undè sequitur quòd illæ partes igneæ nullam ebullitionem nullasque bullas procreabunt.

Hâc de causâ non ebullit aqua ab eodem ignis gradu, postquàm fuerunt referatæ viæ per quas, justâ ac debitâ partium ignearum copiâ, effugere possit.

Contrà verò, ubi adaugetur ignis gradus, illicò major numerus partium ignearum in aquam truditur : at, cùm omnes illæ partes, præ suâ multitudine, non possint transire per easdem vias quæ priùs fuerant referatæ, eò quòd sunt angustiores, tunc plures igneæ partes vim inferunt circumfusus fluidi partibus, & illæ motu aguntur vi, seu impulsu partium ignearum affluentium majori copiâ ; proindeque ebulliet aqua & procreabuntur bullæ.

His patet experimentis nullam fieri ebullitionem, nullasque procreari bullas in aquâ quæ fuit igni commissa, nisi majori caloris gradu urgeatur, eò quòd ita fuerunt priùs dilatata interstitia interjecta partes aqueas, ut æqualis partium ignearum quantitas (de novo accedens) possit ea pervadere, nullâ aut minori vi illatâ partibus aqueis circumfusus.

Eâdem de causâ, ubi ope anthliæ educta fuit tanta copia aëris, ut debita quantitas luminis materiæ possit expeditiùs pervadere interstitia interjecta partes aqueas, nullâ aut minori vi illatâ aliis partibus aqueis circumfusus, tunc eadem luminis materiæ quantitas poterit semper aquam permeare, & per vias referatas effugere, minori vi illatâ ipsius partibus ; proindeque non ebulliet aqua, nec bullæ procreabuntur, etiamsi continuò reciprocetur emboli actio, eò quòd patent & paratæ fuerunt viæ quibus debita igneæ materiæ copia, seu quantitas, effugere potest. Verùm, si quâcumque de causâ, v. g. majori caloris gradu, ignea materia cumulatiùs affluat in aquam, tum cùm illa major quantitas non possit

effluere per reſeratas vias propter earum anguſtias ; illa vim inferet plurimis hujus fluidi partibus , & bullas procreabit , ubi reciprocabitur emboli actio.

Non poſſunt igitur inferre adverſarii ex hoc experimento , deliteſcere , & irretitas teneri in corporibus partes naturâ ſuâ flexiles , elastiſcas , &c.

Contrâ verò , jure ac meritò ſequi videtur ex his quæ ſuprà diximus , bullas erumpentes è fluidis (è quibus educus fuit aër) procreari à luminis materiâ & materiâ centrali , cumulatè ſemper affluentibus in vaſa è quibus educitur aër : nullo igitur experimento , nulloque argumento probare & indicare poſſunt Phyſici , bullas è fluidis erumpentes , dum educitur aër , procreari à partibus peculiaribus naturâ ſuâ *flexilibus* , *elastiſcis* & *in fluidorum intimâ compage reconditis* , id eſt , ab aëris partibus. Cùm verò pluribus è contrâ pateat experimentis , partes inflexiles , & non elastiſcas , quibus aqua & alia plurima coaleſcunt corpora , parere fluidum elastiſcum , flexile , &c. ubi expanduntur , non exiſtimamus illas dotes oriri à partibus peculiaribus naturâ ſuâ flexilibus & elastiſcis.

Quanquam igitur clariffimorum virorum opiniones plurimùm veneremur , & ab eorum recedere ſententiis pertimeſcamus , attamen omnibus ſuprà allatis experimentis quaſi inviti rapimur , ad exiſtimandum atmofphæricum fluidum , omnes ſuas mutuari dotes ab expansione partium quæ formâ vaporum è terris jugiter erumpunt , & in auras diſfunduntur.

Simplicior eſt enim hæc opinio ; nam ſtatim atque conſtabit 1°. expansionem vaporum è diverſis corporibus effluentium , foveri poſſe à caloris gradu quo gaudet atmofphæra ; 2°. fluidum atmofphæri-

cum his vaporibus coalescere, aut saltem his scate-
re, tunc perspicuum erit illud fluidum futurum
compressibile & elasticum, ipsum nunquam amissu-
rum suam vim elasticam, nec omnes alias dotes qui-
bus pollet, etiamsi nullas in suo recondat sinu partes
peculiares propriâ indole flexiles, elasticas, &c.

Tandem, cum illarum partium flexilium & ela-
sticarum existentia nullis firmetur experimentis,
dum è contrâ constet omnium assensu, jugiter è ter-
ris effluere multos vapores, seu partes expansas,
rationi magis consentaneum videtur opinari flui-
dum terram ambiens, suum elaterium & alias sibi
propriâs mutuari dotes à partibus expansis jugiter
& cumulatè, formâ vaporum, è terrâ effluentibus,
quàm à partibus peculiaribus suâ naturâ flexilibus
& elasticis; neque enim, ut diximus, ad plura &
ignota confugere debent Physici, dum per pauciora
& nota rerum causas possunt illustrare. Ex his igitur
jure ac meritò possumus inferre, nimis ignotam aut
dubiam esse existentiam partium aërearum, seu cor-
pusculorum naturâ suâ flexilium & elasticorum,
quàm ut illa inter corporum compositorum elemen-
ta recenseri possit.

Nunc referenda sunt in Tironum gratiam, præ-
cipuè experimenta ab Halesio peracta, quibus patet
aërem factitium, & aërem naturalem, esse corpora
iisdem omnibus dotibus prædita.



PARAGRAPHUS QUARTUS.

Experimenta quibus patet aërem factitium, id est, fluidum, ope caloris è corporibus eductum, homogeneum esse, & iisdem donari dotibus quibus gaudet aër naturalis, seu atmosphæricum fluidum.

ANTEQUAM in medium promamus experimenta quibus patefacit Halesius partes quibus constantur corpora, parere fluidum elasticum, compressibile, &c. utile duximus in memoriam Tironum revocare, ita esse dispositam & ordinatam machinam, quam primus excogitavit ad omnia sua experimenta peragenda, ut aqua sub excipulo inclusa necessariò deprimatur, quotiescumque adaugetur quantitas, vel elaterium aëris inclusi sub eodem vase exceptorio; è contrà, aquam altiùs ascendere, quotiescumque aëris sub eodem excipulo inclusi quantitas, vel elaterium imminuitur. (a)

Fluidum eductum calore è corporibus sub excipulo positis, primò aquam deprimere, hancque depressionem majorem vel minorem esse, prout major vel minor est fluidi è corporibus emanantis copia, vel prout validior aut infirmior est hujus vis elastica. Ex hâc igitur majori vel minori aquæ depressione metiri potuit Halesius majorem vel minorem quantitatem, aut majorem vel minorem vim elasticam fluidi è corporibus educti. E contrà verò, ex aquæ ascensu quæ, ut plurimùm, sequitur eruptionem hujus fluidi, computare potuit quantum po-

(a) Lege Static. Veget. cap. VI. pag. 146.

steà hujus fluidi imminuta fuerit quantitas, vel elaterium.

His in memoriam revocatis, exploremus 1^o. an legitimè sequatur experimentis ab Halesio institutis, aërem naturalem, seu atmosphæricum fluidum, & aërem factitium, seu fluidum elasticum quod è corporibus caloris ope educitur, ejusdem esse naturæ.

EXPERIMENTUM,

Quo probatur aërem factitium & aërem naturalem ejusdem esse ponderis.

Annotat Halesius, cap. VI. Statices Vegetantium, pag. 164, (a) se in usum usurpavisse magnum vas exceptorium, quod continebat centum & quinquaginta pollices cubicos aëris. Hoc excipulum aëre replevit factitio, qui distillationis ope è tartaro fuerat eductus; illud vas exceptorium sedulò bilancis ope ponderavit; deindè aërem factitium follis auxilio diligenter ex hoc expulit; postea illud aëre naturali repletum, rursùs bilanci imposuit, certior factus est aërem naturalem & aërem factitium ejusdem esse ponderis.

EXPERIMENTUM,

Quo probatur aërem factitium & aërem naturalem ab æqualibus ponderibus æqualiter comprimi.

Legere est in Appendice Statices Vegetantium, pag. 369, Halesium distribuisse duos æquales tubos in partes æquales quartæ parti pollicis cubici, & in-

(a) Stat. Veger. in Gallicum sermon. convers. edit. Paris, ann. 1735, apud De Bure, Bibliopolam.

fudisse aquam in utrumque tubum, (cujus unus aëre factitio, alter aëre naturali replebatur:) compressit hos aëres in utroque tubo inclusos, à zero usque ad pondus æquale ponderi trium atmosphærarum, ultrà quod noluit suum prosequi experimentum, ne disrumperetur vas exceptorium. Hoc experimento absoluto, comperiit utrumque aërem ab eodem pondere æqualiter comprimi & coarctari.

EXPERIMENTUM,

Quod patefacit aërem factitium & aërem naturalem æquali gaudere elaterio.

Afferit Statices Vegetantium, cap. VI, pag. 165, se accepisse duos tubos æquales, decem pedes longos, quorum unum extremum hermeticè fuerat obturatum: unum replevit tubum aëre naturali propriè dicto, alterum factitio, qui è tartaro distillationis ope fuerat educus, & quem servabat à quindecim diebus; utrumque tubum posuit eodem temporis momento, sub eodem recipiente, & tunc æquali pondere (duarum atmosphærarum pondus æqualibrante) utrumque aërem compressit: observavit aërem naturalem & aërem factitium ab eodem pressos pondere, propulisse aquam incumbentem ad eandem altitudinem: undè colligit utrumque æquali gaudere vi elasticâ, seu æquali elaterio.



EXPERIMENTA,

Quibus demonstrat Halesius, 1°. aërem factitium recenter extractum, plurimum deperdere de suo elaterio; 2°. aërem factitium defæcatum, nil de suo elaterio deperdere.

Animadvertens Halesius aërem factitium è corporibus eductum, plurimum deperdere de suo elaterio, cùm per aliquot dies servabatur, voluit cognoscere quantum de eo deperdere posset, ad quod ut perveniret, præ suâ sagacitate, machinam excogitavit, cujus ope cogebat aërem factitium per aquam transire (a), antequàm in superiori parte excipuli colligeretur. Hoc experimento comperiit aërem hâc methodo è calculis, vel è tartaro eductum, tertiam sui elaterii partem deperdere sex vel septem diebus: at asserit quòd postea nihil de eo deperdit, seque servavisse per tres annos aërem factitium è calculis humanis eductum absque ullâ elaterii sui imminutione.

Tandem experiri placuit Halesio num aër hâc eductus methodo, & diù compressus, citiùs aliquid de suo deperderet elaterio, ubi cum crassioribus & absorbentibus permisceretur fumis, quàm aër ex iisdem eductus corporibus, qui nullam fuisset expertus compressionem. Hâc de causâ duos æquales tubos replevit aëre factitio, qui recens è tartaro fuerat eductus: compressit per plures dies hunc aërem in uno tantum tubulo; deindè exposuit vaporibus absorbentibus utrosque tubos aëre factitio repletos, & cognovit aërem compressum nec citiùs

(a) Leg. Experim. 77, pag. 163, & vid. figur. 38.

128 DE PRIMIGENIIS CORPORIBUS
nec magis de suo deperdere elaterio, quàm aër non
compressus.

EXPERIMENTA,

*Quibus constat aërem factitium & aërem naturalem,
ab iisdem absorberi posse fumis, & ab ipsis partibus
absorbentibus quas in suo recondunt sinu.*

Constat pluribus experimentis ab Halesio peractis, aquam sub excipulo inclusam, primò deprimi ab aëre factitio erumpente, hancque rursùs fursù tolli vel sponte, vel dum vapores crassiores, & præcipuè sulphurei aut acidi, cum illo aëre factitio permiscebantur. Verùm, cùm aqua sub excipulo contenta & primò depressa, fursù tolli non possit, quin minori vi comprimatur, nec effugere possint ex excipulo aëris factitii partes, perspectum est aërem factitium deperdidisse debitam quantitatem vis quâ valebat aquam comprimere & deprimere, id est, hunc aërem aliquam partem sui elaterii, vel suæ gravitatis amisisse. Hinc auguratus est Halesius plurimas aëris factitii partes absorptas fuisse à fumis crassioribus, aut sulphureis, aut acidis, quos sub excipulo intromiserat, vel à nonnullis partibus quæ eruperant ex ipsismet corporibus è quibus aër factitius eductus fuit : aquas *absorbentes partes* nuncupavit.

Tandem expertus est aquam sub excipulo inclusam, deprimi etiam ab aëre naturali intromisso, mox verò eam fursù tolli; & hinc collegit, 1°. aërem naturalem absorberi non secùs ac aër factitius, vel sponte, (id est, à partibus absorbentibus quas in suo recondit sinu) vel ab iisdem fumis, seu vaporibus crassis & sulphureis sub excipulo intromissis, quibus absorbetur aër factitius.

Antequàm

Antequàm verò ea referam experimenta, quibus constat utrumque semper ab iisdem absorberi fumis, seu vaporibus, Tirones Physicos monendos esse censuimus, hoc *absorbitionis* vocabulo nil aliud intelligi debere, quàm collapsum, seu subsidentiam crassiorum partium expansarum, quibus aër cùm naturalis, tùm factitius coalescebant;

Præterea illarum partium collapsum pendere ab imminutione gradûs caloris, siquidem rursus omnes deperditas dotes recuperant illæ partes, statim atque majori caloris gradu urgentur, ut dicemus; etenim statim atque partes aëris naturalis aut factitii, vagantes in excipulum, concurrunt, vel offendunt partes crassioris fumi, illæ copulantur & crassiores constituunt massulas quæ, præ suâ gravitate, subsidere debent, nisi majoris ignis gradu rursus expandantur.

Discussâ ambiguitate vocabuli absorbitionis quæ Tironum mentes intricare potuisset, in medium adducenda sunt experimenta quibus constat aëris naturalis & aëris factitii partes ab iisdem causis subsidere, & ad vasis fundum delabi.

(a) Triginta sex pollices cubici aëris factitii, qui educti fuerunt ex æquali quantitate olei antimonii, & aquæ regiæ simul mixtorum, die sequenti absorpti sunt.

Sub recipiente (b) ponatur sulphuratum ellychnium, & cum papyro imbutâ solutione nitri jungatur; deindè caustici speculi ope accendatur papyrus, tunc maxima fiet detonatio flammæ, corripietur ellychnium, & erumpent quatuor sextarii gallici aëris factitii. Siverò ellychnium sub excipu-

(a) Lege Exper. 92 & 93. pag. 129.

(b) Exper. 21. pag. 157.

lo commoretur, & stet accensum, tota illa aëris factitii quantitas rursus absorbetur à fumis ex ellychnio sulphurato erumpentibus.

In eodem legimus experimento, fumos emanantes è lignis sub eodem excipulo inclusis, absorbere aërem factitium, & ab his lignorum fumis multò minorem aëris factitii quantitatem absorberi, quàm ab illis qui è sulphure erumpunt.

Observavit Halesius erumpere crassos vapores è calce vivâ permixtâ cum oleo vitrioli, vel aceto, & aquâ, plurimumque factitii aëris absorberi. Si verò calx extincta iisdem liquoribus permisceatur, nulli exurgunt fumi, nullaque aëris factitii pars absorbebitur.

Si antimonium cum aquâ regali miscetur, languida primò erit fermentatio; ubi adaugetur & vehementior fit, tunc crassiores erumpunt fumi qui absorbent aërem factitium à primâ & languidâ fermentatione genitum.

His & plurimis aliis experimentis, quæ hîc referre supervacaneum esset, concludit Halesius, pag. 162, aërem factitium absorberi ab omnibus fumis qui è corporibus erumpunt, modò crassiores illi sint, & præsertim sulphurei.

Nunc referenda veniunt experimenta, quibus constat aërem naturalem, non secus ac aërem factitium, ab iisdem crassioribus & sulphureis fumis absorberi.

Halesius, (a) affusâ aquâ forti limaturæ ferri, viginti septem aëris naturalis cubicos pollices quatuor diebus absorptos fuisse animadvertit.

Spiritus nitri cum marcaffitis (b) Walton per-

(a) Exper. 93. pag. 189.

(b) Exper. 96,

mixtus, aërem procreavit factitium, qui valebat absorbere novum aërem naturalem quem cum industriâ sub excipulo intromittebat.

Halesius (a) inclusit sub exceptorio vase, ellychnia è vetustis confecta lintheaminibus illinitis sulphure, & his accensis, major pars aëris naturalis in illo contenti vase absorpta est.

Candelam accensam sub magno inclusit excipulo, & vidit aquam sub illo contentam deprimi, quod miratus est; nam jure existimaverat elaterium aëris adaugeri debere calore. Aqua descendere perrexit per quindecim minuta, postea verò aqua fursùm fuit sublata, quamvis flamma candelæ viguerit per tria minuta. Ipsâ verò extinctâ, non solum ascendere perrexit aqua, donec frigerent & vas & aqua & aër inclusus, sed etiam fursùm tolli perrexit per viginti vel triginta horas post frigefactionem vasis, aquæ & aëris. Hinc jure intulit fumos è candelâ erumpentes, non solum aërem absorbuisset factitium, etiam flammâ vigente, sed etiam ab illis fumis magnam aëris naturalis copiam absorptam fuisse.

Ellychnium sulphureum sub magno posuit excipulo, & aqua fursùm sublata est. Deindè ellychnium è recipiente extraxit, & frigidam aquam affudit recipienti, ac animadvertit non solum aquam ascendere, quamdiù sub recipiente manebat ellychnium, sed etiam eo extracto & omnibus frigefactis.

Hoc experimento palam fit non solum multum aëris naturalis absorberi à fumis è corporibus effluentibus, sed etiam ab his qui in recipiente vagantur per aliquod tempus, postquam ex eo fue-

(a) Exper. 107.

132 DE PRIMIGENIIS CORPORIBUS
runt educta corpora è quibus fumi erumpebant.
Non soli fumi qui ex accensis emanant corporibus,
aërem naturalem absorbere valent; eundem præ-
stant effectum ex animalium pulmonibus expulsi
vapores.

Observandum tamen, ab illis vaporibus multò
minorem aëris copiam absorberi, quàm à fumis qui
è candelâ, vel è sulphureis erumpunt corporibus.

His notum fit aërem naturalem, non secùs ac aë-
rem factitium, à crassioribus & sulphureis absorberi
fumis; & observat Halesius eò majorem utriusque
aëris absorberi copiam, quò crassiores sunt fumi,
vel quò magis sulphureis redundant partibus.

EXPERIMENTA,

*Quibus patet aërem naturalem & aërem factitium
absorptos, id est, suo spoliatos elaterio,
illud recuperare caloris auxilio.*

Diximus aquam fortem cum carbonibus Neu-
castle permixtam, absorbere magnam aëris quan-
tatem, id est, aërem naturalem plurimùm de suo
elaterio deperdere, siquidem rursùs tollatur aqua
sub excipulo contenta. Verùm, si calidior exci-
pulo affundatur aqua, tunc eadem rursùs redinte-
gratur aëris quantitas, seu potius idem redinte-
gratur elaterium, ut patet ex aquæ fursùm sublatae
depressione; hæc enim ad eundem usque deprimi-
tur gradum in quo erat, antequàm absorptus fuisset
aër.

Pluribus postea constat experimentis, & præci-
puè experimento 94, ab oleo vitrioli & limaturâ
ferri simul permixtis, aërem naturalem fuisse absor-
ptum, id est, ipsius elaterium plurimùm fuisse de-

bilitatum. Verùm, constat hunc aërem recuperavisse omne elaterium quod amiserat, statim ac atmosphæra fuit majori perfusa calore.

Idem expertus est Halesius cum aëre factitio; undè jure ac meritò collegit aërem naturalem & aërem factitium absorptos, id est, suo elaterio spoliatos, solo caloris auxilio reviviscere, id est, suum elaterium recuperare: iisdem præterea liquet experimentis, diversum requiri caloris gradum ad absorptum aërem rursus procreandum; nam sæpè necesse est ut fervidior vasis affundatur aqua, aliquando verò sufficit ut minima adveniat mutatio in calore atmosphærae.

Hæc diversitas pendet à majori vel minori crassitie partium quæ subsederunt, vel à majori vel minori vi quâ secum cohærent. Etenim, ubi partes fumos procreantes, sunt crassiores, illæ densatæ non possunt fursùm tolli & expandi, nisi urgeantur caloris gradu majori illo quo fursùm tollerentur & expanderentur partes multò tenuiores. Eadem de causâ fumorum partes densatæ & quæ subsedere multò minori caloris gradu possunt fursùm tolli & expandi, ubi debiliùs secum cohærent. Hâc de causâ omnis aër naturalis sub excipulo inclusus, non potest (ullis fumis cognitis) in totum absorberi, id est, non potest omni elaterio spoliari: quod quidem se pluries incassum tentavisse fatetur Halesius; nam cum in atmosphærico fluido dentur partes aliis multò tenuiores, & ad motum magis promptæ, minor caloris gradus valet expansas tenere illas partes, ac earum vim elasticam fovere; undè fit ut semper remaneat debita fluidi elastici quantitas in illis vasis, quamvis omnes aliæ partes crassiores hujus fluidi subsederint, ac fuerint densatæ ab-

134 DE PRIMIGENIIS CORPORIBUS
imminutione caloris. Verùm, statim ac adaugetur
& increfcit caloris gradus, illicò craffiores partes
quæ subsederant & quæ fuerant densatæ, fursùm
tolluntur & expanduntur, fuumque recuperant ela-
terium.

Ex omnibus experimentis quæ suprà retulimus,
jure ac meritò colligere possumus aërem factitium
& aërem naturalem omnibus iisdem pollere doti-
bus, & in omnibus experimentis homogenea sese
præbere corpora. Nunc sedulò perscrutandum, an
partes quibus coalescit aër factitius, sint illæ quibus
erant coagmentata corpora è quibus caloris ope aër
factitius fuit eductus.

EXPERIMENTA,

*Quibus patet aërem factitium iisdem coalescere partibus
quibus constabant corpora è quibus eductus
fuit destillationis ope.*

Dum destillantur sinapis semen, vel animalium
cornua, magnæ procreantur bullæ, & distillationis
extremo (dum oleum foetidum sublimia petit) illa-
rum bullarum peripheriæ seu pelliculæ disrumpun-
tur, & copiosus ac crassus eructatur fumus aërem
factitium procreans : ille diversus est diversoque
donatur odore, pro diversis corporibus quæ distil-
lationi fuerunt subiecta.

Aër factitius ex ostreorum testaceis, succino,
cerâ, sinapi, &c. distillationis ope eductus, flammâ
corripitur, statim atque ardens sub recipiente in-
tromittitur candela.

Observat Halesius è mercurio destillationis ope
aërem educi posse.

EXPERIMENTUM

Factum cum menſtruis ſolventibus metalla.

Dum menſtruo ſolvitur aurum, nil de ſuo amittit pondere, cùm è contrà plurimùm imminuatur pondus omnium animalium, vegetabilium, & mineralium è quibus educitur aër. Hinc conjicit Haleſius aërem factitium, qui è metallis gravioribus effluit, dum menſtruo ſolvuntur, ex ipsis erumpere menſtruis, non verò ex metallis.

EXPERIMENTA

Peracta fermentationis ope.

Immanis eſt quantitas aëris quæ educitur è corporibus fermentationis ope; etenim aſſerit Haleſius molem, ſeu congeriem malorum contuſorum æquantem magnitudinem viginti ſex pollicum cubicorum, ſuppeditaviſſe per tredecim dierum ſpatium 968 pollices cubicos aëris. Quanta aëris quantitas è vegetabilibus erumpat, patefacit experimento 55, ſiquidem fruſtulum quercûs robuſti, cujus moles erat ſemi-pollex cubicus & pondus 135 granorum, præbuit factitii aëris 128 cubicos pollices.

Obſervare licet in exper. 98 ſeqq. pag. 190, plurima ad eſſe corpora, quæ ſimul mixta, levi debilio-rique motu fermentationis nullum ſuppeditant aërem factitium, & quæ è contrà aëris naturalis ſub recipientiſe incluſi juſtam abſorbent quantitatem: hiſ tamen corporibus debite fermentefcentibus, ſi affundatur minor aquæ copia, ita ut validior fiat fermentationis, ingens aëris factitii procreatur copia: etenim, v. g. dum ſimul miſcentur oleum vitrioli &

ferri limatura, debilior fit fermentatio, minimaque aëris erumpit quantitas. His affunde corporibus pollicem aquæ, tunc quadraginta tres pollices aëris erumpunt; si verò huic mixturæ affundantur tres pollices aquæ, tunc centum & octo pollices factitii aëris procreantur.

Marcaffitarum Walton cubicus pollex, & æqualis aquæ fortis quantitas simul mixta, fermentescunt, & aëris factitii magnam præbent quantitatem; tunc verò plurimum de suo deperdunt pondere. Etenim sedatâ fermentatione, perpendit totam mixturam Halesius, & reperit hæc corpora drachmam unam & quinque grana sui ponderis amisisse. Deindè his corporibus mixtis, affudit aquæ pollicem, hæcque rursus perpendit corpora, postquam nova fuit sedata fermentatio, observavit pondus eorum corporum decrevisse septem drachmarum & unius scrupuli.

Quisquis attento animo hæc perpendet experimenta, facile percipiet aërem factitium è corporibus erumpentem, nil aliud esse quàm ipforummet corporum partes in vaporem expansas calore.

Quis enim non percipit copiosum crassumque fumum erumpentem è corporibus oleosis, v. g. cornibus, &c. nihil aliud esse quàm partes illorum corporum vi caloris in vaporem expansas, siquidem hi fumi odorem referunt corporum è quibus educuntur.

Non solum crassior aër factitius refert odorem corporum è quibus educus fuit, sed etiam aër factitius defæcatus pollet iisdem omnibus dotibus quibus gaudet aër naturalis. Etenim qui metuunt ne tabaci fumus, quem exsugunt, acrius vellicet palatum, utuntur machinâ quâ fit ut tabaci fumus non possit ad palatum appellere, quin permeaverit ma-

gnam aquæ molem, ac proindè quin fuerit purgatus & defæcatus ab omnibus partibus crassioribus quarum major pars subsidet & remanet in aquâ; ille tamen fumus defæcatus redolet naturam tabaci è quo fuit eductus, ita ut qui hauriunt fumum discernant accuratè naturam & indolem tabacorum è quibus eductus fuit ille fumus.

Hinc sequitur aërem factitium defæcatissimum (& iisdem præditum dotibus quibus gaudet aër naturalis) conflari partibus corporum è quibus fuit eductus.

Aër enim eductus è nonnullis corporibus, nunquam corripereetur flammâ, nisi partes corporum è quibus educitur, majorem ejus partem constituerent.

Si in memoriam revocamus metalla & corpora, quorum graviores sunt & ponderosiores partes, nullum suppeditare aërem factitium, animo dilucidè percipiemus, id ex eo evenire, quòd graviores sunt eorum partes, quàm ut expandi & fursùm tolli possint; undè inferre licebit aëris factitii genesim, nil aliud esse quàm rarefactionem, seu expansionem partium quibus coalescebant corpora: animo prætereà diligenter perpendamus experimenta quibus constat corpora è quibus factitius educitur aër, magnam sui ponderis jacturam facere, eoque majorem, quò major aëris quantitas fuit procreata; etenim Marcaffitarum Walton cubicus pollex & æqualis aquæ fortis copia sui ponderis drachmam & quinque grana deperdidit; & affuso rursùs aquæ communis pollice cubico, illa amiserunt septem drachmas & unum scrupulum sui ponderis; & qui è ciceribus erumpit aër factitius, tertiam eorum ponderis partem. Constituit plurima alia corpora

quæ simul mixta minorem aëris copiam præbent, magnam aëris quantitatem suppeditant, statim ac ipsis paululum aquæ affunditur.

Aër factitius defæcatus non referret odorem corporum è quibus eductus fuit, nisi redundaret partibus quibus coalescebant. Constat igitur quòd fluidum elasticum flexile, editum è corporibus calore, id est, aërem factitium conflare ipsis partibus quibus erant coalita ipsa corpora è quibus eductus fuit. At, cum atmosphæricum fluidum sit homogeneous aëri factitio, & uterque aër iisdem donetur dotibus, jure ac meritò colligere possumus quòd atmosphæricum fluidum conflatur effluviis terræ, id est, quòd coalescit omnibus partibus quæ jugiter effluunt è corporibus terraquei globi, sub vaporum formâ, & ipsius flexilitatem ac elaterium oriri ab illarum partium rarefactione, seu expansione.

Aliundè, cum nulla dentur experimenta quæ stabiliant, vel firment existentiam partium peculiarium naturâ suâ flexilium & elasticarum, id est, partium aërearum proprie dictarum, non possunt pertinaciter contendere Physici quòd atmosphærici fluidi flexilitas & elaterium oriantur à partibus naturâ suâ flexilibus & elasticis; nec possunt has recensere inter simplicissimas substantias, id est, inter corpora primigenia quibus alia conflantur corpora.



ARTICULUS TERTIUS.

DE AQUA ELEMENTARI.

DATUR substantia liquida, seu potius fluida, insipida, inodora, pellucida, plurimorum corporum solutionem peragens, quæ nullâ vi potest in angustius cogi spatium, nisi sit rarefacta, & quæ faciliè & plurimùm expanditur calore. Hæc non potest immediatè concurrere cum partibus igneis, quin mutuò vehementer sese repellant, & hinc indè disjiciantur cum fragore, ac quin mutuò suos extinguant effectus, aut eos debilitent. Illa tamen substantia, quamvis fluidissima, concrefcit in corpus solidum, nempè in glaciem multo minori frigoris gradu, quàm plurima alia fluida. Hæc audit vulgò nomen *aquæ*, eam tamen *phlegma* nuncupant Chymici, ubi omni substantiâ extraneâ fuit purgata.

Nullam noscunt artem Chymici quâ possint aquam procreare, vel in alias substantias solvere; quamobrem eam recensuerunt inter primigenia corpora.

Rursus, cùm experti sint eam ex omnibus educi corporibus, & omnium corporum compositionem ingredi, illam inter corporum elementa reposuerunt.

Physicorum & Chymicorum plurimùm interest apprimè cognoscere naturam substantiarum simplicissimarum. Quamobrem conati sunt assequi notitiam aquæ, perpendendo diversos effectus quos edit, & quibus distinguitur ab aliis substantiis.

Plures exponunt aquam inter liquida tantùm corpora, dum alii eam recensent inter fluida: utilius

erit igitur patefacere notionem quam subijcimus vocabulis *fluidi*, *liquidi*, & *solidi corporis*, antequàm indagemus naturam aquæ, ne de verbis & non de re dissidium sit. Imponimus nomen *fluidi* omnibus substantiis seu corporibus quorum partes ad libellam stantes, nihilominùs jugiter & seorsim fluenter feruntur è loco in locum super suas superficies, absque causâ sensibili, seu conspicuâ.

Liquidi verò nomen audient corpora quorum partes non feruntur jugiter è loco in locum, sed quæ minori vi possunt seorsim agi, & quorum motus pendet, ut plurimùm, à causâ sensibili, v. g. vento, afflatu, vel succussione; & quæ motu aguntur, quoties ad libellam non respondent, ut sit quoties inclinatur planum cui incumbunt, vel vas in quo continentur: sic congeries granulorum exilissimorum sabuli, vel partium hydrargyri, vel mixtura plurimarum partium aquearum cum paucioribus partibus terreis, erunt corpora liquida. Illorum enim corporum partes afflatu leviori, vel solâ plani inclinatione, motu aguntur. Verùm partes illorum corporum non feruntur jugiter è loco in locum, dum stant ad libellam, nec inconspicua est causa eorum motûs.

Tandem nuncupabimus *corpora solida* illa quorum partes non possunt seorsim motu agi, nisi fuerint priùs à se invicem debitis viribus sejunctæ.

His patet quòd differentia quæ est inter fluida, liquida & solida corpora, oritur à majori vel minori pronitate, seu facilitate quâ corporum partes seorsim motu agi possunt; ita ut illæ, quæ minimâ vi seorsim & perenniter agi possunt, constituent corpora fluida, dum alteræ quæ non sunt ita ad motum compositæ, gignant liquida. Corpora verò so-

lida erunt illa quorum partes adeò secum cohærent, ut seorsim motu agi non possint, nisi adhibeantur vires quæ superent vim earum cohærentiæ, & vim earum gravitatis; nam tunc solidiora corpora fiunt fluida, ut patet dum metalla igni committuntur, & urgentur debito ignis gradu.

His positis, perspicuum fit aquam inter fluida recenseri debere; nam ipsius partes jugi motu fluenter aguntur à causâ inconspicuâ, etiamsi stent ad libellam, ut patet,

1°. Sapore quo citiùs inficitur moles aquea in quâ soluti fuerunt salia;

2°. Colore quo citiùs inficitur moles aquea, statim atque debita corpora fuerunt in hâc soluta, vel cum eâ permixta;

3°. Continuâ perennique partium aquearum vaporatione in vacuo.

Etenim salinæ partes non citiùs diffunderentur per totam aquæ molem, nisi hinc indè pellerentur; nullis verò aliis corporibus pelli possunt, quàm ab aqueis partibus circumfusus; proindeque constat aqueas partes jugi motu agi debere, ut semper & citiùs dispergant partes salinas per totam aquæ molem.

4°. Eâdem de causâ aquæ moles non indueret colorem diversum à natali & sibi proprio colore, nisi partes corporis, quo inficitur, extraneo colore hinc indè dispergerentur motu partium aquearum.

5°. Tandem constabit perennem & continuum esse motum partium aquearum, si jugis sit eorum vaporatio. At patet experimentis Vuallerii (a) continuam & jugem esse vaporationem partium

(a) Act. Litt. Scient. Sueciz.

aquearum tùm in aëre patulo, tùm sub excipulis aëre vacuis; proindeque constat jugem esse perennemque motum quo aguntur partes aqueæ.

Patefecit præterea ill. Homberg (a) majorem esse vaporationem aquearum partium sub excipulis aëre vacuis, quàm in aëre patulo. Hinc sequitur vaporationem aquæ, ac proindè continuum motum quò aguntur ipsius partes, non pendere ab aëre; undè colligere est vaporationem aquæ pendere vel à radiis Solis vel à materiâ centrali, seu à vaporibus insensilibus qui è terris perenniter effluunt, & qui plurimorum corporum compagem continuo permeant. Hæc enim vaporatio non potest absolvi ab aliis corporibus, quàm ab his quæ immediatè premunt, & vim inferunt aqueis partibus.

Verùm, cùm vaporatio fiat noctu, & in obscurioribus locis, cumque radii Solis in aquam irruentes non valeant sui motûs directione fursùm tollere partes aqueas, verisimilius videtur earum vaporationem non absolvi à radiis solaribus; conferunt equidem illi ad majorem aquæ vaporationem, quatenus adaugent motum partium aquearum, & rarefaciunt fluida incumbentia aquarum superficiei. Verùm rationi magis consentaneum videtur aquæ vaporationem absolvi præcipuè à corpusculis quæ valent sui motûs directione eas fursùm trudere, id est, à fluidis è terrâ in cælum migrantibus.

Verisimilius est enim, ut jam diximus, ipsa evertere succos nutritios vegetabilium ad excelsarum arborum comas.

1°. Constat experimentis quòd ipsa fursùm tollunt ad triginta duorum pollicum excelsitudinem

(a) Hist. Reg. Scient. Acad. Paris. tom. X. ab anno 1666; ad 1699.

mercurii columnam incumbentem stipiti vineæ ;

2°. Quòd aqua quæ in vacuo evehitur in capillares tubos, non potest ab aliis corporibus in tubos trudi, quàm à fluido è terris erumpente & sublimia petente ;

3°. Quòd aqua aëre purgata & in vacuo inclusa, non potest evehi in ampliores tubos ad trium vel quatuor pedum excelsitudinem (ut expertus est ill. Huygens) ab aliis corporibus, quàm à fluidis insensibilibus, quæ sui motûs directione sublimia petunt.

His & pluribus aliis experimentis ducimur ad existimandum centralem materiam, vel insensiles vapores è terris erumpentes, justis donari viribus quibus valent perennem aquæ vaporationem absolvere ; at si valent vaporationem aquæ peragere, à majori poterunt fluenter ferre partes aqueas super suas superficies, id est, poterunt motum fluiditatis ipsis impertire ; undè inferemus verisimilius esse quòd fluiditas aquæ & plurimorum aliorum corporum, pendet & oritur præcipuè à perenni transitu centralis materiæ, vel vaporum è terris indefinenter erumpentium, faventibus etiam radiis solaribus.

His cognitis, tentemus assequi notitiam figuræ & naturæ partium aquearum.

Debilior est mutua partium aquearum coherentia.

Nemo nescit minorem esse vim quâ singulæ partes materiæ centralis agunt in corpora, ubi hinc indè patent viæ quibus effluere possunt, & eas nunquam portentosos effectus edere, nisi præcludantur viæ quibus possint expeditè effugere, non secùs ac igneæ partes quæ debiliores effectus pariunt, dum evolvuntur in aëre patulo, & quæ immania procreant

144 DE PRIMIGENIIS CORPORIBUS
phœnomena, si agantur in arcto loco. Hinc sequitur quòd partes aqueæ non possent jugi motu agi, si firmior erat eorum cohærentia; proindeque apud nos constabit debiliorem esse mutuam partium aquearum cohærentiam: quod pluribus aliis probatur experimentis vulgaribus.

Lævigatior est partium aquearum superficies.

Constat quòd aqueæ partes non possent fluenter ferri super suas superficies, si essent asperæ; nam exstantiæ superficiiei partis aqueæ *A* fluentis super superficiem partis *B*, intromitterentur in cava quæ sunt inter exstantias partes *B*, & tunc immorarentur & necerentur partes *A* & *B*; proindeque colligere possumus è minimâ vi quâ agi possunt aqueæ partes, ipsarum superficies esse lævigatas.

Lævitas earum superficiiei patefit adhuc defectu saporis & odoris; si enim illarum superficies esset aspera, gustûs vel odoratûs organa vellicarent, & justum odorem vel saporem parerent; cùm igitur aqua sit inodora & insipida, verisimilius est earum superficies esse lævigatas.

*Aqueæ partes secundum minores superficies
se se contingunt.*

Experimentis constat quòd homogenea corpora lævigatæ superficiiei firmiùs secum cohærent, quoties se se contingunt secundum magnas superficies; cùm igitur aquæ partes debiliùs secum cohæreant, & minori vi seorsim agi possint, sequitur eas secundum minimas superficies se se contingere.

Aqueæ partes ovali donantur figurâ.

Hinc intulerunt quamplures Chymici, partes aqueas

aqueas esse sphæricas : at , cùm animadverterent alii quòd aqua peragebat solutionem plurium corporum , cumque pro certo haberent quòd hæc solutio absolvi non posset , nisi media pars partium aquearum protuberaret & crassior esset extremis , ita ut agerent cuneorum ad instar , asseruerunt partes aqueas non esse sphæricas.

Præterea opinati fuerunt quòd si aqueæ partes erant sphæricæ , illæ sese contingerent secundum minores superficies , & majora relinquerent inter se spatia , quàm ut tam faciliè concreverent in glaciem. In hac firmati sunt opinione exemplo hydrargiri quod nunquam in glaciem concrevit , eò quòd sphæricæ sunt ipsius partes.

Aliundè , cùm perpenderent quòd aqueæ partes non pungebant , nec vellicabant gustûs organa , collegerunt quòd earum extrema non erant acuminata , & è contrà pro certo tenuerunt earum extrema esse hebetiora & obtusa : quamobrem dixerunt aqueas partes esse ovaes , seu ovatâ figurâ donatas , eò quòd hæc figura magis congruit omnibus effectibus quos edunt ; nam illæ non sese contingunt nisi secundum minimas superficies , ac proinde poterunt minimâ vi fluenter ferri ; & tamen in glaciem concreverunt , eò quòd interstitia ipsas interjecta minora sunt his quæ darentur , si partes aqueæ sphæricæ gauderent figurâ.

Præterea mente percipiebant quòd aqueæ partes hac figurâ donatæ poterunt solutionem corporum facilius peragere , eò quòd earum extrema sunt tenuiora mediâ earum parte.

Tandem inspidam & inodoram esse debere aquam , eò quòd hebetiora erant ejus partium extrema.

Partes aqueæ sunt rigidæ : illæ firmiùs sese mutuò suffulciunt, & nullo donantur elaterio.

Solutio plurium corporum duxit adhuc Chymicos ad existimandum rigidas esse partes aqueas, eò quòd flexiles non valerent solutionem solidorum corporum absolvere.

Ingens aquearum partium rigiditas præstanti probatur argumento. Si enim sphaera metallica flexilis impleatur aquâ, & postea ritè obturetur, illa percussa gravioribus malleis, vel robustiori prælo validè compressa, non poterit cavari nec deprimi in quocumque loco. At, cùm illa sphaera sit adeò plurimùm flexilis, & posset minori vi deprimi, si non fuisset aquâ repleta, sequeretur firmitatem inflexibilem sphaeræ oriri ab aquâ intùs complexâ, & solas aqueas partes reniti ipsius excavationi, seu depressioni.

Hinc rursùs sequitur 1°. partes aqueas esse rigidas & inflexibiles ;

2°. Eas crassiores esse quibuscumque spatiis inter ipsas diffusis ; si enim essent his tenuiores, in ipsa adigerentur, ubi premerentur magnis cum viribus ; & si possent in ipsa trudi, deprimeretur sphaera in nonnullis locis ;

3°. Ipsas sese mutuò contingere ac sese firmiùs suffulcire ;

4°. Partes aqueas & molem aqueam nullo donari elaterio ; nam, ut diximus, corporum vis elastica, nil aliud est quàm vis repellens, seu restituens partes corporum depressoas in primum statum ; at, cùm partes aqueæ nec aquæ moles possint comprimi & demitti, perspicuum est quòd illæ restitui non possunt in primum statum, id est, quòd nullo donantur elaterio.

Quamvis aqueæ moles & ipsæmet partes aqueæ sint inflexiles, nulloque polleant elaterio, quandiù sunt in statu naturali; attamen constat aquam in vapores expansam, comprimi ponderibus, ac eam postea in primum expansionis gradum reverti, statim ac removentur pondera comprimantia; unde sequitur aquam in vaporem expansam, flexilem esse ac elasticam. Verum, cum aqua nunquam sit flexilis & elastica, nisi fuerit prius in vapores expansa calore, id est, nisi ipsius partes fuerint à se invicem sejunctæ & remotæ viribus ignearum partium irruentium, sequitur flexibilitatem & elaterium aquæ in vapores expansæ, esse dotes ipsi extraneas quas accepit ab igneis partibus. Etenim, ubi partes aqueæ fuerunt à se invicem remotæ, tunc ampliora dantur inter ipsas interstitia in quæ possunt pelli & demitti, eò facilius quòd tunc immediato contactu non sese fulciunt.

Quoties igitur vires prementes aquam expansam, majores erunt viribus ignearum partium quibus à se invicem removentur aqueæ partes, toties illæ vi majori pressæ ad se invicem accedent, totaque moles in angustius cogetur spatium.

Statim atque verò removebitur, vel infirmabitur vis quæ fregit & superavit vires quibus igneæ partes removebant à se invicem aqueas partes, illicò vires ignearum partium repellent depressoas partes aqueas, & eas restituent in primum rarefactionis, seu expansionis gradum, modò tamen igneæ partes non irruant majori nec minori copiâ quàm ante compressionem aquæ; si enim illæ majori affluunt quantitate, longiùs repellentur aqueæ partes, & major fiet earum expansio. Contrà verò, si materia ignea minori copiâ minorique cum impetu ruit in partes

148 DE PRIMIGENIIS CORPORIBUS
aqueas, illæ non revertentur ad illum rarefactionis
gradum quo priùs gaudebant.

His patet Physicos inferre non posse ex elaterio
ac compressione aquæ in vaporem expansæ, ipsius
partes vel ipsammet aquam esse naturâ suâ flexibi-
lem & elasticam.

Partes aqueæ sunt exilissimæ.

Vulgaribus patet experimentis tantam esse aquea-
rum partium exilitatem, ut oculorum aciem fugiant,
quoties sunt simplices; neque enim oculis Microsco-
piorum præstantiorum armatis perspicere possumus
aqueas partes quibus scatet atmosphæricum flui-
dum: illæ nunquam sub oculos cadunt, nisi pluries
fuerint congestæ, & in massulas congregatæ.

Ingens earum exilitas pluribus adhuc patefit ex-
perimentis. Etenim, si sphæra metallica repleatur
aquâ & robustiore prælo validius prematur, ut dixi-
mus, observare licebit aqueas guttulas stillare per
poros metalli, & roris instar diffundi super exter-
nam sphæræ superficiem: undè sequitur aqueas par-
tes pervasisse strictiores metalli poros.

Demonstravit Nieuwentit, quòd minima & fere
in conspicua aquæ guttula pendula cuspidi acûs, con-
flabatur tredecim mille partibus aqueis, eò quòd illa
in vaporem expansa poterat adimplere spatium tre-
decies amplius eo quod priùs accipiebat.

Si vas vitreum aut metallicum complectitur
aquam ferventem, & huic admoveamus manum,
afficiemur humido seu humente calore. Contrà, si
idem vas repleatur cineribus candentibus, calor
quo afficiemur erit acris & siccus; hinc sequitur
quòd igneæ partes secum vehunt ac trudunt partes
aqueas per poros vasorum: nam si solæ partes igneæ

erumpebant è poris vasorum, non oriretur diversa sensatio, prout vas recondit aquam vel cineres. Ex hoc aquearum partium effluxu conjecturis augurari licet quantæ sint exilitatis: constat tamen eas multò crassiores esse luminis seu igneis partibus, quæ multò citiùs & expeditiùs pervadunt strictiores omnium corporum poros.

Monendi sunt Tirones Chymici, ipsos non debere existimare quòd omnes materiæ partes seu corpuscula quæ nonnullos poros pervadunt, sunt tenuiora illis quæ non possunt transire per eosdem poros, nam illorum corpusculorum transitio non pendet à solâ earum exilitate; plura enim concurrere debent ut transeant, nempè.

1°. Homogeneitas partium in poros trusarum & partium construentium poros.

2°. Figura partium incurrentium in poros. Etenim perspicuum est quòd nisi partes occurrentes poris sint homogeneæ partibus quibus coagmentantur pori, illæ non possunt subire aditus pororum, & è contrà quòd ab ipsis repelluntur, ut vulgari patet experimento.

Licet enim pori panni sint patentiores, & viam facilem præbeant aqueis partibus; attamen, si pannus fuerit imbutus oleo, tunc aqueæ partes non poterunt subire, nec ingredi poros panni quos olea crassiora facilè pervadunt; si verò pannus fuerit priùs imbutus aquâ, tunc repellentur oleosæ partes, & arcebuntur à pororum introitu: eâdem de causâ tenuissimæ corporum partes non possunt subire, nec pervadere poros patentés corporum heterogeneorum, dum aliæ partes crassiores pervadunt eosdem poros ratione earum homogeneitatis. Quantum autem corporum homogeneitas conferat ad transitio-

nem nonnullorum corporum per poros alterius corporis, necnon ad eorum conjunctionem & adunationem absolvendam, plurimis patet experimentis chymicis, & præcipuè tabulis affinitatum vel congruitatum in lucem editis ab ill. Becker & Geoffroy; voces enim *affinitatum* & *congruitatum* idem sonant ac vocabulum *homogeneitatis*; illud tamen præ illis vocibus usurpamus, eò quòd dilucidior videtur tradere notitiam rei quam volumus illustrare. Etenim jam diximus nos *homogeneitatis* vocabulo subijcere notionem corporum quorum exterior pororum ordinatio, seu dispositio, & quorum interna structura & configuratio sunt admodum consimiles.

Hoc posito, perspicuum est quòd fluida tenuissima pervadentia corporum intimam compagem, permeabunt poros duorum corporum homogeneorum, æquali facilitate quâ pervadunt poros duarum lamellarum ejusdem corporis homogenei; nam duo corpora homogenea secum adunata sunt reverâ duæ lamellæ ejusdem corporis, proindeque homogenea corpora poterunt ad se invicem ferri, sese immediatè contingere ac adunari mechanicâ quam suprà in medium protulimus, ubi egimus de causâ mutui corporum accessûs.

2°. Figura partium quæ occurrunt poris, plurimum officit, aut confert earum transitioni; si enim partes sunt irregulariter angulosæ, illæ vix & minori copiâ subibunt poros patientiores, & ipsosmet quorum diametri erunt majores diametris illarum partium, eò quòd rarius erit ut illæ partes adeò directè appellant ad poros, ut nonnulli anguli non offendant limbos aditûs pori: hâc de causâ partes terræ virginis, seu damnatæ, non subeunt nec pervadunt poros plurium corporum, licèt tantæ

sint tenuitatis, ut natare possint in aquis absque imminutione earum pelluciditatis.

Non solum figura irregulariter angulosa plurimum officit transitioni partium, ratione suorum angulorum, sed etiam officiet omnis figura quâ fiet ut partes non possint excelsius ferri, vel è loco in locum trudi, quin in gyrum & orbiculatim agantur; tunc enim rarius uno è suis extremis irruent in aditus pororum, proindeque rarius poterunt eos ingredi: si superficies partium magna sit relativè ad earum massas, tunc deperdent citius majorem partem virium quibus actæ fuerunt; proindeque debiliores erunt earum vires, & vix superare poterunt debiliora obstacula, quin omnes suas vires deperdant, quibus amissis, vel in ipso limine sistentur, vel in pororum ductibus hærebunt.

His omnibus patet nullum posse judicium ferri de majori tenuitate nonnullarum partium præ aliis, eò quòd illæ pervadunt poros quos aliæ non possunt permeare; & hinc tantum sequi videtur quòd partes quæ strictiores corporum poros percurrunt, exilissimæ sint.

Aqueæ partes plurimum expandi possunt.

Diximus aqueas partes plurimum expandi calore. Verum, cum illarum expansio magnos edat effectus, cum in chymicis laboribus, tum in functionibus corporis animalis, plurimi interest Chymicos & Medicos accuratè cognoscere causam earum expansionis.

Pluribus ducimur experimentis ad existimandum ingentem partium aquearum expansionem absolvi non posse ab aëris partibus, ut existimaverunt plures Physici & Chymici.

Etenim in medium protulit illust. Parent è Regiâ Scientiarum Academiâ Parisiensi, guttulam aquæ inclusam in phialam è quâ aër fuerat eductus, diffringere phialam (statim atque prunis imponebatur) multò majori cum impetu quàm hæc diffringitur ab eodem ignis gradu, si solum aërem complectitur, & patefecit quòd explosio omnium fluidorum aëre spoliatorum, multò major & validior erat explosione solius aëris in iisdem lagenis inclusi; tunc enim dehiscunt tantùm lagenæ absque fragore, undè sequitur expansionem & explosionem aquæ non pendere ab aëris partibus.

Illust. Musschenbroeck (a) adimplevit phialam pyrio pulvere, & in alteram indidit aliquot aquæ guttas, utramque sigillatam imposuit igni, & observavit phialam capientem aquæ guttas, diffringi multò majori cum impetu, quàm phiala pyrio pulvere plena.

Si fusum metallum affunditur in humidum typum, projiciuntur metalli partes (b) ad viginti usque ulnarum excelsitudinem, viribus quibus expanduntur aquæ partes calore metalli.

Præterea plura dantur experimenta, quibus patet nullas aut pauciores aëris partes in aquis delitescere; nam pondus & moles aquæ non imminuuntur, etiamsi aër ex eâ fuerit diligenter eductus, & ex eâ innumeræ erupuerint bullæ. At, cùm aër debito gaudeat pondere, justumque spatium occupet, sequitur quòd pondus & moles aquæ fuissent immutata, si plurimæ partes aëreæ fuissent in aquâ reconditæ.

(a) Addit. Tentamin. Philos. Florent. pag. 61.

(b) Freind, prælect. chymic.

Præterea, constat experimentis quòd bullæ quæ ex aquis erumpunt, sunt initio exiguæ, & quòd illæ postea amplissimæ fiunt: (a) at, ut aëreæ partes adeò exiguæ tantam assequerentur amplitudinem suo elaterio, ipsæ deberent tantâ vi elasticâ gaudere, (dum coactæ reconduntur in aquis) ut non possent in his retineri & irretiri.

Ex his omnibus sequitur nullas aut pauciores aëreas partes in aquis delitescere. At, cùm aër circumfusus aquæ, connitatur semper illabi & intro-mitti in interstitia quæ sunt inter partes aqueas, sequitur 1°. illa strictiora esse quàm ut aditum præbeant aëreis partibus.

2°. Firmiorem esse mutuam partium aquearum cohærentiam, quàm ut à se invicem sejungi possint viribus quibus aëreæ partes truduntur in interstitia.

Aliundè, cùm expansio rigidarum partium aquearum non oriatur ab aëreis partibus, & ipsæ nunquam expandantur, nisi calore, sequitur earum expansionem pendere à viribus quibus igneæ partes ipsas sejungunt, & eas à se invicem remonent. Verùm, cùm tanta sit aquearum partium exilitas, ut aquæ guttula pendula cuspidi acûs tenuissimæ, coalescat tredecim mille partibus aqueis, perspicuum est quòd illæ non possunt à se invicem sejungi, quin immensum occupent spatium, modò intervalla inter ipsas data, sint duntaxat æqualia moli minimæ partium aquearum.

Tandem, cùm vires quibus igneæ partes trudent & expandunt partes aqueas, sint ingentes, immaniaque pariant phænomena, ut patet experimentis suprâ allatis, necnon exemplo machinæ Londinen-

(a) Art. secund. De Aëre.

sis, sequitur eas portentosos effectus edere posse in chymicis operationibus, ac diros nonnunquam lethalesque morbos subitò procreare posse: quamobrem plurimùm attendere debent Chymici & Medici ad gradum caloris quo possunt expandi fluida.

Etenim pluries observavimus, quòd non solum sanguis propriè dictus, sed etiam quòd lymphatici liquores plurimùm & derepentè rarefacti, atrociores procreabant dolores in artubus, cum partis inflatione absque rubore & calore, præcipuè initio tentationis morbi; hinc conjecturis augurati sumus plura morborum symptomata improvisa & anomala oriri posse à subitâ rarefactione lymphæ stagnantis in vasis lymphaticis capillaribus viscerum, & in hâc firmati fuimus opinione pluribus symptomatibus quibus subitò ac ex improvise corripuntur ægrotantes, & præcipuè in morbis pectoris & cerebri, ut dicemus ubi de his agemus.

Aqueæ partes sunt prorsus heterogeneæ partibus igneis.

Nemo nescit aqueas & igneas partes nunquam concurrere quin sese repellant cum fragore & strepitu, & quin suos effectus mutuò extinguant, aut imminuant. At, cùm è contrà omnia corpora homogenea sese mutuò petant & adunentur, perspectum est quòd aqueæ & igneæ partes sunt sibi heterogeneæ: hinc colligere est quòd igneæ partes non subeunt nec permeant intimam singulorum partium aquearum compagem; si enim igneæ partes eam pervadebant, non longiùs nec tanto cum impetu dispergerent & projicerent aqueas partes.

Hinc rursus sequitur pelluciditatem aquæ non pendere à transitione partium luminis per ipsammet partium aquearum compagem, sed illum oriri à

transitione partium luminis per intervalla partes aqueas interjecta.

De causâ concretionis aquæ in glaciem.

Quamvis aqua sit substantia fluidissima, attamen quotidianis constat experimentis eam in glaciem concrefcere frigoris gradu minori eo quod requiritur ad plurima alia congelanda corpora. In controversiâ est inter Physicos causa concretionis aquæ.

Nonnulli opinantur hanc oriri à defectione materiæ luminis, seu igneæ vel aliorum fluidorum tenuiorum pervadentium intimam compagem aqueæ molis; nam, cùm aqueæ partes suum mutuentur motum à perenni collisione illorum corpusculorum, perspectum est quòd non gaudebunt fluidi motu, statim atque illa corpuscula non pervadent aqueam molem: hinc intulerunt aquæ concretionem procreari ab *ente negativo*, nempe à defectione, seu orbatione partium ignearum quæ ipsius fluiditatem tuebantur. Eò lubentiùs hanc amplexi sunt opinionem, quòd observaverunt aqueam molem intensiori frigoris gradu donari, statim atque in glaciem concreverat.

Contrà verò contendunt plurimi alii Physici concretionem aquæ peragi à corpusculis tenuissimis extraneis aquæ, sed huic homogeneis, quæ subeunt & replent interstitia partes aqueas interjecta; repletis enim illis interstitiis, tunc aqueæ partes, & interjecta corpora sese mutuò & immediatè contingentia, secundùm omnes suas superficies, corpus solidum procreant; diximus enim quòd major vel minor soliditas homogeneorum corporum conflatorum partibus lævigatæ superficiei, pendet à majori vel minori superficie secundùm quam immediatè

sefe contingunt partes quibus conflantur; undè sequitur quòd aqueæ partes firmiùs secum nectuntur, & corpus solidum constituunt, statim atque interstitia eas interjecta replentur aliis corporibus.

Non equidem animus est impugnare sententiam ill. virorum qui opinati sunt frigus & aquæ congelationem oriri ab *ente negativo*; verùm, cùm non possimus aggredi dilucidationem causæ frigoris & caloris quæ procreantur, dum diversa salia solvuntur aquâ, nec illustrationem causæ fermentationum frigidarum & calidarum, nisi cognoscamus verisimiliorem causam frigoris & concretionis aquæ in glaciem, necessarium duximus eam diligenter indagare. Quamobrem referemus rationes quæ nos avocaverunt à sententiâ eorum qui existimant frigus & congelationes oriri ab *ente negativo*, & sub uno conspectu ponemus plura experimenta quæ testari videntur hæc absolvi phænomena à corpusculis peculiaribus.

1^o. Non possumus animo dilucidè percipere frigoris sensationem suscitari ab *ente negativo*; illud enim ens non agit nec potest vim inferre aliis corporibus: at nulla sensatio procreari potest quin debita vis inferatur organis dicatis ad menti transmittendas impressiones ipsis factas. *Ens verò negativum* non potest vim inferre organis, & ea concutere ac commovere; orbatio enim, seu negatio corporis vim inferentis aliis corporibus, nil aliud efficere potest quàm privationem sensûs; at frigus non est sensationis privatio, ut orbatio lucis vel ut defectio saporis quæ oriuntur, eò quòd non debite commoventur organa dicata ad menti transmittendam impressionem factam; contrà, frigus est sensatio sæpiùs molesta, procreata à debitâ commotione vel succus-

sione organorum, quæ quidem commotio nonnunquam tanta est, ut dolores procreet; proindeque frigus edi non potest ab *ente negativo*.

Præterea, constat experiëntiâ glaciem continuò permeari à fluidis valentibus motu agere partes aqueas quibus conflatur; nam frustulum glaciei positum in aëre gelido expirat continuò vapores, ipsiusque pondus magis imminuitur quàm imminueretur æquale pondus molis aqueæ. At si glacies continuò permeatur à corpusculis tenuissimis valentibus sejungere partes aqueas concretas, ac eas in vapores insensiles diffundere, sequitur aquearum partium concretionem non oriri à defectu, seu recessu partium ignearum, vel aliorum corporum quibus possent motu agi. Non solùm dantur fluida tenuissima quæ pervadunt glaciem, sed etiam experimentis constat inferri partibus aqueæ molis (in ipso temporis puncto quo concrescit) vim majorem eâ quâ agebantur, dum fluidi motu gaudebant; nam expertus est ill. Homberg (*a*) quòd si superficies aquæ congelatæ perforetur cuspide usque ad aquam fluidam, plures hujus aquæ partes fursùm pelluntur cum impetu per foramen factum, & procreant cylindrum eminentem superficiiei glaciei, qui postea in glaciem concrescit.

Hic cylindrus eâdem procreatur arte quâ gignuntur rami qui exiliunt è superficie massæ (*b*) argenti fusi, statim atque (remoto ab igne catino) concrescit ipsius superficies: at perspicuum est quòd illi pariuntur rami ab igneis partibus ex imo catini ad argenti superficiem protrusis, & permeantibus argen-

(*a*) Hist. Reg. Scient. Acad. Paris. tom. 4. pag. 21.

(*b*) Act. Reg. Scient. Acad. Paris. ann. 1710, pag. 430.

ti compagem; nam, cum igneae partes non possint effugere solitâ copiâ per superficiem argenti, ubi incepit concreescere, illae quibus præclusa fuerunt effugia, trudunt magno cum impetu plurimas argenti partes, frangunt loca superficiei debiliora, & sursum ac excelsius evehunt plures argenti partes.

A pari, ubi congelata fuit aquae superficies, tunc centralis materia vel vapores è terris emissi, qui jugiter impingunt in aqueam molem, non possunt expeditius & solitâ copiâ effugere per superficiem congelatam; proindeque illi vapores confestim affluunt in foramen, & secum vehunt aqueas partes circumfusas. At illi vapores qui pellunt tanto cum impetu partes aqueas in ipso temporis articulo quo factum fuit foramen, debitâ vi donabantur antequàm factum fuisset foramen, proindeque justam vim necessariò incutiebant aqueis partibus inter quas delitescabant, dum illae inceperunt in glaciem concreescere; undè sequitur quòd dantur in aquâ (postquàm congelata fuit ipsius superficies) insensilia corpuscula quæ tantis viribus agunt in aqueas partes, ut valeant eas trudere ultra ipsius superficiem.

Diligenter observavit ill. Musschembroeck (a) aqueam molem in phialâ contentam, excelsius ascendere, seu evehi in temporis momento quod immediatè præcedit ipsius concretionem, undè sequitur dari plurima corpuscula insensilia quæ magnam vim inferunt aqueis partibus in ipso temporis momento quo congelatur aquae superficies; & constat tantas esse vires illorum corpusculorum, ut valeant frangere vasa metallica in quibus strictè

(a) Addit. Tentam. Philos. Florent.

conclusa fuit aqua ; proindeque constat aqueas partes agi tunc viribus quæ possent earum fluiditatem tueri , nisi aliæ vires majores reniterentur & obstarant ipsarum motui.

Sed ad tempus concedamus , quòd corpuscula insensibilia , quæ motu agunt aquæ vel alterius fluidi partes , recedant , & non pervadant aquam , vel quòd eorum vires ita debilitentur , ut non valeant motu agere partes aqueas , nil aliud sequetur ex illorum corpusculorum recessione , nisi quòd postea partes aqueæ non fluenter agentur jugi motu super suas superficies , & quòd perstabunt & immorabuntur in suo loco & situ , id est , quòd aqueæ partes non gaudebunt fluidi motu ; verum recessio corpusculorum quibus agebantur aqueæ partes , non tollet nec extinguet natalem propensionem , vel aptitudinem ad motum quâ donantur suâ naturâ ; proindeque partes aqueæ erunt semper promptæ & compositæ ad motum , & spectari seu haberi debebunt tanquam granula sabuli quæ perstant & immorantur in suo loco , defectu virium quibus agantur ; sed quæ possunt minimâ vi , v. g. vento vel inclinatione vasis seorsim moveri : etiam si igitur recederent corpuscula insensibilia quæ , aquam permeando , jugi motu agebant ipsius partes , attamen aqua non concreveret in corpus solidum , nempe in glaciem , & constitueret tantum corpus liquidum , ut congeries granulorum sabuli , id est , constitueret corpus cujus omnes partes possent vento , vel vasis inclinatione , vel aliâ quâcumque vi minimâ seorsim moveri , & hinc indè dilabi.

Apud omnes constat solida corpora non posse in fluida solvi , nisi superentur vires mutuæ coherentiæ partium quibus constantur , & è contrâ fluida

non posse in solida corpora concrefcere, nisi adaugeantur vires mutuæ cohærentiæ partium quibus coalescunt. At vis cohærentiæ partium lævigatarum homogenei fluidi, non potest adaugeri, nisi vel sese contingant immediatè secundùm majores superficies, vel nisi interponantur extranea corpora quæ adimpleant interjecta spatia. At nullus opinari potest immutari figuram partium aquearum, dum in glaciem concrefcit aqua, siquidem sint rigidæ, & sint semper aptæ & compositæ ad fluidi motum.

Hinc sequitur verisimilius esse partium aquearum concretionem pendere à corpusculis interpositis aqueas partes & adimplentibus interstitia partes aqueas interjecta; tunc enim partes aqueæ & illa corpuscula sese immediatè contingentia secundùm magnas superficies, firmiùs adhærent & solidum construunt corpus quod æquali semper soliditate vel duritiæ gaudet, quamdiù extranea corpora occupant interstitia partes aqueas interjecta.

Eò verisimilior videri potest hæc conjectatio quòd firmari videtur plurimis experimentis peractis à præstantioribus Physicis, nempe à Cassato, in Tractatu de Igne, Dissert. 4; à Labeo in Tractatu de Meteoris; à de Challes, in Tractatu de Meteoris; à Ramazzino, in Ephem. Germ. Cent. 1. & 2; à Stairs, in Physiol. à Nieuwentit, in Cosmotheo; à Thorencyro in Phys. cap. IX; à Bayero, Diss. de hyeme 1709; à Scheukfero, in Hydrorg. Helv. p. 135. à Germano Mercat, in Atlante minerali; à Borrichio, in Actis Hafnienf. lege etiam Hist. Reg. Scient. Acad. Duhamel, & Dissertationes D. Delahire, in Hist. Reg. Scient. Acad. Paris. ann. 1712. & 1727; Memoires Mathem. & Phys. Fontenelle; Hist. Reg. Scient. Acad. Paris, ann. 1710; Itinerar.

rar. D. Tournefort in Orient. Regionēs; Itinerar. Chinenf. Lecomte, & Itinerar. Americ. Fresier; sed præcipuè lege Additam. illustriff. Muffchembroeck ad Tentam. Florent. Philosoph.

In his omnibus operibus invenimus plura experimenta quæ videntur certiores nos facere quòd aquæ concretio absolvitur à corpusculis insensibilibus intromissis in interstitia partes aqueas interjecta. Nonnulla tamen experimenta hîc referemus in studioforum gratiam.

Classici Ductores qui sæpiùs in Canadam seu novam Franciam contendunt, asserunt nonnunquam subito se corripì intenso frigore, etiamsi nulla supervenerit mutatio conspicua in cœlo seu aère, & addunt quòd in eodem temporis momento vel paulò post, prospiciunt longiùs ingentem glaciei molem aquis innatantem; perspicuum est quòd illud frigus oriri non potest ab *ente negativo*. Omnes enim igneæ partes, seu illæ quæ debitum caloris gradum pariunt in illo immenso spatio, quod est inter navim & molem glaciei, non potuerunt ex ipso secedere, nisi fuerint expulsæ debitis cum viribus ab aliis corpusculis; nulla verò alia corpora potuerunt tunc eas expellere, nisi ea quæ effluunt ab ingenti mole glaciei. At si effluunt è glaciei mole corpuscula quæ valeant longiùs expellere partes igneas in immenso illo spatio errantes, constabit quòd tunc frigus non oritur ab *ente negativo*, sed à corpusculis debitæ indolis effluentibus è glacie; nam eadem corpuscula quæ potuerunt longiùs repellere partes quæ debitum caloris gradum edebant in illo spatio, ipsa non poterunt impingere in homines occurrentes, quin commoveant eorum organa & justam sensationem suscitent; proindeque constabit semper quòd illa

162 DE PRIMIGENIIS CORPORIBUS
sensatio quæ procreatur à glacie, (& quam frigus
nuncupamus) orietur à corpusculis effluentibus è
glacie, ac proindè quòd non editur frigus ab *ente*
negativo.

Imponamus nivem vel glaciem comminutam su-
per duos catinos : his imponamus duas phialas aquâ
plenas, & eas exponamus aëri gelido : ponamus
prunas sub uno ex illis catinis, observare licebit
aquam complexam phialæ stanti super catinum cui
suppositus fuit ignis, congelari citiùs aquâ quæ est
in alterâ phialâ; at perspicuum est quòd ignis seu
illud quod fluiditatem aquæ promovet & tuetur,
non debet citiùs secedere ab aquâ complexâ phialæ
cui fuit ignis suppositus, quàm ab alterâ phialâ; è
contrâ deberet tardiùs secedere, siquidem ignis va-
leat liquefacere aquam hujus phialæ, postquàm fuit
conglaciata.

Si ponitur lagena quocumque liquore plena, in
cavo quod circumvalletur fossâ ad pedis distan-
tiam, & appositis fomitibus suscitetur ignis in fossâ,
liquor lagenæ fiet primò frigidissimus, & non in-
calescet, nisi post debitum temporis spatium.

Illust. Geoffroy (a) Medicus Paris. replevit aquâ
frigidâ cucurbitam, quem reposuit in lebetè aquâ
pleno; collocavit Thermometrum in cucurbitâ, & se-
culò notavit gradum in quo perstabat Thermometri
liquor; postea projecit in lebetem magnam pru-
narum quantitatem, & illicò liquor Thermometri
descendit, qui postea tamen ascendit.

Non possumus animo percipere quâ arte procrea-
rentur illæ subitaneæ frigefactiones & congelationes
ab *ente negativo*, & quâ de causâ deficeret & sece-

(a) Act. Reg. Scient. Acad. Paris. ann. 1700, pag. 110.

deret ignis, seu illud à quo aqua vel alii liquores suam mutuatur fluiditatem in ipso temporis puncto quò ignis fuscitatur in fossâ, vel quò projiciuntur prunæ in leberem.

Contrà, perspicuum videtur quòd illi effectus eduntur à corpusculis in terrâ vel nive tritâ delitescantibus, quæ fuerunt igne pulsa per poros vasorum in aquam, vel liquores inclusos in illis vasis; illa enim corpuscula primò congelant aquam, vel liquores in quos fuerunt igne pulsa. At, cùm ipsa expellantur postea à partibus igneis quæ in liquores vel in aquam ruunt, tunc illi liquores pristinam suam fluiditatem recuperant, & incalescunt.

Nix comprimatur & congeratur in cumulum compactum, conspergatur postea sale superficies hujus cumuli: huic superficiei imponatur phiala aquâ repleta, & postea obtegatur phiala novâ nive ad oram, oculis videre licebit aquæ concretionem incipere in fundo vasis, & proserpere ad superficiem. Si verò cumulus nivis non fuit sale conspersus, concretio aquæ in phialâ contentæ, incipiet in superficie. Nunc quærimus cur aquæ concretio incipiat in fundo phialæ, ubi nix propior fundo fuit sale conspersa, & quâ fiat de causâ ut tunc ignis, vel illud à quo suam mutuatur fluiditatem, secedat ex imo vasis potius quàm è superiori parte.

Si vas quodcumque repleatur nive, tunc hominis anhelitus adhærebit parietibus exterioribus vasis: verum, si sal vel spiritus vini affundatur nivi in vase contentæ, tunc nix solvetur, & anhelitus adhærens exterioribus partibus vasis in glaciem concrescet. Undè sequi videtur hanc concretionem absolutam fuisse à corpusculis emissis è nive protrusis in vaporem anhelitûs per poros vasis. Hâc de causâ pro-

164 DE PRIMIGENIIS CORPORIBUS
creantur in corporum superficie cryſtalli, ſeu lamellæ
glaciæ, ubi congelata compages intima corporum
incipit ſolvi; tunc enim erumpunt ex illorum
intimâ compage corpuscula quæ congelant at-
moſphæram aqueam, ſeu aërem humidum im-
mediate contingentem corporum ſuperficiem.

Wolfius (a) pluries & diligenter obſervavit
aquam in glaciem concreviſſe, & glaciem in aquam
ſuiſſe ſolutam, eodem dato frigore in atmoſphærâ,
& Thermoſcopio ſtante in eodem gradu: unde in-
fert aquæ congelationem oriri à corpusculis quibus
præſentibus congelatur aqua, & quibus abſenti-
bus ſolvitur.

Aſſerit Muſſchembroeck (b) ſe oculis viſiſſe per
punctum parietis lagenæ aliquid intraviſſe in aquam
per poros lagenæ, & illud curvis ferri lineis, ac
tunc oriri filamenta glaciata.

Dum ſuperficies aquæ in vasis contentæ incipit
conglaciari, obſervare licet procreari filamenta
ſubtiliſſima quæ circâ circumferentiam vasis orbicu-
lariter concreſcunt, & ab eâ verſus medium exporri-
guntur: illa ſunt inclinata ad latera vasis, ſub diver-
ſis angulis, & rarò ſunt recti. Si verò parietes, ſeu
latera vasis fuerint oleo vel pinguedine obducta,
tum filamenta primò formantur in mediâ ſuperficie
aquæ, & ſi quædam ad latera gignuntur, hæc juſtam
magnitudinem adepta ſecedunt à parietibus, & ſuo
concurſu tegmen componunt in glaciæ medio.

Ex his colligere licet quòd aquæ congelatio
peragitur à corpusculis quæ poros vasis ſubeunt,
antequàm fuerint oleo vel pinguedine obducti, &

(a) In Element. Aëreom. pag. 302.

(b) Addit. Tentam. Philoſ. Florent. pag. 184.

quæ non possunt eisdem permeare poros, postquam fuerunt oleo cooperti vel obturati.

Ipsamet filamentorum procreatio videtur oriri à corpusculis extraneis; nam vix animo percipi posset quòd simplices partes aqueæ hæc filamenta procrearent.

Tandem perpendamus inclytum experimentum è quo sequi videtur ingentem copiam partium ignearum permeare mixturam duorum corporum, & has partes vehementi motu agere hujus mixturæ partes, dum ipsa frigus edit & deprimit liquorem Thermometri huic immersi. Etenim, si sal ammoniacum ponitur in cucurbitâ & Thermometrum huic imponatur, ac alterum Thermometrum paulò excelsiùs suspendatur, notenturque gradus in quibus stant liquores illorum Thermometrorum, & affundatur oleum vitrioli salis ammoniaco, perspicemus oculis,

1°. Ingentem fuscitari ebullitionem & plurimos fumos calidiores, & acerrimè nares ferientes erumpere;

2°. Liquorem Thermometri immersum mixturæ salis ammoniaci & olei vitrioli descendere, ac proindè majorem esse frigoris gradum in loco in quo stat illud Thermometrum;

3°. Fumos erumpentes ex illâ mixturâ fursùm tollere liquorem Thermometri excelsiùs suspensi, statim atque ad eum pertingunt.

Nunc quærimus an quis opinari possit frigus quo perfunditur Thermometrum immersum mixturæ, procreari à defectu ignis, seu illius à quo fluida suam habent fluiditatem, siquidem hæc mixtura vehementiori motu cieatur. Quærimus an deficiat ignis in mixturâ à quâ erumpunt fumi calidi & va-

lentes fursùm tollere liquorem Thermometri suspensi in his fumis; nam calor illorum fumorum oritur à partibus igneis quas illi recondunt, & illæ partes igneæ transmeant mixturam, antequàm avolent cum fumis; proindeque illa mixtura continuò pervaditur ab uberiori copiâ partium ignearum in ipso temporis puncto quo illa frigus parit & promovet descensum liquoris Thermometri in ipsâ merfi; proindeque perspectum est quòd depressio liquoris Thermometri merfi mixturæ, & frigoris procreatio, non oriuntur ab *ente negativo*, id est, à defectu partium ignearum, nec aliorum fluidorum quæ valeant debito motu agere partes mixturæ; undè sequitur illud oriri à corpusculis extraneis, irruentibus in Thermometrum mixturæ merfum, ut jam diximus.

Ex omnibus igitur, quæ suprà retulimus, colligere licet frigus & aquæ congelationem non oriri ab *ignis defectione*, & hæc pendere à corpusculis tenuissimis quæ oculis percipi non possunt, & quæ strictiores corporum poros expeditè permeant. Illa intromissa in aquearum partium interstitia, congelationem aquæ parient, ipsa verò irruentia in cutim procreabunt frigoris sensationem, vel suâ naturâ, vel suâ figurâ, vel suâ mole, vel aliâ quâcumque de causâ; non fecus ac enim dantur corpora quæ suâ naturâ fuscitant sensationem caloris, aciditatis vel acritudinis, &c. ita dari possunt corpora quæ suâ naturâ frigoris sensationem procreent & congelationem pariant.

Natura illorum corporum latet altâ caligine merfa, & pro certo tantum tenere possumus, nempe, 1^o. quòd illa corpuscula sunt homogenea partibus aqueis, siquidem tam arctè ipsis cohæreant, ut valeant solidum corpus constituere.

2^o. Constat hæc corpuscula homogenea esse salibus, siquidem ipsis inhæreant; frigus enim & depressio liquoris Thermometri merfi aquâ, in quibus salia fuerunt dissoluta, non oriuntur à salibus solutis, illa enim non pervadunt poros vitri, ut dicemus; proindeque illa non possunt peragere depressionem liquoris Thermometri.

Præterea constat quòd salia aquâ soluta retardent ipsius congelationem, ut dicemus; ipsa verò permixta cum nive vel glacie circumfusâ vasi, in quo inclusa fuit aqua, ipsius congelationem accelerant; undè sequitur aquæ concretionem non oriri à salibus quæ non permeant vasorum poros, sed ab aliis corpusculis emissis à salibus, & in aquam per vasorum poros protrusis.

Illa corpuscula non videntur esse salina, seu salia, siquidem glacies non donetur salino sapore: at, cum innumera sit copia illorum corporum in glacie, illa salino sapore gauderet, si illa corpora essent salina, seu salia. Præterea si illa corpora essent salina, seu salia, non retardaretur congelatio aquæ à salibus in ipsa solutis. Confitemur tamen illa accedere ad naturam salium, siquidem ipsis sunt homogenea, ut patet mutuâ eorum & salium cōhærentiâ.

Tandem verisimilius videtur illa corpuscula heterogenea esse partibus luminis, siquidem ab ipsis citius expellantur ex interstitiis partium aquearum.

Ex his augurari licet, 1^o. corpuscula frigefaciencia & congelantia, tenuiora esse partibus aqueis, terreis & salinis, siquidem expeditè pervadunt poros vasorum vitreorum, &c. qui ab aqueis, terris & salinis, &c. permeari non possunt.

2^o. Verisimilius est quòd hæc corpuscula insen-

168 DE PRIMIGENIIS CORPORIBUS
filia è terræ visceribus emittuntur. At perarduum
erit assequi notitiam naturæ illorum corporum,
siquidem illa citò avolent per strictiores corporum
poros, & in auras dispergantur minori ignis gradu.

ARTICULUS QUARTUS.

DE TERRA ELEMENTARI.

POSTQUAM Chymici eduxerunt ignis ope di-
versas substantias è compositis corporibus, re-
periunt in fundo vasorum substantiam quæ purgata
(calcinatione & lotione) partibus ipsi heterogeneis,
friabilis est, aspera, porosa, insipida, inodora & le-
vissima : illa tamen nullo ignis gradu potest fursùm
tolli nec flammis corripì ; ignescit tantùm & can-
descit, sed ab igne remota suum citiùs amittit can-
dorem : huic substantiæ indiderunt nomina *terræ*
virginis, seu *virginæ*, *terræ damnatæ*, aut *elemen-*
taris, vel *capitis mortui*.

Incasùm tentaverunt eam igne vel quocumque
menstruo, in alia solvere corpora ; nec potuerunt
ullâ arte consimilem substantiam procreare : qua-
mobrem asseruerunt hanc substantiam esse simplicis-
simam. Cùm verò illa in omnibus reperiiebatur cor-
poribus, eam recensuerunt inter compositorum
corporum elementa.

Terreæ partes sunt exilissimæ ; nam illæ conjun-
ctæ & adhærentes salibus essentialibus, non immi-
nuunt pelluciditatem aquæ in quâ illa soluta fuerunt
soluta. Confitemur illas turbidam facere aquam,
ubi fuerunt à salibus sejuncta, eò quòd tunc plures

terreæ partes concurrentes constituunt moleculas crassiores quæ subsidunt.

Hinc sequitur quòd terreæ partes tantæ sunt exilitatis, ubi sunt simplices, ut oculis videri non possint, nec aquæ pelluciditatem minuere.

Pro certo habent Chymici terreas partes sese contingere secundum minores superficies, eò quòd illa leviori contrectatione in tenuissimum abit pulvisculum. Prætereà collegerunt ex asperitate hujus substantiæ, superficiem partium ornari prominentiis seu extantiis.

Rursus intulerunt ex illarum extantiarum præfentiâ, quòd partes hujus substantiæ non poterant sese contingere secundum majores superficies: quomobrem asseruerunt asperitatem superficiiei partium elementaris terræ esse causam debilioris earum cohærentiæ.

Tandem, cum animadverterent aquæ & plurium aliorum fluidorum salinorum partes citius ebibi ab hac substantiâ & illas absconditas latere in interstitiis, quæ sunt inter hujus terræ partes, certiores fuerunt facti ampliora esse hæc interstitia; attamen, cum opinarentur quòd minores extantiæ superficiiei non poterant tanta procreare interstitia, asseruerunt hujus terræ partes esse præditas pluribus angulis eminentibus irregulariter collocatis, qui procreabant magna interstitia inter ipsius partes.

Cum verò experirentur elementarem terram esse insipidam & inodoram, collegerunt ipsius prominentias & angulos esse obtusos. Nam illarum prominentiarum & illorum angulorum extrema acriter vellicarent gustûs & odoratûs organa, ac odorem & saporem procrearent eundem, ac si essent acuminata.

Observaverunt prætereà terreas partes includi in

170 DE PRIMIGENIIS CORPORIBUS

pluribus corporibus quorum igneæ & aqueæ partes citiùs effluebant transmeando eorum poros, & hinc intulerunt terreas partes esse crassiores partibus igneis & aqueis.

Constitit igitur apud Physicos & Chymicos,

1°. Superficiem partium elementaris terræ prominentiis ornatam esse;

2°. Ipsius partes esse irregulariter angulosas, obtusos esse earum angulos, & earum prominentias ac eas partes multò crassiores esse partibus igneis & aqueis.

Experientiâ certiores fuerunt facti Chymici quòd igneæ partes non poterant permeare ipsammet compagem partium terræ, licèt multò sint exiliores terreis partibus, nam quâque horâ licet experiri quòd elementaris terra interposita ignem & corpora, concipiendo igni prompta, obstat quominus grassetur ignis, & comburantur corpora: at, si partes igneæ possent pervadere compagem vel poros compagis partium elementaris terræ, ignis grassaretur, & accenderentur vel ignescerent corpora ponè congeriem terrearum partium posita.

Non est tamen heterogenea partibus igneis elementaris terra: nam 1°. nullus exoritur fragor aut strepitus, licèt igneæ partes magnâ copiâ, magnoque cum impetu in terream irruant molem. E contra partes igneæ placidæ & quietæ commorantur in terreâ mole per debitum temporis curriculum. Oculis enim videmus igneas partes trusas in terram elementarem erratico ferri lapsu per mæandros & flexuosos ipsius tramites, & hanc molem candentem remanere (per debitum temporis curriculum) postquam fuit ab igne remota. His patet terreas partes esse homogeneas partibus igneis, ac cum his immediato contactu jungi posse.

Quamvis partes igneæ sint homogeneæ terræ virgineæ, attamen non ipsi firmè cohærent, & citiùs ex ipsâ effugiunt; constat enim quòd post brevius temporis curriculum terrea moles suum amittit candorem, & quòd illa non donatur calore majori eo quo gaudebat antequàm igneæ partes in eam fuissent trusæ. Prætereà illa moles terrea non lucet nullaque præbet signa præsentiae majoris quantitatis partium ignearum; undè sequitur omnes igneas partes in terream molem trusas, citiùs effugisse: illarum tamen effugium non oritur ab earum heterogeneitate, sed debiliori vi earum cohæsionis cum elementari terrâ.

Etenim, cùm igneæ partes sint exilissimæ & mobilissimæ, id est, ad motum promptæ, cumque contingant partes terreas secundùm minores superficies ratione suæ figuræ sphaericæ; illæ minori vi debiliorique impulsu, seu collisione sejunguntur à terreis partibus.

Rursus, cùm ampliora interstitia interjecta terreas partes jugiter pervadantur ab aëre & aliis crafioribus fluidis, igneæ partes rapiuntur à fluidis transfluentibus, & citiùs in auras diffunduntur, non debemus igitur inferre è breviori temporis curriculo quo delitescunt igneæ partes in elementari, eas esse ipsi heterogeneas, nam placidæ in ipsâ commorantur, ut diximus; & observabimus prætereà in posterum quòd igneæ partes junguntur cum aqueis partibus, mediante terrâ elementari.

Mirum videri poterit quòd igneæ partes magnâ vi majorique copiâ trusæ, non valeant fursùm pel- lere & hinc indè diffundere elementarem terram, siquidem ipsa sit levissima, & hinc indè disflentur ipsius partes leviori afflatu.

Illius fixa remansio in igne intensissimo non pendet à gravitate partium terrearum, siquidem mercurii partes quæ sunt multò ponderosiores, fursùm altius ferantur minori ignis gradu.

Aliundè mutua cohæsio partium terrearum non est causa earum remansionis, siquidem friabilis sit, & ipsius partes hinc indè seorsim dispergantur afflatu.

Tandem non licet opinari earum remansionem oriri à minori earum mole seu superficie, relativè ad massam, siquidem partes aqueæ & hydrargiri quæ sunt exiliores & graviores, fursùm tollantur debiliori ignis gradu.

Hinc sequitur elementaris terræ partes subseffas remanere in fundo vasorum, etiamsi intensiori igne diuturnius urgeantur ratione irregularitatis eorum figuræ.

Etenim ut corpora fursùm ferantur, necesse est ut vis quâ aguntur, ea pellat secundùm unam eandemque directionem; nam diversitas seu oppositio directionis virium, extinguit mutuò suos effectus.

At, cùm igneæ partes sint multò exiliores terreis partibus, quamplurimæ offendunt in eodem temporis puncto terreas partes, earum verò figura inæqualiter angulosa officit earum translationi; nam igneæ partes irruentes in debitum angulum, extinguunt vires partium quæ offendunt alterum angulum, &c.

Rursùs, cum majora sint interstitia interjecta partes terreas, hinc indè patent effugia quibus effluere possunt igneæ partes, proindeque illæ minorem vim inferunt terreis partibus; debiliores enim effectus parit pulvis pyrius accensus in aëre patulo.

His omnibus de causis terræ partes subseffæ re-

manebunt in suo loco, & non poterunt fursùm tolli, etiamsi diuturniùs urgeantur igne intensissimo. Iisdem de causis terreæ partes firmè renituntur viribus partium, & compescunt ac obtundunt earum impetum seu motum, & sistunt ignis progressionem.

E contrà, cùm aëris partes sint multò crassiores igneis partibus, cumque earum superficies non sint exiliores superficie partium terrearum, illæ in terreas partes pulsæ cum debitâ directione, agunt in eodem temporis puncto cum eâdem directione in omnem superficiem terrearum partium, ac proindè eas faciliè ferunt è loco in locum secundum suam directionem. Hâc de causâ evehuntur terræ partes vento seu aëre, faciliùs & excelsiùs quàm ab igne; attamen, cùm major sit superficies partium terrearum relativè ad earum massas, illa obstat quominùs excelsiùs evehantur & diutiùs suspensæ teneantur; nam vis renitens (quæ agit præcipuè in superficiem) major est vi eas fursùm pellente & agente in massam. Eâdem de causâ lentiùs delabuntur terreæ partes sublatae, siquidem valida sit vis aëris circumfusi renitentis earum delapsui, ratione majoris earum superficiei.

Si terra elementaris affundatur debitæ quantitati aquæ, 1°. turbida fit aqua.

2°. Postea subsidet terra in fundo vasis, statim atque ipsius partes copulatae partibus aqueis, constituerunt massas majores relativè ad earum superficies.

Elementaris terra ebibit aqueas partes, cum his jungitur & ambo procreant corpus molle; undè sequitur aquam & terram esse substantias homogeneas,

Verum debiliior est earum nexus, citius enim diffantur aqueæ partes, & terra in pulvisculum abit tenuissimum, eò quòd adeò patent interstitia interjecta, ut aër vel alia corpuscula quæ continuò ea pervadunt, vim inferant aqueis partibus occurrentibus, & eas secum rapiant. Verum, si salia adjungantur terreis & aqueis partibus, tunc firmius corpus procreatur, eò quòd replentur interstitia salibus; postea enim omnes illæ partes sese contingunt secundum majores superficies, undè firmior earum cohærentia.

ARTICULUS QUINTUS.

De naturâ & ortu diversarum substantiarum salinarum ac de sale elementari.

DIXIMUS aquam & terram esse substantias insipidas; verum, cum apud omnes constet omnia ferè corpora, justo sapore donari, extrà dubium est ipsa conflari substantiis ab aquâ & terrâ diversis quæ saporis procreant. His imposuerunt Chymici nomen *salis*.

Experti sunt has substantias aquâ solvi, & eas non posse intensissimo igne accendi nec inflammari: animadverterunt prætereà easdem substantias tribus præcipuè saporibus diversis gaudere. Quamobrem eas distinxerunt in tres classes ratione eorum saporis & effectuum quos pariebant.

In primâ reposuerunt classe substantiam salinam quæ punctionis seu aciditatis sensationem fuscitabat, id est, quæ procreabat saporis consimilem

illi quem edit acetum, vitriolum, &c. huic indiderunt nomen *Acidi salis*.

Inscripserunt in secundâ classe substantiam edentem saporem acritudinis, consimilem illi quem refert sal tartari vel absynthium, & illa *Salis alkalini* nomen audivit.

Tandem tertiam occupavit classem substantia referens saporem consimilem illi quem parit muria vel solutio salis culinaris, & hanc nuncupaverunt *Salem falsum, seu neutrum*.

Pro certo habuerunt quòd sales qui sub sensu cadebant, non erant puri seu sinceri, illosque semper esse conjunctos aliis substantiis simplicibus, nempe cum aquâ, terrâ, aut sulphure.

Animadverterunt adhuc quòd particulæ salinæ simplices, seu minimæ, nullam suscitabant sensationem. Etenim experti sunt, quòd minor salis quantitas, v. g. salis duo grana soluta in majori aquæ copiâ, nullum edebant saporem, nullosque effectus proprios sali soluto. Verum, cum 1°. eadem salis quantitas justum procreabat saporem, statim atque debita aquæ quantitas in vaporem abierat;

2°. Cum aquæ vaporatione non mutetur salium figura vel natura, & nil aliud evenit sali, nisi quòd particulæ salinæ minùs distantes & sæpiùs concurrentes conjunguntur, & majores procreant particulas seu massulas, collegerunt defectum saporis, seu, ut ita dicam, insipiditatem aquæ in quâ sales fuerunt soluti, oriri à minori mole seu massâ partium salinarum; statim atque enim earum minima est moles seu massa, illicò non valent adeò commovere gustûs organa, ut impressio facta menti transmittatur; non secùs ac enim aqueæ partes quibus scatet atmosphæricum fluidum, sub sensu non

176 DE PRIMIGENIIS CORPORIBUS
cadunt, eò quòd tenuiores sunt ; & non secùs ac partes terreæ salibus essentialibus junctæ , sunt inconspicuæ , & non imminuunt aquæ pelluciditatem ratione earum exilitatis , ita partes salinæ simplices non valent debite commovere gustûs organa , nisi plures particulæ salinæ congerantur & gignant crassiores moleculas. Non possunt igitur inferre Chymici è defectu saporis aquæ , eam nulla recondere salia.

Non solùm salia nulla suæ præsentiae præbent indicia , ubi fuerunt in exiles particulas soluta , sed etiam quoties involvuntur aliis substantiis , v. g. sulphureis , vel terreis partibus.

Quamvis plura corpora nullum saporem referant , attamen , cùm in memoriam revocarent Chymici , 1°. quòd substantiæ quæ aciditatis sensationem procreabant , nunquam permiscebantur cum syrupo violarum vel cum heliotropii tincturâ , &c. quin inficerent rubro colore illa fluida ; 2°. quòd illæ mutabant viridem colorem solutionis cupri in cæruleum colorem ; 3°. quòd præcipites agebant partes sublimati corrosivi aquis innatantes , in album pulverem ; 4°. quòd solvebant mineralia , fossilia , lapidacea , testacea , &c. 5°. tandem quòd acidæ substantiæ non poterant permisceri cum alkalinis substantiis , quin exurgeret motus inordinatus & incompressus , id est , fermentatio in liquoribus in quibus natabant.

Tentaverunt his diversis experimentis assequi notitiam naturæ salis quem recondebant corpora , ubi nullum saporem edebant , & pro certo habuerunt quòd solida vel fluida quæ hos pariebant effectus , recondebant salia acida , quamvis sensationem aciditatis non suscitarent.

Tentati

Tentati sunt assequi notionem figuræ, quâ donari poterant salia acida, sapore & effectibus ipsis propriis, supponendo tamen quòd partes salium exiliores (quam ut ullos effectus pariant) sunt suâ figurâ consimiles massulis seu crystallis quæ, licet sint inconspicuæ, valent tamen justum saporem aliosque sensibiles effectus procreare.

Intulerunt igitur Chymici è punctiōnis sensu ac è solutione diversorum corporum peractis à salibus acidis, eos esse utrimque acuminatos, & in mediâ sui parte protruberare, id est, ipsos fusorum ad instar esse configuratos. Quo posito, dilucidè percipiebant causam sensationis punctiōnis quam suscitabant, & causam dissolutionis corporum quam cuneorum ad instar possunt peragere; collegerunt tandem è corporum solutione salia acida esse corpora rigida & solida.

Cognitâ salium acidorum figurâ, perspicuum fit illa excelsiùs trudi non posse ab igne, & nonnisi intenso ignis gradu ad minorem excelsitudinem evehi posse; illa enim non possunt ferri, præeunte uno extremo acuminato, propter majorem massam & gravitatem mediæ eorum partis. Aliundè non possunt eâdem de causâ longè pelli, secundum totam suam longitudinem; debent igitur orbiculatim & in gyrum agi, ut feruntur fusi seu baccilli utrimque acuminati, & in mediâ parte protuberantes, ubi percutiuntur in unum extremum; verum, cum corpora quæ orbiculatim aguntur, deperdant singulo temporis momento magnam quantitatem virium quibus fuerunt sursùm trusi, illa citiùs suis viribus spoliantur & delabuntur.

De Salibus alkalinis.

Animadverterunt Chymici quòd (salia quæ acritudinis sensationem procreabant) inficiebant syrupum violarum viridi colore ; quòd fermentescebant cum acidis , antequàm ipsis adunarentur ; quòd ipsa liquefcebant & in fluidum seu liquorem abibant , statim atque stabant aëri patulo exposita. Ex his collegerunt recondi salia alkalina in omnibus corporibus quæ hos effectus pariebant , etiam si non ederent acritudinis saporem.

Ex acritudinis sensatione intulerunt Chymici superficies illorum salium plurimis extantiis seu aculeis esse præditas , & illas extantias esse rigidas.

Verùm , cùm experirentur quòd alkalina salia absorbebant plurima acida , & quòd illa non procreabant postea aciditatis saporem , collegerunt plurima & ampliora dari interstitia seu cava , inter alkalinarum extantias in quibus acida intromittebantur ac recondebantur , & hinc rursus collegerunt alkalina salia esse corpora porosa & echinata.

His concessis , dilucidius percipitur quòd illa salia non possunt sese contingere secundum magnas superficies , & quòd magna dantur inter ipsa spatia. Hinc sequitur quòd illa salia possunt facile abire in liquorem ; nam cùm atmosphæricum fluidum scateat aqueis partibus , cumque aqua sit maximè salibus homogenea , major earum quantitas subibit interstitia quæ sunt inter illa salia , & ea solvet in particulas adeò exiles , ut illæ possint jugiter è loco in locum ferri à solâ vi quâ aguntur partes aqueæ , undè orietur fluidum.

Illà salia in duas classes distinguuntur ; alia enim excelsiùs evehuntur minori gradu ignis , & vocantur

alkalina volatilia seu *salia urinosa*, ratione odoris quem diffundunt. Illa speciem habent liquoris tenuissimi tactu paululum oleosi, ratione partium oleosarum seu sulphurearum ipsis adhærentium. Ipsa educuntur distillatione è vegetabilibus & animalibus.

Alia verò *salia alkalina* non possunt intensissimo ignis gradu fursùm tolli, & ideò *salium fixorum* nomen audiunt; ipsis etiam impositum fuit nomen *salis lixiviosi*, eò quòd educuntur lixivium è corporibus calcinatis, seu è cineribus corporum: hæc tactu sunt ficciora, eò quòd procreantur terreis & acidis partibus, ut dicemus; illa magnâ copiâ educuntur è vegetabilibus, eò quòd redundant terreis partibus; minori verò copiâ extrahuntur ex animalibus quæ luxuriant sulphure, & quæ pauciores terræ partes habent. Verùm vix nonnulla *salia fixa* educi possunt è mineralibus, præter vitriolum: magna terrearum partium quantitas quâ conflantur illa *salia*, obstat quominus possint fursùm tolli; nam, ut diximus, ignis intensissimus non potest fursùm tollere terreas partes.

Discrepantia igitur inter *salia alkalina*, *volatilia*, seu *urinosa*, & *alkalina fixa* seu *lixiviosa*, petenda est à diversitate partium extranearum ipsis adhærentium; nam patefecimus quòd *alkalina fixa* procreantur ab acidis inhærentibus terreis partibus & simul construunt corpus echinatum & porosum, dum è contrâ *salia urinosa* seu *alkalina volatilia*, gignuntur ab acidis circumligatis & implicatis intrâ partes sulphureas.

Quamvis omnia *alkalina salia* plurimis & patentioribus interstitiis sint prædita, attamen patefecit ill. Homberg quòd *alkalina plurimum* inter

se differant ratione majoris vel minoris quantitatis interstitiorum quibus ornantur (a); nam dantur alkalina quæ absorbent quantitatem acidorum multo majorem eâ quam absorbent alia.

De Salibus salsis seu neutrâ.

Pro certo habent Chymici quòd salia quæ muriæ seu falfedinis sensationem pariunt, non fermentescunt cum acidis nec cum alkalinis, & quòd non immutent colorem syrupi violarum, &c. Ubi igitur eduxerunt è corporibus substantias aquâ solubiles quæ accendi non poterant, & quæ tamen gustûs organa non adeò feriebant, ut discernere possent saporis ipsius speciem, eam permiscuerunt cum acidis & cum alkalinis, ac cum syrupo violarum: si verò experirentur quòd nulla exurgebat fermentatio, & quòd color syrupi violarum non immutaretur, &c. tunc pro certo habuerunt quòd illæ substantiæ erant salia falsa seu neutra.

Rursus, cum perspectum haberent Chymici hæc salia non absorbere acida ipsaque nec punctiōis nec acritudinis sensationem parere, collegerunt 1°. hæc salia non esse prædita magnis interstitiis seu poris in quibus recondi possent acida; 2°. eadem salia non esse ornata aculeis vel cuspidibus, aut saltem eorum cuspides hebetiores esse; 3°. cum illa salia lentè liquefcebant in aëre patulo, nisi humidior esset, collegerunt eorum poros strictiores esse, & minorem esse eorum quantitatem, quàm ut aqueæ partes in aëre vagantes possent debitâ copiâ inter illos intro-mitti, ut fluida fierent.

Hinc rursus intulerunt horum salium partes sese

(a) Act. Reg. Scient. Acad. Paris. ann. 1700. p. 65.

contingere secundum majores superficies, ac firmius secum coherere, quam ut solvi possent à partibus aqueis in aëre vagantibus; undè rursus collegerunt superficies illorum salium debere esse lævigatas, & donari figurâ quâ possent sese mutuò contingere secundum superficies majores superficiebus acidorum & alkalinorum; v. g. in medium protulerunt horum salium superficies esse oblongas, vel planas, vel quadratas, vel cylindricas, vel hexagonas.

An salinae substantiae ingrediantur omnium corporum compositionem, ita ut possint inter corporum elementa recenseri.

Postquam Chymici perspectas habuerunt notas quibus discernere possent naturam diversorum salium in mixtis reconditorum, quæ non procreabant saporem, indagaverunt an aliqua substantia salina, v. g. acida vel alkalina, vel falsa, delitesceret in omnibus mixtis, & eorum compositionem ingrederetur; nam si substantia salina non conferebat ad contexturam, seu constructionem corporum, illa non posset recenseri inter corporum elementa.

Animadverterunt 1^o. quòd intima compages terraquei globi scatebat salinis substantiis. Etenim nemo nescit mare & plurimos fontes salibus luxuriare;

Plurimas dari fodinas altiores è quibus educitur ingens copia salis ejusdem naturæ illius quem mare & fontes falsi ultrò promunt, cui nomen *salis gemmei* indiderunt.

Plurima fossilia, v. g. alumen, sulphur, vitriolum, &c. magnam salis copiam suppeditant.

Colligunt Indi in diversis regionibus scoparum ope, salinam substantiam humi prostratam, quam vocamus *nitrum*.

Confinilem substantiam educimus è rudibus nonnullorum murorum vetustiorum.

Docent Chymici minorem copiam salinæ substantiæ (operosis reverâ laboribus) è plurimis metallis educi posse, & magnam acidi quantitatem suppeditare plurima fossilia.

Confitentur equidem nullam aut minimam salinæ substantiæ copiam è lapidibus educi posse : attamen hinc inferre non licet, nulla adesse salia in lapidibus ; nam constat quòd lapides coalescunt terreis præcipuè partibus, & quòd salia obruta & sepulta multis partibus terreis non possunt ex hâc educi, nec aquæ, nec ignis ope, præcipuè ubi nectuntur cum sulphureis partibus crassioribus. Hinc sequitur quòd salina substantia potest ingredi compositionem lapidum, etiamsi non possit ex his educi.

Plura experimenta videntur hanc opinionem firmare ; etenim metalla, & nonnulli lapides è quibus non possunt Chymici educere salia, debitum odorem spirant, ubi fuerunt tritu debitè calefacta ; undè sequitur hæc corpora salinis & sulphureis partibus coagmentari.

Clariff. Duclos refert (a) se affudisse distillatum acetum salis tartari ad ipsius satietatem, & hæc miscuisse salia cum duplo pondere sabuli vici dicti Etampes ; urfit hanc massam igne reverberii, & nonnisi minimam quantitatem flegmatis insipidi eduxit : affudit massæ solidæ, debitam aquæ ferventis copiam ; cum verò post debitum temporis curriculum, illa aqua esset insipida, & nullum saporem referebat, eam reliquit ut inutilem. At die sequenti miratus est hanc aquam esse densatam & coagulatam. Quamobrem eam igni commisit per vi-

(a) Aët. Scient. Acad. Paris. tom. I. pag. 26. ann. 1667.

ginti horas , & observavit quòd nedum aqua in vaporem abiret , illa concrefcebat in cæmentum.

Hoc patet experimento quòd aceti & tartari salia non possunt educi è cæmento , nec igne , nec aquâ , quamvis illa salia recondantur in hoc cæmento ; & quòd è contrà illa salia firmiùs nectuntur cum sabulo , etiamsi torturam ignis perpetiantur , & multa aqua affundatur , siquidem sabulus , sales & aqua concreverunt in massam lapidaceam. Hinc colligere est , quòd salinæ substantiæ possunt recondi in lapidibus , & plurimùm conferre ad eorum compositionem , etiamsi non possint ex his educi.

Jure igitur ac meritò possumus opinari salinas substantias ingredi compositionem corporum intimæ compagis terraquei globi.

Odores & sapes animalium & vegetabilium certiores faciebant Chymicos , quòd salinæ substantiæ ingrediebantur compositionem illorum corporum.

Prætereà succus plurimarum plantarum , v. g. acetosæ , acidus est : spuma erumpens ex extremis frustulorum ligni viridis , necnon aliorum vegetabilium in mediâ sui parte accensorum , acida est ; inficit enim syrupum violarum rubro colore ; succi vegetabilium extracti prælo , & in loco tepido positi , in crystallos salinas concrefcunt , quæ diversum saporem referunt , pro naturâ vegetabilium. Illæ crystalli (quæ salia essentialia nuncupantur) solvuntur aquâ , & in hâc natant absque ipsius pelluciditatis imminutione , quamvis adjunctas habeant terreas partes quæ ab ipsis sejunguntur ignis ope.

Ex illis salibus essentialibus vegetabilium educunt Chymici distillatione ; 1^o. aquam insipidam ,

184 DE PRIMIGENIIS CORPORIBUS
2°. liquorem subacidum, 3°. fluidum urinam redolens. 4°. Adaucto igne, stillat oleum foetidum recondens plurimos sales & nonnullas partes terreas. 5°. Remanet in vasis substantia levis, friabilis, nullo sensibili sapore gaudens, & speciem præbens terræ elementaris. Attamen si huic affundatur aqua, hæc colata & vaporata præbet salia prædita omnibus dotibus quibus gaudent alkalina salia, & quibus discernuntur à salibus acidis & neutris, &c.

Non solum extrahuntur salia alkalina è cineribus corporum combustorum, vel è terrâ quæ remanet in vasis post distillationem vegetabilium, &c. sed etiam ex his educuntur salia salia, seu neutra.

His patet omnes diversas substantias salinas delitescere in vegetabilibus, ac eorum ingredi compositionem.

Easdem substantias salinas eduxerunt Chymici ex animalibus, eo tantum discrimine, quod ex ipsis eliciebant multò maiorem copiam salis volatilis, quàm è vegetabilibus, & minorem copiam salis fixi.

Promunt enim animalia diversas substantias salinas; nam sal acidus è formicis extrahitur debitâ quantitate. D. Charas (a) asserit acidum extrahi ex hominum & animalium pinguedine. Ipse dixit quod animalium excrementa, quæ vescuntur vegetabilibus, promunt acida; & quod animalium stercorea, quæ nutriuntur carnibus, alkalina præbent volatilia, & minorem tantum salis fixi quantitatem.

Contenderunt nonnulli Chymici quod sanguis animalium, & præcipuè hominum, nulla recondibat salia acida, & quod acida quæ educebantur è

sanguine humano ope intermedii, v. g. ope glæbæ armenicæ, non oriebatur è sanguine sed ex intermedio.

Controversam quæstionem solvit illust. Homberg (a). Confitetur equidem acidum ex animalium sanguine educi non posse absque intermedio; verum pro intermedio usus est capite mortuo sanguinis humani prius distillati, & hujus ope eduxit acidum: at si ille acidus oriatur ex intermedio, id est, è capite mortuo sanguinis distillati, si ve oriatur è sanguine distillationi subjecto, constat semper quod oritur è sanguine, ac proinde quod ad sunt acida in hominum & aliorum animalium sanguine. Addit quod major acidi quantitas educitur è sanguine vituli vel junioris agni, quàm è sanguine bovis vel vervecis. Afferit quod sub finem distillationis sanguinis animalium, stillat liquor subrufus (b), præbens indicia salium acidorum & alkaliorum, nantium in eodem liquore; nam hic liquor inficit tincturam heliotropii rubro colore, & fermentescit cum spiritu nitri. Hoc phænomenon mirum non videbitur his qui in memoriam revocabunt quod liquor acidus, v. g. spiritus aceti permixtus cum liquore alkalino, v. g. cum urinæ spiritu, non fermentescit (c).

Omnibus quæ retulimus, patet dari salia acida, & alias substantias salinas, in fossilibus, vegetabilibus & animalibus; undè sequitur salia ingredi omnium corporum compositionem. Nunc indagandum an omnes substantiæ salinæ sint adeò simplices, ut inter corporum elementa reponi debeant; an verò

(a) Act. Reg. Scient. Acad. Paris. ann. 1712. pag. 47.

(b) Act. Reg. Scient. Acad. Paris. ann. 1712. pag. 46.

(c) Hist. Reg. Scient. Acad. Paris. ann. 1701. pag. 71.

186 DE PRIMIGENIIS CORPORIBUS
inter illas detur substantia simplicior aliis, & quæ
ipsas, ut ita dicam, procreet.

*An Salia neutra sint substantiæ simplicissimæ,
seu primigenia corpora.*

Postquàm certiores facti fuerunt Chymici quòd
salinæ substantiæ ingrediebantur omnium corpo-
rum compositionem, indagaverunt an omnes illæ
possent inter simplicissimas substantias recenferi;
ac primò quidem perscrutati sunt naturam salium
quæ ex intimâ terraquei globi ultrò (& , ut ita
dicam, sponte) sese promunt vel educuntur, ut,
v. g. sal marinum, gemmeum, nitrum, vitriolum,
&c. & illa quæ è diversis fossilibus educuntur; ipsa
enim videbantur esse debere simpliciora aliis, si-
quidem perpeffa non fuerant diversas fermenta-
tiones, quas experiuntur salia in animalibus & ve-
getabilibus: at citiùs exploratum habuerunt quòd
illa salia erant substantiæ compositæ; ex his enim
substantiis distillationi commissis eduxerunt liquo-
rem aciditatis saporem procreantem, qui gaudet
omnibus dotibus, seu notis propriis peculiaribus
acido sali: invenerunt in vasis superstitem mate-
riam terream, undè collegerunt sales neutros con-
flari duabus substantiis, nempe acidâ & terreâ.

Confirmatiores fuerunt facti in suâ sententiâ ob-
servando quòd si liquores acidi affundebantur sub-
stantiis è quibus educti fuerant liquores acidi, exur-
gebant sales neutri.

Prætereà observaverunt quòd procreabantur sa-
les neutri, permiscendo salis acidos cum alkalinis
salibus, vel cum nonnullis aliis substantiis porosis,
quas nuncupaverunt *substantias alkalinas*.

Cùm igitur constet experimentis, salia neutra

solvi posse in alias substantias ipsis simpliciores , cumque procreentur salia neutra connubio diversarum substantiarum , perspicuum est salia neutra non esse substantias simplicissimas , ac proinde inter corpora primigenia , seu elementa corporum , recenseri non posse.

An Salia alkalina fixa sint substantiæ simplicissimæ , seu primigenia , corpora.

Diximus plurima educi salia alkalina , fixa & volatilia è vegetabilibus & animalibus. Quamobrem necessarium duxerunt Chymici explorare an illa salia essent substantiæ simplicissimæ ; cùm verò salia volatilia ignis torturâ fugiant , subjecerunt primò suis laboribus salia fixa.

In medium protulit ill. Homberg (a) diversa experimenta , quibus patet alkalina fixa solvi posse in acida & terram.

Si , inquit , sal fixus stet in digestionem in aquâ calidâ per debitum temporis spatium , & postea coletur aqua & fiat vaporatio , habebimus salia acida ; & iteratâ eâdem operatione , totus sal alkalinus abibit in acidum & substantiam friabilem , porosam , quæ in aquâ non solvitur , & quæ igne non inflammatur , nec fursùm tollitur , idest , in substantiam terream. Addit ill. Homberg quòd eâdem arte iusta quantitas acidi potest educi è capite mortuo corporum.

Asseverat falem acidum ex alkalinis fixis educi posse solâ ignis torturâ , eò quòd suprema pars testitudinis furnorum vitrariorum (directè opposita orificiis catillorum in quibus sales fixi liquantur)

(a) Act. Reg. Scient. Acad. Paris. ann. 1702. pag. 23.

integitur substantiâ præbente speciem vitri; at, cum illa substantia non oriatur à terrâ quâ conflantur salia fixa, colligit hanc substantiam editam fuisse ab acidis quæ sejuncta fuerant à parte terreâ, cuius connubio fuerat editum sal alkalinum fixum.

Docet ill. Homberg, quòd miscendo salem urinosum debitæ indolis cum alkalinis fixis, oritur sal falsus è quo intermediï ope potest educi sal acidus.

His patet salia alkalina solvi posse in acidum & terream substantiam, ac proindè illa salia non esse corpora primigenia.

Hæc firmatur opinio Chymicis laboribus quibus alkalina fixa procreantur; etenim patet experimentis, salia alkalina gigni motu quo aguntur partes intimæ corporum compagis; illa enim corpora è quibus educi non possunt salia alkalina, majorem eorum corporum suppeditant quantitatem, ubi debitam fermentationem, vel justam ignis torturam perpeffa fuerunt; v. g. si flores rosarum per paucos duntaxat dies fermentescunt, illi suppeditant sub finem distillationum salem falsum, seu neutrum (a). At flores quos Acad. Reg. Scient. Paris. reliquerat per octo annos in vasis, ut diuturniorem paterentur fermentationem, præbuerunt magnam alkalini fixi quantitatem; hinc sequitur quòd fermentatione procreantur salia alkalina fixa.

Vegetabilia è quibus nulla aut pauciora salia fixa educuntur, majorem promunt salis fixi quantitatem, postquam fuerunt combusta & cremata; proindeque constat quòd salia fixa procreantur vehementi motu, quo partes intimæ corporum com-

(a) Act. Scient. Reg. Acad. Paris. 1702, pag. 40.

pagis aguntur ; vel fermentatione , id est , actione , seu viribus fluidorum tenuissimorum intimam mixtorum compagem jugiter pervadentium ; vel igne , id est , viribus partium ignearum erumpentium ex ignitis corporibus , & in compagem intimam mixtorum adactis.

Quâ verò industriâ vehemens & inordinatus motus quo aguntur partes mixtorum , procreet salia alkalina , ambigitur inter Chymicos.

Plures enim in medium protulerunt salia alkalina esse novas substantias procreatas acidorum conubio cum terreis aut sulphureis partibus.

Contrà contendunt alii , salia alkalina actu delitescere in corporibus , & ea tantum evolvi & extricari igne vel fermentatione , è partibus quibus erant implicati & obruti.

Qui contendunt salia alkalina igne vel fermentatione procreari , asserunt 1^o. quòd acida sunt maximè homogenea terreis partibus , & his firmitus adhærent. Hanc probant assertionem experimentis quibus patet acida juncta cum terreis partibus , ab his non sejungi , etiamsi mergantur aqueæ , & quòd ipsa suspensiones tenent partes terreas in aquâ absque sejunctione ; hoc enim patet experimento salia acida homogenea esse terreis partibus , & his strictius adhærere.

Asserunt quòd motus vehemens quo aguntur igne vel fermentatione partes intimæ compagis corporum , eas à se invicem sejungit , & eas hinc inde propellit : at , inquiunt , statim atque (quâcumque de causâ) debilior fit & sedatur vehementia motus quo aguntur omnes partes intimæ corporum compagis , illicò partes quæ sunt magis homogeneæ , concurrunt ac secum cohærent. At cum acida &

190 DE PRIMIGENIIS CORPORIBUS
terreæ ac sulphureæ partes sint maximè sibi homogeneæ, salia acida quæ occurrunt terreis vel sulphureis partibus, debent ipsis adhærere, & cum ipsis adunari.

Si tanta sit acidorum copia, ut repleantur omnes pori seu interstitia quæ sunt inter partes terreas, procreabitur sal neuter seu falsus, qui non absorbebit acida, & qui non fermentescet cum alkalinis; quod adhuc experientiâ firmatur. Si enim terra (a) omni sale diligenter spoliatur calcinatione ac lixiviâ, & postea saturatur acidis, tunc procreabuntur sales qui nullos absorbebunt acidos, nullaque præbebunt indicia salis alkalini, modò non adsint plures acidi superflui. His patet sales neutros gigni posse connubio acidorum cum terreis partibus.

Hinc intulit ill. Homberg, quòd si minor esset acidorum copia, quàm ut posset adimplere omnes poros terrearum partium, sal exurgens è salium acidorum & terræ coherentiâ, esset porosus & echinatus, id est, quòd ille sal esset alkalinus.

Ne autem quis in dubium habeat quòd salia alkalina fixa possunt hâc arte procreari, in medium proferemus plura experimenta quibus patebit hæc salia gigni hâc industriâ.

Ill. Geoffroy (b) patefecit salia fixa procreari connubio acidorum cum terreis partibus conversione nitri in salem alkalinum; & ut certiores nos faceret quòd hâc industriâ procreatur sal nitri fixus, nos docuit quòd aqua constituit mediam partem ponderis nitri vulgaris, quòd salina substantia

(a) Act. Reg. Scient. Acad. Paris. ann. 1702. pag. 33.

(b) Act. Reg. Scient. Acad. Paris. ann. 1717. pag. 230.

æquibrat quartam partem ponderis, & quòd terra facit alteram quartam partem.

Posuit enim in catillo libram nitri, & deindè minori ignis gradu eduxit omnem aquam; pependit massam superstitem, & certior fuit factus nitrum deperdidisse dimidium sui ponderis. Affudit postea huic massæ justam quantitatem aquæ, & factâ superfluæ aquæ vaporazione, ortæ sunt crysalli consimiles illis quæ fuerunt in catillo positæ; illud verò nitrum sic regeneratum, lucratum fuerat idem pondus quòd deperdiderat in catillo, postquam aqua fuerat vaporata.

Hoc patet experimento aqueam substantiam constituere dimidiam partem massæ ponderis nitri.

Deindè subjecit distillationi libram nitri, ex hac eduxit quatuordecim uncias acerrimi spiritûs nitri fumosi: affudit postea unciam hujus spiritûs unciæ salis tartari, & factâ vaporazione aquæ, pro certo habuit quòd sal tartari lucratus fuerat pondus duarum drachmarum & semi-drachmæ; undè sequitur quòd uncia spiritûs nitri acerrimi recondit duas drachmas & semi-drachmam salis, ac proindè quòd quatuor tantum unciæ salinæ substantiæ natabant, seu recondebantur in quatuor decem unciis spiritûs nitri.

Ex his jure ac meritò collegit 1º aqueam substantiam constituere dimidiam partem massæ nitrosæ; 2º. quòd sal acidus constituit quartam partem ejusdem massæ; 3º. quòd altera quarta pars est terra.

His cognitis, miscuit ill. Geoffroy *quatuor uncias pulveris carbonum cum librâ nitri pulverisati, & projecit per vices hos pulveres in vas quod cooperuerat alio vase, ne magna salium quantitas in auras avo- laret, & deperderetur dum accenderetur nitrum.*

Abolutis omnibus denotationibus, collegit duodecim uncias salis alkalini fixi.

At pulvis carbonum nullos recondit sales aut minimam eorum quantitatem; aliundè, semi-libra aquæ delitescentis in librâ nitri fuit diffusa, dum peractæ fuerunt denotationes, proindeque supererant è librâ nitri quatuor unciaë salis, & quatuor unciaë terræ. His in memoriam revocatis, perspicuum fit quòd ill. Geoffroy non collegisset post denotationes duodecim uncias salis alkalini fixi, nisi omnia acida nitri transivissent & fuissent adacta in partes terreas ipsius nitri & pulveris carbonum; undè sequitur quòd salia nitri & terræ partes carbonum, necnon ipsius nitri, fuerunt sejunctæ à circumjacentibus partibus, & quòd vehementi motu quo fuerunt actæ, dum peragebantur denotationes, acida salia fuerunt tunc evulsa è suis loculamentis seu typis, ac trusa in poros partium terrearum; undè rursùs sequitur quòd ortus & procreatio salium alkalinorum fixorum absolvi potest, ut diximus, motu quo aguntur partes intimæ corporum compagis.

Plures post annos clariss. Bourdelin (a) in lucem edidit Dissertationem, quâ probare aggreditur ignem vel fermentationem non procreare salia fixa alkalina, adigendo salia in terreas partes, ut diximus; sed contendit ignem seu fermentationem sejungere ac pellere nonnullas partes constituentes salia essentialia seu neutra. Postea enim illa salia fiunt alkalina, id est, porosa & echinata, eò quòd procreantur pori à sejunctione nonnullarum partium quæ erant inter aculeos, & quòd gignuntur

(a) Act. Reg. Scient. Acad. Paris, ann. 1728. pag. 386.

echini ab aculeis acidorum qui prominent, postquam evulsæ fuerunt plures partes inter quas recondebantur. Suam firmare tentat opinionem eâdem operatione quam peregit ill. Geoffroy, ad patefaciendum quod alkalina procreabantur motu quo salia acida pelluntur igne in partes terreas; id est, suam firmare connititur sententiam conversione nitri in salem alkalinum fixum. Etenim, inquit, permixtis septem unciis pulveris carbonum & sexdecim unciis nitri pulverisati, peractisque horum pulverum detonationibus, tres duntaxat uncias salis fixi collegi.

At arguit, si sal fixus gignebatur connubio acidorum nitri cum partibus terreis & sulphureis carbonum, sexdecim unciae nitri & septem unciae pulveris carbonum edidissent libram salis fixi. Verum, cum hæc magna quantitas nitri & carbonum peperit tres tantum uncias salis fixi, illa quantitas procreata fuit à spoliatione plurium partium constituentium nitrum, quibus discussis, exurgit sal porosum & echinatum, id est, alkalinum.

Mirum videri debet quod clariss. Bourdelin in medium protulerit eandem operationem quam ill. Geoffroy plures ante annos publici fecerat juris, & ne verbum quidem fecerit nec de cautionibus quas adhibuit ill. D. Geoffroy, ne major salis fixi copia in auras dispergeretur, dum absolvebantur detonationes; nec de quantitate salis fixi quam collegit ill. Geoffroy, nec de ipsius sententiâ de genesi & procreatione salis fixi; nam magna quantitas salis fixi quam collegit ill. Geoffroy, probare videtur hunc salem editum fuisse connubio salium acidorum cum partibus terreis pulveris carbonum & ipsius nitri. Etenim cum ill. Geoffroy permiscuerit

194 DE PRIMIGENIIS CORPORIBUS
tantum quatuor uncias pulveris carbonum & libram
nitri, cumque hæc libra contineat semi-libram seu
octo uncias aquæ quæ in vaporem avolaverunt,
dum peractæ fuerunt detonationes, perspicuum est
quòd, avolatâ aquâ, supererant quatuor unciaë falis
acidi & quatuor unciaë terræ nitri, quæ octo unciaë
junctæ quatuor unciis pulveris carbonum, consti-
tuunt duodecim uncias falis alkalini; undè sequi-
tur quòd omnia acida nitri debuerunt adigi & in-
figi in partes terreas & sulphureas nitri & carbo-
num, ut procrearentur duodecim unciaë falis al-
kalini.

Conjectare igitur debemus è silentio D. Bour-
delin, ipsum ignoravisse quæ fuerant ab ill. Geof-
froy tradita, & ipsum non peregisse hanc opera-
tionem tantâ cum sedulitate ac ill. Geoffroy, id est,
ipsum non cooperuisse vas in quo peragebat deto-
nationes, ita ut tunc magna falis fixi copia fuerit
in auras diffusa, undè nonnisi minorem falis fixi
copiam potuit colligere.

Plura experimenta videntur infirmare D. Bour-
delin opinionem, & certiozem facere sententiam
ill. Geoffroy. Etenim asserit ill. Hoffman in Dissert-
tatione de alkalino fixo quem reperiit in aquis
Cartsbad, quòd si vitriolum vel sal culinare miscea-
tur cum calce vivâ, & ambo decoquantur in justâ
quantitate aquæ, emergit *saltam ratione saporis quàm
effectûs purè alkalinum.*

At constat quòd vitriolum vel sal culinare nun-
quam suppeditat salem alkalinum: aliundè non
eduxerunt huc usque Chymici salem fixum alkali-
num è calce; proindeque sal alkalinus qui gigni-
tur decoctione vitrioli & calcis vivæ, procreatus

fuit ab acidis vitrioli vel salis marini quæ fuerunt educta è suis typis vel loculamentis, ope aquæ bullientis, & quæ postea trusa fuerunt in partes terreas & sulphureas calcis vivæ, & aliarum substantiarum salinarum.

Hinc sequitur quòd salia alkalina gigni possunt connubio acidorum extractorum è corporibus in quibus recondebantur, & trusorum in partes terreas & sulphureas ejusdem corporis, vel alterius corporis.

III. Stahl in medium protulit alterum experimentum quod non solum impugnare videtur opinionem D. Bourdelin, & firmare ill. Geoffroy sententiam, sed quod patefacit procreationem salium alkalinarum fixorum non oriri à solo concursu partium terrearum & acidorum, ac necessariam esse conjunctionem partium sulphurearum. Etenim refert quòd nullus sal fixus educitur è plantis quæ fuerunt minutim incisæ, siccatae & spoliatae oleosis & sulphureis suis partibus, affusione iteratâ alkohol vini, donec ipsius color & limpiditas non immutentur.

Hinc sequitur 1°. quòd nullus adest sal alkalinus fixus in plantis vel in ipsarum salibus essentialibus; si enim præsens & actu in his aderat, ex his educeretur, licet fuissent sulphureis partibus spoliata.

2°. Si sal alkalinus gignebatur à sejunctione nonnullarum partium salis essentialis plantarum, ut dixit D. Bourdelin, sola spoliatio partium sulphurearum edere posset salem alkalinum, eò quòd magis emerent acidorum aculei, & procrearentur magni pori seu magna spatia inter aculeos. Tandem si illa spoliatio partium sulphurearum non pa-

riebat alkalina fixa, attamen non obfaret quominus educerentur poſteà illa ſalia calcinatione & lixivio. Ex hoc igitur ſequitur experimento quòd procreatio ſalium fixorum non oritur 1°. ſolâ ſpoliatione nonnullarum partium quæ conſtituebant ſales eſſentiales ſeu ſales neutros; 2°. quòd procreatio ſalium fixorum non abſolvitur à ſolo connubio acidorum cum terreis partibus, ſed etiam quòd præſentia nonnullarum partium ſulphurearum neceſſaria eſt, ut acida firmè cohæreant & neſtantur cum terreis partibus.

Ex omnibus experimentis ſuprà allatis perſpicuum fit procreari poſſe ſalia alkalina fixa vehementi motu quo aguntur (igne vel fermentatione) partes intimæ compagis corporum. Etenim illæ partes à ſe invicem ſejunguntur, & hinc indè magnâ vi pelluntur igne vel fermentatione, ut diximus: illo vehementi & inordinato motu diſſantur aqueæ partes & ſulphura tenuiora, remanentibus acidis partibus terreis & ſulphuribus craſſioribus, quæ excelsius evehi non poſſunt, nec longè lateque diſpergi; acida verò, terreæ partes & ſulphura quæ concurrunt, poſtquàm ſedata fuit vehementia motûs, ſecum cohærent. Si igitur acidorum aculei emineant, dum eorum media pars circumdatur terreis & ſulphureis partibus, orietur ex eorum connubio corpus echinatum magnis poris ſeu interſitiis præditum, id eſt, ſal alkalinus.

Non pertinaciter tamen contendemus quòd alkalina fixa procreari non poſſunt ſejunctione nonnullarum partium ſalis neutri; nam hâc arte gigni poteſt ſal echinatus & poroſus; verùm nullo patet experimento quòd hâc indiſtriâ procreata fuerint ſalia alkalina fixa; contrà patet 1°. ſalia acida

educi igne è substantiis salinis, v. g. nitro, vitriolo, sale marino, &c. remanente substantiâ quæ non est salina; 2°. partes salinas educi lixivio è substantiâ terreâ.

Aliundè perspicuum fit experimentis peractis ab ill. Chymicis Stahl, Hoffman & Geoffroy, salia alkalina fixa procreari concursu & adunatione partium acidarum, terrearum & sulphurearum, proindeque hanc amplecti debemus opinionem.

An salia urinosa, seu alkalina volatilia, sint substantiæ simplicissimæ.

Patefecimus salia alkalina fixa solvi posse in acidum & terream substantiam, eaque procreari posse connubio acidorum cum partibus terreis & sulphureis, ac proindè illa salia inter simplicissimas substantias recenferi non posse. Nunc exploremus an sales urinosi debeant inter primigenias substantias reponi.

Constat equidem hæc salia procreari posse igne & fermentatione, non secùs ac alkalina fixa; nam vegetabilia è quibus nulla aut pauciora salia urinosa educuntur, antequàm ullam perpeffa fuerint fermentationem, ipsa majorem horum salium copiam promunt, ubi debitè fermentationem passa sunt; aliundè constat hæc salia iisdem omnibus gaudere dotibus quibus donantur alkalina fixa: quàm obrem consenserunt Chymici urinosa salia esse corpora composita seu mixta, quæ in hoc tantùm differant à salibus fixis, quòd plurimis sulphureis tenuioribus partibus & paucis terreis conflabantur, dum salia fixa plurimis partibus terreis & paucioribus partibus sulphureis crassioribus coalescunt, ut diximus.

Verùm dissentiunt inter se Chymici de ortu & genesi salium urinosorum; plures enim asserunt hæc salia inesse & à primordiis delitescere *in vegetabilibus & animalibus*, ac ea fermentatione duntaxat evolveri, id est, sejungi à partibus quibus involvebantur: contrà, plures alii contendunt hæc gigni salia fermentatione, non secùs ac procreantur salia fixa, id est, quòd fermentatio sejungit acida à partibus quibuscum cohærent & quibus intricantur, ac ea pellit in partes sulphureas quas eadem fermentatio purgavit debitâ quantitate partium terrearum quibus obruebantur, undè exurgit sal echinatus.

Confitemur equidem fieri posse ut salia intricata & recondita intra plurimas partes terreas & sulphureas, liberentur fermentatione plurimis partibus terreis quibus erant involuta, & quòd tunc exurgat massa salina quæ fit volatilis adjunctione partium sulphurearum tenuiorum.

At semper opinamur quòd illa salia non erant urinosa seu volatilia ante fermentationem, dum recondita jacebant in mixtis, siquidem tunc involvebantur, & erant conjuncta cum partibus heterogeneis, quæ obstabant quominùs gauderent figurâ & dotibus quibus alkalina volatilia distinguuntur ab aliis substantiis salinis; quod experimentis probatur.

Etenim, si fabæ aut pisa recentia & adhuc vi-
rentia è retortâ distillantur, acidum spiritum copiosum, & magnam flegmatis quantitatem, ac non-nihil olei præbent; postquàm verò hæc semina per debitum temporis spatium in aquâ vulgari reposita fermentescerunt, copiosum spiritum ardentem largiuntur: si tandem absque ullâ sensibili fermentatione per aliquot menses in loco servantur arido, spiritum alkalinum urinosum distillatione exhibe-

bunt, nihil verò aut parùm acidi liquoris; undè liquet salem acidum fermentatione consociatum terreis & sulphureis partibus fabarum vel pisorum, abire in salem alkalinum volatilem in ipsis tubulis illorum seminum: ille verò sal acidus mutatur calcinatione in salem alkalinum fixum, postquam ignis vi fuit trusus in crassiores terræ partes (a).

Jure igitur ac meritò contendere possumus 1°. quòd alkalina volatilia procreari possunt igne & fermentatione in pluribus corporibus, & præcipuè in vegetabilibus;

2°. Quòd horum salium genesis fieri potest duobus modis, nempe sejungendo acida è partibus quibus adhærebant, & ea deindè adigendo in massulas sulphureas; vel sejungendo plurimas partes quæ cohærebant cum aliis, & quæ involvebant acida; ita ut postea eorum aculei emineant & construant corpus echinatum & porosum, id est, alkalinum.

Ad firmiùs tamen stabiliendam mechanicam quæ sales urinosi gignuntur in mixtis, referemus diversa experimenta quæ fuerunt ab ill. Chymicis peracta.

Illust. Geoffroy posuit (b) ampullam cornutam in furno reverberii, & huic adjunxit plura excipula duobus rostris ornata; adauxit per gradus ignem, donec ampullæ cornutæ fundus rubesceret, deindè per vices in hanc projecit ampullam partes æquales nitri & carbonum pulverisatorum ac probè permixtorum.

Tunc animadvertit quòd post singulas projectiones odor urinosus & graveolens nares feriebat. Per

(a) Introduc. ad Mater. Medic. ill. Geoffroi, pag. 27.

(b) Act, Reg. Scient. Acad. Paris ann. 1717, pag. 226.

actis omnibus projectionibus, reperit in excipulo liquorem longius diffundentem odorem urinosum, & acerrimè commoventem odoratûs organa. Hic liquor cum acidis fermentescebat, syrupum violarum inficiebat viridi colore, solutionem cupri tingebat colore cæruleo, & præcipites agebat partes sublimati corrosivi; proindeque hic liquor eisdem omnes edebat effectus quos pariunt alkalina volatilia, & nullum præbebat indicium acidi: at constat quòd carbonēs pulverisati, nec acidum, nec alkalinum promunt, & quòd recondunt præcipuè plurimas partes sulphureas quæ non urinosum, sed emypreumaticum odorem pariunt. Aliundè nunquam è nitro sal alkalinus educitur, nisi fuerit permixtus & accensus cum carbonum pulvere: undè sequitur quòd sal alkalinus volatilis, editus operatione superiùs allatâ, procreatus fuit connubio acidorum nitri, transmissorum in sulphureas carbonum partes, non secùs ac diximus procreari salem fixum nitri, eo tantùm discrimine quod sal alkalinus hâc arte procreatus, volatilis est, eò quòd in hâc operatione sulphureæ partes redundant, propter majorem carbonum quantitatem quæ fuit permixta cum nitro.

Alterum instituit experimentum ill. Geoffroy: (a) liquefecit igne mixturam æqualis quantitatis sulphuris & salis tartari: postea hanc removit ab igne, & eam posuit in digestionem per debitum temporis curriculum, in loco tepido; eam deindè subjecit distillationi. Hâc industriâ eduxit magnam quantitatem salis seu spiritûs volatilis urinosi, remansitque in vase tartarum vitriolatum procreatum à

(a) Act. Reg. Scient. Acad. Paris. ann. 1717, pag. 237.

debitâ quantitate acidi reconditi in sulphure, & conjuncti cum justâ quantitate salis tartari, dum altera pars acidorum conjuncta fuit cum oleo tenuiore sulphuris.

Illust. Bourdelin, (a) Primarius Medicus Ducissæ Burgundiæ, affudit aquam limaturæ ferri, donec ipsa spissitudinem haberet consimilem farinæ aquâ subactæ: hanc massam mollem exsiccari curavit, & observavit eam graviolem factam fuisse. Quamobrem rursus affudit aquam limaturæ, & eam exsiccavit; iteravitque hanc operationem, donec non adaugeretur pondus limaturæ: hanc postea subjecit distillationi, & eduxit magnam quantitatem liquoris urinosi redundantis salibus alkalinis; at illa non inhærebant aquæ nec ferro, quod salem acidum solummodò recondit; proindeque ille sal alkalinus fuit procreatus.

Cùm verò nulla alia substantia fuerit addita ferro præter aquam, quæ nullis salibus scatebat, sequitur quòd sal urinosus procreatus fuit ab ipsis acidis ferri solutis, extricatis & postea adunatis cum sulphureis partibus ferri. Etenim aqua & aër circumfluens valent solvere salia ferri, & ea sensim ac sine sensu extricare è terreis partibus quibus inhærebant. Illa verò extricata conjungi possunt sulphureis partibus ferri, hâcque arte salem alkalinum procreare.

Illust. Lemery (b) alterum adhuc attulit experimentum: ille solvit ferrum spiritu nitri, & huic addidit novas ferri partes, donec nulla fermentatio exurgeret: tunc colavit liquorem & eum deposuit in debito loco, donec affecutus fuisset rubrum co-

(b) Act. Reg. Scient. Acad. Paris, ann. 1717, pag. 240.

202 DE PRIMIGENIIS CORPORIBUS
lorem, & fyrupi spissitudinem : huic affudit postea
oleum tartari, & editum fuit coagulum rubrum
quod vegetationes peperit.

Affudit aquam facibus quæ (post colaturam solu-
tionis ferri) remanserant super emporeticam char-
tam, & rursus, colato hoc liquore, observavit
quod vergebat vel ad rubrum vel ad flavum colo-
rem, & nonnunquam ad viridem. Huic affudit
colaturæ oleum tartari & procreatum fuit coagulum
viride.

Hinc colligit ill. Lemery hoc coagulum conflare
vitriolo viridi; nam ubi hoc vitriolum aquâ solutum
miscetur cum sale fixo, gignitur illicò coagulum
viride : huic postea affudit coagulo magnam quan-
titem olei tartari, & eduxit distillatione liquorem
scatentem salibus alkalinis volatilibus, cujus odor
similis erat odori salis ammoniaci volatilis, & hic
liquor edebat omnes effectus quos pariunt alkalina
volatilia; at constat illa salia procreata fuisse, vel
connubio acidorum ferri cum partibus sulphureis fer-
ri sejunctis & disgregatis ab oleo tartari, vel à con-
nubio plurium partium sulphurearum ferri cum par-
tibus olei tartari. Salia enim fixa fieri possunt vola-
tilia, si sufficiens copia sulphurearum partium te-
nuiorum ipsis adjungitur, & ipsis adeò firmè cohæ-
ret, ut ignis possit ea faciliùs evehere quàm ea dis-
jungere : quod quidem experimento firmatur.

Etenim ill. Homberg (a) eduxit liquorem aci-
dum è plantâ quæ plurimis scatebat acidis, & hunc
spoliavit, quantum potuit, aqueis partibus.

Eduxit ex aliâ plantâ spiritum urinosum quem
affudit cineribus rectè spoliatis omni sale, ut ille spi-
ritus emendatior & potentior esset.

(a) Act. Reg. Scient. Acad. Paris. ann. 1701, pag. 221.

Permiscuit deindè liquorem acidum & spiritum urinosum, spe ductus quòd illi liquores fermentescerent, & quòd ederetur postea sal neuter volatilis connubio magnæ quantitatis partium sulphurearum spiritûs urinosi. Verùm nulla fuit procreata fermentatio, & hinc intulit quòd acida & alkalina salia non erant adunata, & quòd ipsa discretim natabant in eodem liquore. Quamobrem voluit separatim educere (distillationis ope) salia acida & alkalina è liquore in quo recondebantur; at miratus est quòd minori ignis gradu sublimia petiit sal albus crySTALLINUS qui erat falsus seu neuter, qui tamen paululùm redolebat urinam.

Hoc patet experimento 1°. salia acida conjungi posse nonnunquam cum alkalinis absque præmissâ fermentatione; 2°. quòd salia neutra quæ suâ naturâ non possunt excelsiùs evehi, fiunt volatilia conjunctione partium sulphurearum; undè sequitur quòd salia acida & salia alkalina fixa possunt fieri volatilia, ubi ita junguntur cum sulphurearum partium debitâ quantitate, ut ipsa simul excelsiùs ferantur potiùs quàm sejungantur.

In medium protulit ill. Homberg (a) dari salia media, quæ permixta cum salibus fixis, ea volatilia faciebant, eò quòd expertus erat 1°. salia urinosæ educi, ubi alumen permiscebatur cum salibus fixis plantarum; 2°. eò quòd eduxit salem volatilem è vitriolo & borace simul permixtis; 3°. eò quòd eduxerat salem urinosum è parte aluminis & duabus partibus salis tartari. Hanc opinionem impugnavit ill. Lemery, & asseruit quòd sal urinosus hac arte eductus è sale tartari & alumine, oriebatur ex

(a) Act. Reg. Scient. Acad. Paris. ann. 1702.

204 DE PRIMIGENIIS CORPORIBUS
urinâ quâ utuntur operarii dum fabricant alumen.

Ille sal urinosus potest etiam oriri ex aliâ causâ ; nam docuit ill. Geoffroy Medicus , (a) procreari posse alumen cum spiritu vitrioli & ossibus vervecis , vel cum cornu cervi calcinato , vel cum cineribus ligni lixiviatîs & ad albedinem calcinatis ; undè infert basim aluminis esse terram è vegetabilibus vel animalibus ortam , quæ potest recondere salia alkalina , quæ sociata sulphuribus gignant & pariant alkalina urinosa recondita & delitescencia in alumine.

Patefecit clar. Baron Dhenouville (b) Doctor Medicus Parisiensis , salem volatilem eductum è borace & vitriolo permixtis , esse actu & reverâ in ipso borace , & ex ipso educi posse solâ affusione alkohol vini. Afferuerat priùs ill. Lemery (c) se eduxisse è borace permixto cum duplâ quantitate glebæ Armeniæ , liquorem limpidum referentem saporem salinum & odorem urinosum , qui liquor erat alkalinus. Ex his colligere licet salem volatilem ortum è borace & vitriolo non fuisse procreatum , & ipsum reverâ & actu præsentem adfuisse in borace.

Contendit equidem ill. Lemery salia volatilia gigni non posse operationibus chymicis , ac Chymiam evolvere tantùm salia intricata & recondita in mixtis , pollicitusque fuerat hanc assertionem probare ; at non satisfecit promissis , nullaque protulit argumenta aut experimenta quæ impugnent ea quæ fuerunt peracta & in lucem edita ab ill. Chy-

(a) Act. Reg. Scient. Acad. Paris. ann. 1717 , pag. 240.

(b) Act. missa à diversis Eruditis Reg. Scient. Acad. Paris. tom. I. edit ann. 17 , pag. 447.

(c) Hist. Reg. Scient. Acad. Paris. ann. 1703 , pag. 50.

micis Homberg , Bourdelin Primario Medico Ducis Burgundiæ , & Geoffroy Medico Parisiensi. Quamobrem non recedemus à nostrâ opinione , & opinabimur 1°. quòd salia volatilia gigni possunt arte chymicâ ; 2°. quòd gigni possunt in animalibus , vegetabilibus & fossilibus consimili mechanicâ.

Etenim nullo patet experimento volatilem recondi & contineri in lacte quo nutriuntur infantes , & in succo vegetabilium quo vescuntur plura animalia ; illa tamen luxuriant alkalinis volatilibus.

At illa gigni non potuerunt aliâ arte quàm fermentatione peractâ in ventriculo & in intestinis animalium , necnon ab eâ quam experitur chylus in arteriis & venis sanguiferis ac lymphaticis ; proinde constat salia alkālina procreari in animalibus.

Aliundè constat experimentis quòd salia alkālina quæ promunt nonnulla vegetabilia absque præmissâ fermentatione , procreata fuerunt in tubis illorum vegetabilium , ut suprâ diximus : prætereà afferit ill. Homberg (a) quòd si planta promens (suâ naturâ) alkālina volatilia , infigatur terris omni salinâ substantiâ diligenter spoliatis , & illæ terræ irrorentur postea solo spiritu nitri , hæc planta promet semper salem alkalinum.

Contrà , si planta promens acida inseritur terris omni sale spoliatis , & illæ irrorentur alkalinis liquoribus , illa planta acida tantum prodibit ; undè sequitur succos quos hauriunt è terris vegetabilibus , immutari vel in terris , vel potius in tubis vegetabilium. Prætereà constat sapores & odores florum , fructuum , foliorum , &c. plurimum inter se differre : at nullus sal volatilis educi potest è radici-

(a) Act. Reg. Scient. Acad. Paris. ann. 1699 , pag. 62.

bus nec è succis qui subierunt radices. Quâ igitur arte fieri potest ut illi succi suppeditarent floribus sales volatiles qui jugiter longè lateque diffunduntur, nisi illi succi passi fuissent mutationes in tubulis vegetabilium?

Illorum succorum mutationes absolvi non possunt, nisi sejunctione partium quæ cohærebant, & adunatione aliarum quæ erant disgregatæ; at illæ sejunctiones & adunationes fieri non possunt absque debito motu intestino in succis vegetabilium, id est, absque fermentatione; proindeque constat succos vegetabilium debitâ fermentatione donari quâ salia alkalina gigni possunt in vegetabilium tubulis: illa salia erunt fixa, quoties plurimæ partes terreæ & pauca sulphura jungentur acidis; & è contrâ illa salia erunt volatilia, ubi plurima sulphura tenuiora & pauca terra cohærebunt acidis, ut patet distillationibus fabarum & pisorum superius allatis.

Tandem constat alkalina volatilia gigni posse in fossilibus; nam patefecit clariss. D. Dhenouville, ut diximus, salem volatilem sedativum, D. Homberg esse actu complexum in borace, & ex ipso educi solâ affusione alkohol vini absque præmissâ fermentatione. Hinc sequitur salia alkalina gigni posse non solum in vegetabilibus, animalibus, sed etiam in fossilibus, quod probari videtur experimento jam allato. Etenim constat nullum salem alkalinum volatilem aut fixum educi posse è limaturâ ferri sicciori, licet intenso ignis gradu urgeatur; attamen, si huic affundatur aqua, & postea exsiccet, ut diximus, post iteratas affusiones aquæ & exsiccationes, prodibit illa limatura distillatione salia urinosa quæ procreata fuerunt hâc arte. At nemo negabit particulas ferri sepultas terris, ma-

desieri posse ab aqueis partibus terræ compagem percurrentibus, vel è cœlo depluentibus, & easdem partes postea exsiccari posse; ac proindè nemo negare poterit quin gigni possint salia urinosa in intimâ terræ compage, non secus ac eduntur in aëre patulo. Undè rursus legitimè possumus inferre quòd salia urinosa procreari possunt in intima fossilium compage, quod quidem firmari videtur fumis erumpentibus è fontibus aquarum mineralium, & vaporazione salium volatilium, quæ ex his fontibus avolant.

Quidquid sit de genesi substantiarum alkalinarum, constabit semper è dictis, eas esse corpora conflata ex acidis junctis cum aliis partibus simplicibus, nempe cum terrâ & sulphure; undè sequitur alkalinas substantias acceptam habere naturam salinam ab acidis quibus conflantur. Disquiramus igitur an illa acida sint substantiæ simplicissimæ.

De Sale acido.

Experimentis superiùs allatis certiores facti fuimus salia neutra & alkalina, fixa aut volatilia, gigni salium acidorum conjunctione cum partibus terreis & sulphureis: nunc disquirendum venit, an acida sint substantiæ simplicissimæ, id est, an acida possint in alias substantias solvi. Consentiant enim Chymici se nunquam procreavisse acida connubio seu adunatione substantiarum simplicium, & confitentur quòd omnia acida quæ educuntur è fossilibus, vegetabilibus & animalibus, delitescerent priùs in his corporibus.

208 DE PRIMIGENIIS CORPORIBUS
*An Salia acida possint in alias substantias
simpliciores solvi.*

Plures asseruerunt Chymici acida in simpliciores substantias solvi posse, nempe in aquam & terram. Ad hanc opinionem experimentis firmandam solvit ill. Boyle sal culinare in aquâ calidâ, & postea eam colavit per chartam emporeticam : vaporatone factâ aquæ superfluæ, crystallos editas calcinavit intenso igne per quinque horas, & eas postea exposuit aëri, donec in liquorem abirent : hunc distillavit liquorem ut educeret aquam, & postea solvit materiam superstitem aquâ calidâ; & vaporatone factâ superfluæ aquæ, calcinavit editas crystallos per quinque horas in ampullâ cornutâ. Hanc operationem octies iteravit, & asserit omnem substantiam salinam solutam fuisse in aquam inspidam & fæces terreas.

Idem peractum fuit experimentum à D. Duclos, & idem fuit eventus. Verùm addit 1°. quòd fæces terreæ residuæ è decem libris salis culinaris adæquabant tantum pondus duarum unciarum ;

2°. Quòd aqua insipida quæ fuerateducta, salinum acquisiverat saporem post debitum temporis spatium ; at, cùm aquâ omni sale orbata non acquirat saporem salinum temporis progressionem, sequitur hanc aquam recondidisse partes salinas quæ nullum saporem suscitabant.

Rursus, cùm partes salinæ natalem suam naturam non recuperent temporis progressionem, ubi earum natura fuit penitus diruta, id est, ubi illæ partes salinæ fuerunt in alias substantias simpliciores solutæ, sequitur quòd acidorum natura non fuit destructa operationibus institutis ab ill. viris Boyle & Duclos, ut existimaverunt.

Illust.

Illust. Homberg (a) peregit operationem quâ patet aquam inspidam posse recondere plurimas partes salinas.

Miscuit salis communis seu culinaris partem cum duabus tantum partibus aquæ : hanc salibus redundantem pluries distillavit ac cohobavit ; post verò sexagenas cohobationes animadvertit aquam esse prorsus inspidam , nullumque salinum saporem referre : ipsam infudit vasculis ritè sigillatis , & per triennium reliquit in digestionè sæpius interruptâ ; observavit postea quòd pars aquæ refrigeratæ in crystallos concreverat , quæ nitri saporem præ se ferebant.

Hoc palàm fit experimento quòd plures delitescant salinæ partes in hâc aquâ , dum erat prorsus insipida , & quòd salia in hâc recondita non fuerant in alias simpliciores substantias soluta.

Ex hoc etiam sequitur experimento , aquam inspidam esse posse , etiamsi salibus scateat , quoties illæ erunt in minimas particulas divisæ ; nam defectus saporis in aquâ quæ fuerat sexagesies cohobata , non oriebatur ab orbatione salium vel ab eorum destructione , siquidem postea in crystallos concreverant ; undè sequitur defectum saporis ortum fuisse à minori mole seu exilitate salium quæ iteratis distillationibus & cohobationibus plurimum fuerant attenuata , id est , in simplices particulas divisa.

Quamvis ill. Homberg patefecerit experimento superiùs allato , quòd salinæ partes delitescere poterant in aquâ inspidâ , & quòd inferre non poterant Chymici è defectu saporis in aquâ , ipsam

(a) Hist. Reg. Scient. Acad. Paris. à D. Duhamel scripta , ann. 1695, pag. 375 , Edit. secund.

fuisse omni sale spoliata, vel salium naturam destructam & dirutam fuisse, attamen in medium adhuc protulit (a) se destruxisse debitâ arte naturam acidorum spiritûs nitri; nil aliud tamen sequi videtur ex ipsius operationibus, nisi quòd acida nitri fuerunt adunata aliis partibus extraneis, quæ obstiterunt quominus solverent mercurium, vel quòd illa soluta fuerunt in partes exiliores, quàm ut possent gustûs organa commovere, vel mercurii solutionem absolvere; quod ut dilucidius percipiant Tirones Chymici, ipsis exponemus processus D. Homberg.

Affudit retortæ vitreæ duodecim uncias spiritûs nitri, & æqualem quantitatem hydrargiri; iteratis distillationibus, mercurius abiit in massam solidam: liquor qui stillaverat in recipiens, erat aciditate spoliatus; hinc collegit acida nitri spicula remansisse in massâ solidâ mercurii, & solam aquam stillavisse: quod quidem probare contendit asserendo quòd mercurii massa lucrata fuerat pondus trium unciarum.

Quamvis ill. Homberg adhibuerit omnes cautiones ad impediendum effugium partium mercurii vel spiritûs nitri, attamen liquor distillatus deperdiderat quinque uncias sui ponderis; undè sequitur plures partes mercurii vel spiritûs nitri, effugisse per poros vasorum, nam aqua non pervadit poros vitri, nisi fuerit in tenuissimos vapores expansa; verum, cùm liquor distillatus deperdiderit pondus quinque unciarum, dum mercurialis massa lucrata tantum fuerat pondus trium unciarum, perspectum est duas uncias vel spiritûs nitri, vel mercurii effugisse.

Post quatuor distillationes permiscuit calcem vivam cum solidâ mercurii massâ. Ex hâc eduxit distillatione tres tantum uncias spiritûs nitri (qui irretitus fuerat in mercurio,) postea verò massa mercurii amissam suam fluiditatem recuperavit.

Affudit postea duas uncias hydrargiri tribus uncias spiritûs nitri, quas eduxerat è massâ solidâ mercurii, & observavit quòd ille spiritus non poterat solvere has duas uncias : incassum deindè tentavit iteratis lixiviis educere salia è calce, nil aliud habuit præter crustas insipidas & terrestres prodire solitas è calce.

Cùm verò ill. Homberg nulla eduxisset acida è calce, cumque spiritus nitri quem eduxerat è massâ solidâ mercurii, non potuisset solvere quantitatem hydrargiri quam ipsi affuderat, intulit naturam acidorum fuisse destructam, & ipsa fuisse immutata in aquam : attamen nil aliud sequitur ex hâc operatione, nisi quòd ille spiritus nitri qui jam dissolverat mercurium, & qui cum ipso concreverat in massam solidam, non potuerit postea alium solvere mercurium. Hoc verò phænomenon à pluribus causis oriri potest; acidum enim nitri potuit retinere & sibi adjunctas habere nonnullas mercurii partes, non secus ac spiritus aceti retinet nonnullas partes sulphureas plumbi quod solvit, ita ut postea sit oleosus, pinguis & subdulcis.

A pari salia spiritûs nitri potuerunt retinere nonnullas partes mercurii vel calcis vivæ, quæ hebetant ipsorum cuspidés, vel quæ immutant ipsorum molem vel figuram, vel ipsorum congruentiam seu homogeneitatem cum mercurio, & quæ his de causis obstant quominus illi salès valeant subire poros alterius mercurii, & ipsum solvere.

Rursus constat experimento Hoffmann superius allato, salem marinum vel vitriolum, mutari in salem alkalinum postquam ebulliit in aquâ cum calce vivâ; undè sequitur calcem vivam affusam massæ solidæ mercurii, potuisse immutare indolem acidorum nitri, aut ipsos debiliores efficere absque ipsorum destructione.

Miramur quòd ill. Boyle & Duclos silentio prætermiserint quantitatem aquæ quam affuderant decem libris salis culinaris, & aquæ quantitatem quam eduxerant iteratis distillationibus & cohobationibus. Mirum etiam quòd ipsi & ill. Homberg non affuderint, heliotropii tincturæ, aquas insipidas quas eduxerant, & quòd ipse non permiscuerit cum alkalinis substantiis tres uncias spiritûs nitri quas eduxerat è massâ solidâ mercurii; nam cum liquor possit recondere salinas partes, etiamsi nullum referat saporem, debuisset indagare 1°. an vaporatone non orirentur crysalli; 2°. an heliotropii tinctura non inficeretur rubro colore, vel an non exurgeret fermentatio ab alkalinarum substantiarum permixtione. Mirum adhuc quòd D. Homberg non affuderit alkalinis substantiis unciam nitri spiritûs educti è massâ solidâ mercurii, ad assequendam cognitionem quantitatis salium quæ recondebatur in hac unciâ; nam si illa continebat quantitatem salium multò minorem eâ quam recondit uncia spiritûs nitri, qui non fuit affusus mercurio, perspectum est quòd tres uncie spiritûs nitri educti è massâ solidâ mercurii, non potuerunt novum solvere mercurium; non equidem eò quòd destructa fuerat eorum natura, sed eò quòd minor erat quantitas salium in his unciis, vel eò quòd exilior erat moles singularum partium salinarum, quàm ut absolvere

possint affusi mercurii solutionem; vel tandem eò quòd hebetiores erant cuspidēs acidorum junctione nonnullarum partium mercurii.

Nil aliud igitur sequitur ex omnibus experimentis institutis ab ill. Chymicis Boyle, Duclos & Homberg, nisi quòd acida quæ in usum adhibuerant, non potuerant post diversas operationes sensationem saporis acidi suscitare, vel absolvere diversas dissolutiones quas illa salia priùs peragebant; verùm, cùm constet experimento ill. Homberg superiùs allato, salia nullam procreare sensationem, ubi fuerunt in partes exilissimas soluta; vel ipsa peculiares sibi effectus non edere, ubi fuerant aliis substantiis extraneis involuta, non possumus inferre ex allatis experimentis, acida fuisse destructa, & in alias substantias simplices soluta.

Contrà, cùm plura testari videantur experimenta, acida non posse ignis ope in alias solvi substantias, existimamus eorum naturam nullâ arte cognitâ mutari, nec destrui posse.

Etenim asseruit ill. Homberg (a) se eduxisse è spiritibus acidis omnem aquam in quâ natabant salia, ita ut ipsa in crystallos siccas concreverant, & has projecisse in prunas, ac illas crystallos in fumum abiisse, nullis relictis sæcibus: at, si acida conflata fuerant terreis partibus, nonnullæ remanissent crystallos in superficie prunarum; nam non excelsiùs feruntur, nec in auras diffunduntur: utilior fuisset operatio ill. illius Chymici, 1°. si annotavisset figuram crystallosum; 2°. si exploravisset diversis operationibus naturam & effectus illarum crystallosum; 3°. si inclusivisset prunas in vase quod obturare

(a) Hist. Reg. Scient. Acad. Paris. ann. 1696. tom. 2, pag. 250.

potuisset, statim atque projecerat crystallos; tunc enim collegisset fortasse debitam quantitatem partium quæ procreaverant fumos seu vapores, & earum postea naturam indagavisset; nobis enim videtur quòd non possumus certiore cognitionem acquirere naturæ acidorum, quàm accuratâ indagatione crystallorum sincerarum ortarum ex acidis spiritibus.

Experientiâ adhuc constat acidos spiritus inclusos in vasis hermeticè obturatis, & positis per quatuor annos (a) in athanoris turre æquali caloris gradu gaudente, nihil de suis viribus deperdidisse: animadversum fuit duntaxat spiritum salis marini incoepisse rodere vitream vasis substantiam, & acetum distillatum suam deperdidisse aciditatem, ac acquisivisse odorem aromaticum: at nil aliud colligere possumus ex hoc odore, nisi quòd acida acetati fuerunt involuta ab ipsis sulphureis partibus, quæ in aceto delitescunt, & acida non potuisse postea vellicare aut pungere gustûs organa.

Si igitur animo diligenter perpendimus,

1°. Salia acida multis partibus diluta abire distillationis ope in crystallos siccas absque ullâ immutatione eorum naturæ;

2°. Spiritus acidos eò potentiores & vegetiores esse, quò diutius intensum ignis gradum experiuntur, ut oleum vitrioli, &c.

3°. Ipsos per quatuor annos perpeti posse ignis torturam in vasis hermeticè clausis, absque ullâ deperditione suarum virium;

4°. Nullis experimentis patere quòd acida fuerint orbata virtute inficiendi syrupum violarum ru-

(a) Boërh. Chym. pag. 434.

bro colore, fermentescendi cum debitis alkalinis, & nonnullorum corporum solutiones peragendi.

5°. Tandem si attendamus omnes alias substantias salinas in acidum solvi, & ipsum in nullas abire substantias, pro certo habebimus acida esse substantiam simplicissimam quæ parit omnes alias substantias salinas.

Cum verò diversæ substantiæ salinæ, nempè acidæ vel neutræ, vel alkalinæ fixæ, aut volatiles, quæ ortum suum ducunt ab acidis, ingredientur omnium corporum compositionem, perspicuum est acida inter primigenia corpora seu corporum elementa, recenseri debere.

*An acida quibus luxuriant vegetabilia, oriantur
è terræ visceribus.*

Plurimis constat experimentis terræ præcordia salibus abundare. Etenim hinc indè occurrunt, ut diximus, altiores salis gemmei fodinæ. Mare & plurimi fontes promunt sales, & ex plurimis fossilibus, &c. educunt acida Chymici. Confitemur nulla extrahi è lapidibus & pluribus metallis; attamen patefecimus experimento ill. Boyle & Duclos superius allato, salia delitescere posse in corporibus è quibus arte chymicâ non possunt educi; proindeque non possumus legitimè hinc inferre nulla dari salia in his corporibus. Contrà, cum plura corpora posita circà metalla, promant substantias salinas è quibus educuntur acida, conjecturis augurari licet adesse acida in ipsismet metallis è quibus educi nequeunt; eoque verisimilior videri potest hæc conjectatio, quòd ipsa corpora è quibus nulla educuntur salia, debitum spirant odorem, statim atque fuerunt fricatione debitè calefacta.

Experientiâ constat quòd diversa corpora recondita in terræ visceribus, diversas perpetiuntur mutationes. Etenim testantur fossores metallici, fodinas pauperes, id est, fodinas minori copiâ metalli donatas, fieri divites, si earum fauces per debitum temporis spatium occludantur: at pauperes fodinæ non possunt fieri divites, quin plures substantiæ seu corpora in his delitescant, fuerint in metallum conversa: illæ substantiæ non possunt in metallum mutari, quin plures eorum partes fuerint sejunctæ ab his quibuscum adhærebant, & quin fuerint conjunctæ & diverso modo adunatæ cum aliis substantiis. Eâdem arte salia acida irretita & obruta nonnullis metallis, vel aliis corporibus, sejungi possunt ab illis, & cum aliis adunari, diversaque procreare corpora.

Confirmatiores nos facere possunt in hâc sententiâ commutationes quæ sub oculos peraguntur. Etenim in medium protulit (a) D. Duclos, marcastitas seu terras argillofas vicorum *Vaugirard & Auteuil* propè Lutetiam Parisiorum, ponderosiores fieri & majorem salium vitriolicorum copiam suggerere, ubi fuerunt aëri expositæ.

Afferit ferrum ex illis duntaxat educi terris intensissimo igne, si non steterint in aëre patulo per debitum temporis spatium, antequàm igni committantur; contrà, easdem marcastitas præbere non solum ferrum, sed etiam cuprum, argentum & auri pauxillum, si fuerint expositæ aëri patulo, antequàm ignis torturam perpetiantur.

His patet aërem posse ita extricare reconditas argenti, cupri & auri partes, ut illæ, quæ priùs

(a) *Act. Reg. Scient. Acad. Paris. tom. I, ann. 1667.*

educi non poterant ex illis terris, in lucem edantur.

Projecit fortuitò D. Duclos talci lapides in labrum super marcaffitas vicorum *Auteuil & Vaugirard*, & post tres aut quatuor annos reperiit quòd talcus & marcaffitæ fuerant converfa in massam falinam vitrioli, quæ in integrum solvebatur aquâ.

His patet quòd diversæ partes quibus conflantur corpora posita in aëre patulo, possunt sejungi & diverso modo adunari ab aëre, ita ut procreent corpora prorsùs diversa ab his quæ priùs existebant. Quid obstat quominùs centralis materia jugiter pervadens intimam corporis compagem, præstet eisdem effectus quos parit aër, ac proindè quin illa sejungat progressionem temporis plures corporum partes ab illis quibus priùs adhærebant, & ipsas necet cum aliis, ita ut nova procreet corpora, & divites faciat pauperes fodinas? At si partes corporum intimæ compagis terræ possunt sejungi & extricari è partibus quibus adhærent salia acida, poterunt etiam extricari è corporibus quibus includuntur, & transferri in alia è quibus faciliùs poterunt educi.

Eadem vis quâ salia extricantur & educuntur è corporibus in quibus irretita delitescabant, valebit ea ad terræ superficiem amandare, & ea in auras diffundere. Etenim spirans è fodinis altiùs sepultis diversæ ipsarum partes quæ longiùs per aëra diffunduntur, ut diximus; & asserit Becker, lib. I, cap. III, pag. 71, exhalationes minerales ab aliquot milliaribus viatorum nares ferire. Annotavit Halles succum nutritium vegetabilium magnâ vi ultra superficiem terræ propelli. Ipse patefecit adhuc experimento terram suppositam radicibus vegetabilium non posse suggerere omnem aquam quæ effluit

è vegetabilibus, nec eam quæ infervit ad eorum nutritionem: hinc collegit magnam partem aquæ quam hauriunt vegetabilium radices, proficisci ex altioribus terræ recessibus; quod firmare videtur opinionem perillustri Becker asserentis (a) scaturigines & fontes gigni à vaporibus ex intimis terræ præcordiis erumpentibus, & densatis ad debitam superficiem terræ distantiam, pro naturâ terrarum occurrentium. Verùm si succi nutritii vegetabilium tantâ vi truduntur ultra terræ superficiem; si aqua quam ebibunt radices scaturit ex intimis terræ recessibus, poterunt salia acida in terræ præcordiis recondita ad ipsius corticem amandari, & vehi in vegetabilium radices.

Confirmatiores nos faciunt in hâc sententiâ major acidorum copia, quam promunt vegetabilia: etenim acidus liquor qui stillat ex incisionibus factis in truncis, ramis & caulibus plurimorum vegetabilium, acidus est. Educunt Chymici distillatione liquorem acidum ex omnibus vegetabilibus, & ex ipsis qui amaritudinis sensationem suscitant, v. g. ex absinthio: spuma erumpens ex extremis frustuli ligni in mediâ suâ parte accensi, acida est. At perspicuum est quòd tanta quantitas acidorum non posset subministrari à terrâ circumpositâ, nisi illa ea haberet ab altioribus terræ recessibus, non secùs ac habent aquam necessariam ad vegetationem; proindeque verisimilius est omnia salia evahi ab aquâ cum succo nutritio vegetabilium è terræ præcordiis, & ad ipsius cutim amandari, non secùs ac aqua plurium fontium vehit salia salsa ad terræ superficiem, &c. Eò lubentiùs hanc amplectimur opi-

(a) Lib. I, Physic. subterr. sect. II, cap. III.

nionem, quòd reperiuntur ferri particulæ in vegetabilium cineribus, & quòd aquæ plurium fontium evehunt ad terræ superficiem plurimas particulas ferri.

Acida quæ è terræ præcordiis in vegetabilium radices truden'ur, mutantur & convertuntur in ipsis vegetabilium tubulis in alias substantias salinas diversas ab acidis.

Ubi subierunt acida radices vegetabilium, non semper servant suam naturam; plura mutantur in tubulis vegetabilium in alias substantias salinas, nempè in salia alkalina, volatilia aut fixa, vel in salia neutra; etenim dantur plura vegetabilia quæ sales volatiles promunt, v. g. cochlearia, nasturtium aquaticum.

Liquor oleosus quem è vegetabilibus educunt Chymici, recondit salia urinosa. Eliciunt etiam Chymici salia fixa è cineribus plantarum: omnia illa salia non procreantur in terrâ suppositâ vegetabilibus, nam illa non præbet hæc salia, vel saltem minorem eorum copiam. Prætereà vegetabilia non promunt eadem salia quibus scatet terra radicibus supposita. Etenim licèt, ut jam diximus, planta succos promens acidos infigatur terræ omni sale diligenter spoliata, & illa terra semper irroretur aquis scatentibus salibus alkalinis, attamen planta prodidit semper succos acidos. Contrà, si planta præbens alkalina salia conferitur terræ diligenter orbata omni salinâ substantiâ; illa semper prodet sales alkalinos, licèt terra semper irroretur aquis acidis; undè sequitur quòd natura salium quibus fuit irrorata terra supposita radicibus, fuit immutata in vegetabilium tubulis.

Præterea si natura salium quæ hauriunt radices vegetabilium, non immutabatur in vegetabilium tubulis, eorum fructus, flores, folia, cortices, &c. non ederent diversos odores, diversosque sapores, ut diximus.

Tandem experimur quòd vegetabilia è suis caulibus vel è radicibus eruta, nulla aut pauciora salia urinosa præbent, & quòd his scatent salibus, postquam per debitum temporis spatium aquis merfa steterunt in tepido loco; attamen nulla videtur mutatio sensibilis in eorum structurâ externâ, proindeque hæc conversio salium acidorum in alkalina volatilia peracta fuit in tubulis vegetabilium. Verum, si illa conversio fieri potest in tubulis vegetabilium erectorum è suis caulibus vel è radicibus, à majori fieri potest in tubulis vegetabilium suis caulibus adhærentium, &, ut ita dicam, vivorum.

Constabit igitur acida migrata è visceribus terræ in vegetabilium tubulos, posse mutari in diversas substantias salinas in ipsismet tubulis.

Ipsamet acida quæ reconduntur in vegetabilibus quibus plura nutriuntur animalia, mutantur in alkalina urinosa, cum in ventriculo & intestinis animalium, tum in eorum vasis sanguiferis, lymphaticis, &c. Etenim licet animalium stercora quæ vescuntur vegetabilibus, præbeant majorem copiam liquoris acidi, attamen promunt etiam liquorem urinosum: lac quod haberi potest pro chylo animalium, nulla prodit salia alkalina, attamen plurima salia alkalina volatilia seu urinosa educuntur è liquoribus ac solidis partibus animalium quæ lacte vel vegetabilibus nutriuntur.

Illa verò salia volatilia non potuerunt alibi procreari, quàm in animalium vasis, neque mirum;

cùm enim luxurient animalia sulphureis partibus vehementi motu jugiter actis, acida debent jugiter concurrere cum partibus sulphureis, & procreare salia urinosa.

De Causis diversorum effectuum quos pariunt acida.

Quamvis omnia acida gaudeant dotibus peculiaribus quibus eorum natura distinctè designatur; id est, quamvis omnia acida (quæ non sunt extraneis substantiis obruta) saporem acidum referant & inficiant rubro colore syrupum violarum, &c. attamen dantur acida quæ pariunt effectus prorsus diversos ab illis quos edunt alia; etenim omnia acida non fermentescunt cum iisdem alkalinis, etiamsi in eodem liquore natent, vel simul permisceantur. Nam ill. Homberg (a) patefecit quòd spiritus aceti non fermentescebat cum acerrimo urinæ spiritu, licèt ille spiritus fermentesceret cum spiritu salis.

Præterea asserit se eduxisse è pluribus vegetabilibus liquorem qui recondebat salia acida & alkalina sejuncta, siquidem idem liquor inficiebat rubro colore syrupum violarum, & fermentescebat cum spiritu salis.

Præterea omnia acida non solvunt omnia corpora; nam acida vegetabilium & vitrioli quæ solvunt ferrum, cuprum, zinchum, bismutum, plumbum, substantias lapidaceas quæ reperiuntur in animalium corporibus, plantas marinas & lapidaceas, omnia testacea, unicornu, fossile, cancrorum lapides, gemmas, cornua, ungues, calcem vivam & extinctam, &c. ipsa non solvunt aurum, argentum,

(a) Act. Reg. Scient. Acad. Paris. ann. 1701, pag. 22.

stannum & antimonium. Solus acidus nitri spiritus valet argentum dissolvere : ipse calcinat plumbum , nec justam ipsius dissolutionem peragit , nisi fuerit debilitatus justâ aquæ quantitate. Acidus salini marini non solvit argentum , & valet aurum , stannum & antimonium dissolvere.

Tandem inter se differunt acida , eò quòd debita nonnullorum spirituum quantitas solvit justam nonnullorum corporum quantitatem citiùs quàm alii spiritus acidi ; v. g. uncia spiritûs nitri solvit citiùs debitam argenti quantitatem , quàm uncia spiritûs salis potest dissolvere æqualem auri copiam.

Asseruerunt Chymici hos diversos effectus oriri à diversitate molis acidorum quâ fiebat , ut non esset debita proportio seu congruentia inter salia menstrui , & poros corporis solvendi ; v. g. asseruerunt aceti spiritum non fermentescere cum alkalibus spiritûs urinæ , eò quòd non erat debita proportio inter tenuia acida aceti & poros ampliores alkalium spiritûs urinæ. In hâc opinione fuerunt firmati fermentatione quæ exurgit , statim atque spiritus salis marini permiscetur cum urinæ spiritu ; nam opinantur acida spiritûs salis esse crassiora acidis aceti.

Existimaverunt adhuc quòd diversæ solutiones quas absolvunt acida , oriuntur ab eâdem causâ , nempe à discrepantiâ molis salium dissolventium , cum poris corporum dissolvendorum : horum diversorum phænomenon causam utilius erit exponere Tironibus Chymicis.

Indagatio causæ quâ fieri potest ut acida nantia cum alkalinis in eodem liquore , non fermentescant.

Quamvis consentiamus plures diversos effectus quos pariunt acida , pendere & oriri à diversâ mo-

le salium menstrui, relativè ad poros corporis solvendi, vel ad poros corporis quocum fermentatio debet procreari; attamen dubium videtur omnes diversos effectus acidorum ab hâc oriri causâ, & existimamus plures alias causas posse hos diversos effectus edere.

Etenim non possumus opinari quòd nimia tenuitas salium spiritûs aceti, relativè ad amplitudinem pororum spiritûs urinæ, obstet quominus illi sales permixti fermentescant; eò quòd animadvertimus quòd aceti spiritus fermentescit cum urinæ spiritu, postquàm major aquæ copia his affunditur spiritibus, vel quoties quantitas spiritûs aceti est vicies major quantitate spiritûs urinæ: at major aquæ quantitas non potest adaugere molem acidorum aceti, nec coarctare amplitudinem pororum spiritûs urinæ; contrà, largior aquæ copia tenuiora facit salia aceti, & ampliat aut multiplicat poros salium spiritûs urinæ; proindeque defectus fermentationis post permixtionem illorum spirituum non oritur à tenuitate salium spiritûs aceti, relativè ad magnitudinem pororum alkalium spiritûs urinæ.

Ad assequendam notionem causæ hujus phænomeni, in memoriam revocemus, 1°. pauca adesse salia in aceti spiritu, & ipsa hinc indè circumdari multis partibus aqueis; 2°. salia alkalina spiritûs urinæ involvi plurimis partibus oleosis seu sulphureis. 3°. Recordemur oleum & sulphur esse corpora heterogenea aquæ, & ipsa immediatum contactum mutuò respuere.

4°. Tandem pro certo teneamus (ut in posterum dicemus) quòd acida non possunt fermentescere cum alkalinis, quin ingrediantur alkalinorum poros, & cum ipsis immediato contactu jungantur.

His positis, perspicuum fit quòd acida in majori aquæ copiâ diffusa, pertingere non poterunt ad alkalina, quamdiu illa erunt involuta & implicata partibus sulphureis, eò quòd aqueæ partes quibus acida vehuntur, repelluntur à sulphuribus involventibus salia alkalina; proindeque salia spiritûs aceti non pertingent ad salia alkalina spiritûs urinæ, nec poterunt eorum ingredi poros, ac cum his fermentescere. Verùm, ubi major aquæ copia affunditur urinæ spiritui, tunc sulphura hujus spiritûs contrahuntur in massulas seu sphæriculas, à majori quantitate aquæ affusæ, ut patet quoties aquæ iusta quantitas affunditur oleis. Tunc verò plura salia alkalina denudantur suis involucris, & eminent massulis sulphureis, pluraque sulphurum duntaxat superficiei adhærent. Verùm, cum salia sint multò magis homogenea aquæ quàm sulphuribus, omnia salia quæ non implicantur cum partibus sulphureis, ab ipsis secedunt & feruntur in aquam, tunc concurrunt cum acidis, & simul fermentescunt.

Iisdem de causis, si quantitas aceti distillati, quæ permiscetur cum urinæ spiritu, sit vicies major quantitate spiritûs urinæ, tunc exurgit fermentatio, eò quòd sulphura contrahuntur majori copiâ aquæ; postea enim alkalina salia deteguntur ac occurrunt acidis aceti.

Salia verò spiritûs salis marini fermentescunt cum alkalinis acerrimi spiritûs urinæ, quamvis aqua non fuerit huic affusa, eò quòd acida spiritûs salis retinent semper partes sulphureas typorum è quibus fuerunteducta; undè fit ut sint magis homogenea sulphuribus involventibus alkalina salia urinæ, quàm acida aceti quæ sunt aquea.

Eò firmiùs opinamur defectionem fermentationis

nis nonnullorum acidorum multâ aquâ dilutorum cum alkalinis sulphure involutis, oriri ab heterogeneitate partium aquearum & sulphurearum, quòd omnia acida fermentescunt cum omnibus substantiis, quæ pauciores habent partes sulphureas sibi adjunctas, nempe cum omnibus alkalinis fixis & substantiis terreis.

In medium adhuc protulerunt plures Chymici quòd diversitas solutionum editarum à diversis acidis, oriebatur à disparitate molis salium menstrui cum poris corporum solvendorum. Plura experimenta potuerunt eos in hanc ducere opinionem. Etenim experti sunt;

1°. Vegetabilium & fossilium acida eò potentiùs agere, quò magis erant spoliata partibus aqueis: at, cum constet quòd tunc crassior fit acidorum moles, opinati fuerunt quòd citior solutio corporum oriebatur à majori mole acidorum.

2°. Observaverunt quòd spiritus nitri acerrimus calcinabat plumbum, & quòd necesse erat illum debilitare iustâ aquæ affusione, ut absolveret simplicem plumbi solutionem; & hinc collegerunt plumbi calcinationem pendere à majori mole acidorum, & simplicem plumbi solutionem peragi à salibus minoris molis seu massæ.

Tandem experti fuerant quòd aqua fortis citiùs solvebat argentum quàm spiritus nitri confectus cum argillâ; & quòd aqua regalis potentiùs agebat quàm spiritus salis, eò quòd aqua fortis fuerat edita conjunctione acidorum nitri & vitrioli simul distillationi commissorum, & quòd aqua regalis oriebatur à connubio salis marini vel salis ammoniaci cum salibus nitri; undè collegerunt potentiam & virtutem aquarum fortium oriri à majori mole salium.

Confitemur quòd iusta proportio inter molem salium menstrui & capacitatem pororum corporis solvendi, plurimùm conferre potest ad corporum dissolutionem, ut jam diximus; sed plures aliæ concurrunt causæ: constat equidem particulas salinas tenuiores esse ubi multâ diluuntur aquâ, & quòd illæ crassiores fiunt & in fasciculos, ut ita dicam, salinos congeruntur, ubi minuitur aquæ quantitas vaporazione; ac proindè quòd tunc fiunt magis aptæ ad peragendam dissolutionem corporum quorum ampliores sunt pori.

Verùm animadvertere debemus quòd post justam aquæ vaporationem, major adest salium copia in eadem menstrui quantitate, & quòd hæc major quantitas confert ad solvendam citiùs majorem corporis solvendi quantitatem, quod experienciâ probatur; nam, v. g. uncia spiritûs nitri quæ complectitur duas drachmas & viginti octo grana salis acidi, potest dissolvere quantitatem argenti majorem quantitate auri quam uncia spiritûs salis marini potest dissolvere, eò quòd drachma duntaxat & quindecim grana salium continentur in unciâ spiritûs salis. Eadem de causâ uncia spiritûs aceti, vel alterius cujuscumque spiritûs acidi, eò lentiùs & eò minorem solvit debiti corporis quantitatem, quò paucioribus scatebit salibus.

Quamvis crystalli seu fasciculi salini in spiritibus vel aliis liquoribus nantes, eò crassiores vel tenuiores sint, quò major vel minor est quantitas aquæ in quâ fuerunt mersi; attamen non indè sequitur quòd calcinatio & simplex dissolutio corporum pendeant & oriantur à majori vel minori mole salium menstrui; nam calcinatio & dissolutio sunt operationes quæ pendent à causis prorsus diversis.

Ut enim corporum fiat dissolutio, sufficit ut partes integrantes quibus conflantur, sejungantur, & hinc indè dispergantur. Verùm, ut calcinentur corpora, necesse est ut spolientur sulphureis partibus. Salia nitri non calcinant plumbum, eò quòd crassiora sunt (hinc enim oriretur tantùm citior & major dissolutio) sed ipsum calcinant, eò quòd ipsum spoliant suis partibus sulphureis.

Non possumus adduci, ut existimemus quòd spiritus nitri non solvit aurum, & quòd spiritus salis non solvit argentum ratione majoris vel minoris molis seu crassitie salium; nam sive salia horum spirituum multâ aquâ solvantur in exiliores particulas, sive congerantur in crassiores moleculas spoliatione partium aquearum, attamen spiritus nitri nunquam solvet aurum, nec spiritus salis solvet argentum. Undè sequitur quòd solutio diversorum corporum non pendet nec oritur à majori vel minori crassitie salium. Verisimilius est quòd illæ diversæ dissolutiones pendent ab homogeneitate vel heterogeneitate menstrui & corporis solvendi. Etenim nulla corpora solvi possunt, quin partes menstrui ingrediantur poros corporis solvendi, & agant immediatè in latera pororum, ac proindè quin partes menstrui & corporis solvendi sese immediatè contingant; at, cùm corpora heterogenea sese mutuò respuant, & non sese contingant immediatè, sequitur quòd menstrua non possunt solvere corpora heterogenea, ut patet pluribus experimentis; neque enim aquea corpora solvunt corpora oleosa, nisi salibus alkalinis jungantur, &c. hinc sequitur quòd homogeneitas menstrui & corporis solvendi, est præcipua & primaria causa seu conditio solutionis corporum, sine quâ absolvi nequit. Si igitur spi-

228 DE PRIMIGENIIS CORPORIBUS
ritus nitri solvit argentum & non solvit aurum ; illud oritur ab homogeneitate spiritus nitri cum argento , quod firmatur experimento allato ab ill. Boerhave in suâ Chymiâ , pag. 433. Hoc enim patet quòd spiritus nitri eò potentior est , & eò citiùs peragit omnes solutiones ipsi proprias , quò sincerior est & magis spoliatus substantiis ipsi extraneis , & è contrâ eundem deperdere dotes ipsi proprias , & alias acquirere dotes ipsi extraneas , ubi secum rapit & conjungitur cum substantiis extraneis , siquidem tunc gaudeat potentiâ solvendi aurum , & deperdat virtutem peragendi dissolutionem argenti , ut infrâ dicemus. Verisimilius est igitur quòd spiritus nitri non solvit aurum , eò quòd est huic heterogœneus ; & quòd solvit argentum , eò quòd est huic homogœneus.

Non requiritur tamen perfecta & absoluta homogeneitas menstrui & corporis solvendi , ut peragatur corporum solutio ; sufficit ut menstruum & corpus solvendum ad justum homogeneitatis gradum accedant , ita ut possint sese immèdiatè contingere & in sese agere. Nam tabulæ congruitatum seu affinitatum ab ill. Becker & Geoffroy in lucem editæ , probant diversos esse gradus homogeneitatis , siquidem plura corpora quæ sese mutuo petunt & quæ immèdiato contactu firmiùs secum cohærent , à se invicem recedunt & sejunguntur , statim atque alia accedunt corpora magis homogœnea , quod quidem inclyto experimento perspicuum facere possumus.

Etenim si mergimus argentum in spiritum nitri , illicò ille spiritus inchoabit solutionem argenti ; si verò mergimus cuprum in hunc spiritum postquam incœpit argentum solvere , tunc sistitur inchoata

argenti solutio, & cuprum incipit solvi; si verò postea mergimus ferri frustulum in eundem spiritum nitri, illicò solutio cupri desinet, & ferrum solvetur in integrum. His patet quòd salia menstrui recedunt ab argento & in cuprum feruntur, statim atque cuprum mergitur spiritui nitri, & quòd postea ejusdem menstrui salia non agunt in cuprum, & quòd ruunt in ferrum secum vehendo solutas cupri partes quibus obtegatur ferrum, quod hâc de causâ videtur mutatum fuisse in cuprum.

At salia spiritûs nitri ab argento non recederent & in cuprum non ruerent, nisi ferrentur in cuprum potius quàm in argentum; nec possunt in cuprum ferri, nisi in ipsum pellantur à partibus fluidi in quo natant, id est, nisi in ipsum pellantur à partibus aquæ circumfusis: illæ verò non possunt pel- lere sales nitri versùs cuprum potius quàm versùs argentum, nisi mutetur directio motûs quo aguntur, vel nisi partes aqueæ interfluentes cuprum & salia spiritûs nitri, renitantur mutuo accessui illorum corporum debiliùs quàm partes aqueæ interfluentes argentum & sales nitri.

Verùm, cùm aqueæ partes circumfusæ salia, argentum & cuprum, donentur duntaxat motu fluidi quo æqualiter hinc indè feruntur, sequitur quòd salia nitri non feruntur in cuprum potius quàm versùs argentum à motu partium aquearum circumfusarum; & hinc inducemur ad existimandum quòd salia nitri affluunt in cuprum, eò quòd aqueæ partes interfluentes cuprum & sales, renituntur debiliùs mutuo eorum accessui, quàm aqueæ partes interfluentes argentum & nitri sales. Hujus debilio- ris renixûs causam dilucidè percipiemus, si atten- dimus quòd aqueæ partes interfluentes homoge-

nea corpora, ab his removentur, & eò potentiùs repelluntur, quò corpora sunt magis sibi homogenea. Si igitur consentimus quòd salia nitri sunt magis homogenea cupro quàm argento, tunc perspectum erit quòd aqueæ partes interfluentes nitri salia & cuprum, repellentur validiùs quàm aqueæ partes interfluentes eadem salia & argentum; ac proindè quòd illæ partes renitentur debiliùs mutuo accessui salium & cupri, quàm aqueæ partes interfluentes argentum & salia nitri. At, cùm corpora fluenter lata affluant semper in loca ubi minor est renixus, sequitur salia nitri affluxura magnâ copiâ in cuprum; nulla aut pauciora appulsura ad argentum. Non possumus etiam in dubium habere quòd uberior affluxus salium nitri in cuprum oriatur à majori gradu homogeneitatis illorum salium; nam constat illa esse homogenea argento, siquidem ipsius intimam compagem subeant & cum solvant: non ruerent igitur illa salia in cuprum potius quàm in argentum, nisi major esset eorum affinitas seu potius homogeneitas cum cupro quàm cum argento; nec prorsùs latuerunt Chymicos diversi illi gradus homogeneitatis, siquidem asseruerint quòd menstrua recedunt semper à corporibus quorum solutionem difficiliùs absolvunt, & quòd affluunt in corpora quorum solutionem faciliùs & citiùs peragunt. Constabit igitur homogeneitatem corporum solvendorum & menstruorum esse primariam & præcipuam conditionem requisitam ad corporum dissolutionem, & eam eò faciliùs absolvi, quò major est menstrui & solvendi corporis homogeneitas.

Homogeneitas verò vel heterogeneitas plurimum acidorum relativè ad nonnulla corpora, non pendet nec oritur à propriâ & peculiari salium acido.

rum naturâ, sed à partibus extraneis, quas secum rapiunt dum extrahuntur è suis typis, ut præstanti patefit experimento.

Etenim si spiritus nitri pluries cohobatur in re-tortâ vitreâ super nitrum (a) siccissimum, & itera-tis calcinationibus diligenter spoliatum omni sub-stantiâ extraneâ, ille spiritus potentior erit post sin-gulas cohobationes, & aptior fiet ad pariendos effectus peculiares acidis nitri.

Contrà, si cohobatio fiat super nitrum vulgare quod non fuit spoliatum substantiis extraneis, ille post plures cohobationes non solvet argentum, & è contrà acquireret virtutem aurum solvendi.

Hoc patet experimento 1°. acida nitri deponere singulis cohobationibus (super nitrum diligenter purgatum) nonnullas partes extraneas quas secum rapuerant, & quæ ipsorum vires obtundebant, siqui-dem hâc arte potentior fiat spiritus post singulas cohobationes.

2°. Ex eodem sequitur experimento, quòd aci-da nitri cohobatione super nitrum vulgare & non-defæcatum, rapiunt singulâ cohobatione partes ex-traneas, quæ obstant quominùs solvant argentum, & quæ ipsis conferunt virtutem aurum solvendi; un-dè sequitur acida nitri homogenea facta fuisse auro adjunctione partium extranearum quas rapuerunt è nitro non purgato, & harum partium connu-bio facta fuisse apta ad dissolutionem auri pera-gendam.

Cùm verò nitrum vulgare & non purgatum re-dundet partibus sulphureis, verisimilius est quòd falia spiritûs nitri rapiant singulâ cohobatione par-

(a) Boërh. Chym. pag. 433.

232 DE PRIMIGENIIS CORPORIBUS
tes sulphureas nitri vulgaris, undè fiunt magis homogenea auro. Hæc firmari videtur conjectura experimento : si enim camphora solvitur in spiritu nitri, & huic solutioni affundimus aquam regalem in quâ solutum fuerit aurum, oculis videbimus omnes auri partes secedere ab aquâ regiâ, & transire in liquorem camphoræ solutæ nitri spiritu; undè sequitur hunc liquorem magis esse homogenum auro quàm aquæ regiæ. At, cum hic liquor sit oleosus, sequitur spiritum nitri fieri magis homogenum auro postquam adjunctas habet partes sulphureas.

Hinc augurari licet quòd aqua regia magis est composita ad aurum solvendum, quàm spiritus salis, non eò tantum quòd salia spiritûs nitri conjuncta fuerint distillatione cum salibus spiritûs salis, sed etiam eò quòd salia spiritûs salis habeant sibi adjunctas partes sulphureas magis homogeneas auro, & quòd prætereà partes salis marini quæ educuntur ex ammoniaco sale, secum rapiunt partes sulphureas salis ammoniaci.

Ex his rursus colligere est quòd homogeneitas nonnullorum acidorum cum nonnullis corporibus, & eorum virtus dissolvendi nonnulla tantum corpora, non pendent à naturâ peculiari illorum acidorum, sed à partibus extraneis quas illa acida secum rapiunt, dum educuntur è suis typis.

Confirmare videntur hanc opinionem diversæ naturæ substantiarum è quibus educuntur acida. Etenim constat vegetabilia multò pluribus scatere partibus aqueis & terreis, quàm animalia : constat quòd spiritus acidi qui educuntur è vegetabilibus, pluribus gaudent partibus aqueis quàm acida quæ educuntur è fossilibus.

Nemo nescit nitrum à fossilibus plurimum dif-

ferre, & ipsum conflare acidis nexis cum terreis partibus & sulphuribus urinæ, stercoreis animalium, vel cum salibus fixis ac sulphuribus vegetabilium; undè sequitur nitrum plurimis scatere partibus sulphureis, quarum præsentia patefit flammis quæ cum fragore & fulguratione erumpunt è nitro prunis imposito. Ipsius verò acida distillatione educta plurimas retinent partes sulphureas, ut patet fumis rubris qui jugiter effluunt ex acerrimo spiritu nitri. Prætereà constat quòd ille duntaxat spiritus permixtus cum oleis essentialibus, v. g. cum oleo gayaci, valet flammam procreare: tandem ille solus spiritus vegetationes parit, postquàm dissolvit ferrum; undè jure ac meritò colligere possumus acida hujus spiritus conjuncta esse partibus sulphureis.

Sal marinus differt etiam à nitro & aliis fossilibus; ille enim in prunas projectus non inflammatur, sed crepitat, & ipsius partes longiùs dissiliunt cum impetu, non sècùs ac partes explodentis corporis; undè colligere est sulphureas partes contineri in sale marino; & asserit illustriss. Becker libr. II. Cap. de Sale communi, sulphur vulgare ex illo sale educi posse. Opinatur Homberg (a) sulphureas salis marini partes accedere ad naturam sulphurum metallorum quæ sunt crassiora sulphuribus animalium, & tenuiora sulphuribus bituminosis. Prætereà sulphura metallica sunt densiora aliis sulphuribus; illa enim coguntur in massulas seu flocculos metallicos. Hinc fit ut aqua minimam quantitatem salis marini suspensam tenere possit. Etenim octo duntaxat salis marini grana suspensa tenentur & errant in aquæ drachma.

(a) Act. Reg. Scient. Acad. Paris, ann. 1702, pag. 33.

Non solum afferit ill. Homberg (a) diversum esse saporem salis marini, pro diversis littoribus in quibus colligitur, & ipsos diversos effectus edere; sed etiam in medium profert quod spiritus acidus educus ex his diversis salibus, diversos etiam parit effectus: undè sequitur hos spiritus agere ratione partium peculiarium & propriarum typis è quibus educi fuerunt, & quas secum rapuerunt.

Tandem vitriolum prunis impositum nec accenditur nec crepitat, sed solummodò calcinatur, & in massam albam & friabilem abit; & hinc collegit ill. Homberg (b) vitriolum pauciores recondere partes sulphureas, & illas accedere ad naturam sulphurum bituminosorum, id est, eas esse cum plurimis partibus terreis conjunctas, eò quod sulphur vulgare, vitriolum, alumen, &c. extrahuntur è lapide minerali; hâc de causâ spiritus & oleum vitrioli non possunt solvere nonnulla metalla sulphureis partibus conflata, quamvis citius solvant ea quæ pluribus terreis partibus gaudent.

His patet substantias seu typos, è quibus educuntur spiritus acidi vegetabilium, nitri, vitrioli & salis marini, plurimum inter se differre. At, cum illi spiritus secum semper rapiant nonnullas partes typorum è quibus educuntur, sequitur hos spiritus inter se differre ratione partium typi quas secum adjunctas habent, quamvis eadem sit omnium illorum salium natura; undè sequitur quod homogeneitas vel heterogeneitas nonnullorum acidorum cum debitis corporibus, & quod diversæ dissolutiones quas absolvunt, non pendent à peculiari & propriâ

(a) Act. Reg. Scient. Acad. Paris. ann. 1702, pag. 38.

(b) Act. Reg. Scient. Acad. Paris. ann. 1702, pag. 33.

naturâ acidorum, sed à partibus extraneis quæ ipsis conjunguntur & adhærent. Illæ adulterare possunt acidorum naturam, vel eorum cuspides hebetando, vel adaugendo eorum moles, vel heterogenea efficiendo salia, quæ erant homogenea, & vice versâ; experimur enim, ut diximus, acida nitri pluries cohobata super nitrum vulgare non valere, postea peragere dissolutionem argenti, & è contrâ ipsa aurum solvere.

Constat, ut diximus, nonnulla menstrua citiùs solvere majorem quantitatem corporis ipsis homogenei, quàm alia menstrua solvere possunt eandem quantitatem corporis ipsis etiam homogenei; v. g. constat quòd uncia spiritûs nitri dissolvit citiùs & faciliùs debitam argenti quantitatem, quàm uncia spiritûs salis vehementis potest dissolvere æqualem auri quantitatem. Illud phænomenon non oritur à majori vel minori mole acidorum, vel ab earum majori homogeneitate, sed pendet à diversâ quantitate salium quam recondunt illi spiritus; nam observavit ill. Homberg (a) unciam spiritûs nitri complecti duas drachmas & viginti octo grana salis acidi. Affudit debito ponderi salis alkalini spiritum acidum ad satietatem salis alkalini, & vaporazione factâ superficiei fluidi ad magnam siccitatem, observavit incrementum ponderis quod lucratus fuerat sal alkalinus; undè cognitam habuit quantitatem salium quam continebant diversi spiritus acidi affusi sali alkalino.

In uncia verò spiritûs salis drachma duntaxat & quindecim grana salium acidorum vagantur.

Quatuor drachmas & sexaginta quinque grana salium complectitur uncia olei vitrioli.

(a) Act. Reg. Scient. Acad. Paris. ann. 1699, pag. 49.

236 DE PRIMIGENIIS CORPORIBUS

Aqua fortis continet eamdem salium quantitatem ac spiritus nitri vehementissimus, nempè duas drachmas & viginti sex grana salium.

Spiritus acidi vegetabilium multò minori salium quantitate gaudent; nam uncia spiritûs acetii octodecim tantum grana salis recondit, ut diximus.

His cognitis, perspicuum fit quòd æqualis quantitas spirituum acidorum majorem vel minorem dissolvit quantitatem corporis ipsis homogenei, & quòd citiùs dissolutionem absolvit pro majori vel minori quantitate salium quæ in ipsis natat, & quòd uncia spiritûs nitri dissolvit debitam argenti quantitatem citiùs quàm uncia spiritûs salis potest æqualem auri copiam solvere, siquidem uncia spiritûs nitri gaudeat quantitate salium duplo majori eâ quâ donatur uncia spiritûs salis. Non debemus igitur inferre è dissolutione majoris quantitatis argenti quam peragit eadem quantitas spiritûs nitri, ipsius salia esse potentiora ad solvendum argentum quàm acida salis marini ad aurum solvendum, siquidem hoc phænomenon oriatur à majori vel minori quantitate salium quæ vagatur in æquali quantitate illorum spirituum.

Major vel minor moles salium menstrui, major vel minor eorum homogeneitas cum corporibus solvendis, & major vel minor quantitas salium quæ reconditur in debitâ quantitate menstrui, non sunt solæ causæ quæ peragunt citiorem & majorem corporum solutionem. Plurimum etiam confert vel officit corporum solutioni circumfusus aër; nam plura dantur corpora quæ citiùs & majori copiâ solvuntur in vacuo quàm in aëre patulo: sic, v. g. ferrum citiùs & majori copiâ solvitur ab aquâ fortî

in vacuo quàm in aëre (a) : spiritus falis solvit etiam ferrum citiùs & majori copiâ in vacuo quàm in aëre : spiritus falis solvit plumbum in vacuo, & non potest ipsum solvere in aëre : spiritus nitri citiùs solvit majorem tuthiæ quantitatem in vacuo quàm in aëre : contrà, aqua fortis solvit citiùs & majorem aurichalci quantitatem in aëre patulo quàm in vacuo.

His patet aërem conferre vel officere solutioni corporum à debitis menstruis, quod diligenter notandum in Chymicis laboribus.

Non solùm confert vel officit aër crassior dissolutioni plurium corporum, sed etiam valet mutare effectus quos salia pariunt, dum nonnulla solvunt corpora; nam experimur quòd nonnunquam fermentatio quæ calorem parit & sublationem liquorum Thermometri promovet in aëre patulo, deprimit liquores Thermometrorum & frigoris sensationem suscitât in vacuo. Ut autem Tirones Physici possint cognoscere causam horum phænomenon quam inquiremus ubi agemus de Fermentatione, in eorum memoriam priùs revocanda sunt ea quæ posteris tradidit ill. Geoffroy Medicus Paris. de refrigeratione aquæ à salibus (b).

Ipse merisit Thermometrum aquâ, & notavit gradum in quo persistit liquor: projecit postea in aquam sales neutros seu falsos, nempe nitrum, vitriolum, salem marinum & salem ammoniacum, &c. ac observavit quòd liquor Thermometri descendebat statim atque illi sales solvebantur, & quòd magis deprimebatur ab ammoniaco sale quàm ab

(a) Addit. ill. Muschemb. tentamin. Philos. Florent. pag. 178, & seq.

(b) Act. Reg. Scient. Acad. Paris. ann. 1700, pag. 110.

aliis salibus. Afferuit quòd sal ammoniacum refrigerat aquam ad illum ferè gradum quo congelari incipit, & dixit se semel expertum fuisse quòd nonnullæ guttulæ aquæ quæ ceciderant extrà vas (in quo solvebatur) fuerant congelatæ.

Expertus fuerat ill. Homberg ante D. Geoffroy quòd si sal ammoniacum & Mercurius sublimatus corrosivus simul permixta projiciebantur in acetum distillatum, exoriebatur tantum frigus, etiam æstate fervidâ, ut vas manu teneri non poterat, & quòd mixtura sæpiùs in glaciem concresecbat. Idem experimentum instituit clarif. Amontons in cavis Speculæ sideralis seu astronomicæ Parisiensis, idemque fuit eventus; nam liquor Thermometri mersi huic mixturæ descendit ad gradum congelationis.

Docet adhuc ill. Geoffroy salem marinum minùs aquam refrigerare quàm omnes alii sales neutri.

Ipse annotavit quòd salia volatilia aquâ soluta eam refrigerabant, & quòd liquor Thermometri eò magis deprimebatur quòd defæcatoria erant salia. Animadvertit quòd sal urinæ refrigerabat aquam citiùs quàm alia salia volatilia.

Contrà certior fuit factus experimentis quòd salia lixivialia calefaciebant aquam, modò fuissent probè calcinata; nam si ipsa accedebant ad naturam salis falsi, v. g. nitri, salis marini, &c. tunc refrigerabant aquam, & dicit salem tamarisci, hâc de causâ, frigidiorẽ sæpiùs facere aquam.

Necessarium nobis videtur inquirere sedulò causam frigoris & caloris quod pariunt diversa salia, ut Tirones Chymici possint dilucidius animo percipere causam fermentationum calidarum vel frigidarum quæ observantur, dum diversæ peraguntur operationes Chymicæ.

Experientiâ constat quòd plura corpora quæ non lucent nec urunt, fiunt phosphori lucentes vel urentes, postquàm diurnam ignis torturam experta fuerunt: at, cùm ipsa non possent diurnam lucem vel calorem parere, nisi jugiter emitterent partes luminis seu partes igneas, sequitur ipsorum intimam compagem luxuriare partibus igneis.

Rursùs, cùm ipsa corpora quæ post debitum temporis spatium amiserunt virtutem lucendi vel urendi, eam recuperant, si rursùs ignis torturæ committantur, sequitur hæc corpora acceptas habere ab igne partes luminosas seu igneas, quas deinceps emittunt. Hinc colligere est plurimas delitescere partes igneas in intimâ compage corporum quæ diurnam ignis torturam passa sunt. At, cùm corpora è quibus educuntur salia lixiviosa seu fixa, fuerint calcinata; cumque illa fuerint igne procreata, ut diximus, extrà dubium videtur ipsorum intimam compagem partibus igneis scatere.

His cognitis, attendamus massulas salium fixorum solvi non posse aquis, quin referentur pori seu loculamenta in quibus hospitabantur & delitescabant igneæ partes: at, cùm sint maximè mobiles & ad motum compositæ, effugiunt per referatos hiatus, & in aquam circumfusam affatim irruunt, proindeque ipsius calorem adaugent, eam rarefaciunt, & postea rarefaciunt liquores Thermometrorum huic merforum. Jure igitur ac meritò possumus opinari calorem procreatum à solutione salium fixorum, oriri ab igneis partibus quæ in his delitescabant, & quæ majori copiâ effluunt è salibus fixis, statim atque fuerunt soluta.

Haud absimili causâ solutiones salium neutrorum & alkalinatorum frigoris sensationem pariunt, liquo-

risque Thermometri depressionem promovent; etenim jam diximus frigoris sensationem suscitari non posse ab *ente negativo* (*a*), pluraque attulimus experimenta è quibus sequi videtur dari corpora quæ frigus congelationesque pariunt, & quæ valent, præ suâ tenuitate poros vasorum pervadere, siquidem nix circumfusa vasi posito sub catino cui suppositus fuit ignis, congelat aquam.

His in memoriam revocatis, attendamus 1°. quòd plura salia neutra & urinosa aquis soluta, tantum frigus pariunt, ut manus admota vasi in quo continentur, afficiatur intenso frigore, & quòd nonnullorum salium solutione congelietur aqua. At, cum frigoris sensatio & congelatio procreari non possint ab *ente negativo*, sequitur frigoris sensationem & congelationes ortas post salium dissolutionem, procreari vel ab aqua, vel à salibus, vel ab aliis corpusculis; verum, cum manus admota lateribus vasis, frigore afficiatur, cumque frigidiores fiant & congelentur liquores, licet in vasis includantur, sequitur quòd corpuscula quæ frigus pariunt possunt expedite permeare poros vasorum. Verum, cum experiëntiâ constet quòd partes aqueæ & salia neutra, non possunt pervadere poros vasorum vitreorum, nisi fortasse fuerint in vapores insensiles expansæ ab igne vel fermentatione, &c. sequitur frigoris sensationem & congelationes absolvi à corpusculis diversis ab aqueis vel salinis partibus.

Præterea experimur quòd aqua nivi vel glaciæ affusa, non adauget frigus quod procreabat nix: at, si aqua procreabat suâ naturâ frigus vel conge-

lationes, illa adaugeret gradum frigoris glaciæ.

Quamvis salia neutra & volatilia frigus & congelationem aquæ procreent, & intensiorem faciant frigoris gradum quo glacies donatur; attamen, si attendimus quòd glacies nullum saporem salinum refert, ducemur ad existimandum quòd congelatio non peragitur à salibus; nam, si salia peragebant aquæ concretionem, magna salium quantitas quæ esset in glacie, pareret necessariò salinum saporem, ut jam diximus.

Prætereà clariss. Lister (a) expertus est quòd aqua salinum referta tardius in glaciem concrescit aquâ simplici; nam, si ponantur in aëre gelido duæ phialæ quarum una repleatur aquâ simplici, & altera complectatur aquam salibus scatentem, aqua pura congelabitur citius aquâ falsâ: at, si frigus & aquæ congelatio oriebantur à salibus, illa quæ salibus luxuriat congelaretur citius aquâ purâ: possumus igitur ex hoc experimento colligere frigus & congelationes non procreari à salibus.

His addamus omnia quæ retulimus, ubi egimus de congelatione aquæ, & verisimilius videbitur frigus & congelationes absolvi à corpusculis peculiaribus & diversis ab aquâ & sale.

Confitemur illa corpuscula sub sensus non cadere: at non licet hinc inferre ipsa non existere; non secus ac enim igneæ partes sensus non afficiunt, nisi lucem aut calorem pariant, ita dari possunt corpora quæ sensus fugiant, nisi frigus aut congelationes edant; at, cum omnia salia quæ ignis toruram non fuerunt perpeffa, frigus procreent, statim atque solvuntur, verisimilius est quòd corpora

(a) Transact. Phil. 167, addita Muschemb. tentamin. Philos. Florent. pag. 182. & 183.

242 DE PRIMIGENIIS CORPORIBUS
frigefacientia, & congelantia adhærent salibus,
vel delitescunt inter simpliciores partes salinas qui-
bus cryſtalli seu maſſulæ ſalinæ conſtantur, & quòd
ſalia fixa frigus non procreant, eò quòd corpora
frigefacientia fuerunt diſcuſſa & expulſa ex his ſali-
bus igne, non ſecùs ac expelluntur è glacie.

Quamvis exiſtentia corpusculorum frigefacien-
tium & congelantium, ſit conjeſtatio ſeu hypothe-
ſis; attamen, cùm illa firmari videatur pluribus
experimentis quorum nonnulla retulimus, ubi egi-
mus de aquæ congelatione; cumque illa conjeſtatio
dilucidet cauſam frigoris procreati ſalium ſolutio-
ne, necnon cauſam fermentationum frigidarum,
ut dicemus, illa pro veriſimiliori haberi poteſt;
nam illuſtratio cauſarum plurium phænomenon fir-
mat conjeſtationem editam ad eas illuſtrandas.
Quamobrem exiſtimabimus calorem & frigus edita
diſverſorum ſalium ſolutione, oriri à corpusculis
extraneis; nempe calorem quem pariunt ſalia fixa,
gigni ab igneis partibus quæ in intimam illorum
ſalium compagem adaſta fuerunt, dum perpeſſa
ſunt ignis torturam; è contrà, frigus editum à ſa-
lium acidorum, neutrorum & urinoſorum ſolutione,
procreari à corpusculis peculiaribus adhærentibus
ſalibus, & inter maſſulas ſalinas deliteſcentibus,
quæ valent ſuâ naturâ frigoris ſenſationem ſuſcitare
& liquores denſare & congelare, non ſecùs ac dan-
tur alia corpora quæ valent ſuâ naturâ caloris vel
aciditatis aut acritudinis ſenſationem ſuſcitare.

*De heterogeneitate vel homogeneitate Salium cum
ſubſtantiis ſimpliciſſimis, necnon de nonnullis
aliis dotibus Salium.*

Plura teſtari videntur experimenta, ſalia ſincera

heterogenea esse materiæ luminis seu igneis partibus; etenim constat quòd nunquam accenduntur nec inflammantur, nisi plurimas habeant partes sulphureas ipsis sociatas: prætereà docet, (ut diximus,) ill. Homberg salia spirituum acidorum in crystallos siccas concreta, in vapores fuisse diffusa, statim atque fuerant prunis imposita.

Confirmatiores nos faciunt in hac sententiâ maxima homogeneitas salium & aquæ; nam cum illa sit prorsus heterogenea partibus igneis, verisimilius videtur quòd salia quæ sunt huic maximè homogenea, sunt etiam heterogenea partibus igneis.

Nullæ dantur substantiæ quibuscum acidia sint magis homogenea, quàm alkalinis salibus. Illa enim in eodem liquore nantia remouent interfusas fluidi partes, & in se mutuò ruunt & adunantur, procreantque novum sal, quod *neutrum* vocatur, ut diximus.

Acida & alkalina adeò firmè sibi cohærent, ut nonnisi ignis torturâ & intermediis ope sejungi possint: nullus non dilucidè percipiet animo causam firmissimæ eorum cohærentiæ, modò recordetur alkalina gigni connubio partium terrearum & acidorum, quorum cuspidēs extant & eminent partibus terreis quibus fuerunt infixæ: at, cum acidia nantia in liquore sint ejusdem prorsus naturæ ac cuspidēs alkalinarum prominentes, illa sunt magis homogenea his cuspidibus, quàm partibus liquoris; proindeque debent acidia recedere à partibus liquoris, & ruere in interstitia quæ sunt inter cuspidēs acidorum quibus conflantur alkalina.

His patet acidia sincera magis esse homogenea alkalinis salibus, quàm omnibus aliis substantiis.

Nulla dantur corpora post alkalina salia, quibus

cum acida sint magis homogenea quàm aqueæ partes; etenim ultrò sese mutuò petunt, & humida fiunt à solis aqueis partibus per atmosphæram vagantibus. Prætereà stricte secum cohærent; etenim acida non possunt purgari seu sejungi ab aqueis partibus, nisi laboriosis operationibus chymicis, allatis (a) ab ill. Homberg, vel concentrando in cretam acida juncta partibus aqueis; factâ enim postea vaporazione partium aquearum, acida possunt educi è cretâ: alkalina salia quæ maximis gaudent poris, in liquorem solvuntur solis aqueis partibus in atmosphæricum fluidum diffusis: ipsa sunt magis homogenea sulphuribus seu oleis quàm acida, eò quòd componuntur partibus sulphureis, acidis & terreis.

Constat quòd salia neutra genita concursu & adunatione salium acidorum & alkalinarum, recondunt aqueas partes inter ipsa delitescentes; undè sequitur eas esse maximè homogeneas his salibus.

Tandem experimentis vulgaribus patet, acida salia extricari è partibus terreis quibus irretita solâ partium aquearum affusione, quamvis vix possint à terreis partibus sejungi ignis torturâ; undè sequitur acida magis esse homogenea aquæ quàm terræ.

Attamen acida salia sunt maximè homogenea partibus terreis; nam illa adeò stricte cohærent & nectuntur cum terreis partibus, ut igne non possint ab ipsis sejungi. Nunquam enim salia fixa solvuntur igne in acida & terram, nisi diutius includantur in fornacibus vitriariorum; tunc verò immutatur eorum natura in substantiam vitri pelluciditatem præbentem: ipsa igitur salia maximè sunt homogenea

(a) Aët. Reg. Scient. Acad. Paris. tom. X. pag. 202.

terreis partibus, & ab ipsis non sejunguntur, nisi aquâ, propter majorem eorum & aquæ homogeneitatem.

Quamvis acida sint magis homogenea aquæ quàm terræ, experimur tamen quòd acida retinent tenuissimas partes terreas sibi adjunctas, postquàm fuerunt aquâ soluta; etenim salia essentialia vegetabilium aquâ soluta, retinent partes terreas quæ cum ipsis nant in aquis, ut diximus.

Acida sunt etiam homogenea sulphureis partibus, siquidem ipsa firmè cohæreant; nam constat urinosa salia gigni connubio acidorum cum partibus sulphureis, ut diximus. Præterea facilè permiscuntur acida cum oleis distillatis, sive sint essentialia, sive sint foetida: ex eorum adunatione gignitur substantia resinosa & inflammabilis; undè intulit ill. Homberg resinas, balzama, &c. gigni acidorum cum oleis essentialibus conjunctione; si olea distillata scatent alkalinis, exoritur fermentatio statim ac permiscuntur cum acidis. Illorum verò adunatione non oriuntur crystalli, sed corpora accedentia ad consistentiam benzoini, ut diximus. Fermentatio quæ exurgit ex acidorum permixtione cum oleis scatentibus alkalinis salibus, eò vehementior est quòd illa olea fuerunt diligentius purgata terreis partibus. Si acida quæ permiscuntur cum oleis recondentibus alkalina, habeant sibi adjuncta sulphura tenuiora, & spoliata fuerint aqueis partibus, tunc non solum vehementior est fermentatio, sed etiam copiosi erumpunt fumi, & exoriuntur flammæ: illa verò phænomena nunquam eduntur, nisi olea fuerint terreis partibus purgata, & nisi plura recondant salia alkalina, ac tandem nisi acida copulentur cum sulphuribus te-

246 DE PRIMIGENIIS CORPORIBUS
nuioribus. Hâc de causâ solus spiritus nitri permix-
tus cum oleis ritè defæcatis, ut oleum gayaci, car-
vi, &c. valet flammâs procreare; & eâdem de
causâ nulla acida, nec ipse spiritus nitri, flammâs
procreant, dum fermentescunt cum alkalinis fixis,
siquidem illa fuerint spoliata partibus sulphureis.

Quamvis verò urinosâ salia gaudeant pluribus
partibus sulphureis, attamen eorum fermentatione
non procreantur flammæ, eò quòd plurimis socian-
tur partibus terreis & aqueis.

His patet quòd acida salia sunt homogenea &
sociantur ac cohærent cum aquâ, terrâ & oleo, sive
sulphure, & quòd solis partibus igneis videntur
heterogenea, siquidem cum his nunquam sociantur
nec cohæreant, nisi intermedii ope. His positis,
perspicua est causa quâ fit ut ipsa dissolvant substan-
tias quæ terrâ, aquâ & oleo præcipuè conflantur.

Omnes substantiæ compositæ quibuscum ferment-
escunt & adunantur acida, vocantur *substantiæ*
alkalinæ, ubi ex illorum corporum connubio gi-
gnuntur crysalli aquâ solubiles & salinæ: at omnes
substantiæ quibuscum fermentescunt & adunantur
salia acida, non procreant crysallos salinas; quam-
obrem non fortiuntur idem nomen ac sulphura &
plurima fossilia.

Sal falsus, seu neuter, procreatus connubio salis
acidi fossilis cum alkalino fale vel cum substantiâ
alkalinâ, gaudet dotibus propriis ac peculiaribus
acido fossili, quo fuit procreatus, id est, quo fue-
runt adimpleti pori alkalium vel substantiarum al-
kalinarum; etenim si nitri spiritus affundatur sali
tartari, oriuntur crysalli nitri; si spiritus salis adu-
natur eidem sali tartati, procreantur crysalli si-
miles crysallis salis marini; tandem spiritus vitrioli

permixtus cum eodem sale, parit crystallos vitriolicas.

Verùm figura (a) quâ donantur crystalli genitæ ex adunatione acidi cum substantiâ metallicâ, non oritur ab indole seu naturâ salis acidi, sed à substantiâ quâcum adunatus fuit; v. g. figura longiorum acuum quâ donatur nitrum, figura cubica salis marini, quadrata longiora salis gemmei exagona; vitrioli triangularis figura; aluminis, ovalis figura, complanata boracis, acus longiores & ramosæ salis ammoniaci, &c. omnes illæ figuræ non oriuntur à naturâ salis acidi; nam experimentis constat quòd idem sal acidus gignit crystallos diversas pro diversâ naturâ substantiæ quâcum fuit adunatus; etenim spiritus acidus nitri qui junctus sali tartari procreat longiores acus, ipse concrevit in crystallos exagonas, ubi nequitur cum cupro: ipse junctus cum ferro gignit crystallos irregulariter quadratas, & cum argento parit lamellas complanatas, tenues, latas, triangulares & denticulatas. Postquam spiritus acidus nitri dissolvit mercurium, oriuntur crystalli figuram apicis æmulantes; ubi spiritus acidus nitri dissolvit argentum & mercurium simul permixta, crystalli quæ gignuntur, præbent figuram dumorum seu arbuistorum, &c. idem experimur, dum alia acida in crystallos concrevissent cum substantiis metallicis.

Plura testari videntur experimenta minimam & exilissimam esse molem partium acidarum; nam constat quòd illæ suspensæ tenentur & errant in aquâ absque ullâ ipsius pelluciditatis imminutione, quamvis tunc plurimæ partes salinæ cohæreant &

(*) Act. Reg. Scient. Acad. Paris. an. 1702, in comment. D. Homb. p. 33.

248 DE PRIMIGENIIS CORPORIBUS
fasciculos seu massulas salinas construant : constat
adhuc plura salia alkalina volatilia juncta sulphuri-
bus tenuissimis , effugere temporis progressionem
(sub insensibilium vaporum formâ) è vasis diligenter
obturatis : at, cum illi sales volatiles coalescant,
ut diximus, acidis & sulphureis partibus, sequitur
tantam esse tenuitatem acidorum, ut possint pluri-
morum corporum poros pervadere nullo superstitute
eorum transitûs indicio, quamvis nectantur sulphu-
ribus.

Pro certo tenent Physici & Chymici sensationes
odorum suscitari non posse solis partibus sulphureis,
eò quòd sulphura sinceriora & partibus extraneis
purgata, nullum aut debiliorem odorem spirant. E
contrà patet quòd sulphura quibus nectuntur salia,
vehementer concutiunt odoratûs organa; undè col-
legerunt odores gigni salium & sulphurum aduna-
tione : at constat plurima fragrantia corpora in va-
sis ritè obturatis inclusa, odorem longè lateque dif-
fundere; undè sequitur salia tantâ donari tenuitate
seu exilitate quâ possint plurimorum corporum po-
ros transmeare.

Prætereà constat experimento ill. Homberg su-
perius allato, aquam inspidam plurima recondere
salia quæ nullum saporem referunt, nisi plures par-
tes salinæ fuerint in fasciculos seu massulas con-
gestæ; undè sequitur quòd simplicissimæ partes sa-
linæ adeò sunt exiles, ut non possint gustûs organa
commovere, ut diximus. Jure igitur ac meritò
possumus ex his colligere exilissimas & tenuissimas
esse partes salinas simplices.

Opponunt tamen nonnulli Chymici tantam non
esse acidarum partium exilitatem, siquidem ipsæ
non possint effugere per poros vasorum, licèt in-

tenso & diuturno calore fuerint uisæ : at notandum 1°. quòd acida quæ non possunt effugere è vasis quibus fuerant inclusa , non erant simplicissimæ partes acidæ , & quòd illæ erant in fasciculos congestæ ; undè oriebantur massulæ crassiores , quàm ut poros corporum permearent.

2°. Attendendum quòd salinæ partes secum adunatæ , non sejunguntur intenso calore , nec ignis torturâ , ut patet experimentis ; neque enim acida constituentia sales neutros , sejungi possunt à salibus alkalinis vel substantiis alkalinis , nisi ope intermediis.

Præterea figura salium acidorum officere potest eorum transitui per poros corporum ; nam , cùm illa salia æmulentur figuram fusorum , id est , cùm illa donentur figurâ oblongâ quorum extrema sunt acuminata , dum media pars protuberat , illa non possunt subire & ingredi poros , nisi unum ex eorum extremis directò in illos trudatur. At rarius est quòd unum ex eorum extremis occurrat poris , dum forsùm tolluntur igne , cò quòd illa salia tunc orbiculatim aguntur ratione eorum figuræ , ut diximus.

ARTICULUS SEXTUS.

De Sulphure Elementari.

ELICIUNT Chymici ex omnibus corporibus substantiam fluidam lentam , ad accensionem promptam , pellucidam , per se inspidam & inodoram , quæ tamen diversos sapes , odores & colores procreat , statim atque jungitur sali : illa digitis tractata , pinguis est , ac lubricam facit super-

250 DE PRIMIGENIIS CORPORIBUS
ficiem corporum quibus adhæret : ipsa plurimum
distendi & rarefieri potest absque sejunctione par-
tium quibus coalescit.

His patet hanc substantiam esse prorsus diversam
ab omnibus aliis substantiis simplicissimis de quibus
egimus, nullæ enim sunt ad accensionem promptæ,
nec gaudent omnibus aliis dotibus quibus hæc dona-
tur. Huic imposuerunt Chymici nomen *sulphuris*
vel *olei*, eò quòd omnia corpora cognita quæ vo-
cantur *sulphur* vel *oleum*, sunt ad accensionem prom-
ta, nisi debitâ aquæ copiâ permisceantur, vel ob-
ruantur terrâ.

Hanc substantiam inter corporum elementa re-
censuerunt Chymici, eò præcipuè quòd ex omnibus
corporibus in integrum educi potest; nam quam-
plurimi contendunt eam non debere inter substan-
tias simplicissimas recenseri, 1°. eò quòd recondit
plurimas partes igneas quæ citiùs avolant; 2°. eò
quòd solvi potest in salem, aquam & terram; 3°. eò
quòd verisimilius videtur eam procreari ab aquâ,
terrâ & sale, debitâ quantitate, debitoque cum
ordine copulatis, ut dicemus : in medium igitur
protulerunt sulphur seu oleum non esse substantiam
simplicissimam, sed mixtum coalitum partibus
igneis, aqueis, terreis & salinis.

Scripsit ill. Homberg (a) sulphur elementare nil
aliud esse quàm materiam igneam, eò quòd in-
flammatiō seu accensio sit dos seu proprietas pecu-
liaris sulphuri quâ distinguitur præcipuè ab omni-
bus aliis substantiis simplicissimis.

Afferuit igneam materiam procreare omnes spe-

(a) Act. Reg. Scient. Acad. Paris. tentam. Chym. De Sulphure Element.
ann. 1705. pag. 88.

cies sulphurum, pro naturâ substantiarum in quibus delitescit & reconditur. Opinatur omnes substantias sulphureas in quatuor classes dividi debere, nempe in sulphur metallicum, sulphur vegetabile, sulphur animale, & sulphur bituminosum: constitetur tamen sulphur vegetabile & animale ita esse sibi similia, ut in eâdem classe reponi possint.

Existimat sulphur metallicum (a) procreari materiâ luminis infixâ substantiæ mercuriali, & quòd illa altiùs adacta in partes mercurii, parit sulphura metallica perfecta, quibus componuntur nobiliora metalla, ut aurum. Contrà verò profert quòd ubi materia luminis non fuit intromissa in intimam compagem partium mercurii, & ipsarum duntaxat superficiei adhæret, sulphura sunt minus perfecta, & existimat his coalescere mineralia & imperfecta metalla.

Docet sulphura vegetabilia & animalia coalescere partibus materiæ luminis intromissis in nonnullas substantias vegetabilium, quas in posterum vocat *substantias oleosas*.

Tandem docet quòd materia luminis intromissa in substantias terreas, edit sulphura bituminosa: asserit sulphur elementare (b) seu materiam luminis constituentem sulphur quodcumque, esse semper eandem, & nunquam induere aliam naturam, licet diversa procreet sulphura, hancque materiam posse sese extricare è specie sulphuris quod procreaverat, & in simplicem luminis materiam abire, vel transire è specie sulphuris quod ediderat, in aliud sulphur, id est, illam materiam sese spoliare sub-

(a) Act. Reg. Scient. Acad. Paris. ann. 1706. pag. 264 & seq.

(b) Act. Reg. Scient. Acad. Paris. an. 1710. pag. 224 & seq.

stantiis quibus erat intricata, & in alias transire, ac sic constituere diversas sulphurum species, quod quidem probare tentat pluribus experimentis. Etenim in medium protulit. 1^o. quòd substantiæ metallicæ quæ fuerunt in scorias exsiccatae calcinationibus, non possunt postea liquefcere, & quòd non sunt ductiles nec malleabiles: at quòd illæ substantiæ recuperant has dotes, statim atque iusta sulphuris vel olei vegetabilis vel animalis quantitas ipsi fuit affusa; tunc enim illa olea substituuntur sulphuri quod illæ substantiæ deperdiderant, ita ut illæ recuperent pristinam naturam, ac fiant fusiles, ductiles, malleabiles, & acquirant omnes dotes quas calcinatione deperdiderant.

Hâc de causâ mineralia vel metalla nunquam exsiccantur igne vulgari vel elementari, si imponantur corporibus in quibus delitescunt sulphura vel olea, v. g. carbonibus, &c. nam oleum fulcimenti liquefacti transit in mineralia vel metalla, & obstat quominus exsiccentur, ita ut abeant in fumos vel vapores.

Verùm si eadem mineralia imponantur corporibus spoliatis oleo, v. g. catillis in quibus coquitur & purgatur aurum, &c. illa in scorias abeunt & omnes suas dotes amittunt: sic, v. g. stanni frustulum positum in foco speculi caustici, super cattillum liquefcit, plures exhalat fumos; postea verò superficies guttulæ metalli fusi pilis eminentibus hispida fit, non secus ac scopula seu apex fericus; illa verò materia seu illud stanni calcinati frustulum non potest postea liquefcere igne vulgari vel elementari; at, si illa materia imponitur carbonibus & igni committatur, tunc oleum carbonum transit in scorias stanni, & illud suam naturam recuperat, postea

verò liquefcit, & in guttulam ftanni liquefacti revertitur.

His patet experimentis quòd oleum vegetabilium vel animalium permixtum cum mineralibus vel metallis fpoliatis calcinatione fuis fulphuribus, eorum vices fupplet, & confert mineralibus omnes dotes quas amiferant avolatione fuarum partium fulphurearum.

Tentare voluit poftèa ill. Homberg (a), an poffet fejungere fulphura metallorum & ea introducere in fpiritus acidos vegetabilium & foßilium, qui fuâ naturâ paucioribus donantur fulphureis partibus.

Ad illud folvendum experimentum elegit ferrum, eò quòd abundat partibus oleofis quæ citiùs liquefcunt in foco fpeculi cauftici, & quæ citiùs ebibuntur ab aliis metallis paululùm fulphureis, ut argentum: quamobrem ferri fruftulum impofuit argento in foco fpeculi cauftici, & animadvertit quòd fuperficies fruftuli ferri cooperiebatur oleo nigro, tranflucido, ita ut tranfpici poffet ferri fruftulum non liquefactum, & nitens ut ferrum recenter limatum: obfervavit adhuc quòd oleum ferri delapfum in argenti maffam, ipfius fubierat compagem, non fecùs ac aqua ingreditur chartam emporeticam, & quòd ferrum hâc arte fuo fpoliatum oleo non poterat igne folvi.

Verùm cùm non potuiffet poftèa hoc educere oleum ex argento, nec ignis, nec acidorum ope, aliam excogitavit operationem, & fubftituit argento ftannum è quo poffet faciliùs educere oleum ferri. Pofuit igitur fuper carbonem in foco fpeculi cauftici

(a) Act. Reg. Scient. Acad. Parif. ann. 1710, pag. 228.

254 DE PRIMIGENIIS CORPORIBUS
ferrum & stannum. Ea verò removit à foco, statim
atque fuerant liquefacta & permixta, tunc rursus
imposuit alia stanni & ferri frustula donec debitam
haberet quantitatem illorum metallorum simul fusorum.
Posuit semi-libram horum metallorum simul
liquefactorum in catinum, & hæc urfit igne intensissimo : tunc observavit materiam tenuem & levem
gossypio similem fursum tolli, & magnam ipsius
partem adhærere lateribus catini : collegit unciam
hujus materiæ, & superstes in fundo catini materia
concrevit in massam duram ac fragilem, non
secus ac ferrum recenter liquefactum.

Affudit debitam aceti distillati quantitatem materiæ gossypio simili, & expertus est quòd ille spiritus aceti, naturâ suâ limpidus, induebat colorem subrubrum, accedentem ad colorem mali aurei. Colato hoc aceto, novum affudit acetum materiæ residuæ, iteravitque colationes & affusiones, donec omnis materia fuerit soluta : has omnes solutiones, quæ constituebant quatuor sextarios, vulgò duas pintas Parisienses, distillavit calore leniori sabuli, & eduxit tres sextarios phlegmatis. Cùm verò animadvertisset postea in collo ampullæ cornutæ nonnullas olei guttas, mutavit recipiens & ignem adauxit, cujus ope eduxit unciam liquoris oleosi subrubri, ferientis acerrimè gustus & odoratus organa : hic liquor diffundebat odorem aromaticum, & accendebatur flammâ candelæ, ut alkohol vini : ipse affusus aquæ supernatavit, ut olea essentialia vegetabilium.

Cùm verò vereretur ne illud oleum oriretur ab aceto, eandem instituit operationem cum spiritu vitrioli debiliori facto affusione justæ quantitatis aquæ, & eduxit oleum simile illi quod elicuerat cum

aceto ; undè intulit illud oleum à metallis oriri. Monet quòd acetum solvere non potest materiam gossypio similem, si urgeatur leni vel intenso calore ; at hanc solutionem absolvi facilè, si acetum nullo alio donetur calore quàm is quo gaudet atmosphæra.

Eamdem adhuc tentavit operationem, ac substituit zinchem ferro & stanno liquefacto ; eduxit verò è zincho materiam similem huic quam habuerat è ferro & stanno simul liquefactis : huic affudit acetum distillatum, vel spiritum vitrioli debilitatum aquâ, & eduxit eâdem arte oleum simile illi quod eduxerat è ferro & stanno ; undè intulit zinchem posse conflari & componi ferro & stanno : aliis adhuc rationibus hanc firmat (a) opinionem. Si attendimus ad omnia experimenta quæ peregit ill. Homberg, dilucidè percipiemus quòd materia luminis non potest haberi pro sulphure elementari ; nam *sulphuris* vocabulo subjicitur notio corporis ad accensionem & inflammationem prompti, quod comburitur & crematur : at materia luminis nec inflammatur nec crematur, sed inflammat & comburit, proindeque non potest haberi pro sulphure, quod quidem fatetur ipsemet Homberg ; nam asserit flammam procreari ab oleosâ substantiâ corporis quod comburitur, & hanc substantiam esse magis idoneam quàm omnes aliæ substantiæ ad complectendam & irretiendam luminis materiam. (b)

Prætereà vix animo percipiemus quòd sulphur metallicum coalescat luminis materiâ in mercurii compagem adaçtâ ; nam ipsemet Homberg asse-

(a) Act. Reg. Scient. Acad. Paris. ann. 1710. pag. 234.

(b) Act. Reg. Scient. Acad. Paris. ann. 1703. pag. 89. & seq.

256 DE PRIMIGENIIS CORPORIBUS
rit luminis materiam adeò esse tenuem & exilem, ut
facile permeet omnium corporum poros, non secus
ac grana sabuli transeunt per maculas reticuli. Hoc
posito, patet luminis materiæ partes non posse irre-
tiri in intimâ compage mercurii. Præterea, dum
sulphur metallicum transit in spiritus acidus, nullæ
colliguntur materiæ partes.

Tandem si sulphur metallicum coalescebat mer-
curio & materiâ luminis, sulphura vegetabilium &
animalium quæ nullas recondunt hydrargiri partes,
non adimplerent vices sulphuris metallici, nec re-
stituerent metallis omnes dotes quas deperdiderant
calcinatione. Non negabimus quòd sulphura me-
tallorum secum nonnunquam adjunctas habent mer-
curii partes, eò magis quòd mercurius est maximè
homogeneous pinguibus & oleosis corporibus: at illæ
mercurii partes non constituunt naturam sulphuris
metallici, siquidem sulphura vegetabilium & ani-
malium nullas partes mercurii recondentia, tri-
buant metallis omnes dotes quas mutuari poterant
à suo sulphure metallico, & reverâ consentire
postea videtur ill. Homberg, substantias oleosas
esse reverâ & actu sulphur elementare omnium cor-
porum, sed asserit cum plurimis Chymicis substan-
tias oleosas non esse simplices, & eas solvi posse in
alias substantias simpliciores, nempe in aquam,
terram, salem. Etenim refert (a) se subjecisse ana-
lysi chymicæ sulphura bituminosa, olea essentialia
& foetida vegetabilium, pingues seu oleosas eorum
substantias expressas, necnon eorum succos resino-
sos, ac tandem diversas partes animalium oleo vel
sulphure redundantes, & ex his omnibus substantiis

(*) Act. Reg. Scient. Acad. Paris, ann. 1796. pag. 268.

eduxisse magnam quantitatem terræ, salis acidi & aquæ, ac minorem quantitatem olei acerrimi, quod repetitis distillationibus effugit, remanente, post singulas distillationes, aquæ, salis & terræ minori copiâ; & asserit quòd sulphur elementare distillatum fuit, & quòd non cadit sub sensus.

Quamvis omnes asserant Chymici sulphur vel oleum in aquam, sales & terram solvi, ipsumque esse corpus coalitum illis substantiis; attamen nulli, quos sciam, in medium protulerunt pondus aquæ, salis & terræ eductorum è sulphuribus, æquale fuisse ponderi sulphuris quod analysi chymicæ subjecerunt; undè sequitur plurimas partes potuisse avolare & effugere: an verò aqua, terra & sal effugerint, ambiguum videtur; nam aqua, sales & terra non effugiunt per poros vasorum, nisi fuerint priùs in vapores insensiles expansa; proindeque, postquàm vasorum commissuræ fuerunt convenienti luto diligenter obturatæ, nullæ aut pauciores partes effugere possunt; undè sequitur quòd omnes illæ substantiæ deberent constituere pondus æquale ponderi olei quod fuit distillatum. Præterea aqua, sal & terra nonnisi ad minorem evehuntur excelsitudinem, nisi sint sulphureis partibus conjuncta.

Quamvis igitur sulphur & oleum solvantur in aquam, salem & terram, attamen certiores non sumus quòd sulphur elementare his confletur substantiis, & conjecturis augurari licet dari substantiam diversam ab aliis quæ gaudet peculiari & sibi propriâ dote accendi & inflammari. Illa potest sub sensus non cadere, & in auras diffari, nisi jungatur cum aquâ, terrâ & sale, non secùs ac salium particulæ quæ sub sensus non cadunt, nisi sint permix-

tæ cum partibus aqueis, vel nisi conjunctæ partibus terreis; attamen constat sal esse substantiam diversam à terrâ & aquâ. Quid igitur vetat opinari sulphur elementare esse substantiam peculiarem & simplicem, quæ sub sensus non cadit, nisi sit adjuncta aquæ, salis & terræ, & quòd illa citiùs diffatur, strictioresque permeat poros, ubi partes luminis quas recondit, evolutæ & motu actæ eam diviserunt in exilissimas partes; nam constat, ut diximus, quòd partes aqueæ, salis & terræ sub sensus non cadunt, ubi fuerunt, in simplices partes solutæ.

Etenim sub sensus non cadunt aqueæ partes per atmosphæram diffusæ, quamvis constituent majorem partem ponderis aëris, & valeant citò solvere salem tartari: salia acida, alkalina & salia multâ aquâ diluta nullum saporem referunt, eò quòd in exiliores fuerunt soluta partes, quàm ut illæ valeant organa gustûs concutere.

Præterea terreæ partes divisæ ab acidis in tenuiores particulas, nant in aquis absque ullâ immixtione pelluciditatis aquæ, & illæ inconspicuæ sunt, ac sub nullos sensus cadunt, quamdiu adherent acidis.

A pari fieri potest ut partes sulphureæ sub sensus non cadant, nisi sint conjunctæ & irretitæ terreis, salinis & aqueis partibus: dum verò tentant Chymici sejungere substantias oleosas ab aquâ, terrâ & sale, tunc luminis partes delitescences & hospitan-tes in sulphureis partibus, evolvuntur, motu aguntur, dividunt sulphureas partes in quibus delitescabant in particulas adeò exiles, ut possint effugere per poros vasorum & in auras diffari; quod probatur vaporazione oleosi illius liquoris coaliti ex alkohol vini & oleo vitrioli, qui nuncupatur *æther*;

ille enim avolat è vasis diligentius obturatis.

Quamvis igitur non possimus habere partes sulphureas simplices & ab aliis sejunctas substantiis, & educamus tantum aquam, terram & salem è substantiis oleosis; attamen non inde sequitur substantias oleosas non esse simplices, & coalescere aquâ, terrâ & sale quæ nunquam inflammari possunt; eoque lubentius hæc amplecti potest opinio, quod nulli Chymici potuerunt substantias oleosas gignere connubio aquæ, terræ & salis.

Nonnulla tamen experimenta probare videntur oleosas gigni substantias temporis progressionem, partium aquearum, terrearum & salinarum connubio; etenim asserit ill. Homberg (a) quod semina juniorum plantarum, quæ non sunt perfecte matura, præbent magnam aquæ quantitatem, paucâ sulphura & debitam salis fixi copiam, & quod eadem semina matura suppeditant majorem olei copiam. Docet quod è feminibus diu servatis, educere possumus olei copiam majorem eâ quæ stillat ex illis feminibus recentibus; unde colligit olea temporis progressionem procreari terræ, salis & aquæ debitâ copulatione.

Animadvertit præterea ill. Geoffroy in Introductione ad Materiam Medicam, pag. 20, plantas aromaticas aquis tantum immerfas, incrementum, & ex ipsis postea educi multo majorem quantitatem olei quam potuissent antea suppeditare.

At reponere possunt nonnulli has partes oleosas fuisse in aquis reconditas; nam, cum experimento constet aquam limpidam nullo sapore donatam, recondere posse justam salis & terræ quantitatem, pa-

(a) Act. Reg. Scient. Acad. Paris tom. II. ann. 1695. pag. 246

et illam posse etiam complecti partes oleosas.

Affert adhuc ill. Geoffroy, pag. 27 suæ Introductionis ad Materiam Medicam, experimentum quod magis firmare videtur procreationem sulphuris ab aquâ, terrâ & sale. Si enim, (inquit,) fabæ aut pisa recentia & adhuc virentia è retortâ distillantur, acidum spiritum copiosum præter magnam phlegmatis quantitatem & nonnihil olei præbent. Si verò hæc semina tempore convenienti stant & fermentescunt in aquâ vulgari, copiosum spiritum ardentem largiuntur. Si tandem absque ullâ sensibili fermentatione per aliquot servantur menses in loco arido, spiritum alkalinum urinosum distillatione exhibebunt, nihil verò aut parùm acidi liquoris. Hinc colligit salem acidum cum terrâ & aquâ sociatum procreavisse sulphur.

Reponunt verò nonnulli D. Boerhave asseruisse in suâ Chymiâ, vol. 1^o, pag. 428, aërem vaporibus scatentem subire poros diversorum corporum, & in ipsos ferre diversos vapores quibus redundat. Hinc colligunt diversas partes oleosas in aëre vagantes, intromissas fuisse in poros procreatos aquearum partium vaporatione, & ipsas cum acidis, aquâ & terrâ permixtas procreavisse spiritum urinosum.

Prætereà refert Becker (a) se suspensum tenuisse magnum vas vitreum in quo incluserat ova in vaporibus aquarum thermalium, & longo elapso temporis spatio aperuisse illud vas, & ova diffregisse : ea reperiit recentia & non putrida, sed vitella erant quasi sulphure condita, & similia illis quæ *Sinensum* more sale & terrâ conduntur. Hinc legitimè colli-

(a) Lib. I. Sect. II. Cap. IV. pag. 91. édit. ann. 1703.

git partes salinas & sulphureas quibus scatent vapores aquarum thermalium, subire poros vitri ac putaminis ovorum, ac penetravisse in vitella.

A pari, sulphureæ partes quibus scatet atmosphæricum fluidum, possunt intromitti in poros corporum è quibus effluerunt aqueæ partes.

Tandem arguunt, vix animo percipi posse quòd aqua, terra & acida componere possint substantiam ad accensionem promptam, siquidem illæ substantiæ non sint maximè homogeneæ partibus igneis, nec cum his copulentur.

His omnibus perpensis, opinamur cohibendum esse nostrum iudicium, donec alia experimenta nos docuerint an partes oleosæ sint reverâ coagmentatæ debitâ copulatione partium aquearum terrearum & salinarum, an verò partes oleosæ sint partes simplices diversæ ab aliis substantiis, & suâ naturâ gaudentes peculiari dote, citiùs inflammari, &c.

Videtur tamen ill. Homberg denegare sulphuribus seu oleis dotem peculiarem flammis facile comprehendendi. Etenim asserit (a) quòd omnes substantiæ quæ inflammantur, sunt equidem oleosæ reu sulphureæ; sed negat omnes sulphureas substantias inflammari, nisi sint acidis adjunctæ, opinaturque sulphura eò magis esse ad accensionem composita, quò plura acida sibi adjuncta habent: suam firmat opinionem pluribus experimentis. Si, inquit, sulphur vulgare spoliatur analysi chymicâ suis acidis (b), pars resinosa superstes non accenditur flammâ candelæ, & comburi non potest, nisi prunis imponatur.

(a) Act. Reg. Scient. Acad. Paris. ann. 1706, pag. 271.

(b) Act. Reg. Scient. Acad. Paris. ann. 1703.

Si phosphorum urinæ distillationi subijcimus, educemus liquorem aqueum & acidum qui non inflammatur, & superstes materia terrea, subflava & pinguis vix inflammatur (a).

Si partes æquales spiritûs nitri & olei caryophyllorum simul misceantur, exurgit resina quæ multo magis est ad accensionem prompta quam oleum caryophyllorum.

Ex his colligit sulphura non inflammari, nisi sint acidis conjuncta, & ea esse eò magis ad inflammationem composita, quò pluribus scatent acidis; attamen assentiri non possumus ill. Homberg; nam verisimile videri potest quòd si sulphur vulgare non est ad accensionem promptum postquam analysi chymicâ fuit suis acidis spoliatum, illud oritur eò quòd postea redundat terreis partibus quibus involvuntur partes sulphureæ; at, cum partes terreæ involventes sulphura, obtent quominus igneæ partes ad ipsa faciliè pertingant, sequitur quòd materia quæ superest postquam sulphur fuit acidis spoliatum, accendi non potest leniori igne, v. g. candelæ flammâ, eò quòd singulæ ipsius partes obruuntur terreis partibus.

Eadem de causâ materia terrea subflava & pinguis quæ superest postquam eductus fuit ex urinæ phosphoro liquor acidus, non faciliè inflammatur, eò quòd tunc terreæ partes abundantes cooperiunt partes sulphureas.

Tandem resina edita ex oleo caryophyllorum & spiritu nitri, faciliùs accenditur oleo, eò quòd pauciores recondit partes aqueas.

Non sequitur igitur legitimè ex ill. Homberg ex-

(a) Act. Reg. Scient. Acad. Paris. ann. 1706.

perimentis , oleosas partes non inflammari , nisi sint acidis junctæ , & ex his tantum sequitur oleosas partes non posse facile flammis corripì , ubi involvuntur terreis partibus quæ impediunt quominus ignis ad oleosas partes pertingat , vel ubi circumambiuntur partibus aqueis quæ respuunt & remove connituntur igneas partes ; proindeque pro certo semper habebimus sulphura & olea esse suâ naturâ inflammabilia , & illas duntaxat substantias hâc dote donari : sive sulphura seu olea sint substantiæ simplices vel compositæ , constabit semper olea & sulphura ex omnibus educi corporibus , & ipsa efficere 1°. ut metalla sint ductilia & malleabilia ; 2°. ut alia corpora possint accendi & comburi.

Tentaverunt Chymici notionem assequi figuræ partium oleosarum. Cum verò animadvertissent olea esse insipida , inodora & lenta , tactu pingua , ipsaque lubricas facere corporum superficies quibus adhærent , ac tandem plurimum exporrigi ac rarefieri posse absque mutuâ se junctiōe , colligerunt sulphureas partes spectari posse tanquàm filamenta flexilia , longiora , tortuosa & accedentia ad figuram filamentorum lanæ pectitæ ; hac enim positâ figurâ , dilucidius percipiebant causam dotium quibus gaudent olea , necnon corpora in quibus redundant. Etenim , ratione suæ flexilitatis , non possunt gustûs & odoratûs organa debite ferire , nisi sint salibus conjuncta. Illa filamenta strictius sibi cohærent , & aliis corporibus , ratione oblongæ suæ figuræ , ac proinde non possunt tam facile & discretim moveri , undè lentior sit eorum fluxus ; eadem filamenta digitis adhærentia viscositatis & pinguitudinis sensationem suscitant. Ipsa scabræ superficiei adhærentia adimplent cava , vel obte-

264 DE PRIMIGENIIS CORPORIBUS
gunt extantias rigidas & molles, seu lubricas faciunt corporum superficies, ratione suæ flexibilitatis : ipsorum longiori superficie fit ut longius distendi ac rareferi possint absque sejunctione.

Eâdem de causâ diversis partibus corporum adhærentia eas simul catenant, & obstant quominus sejungantur. Vices enim suppleant filorum seu catenarum conjungentium & retinentium duo corpora à se invicem sejuncta ; hinc oritur ductilitas & maleabilitas corporum.

Tandem, cùm illa filamenta plurimas recondant partes luminis seu igneas, perspectum est corpora his coalita filamentis, futura eò magis ad accensionem & inflammationem prompta, quò pluribus filamentis sulphureis gaudebunt.

Cùm illa filamenta sinu suo complectantur igneas partes, spectari possunt tanquàm tubi cavi, vel ut corpora spongiosa plurimis loculamentis ornata, illa sunt levissima ratione multitudinis suorum loculamentorum seu pororum, & ratione partium luminis quas recondunt. Ipsa in figuram sphæricam cogentur minori vi exterius premente, ratione suæ flexibilitatis ; hinc fit ut sulphura in flocculos sphæricos ut plurimum congerantur.

Prætereà, cùm magna dentur interstitia inter sulphurum filamenta, ratione suæ figuræ tortuosæ, sequitur flocculos sphæricos his coalitos filamentis, fore levissimos.

Rursus, cùm figura sphærica sit maximè ad motum composita, sequitur quòd illi flocculi poterunt minori vi excelsius ferri cum ratione suæ levitatis, tum ratione suæ figuræ, nisi interstitia quæ sunt inter filamenta, repleantur corporibus extraneis gravioribus.

Illi flocculi seu filamenta sulphurea attenuantur, si cum ipsis permisceantur salia alkalina, eò quòd illa salia quæ sunt sphærica & echinata, non possunt motu agi inter flocculos vel inter filamenta sulphurea, quin ea discerpant & dividant, non secùs ac cardui fullonum dividunt ac carpunt lanæ filamenta quibus contexuntur panni; illa tamen salia & olea tenuiora in corpus concretum abeunt, si addantur partes terreæ, vel si spolientur aquâ: quod experimur dum conficiuntur saponēs.

Salia verò acida quæ protuberant in mediâ suâ parte, replent interstitia quæ sunt inter filamenta & in ipsis irretiuntur, ac proindè solidiorem faciunt sulphurum compagem, non secùs ac plurimi cuneoli seu plures acus crassiores intromissæ intrâ interstitia filamentorum lanæ, solidiorem faciunt ipsius compagem.

Omnia sulphura non sunt solummodò maximè homogenea materiæ luminis quæ in his hospitatur, sed etiam non sunt heterogenea salibus & terris, siquidem cum his facilè jungantur & strictiùs adhæreant.

Verùm sunt prorsùs heterogenea partibus aqueis, & nunquam cum his permiscentur, nisi intermediî salini ope: hinc fit ut olea crassa (a) quæ fuerunt ebullitione, vel expressione elicitæ, non permiscentur nec solvuntur spiritu vini, nisi fuerint emendata; & quòd è contrà olea essentialia quæ spiritu vini facilè solvuntur, non possunt ab ipso solvi, ubi fuerunt magis purgata. Ad hujus phænomeni causam dilucidandam, in memoriam revocat clariss. Macquer, 1°. quòd spiritus vini coalescit oleo

(a) Dom. Macquer. Act. Reg. Scient. Acad. Paris. ann. 1745, pag. 35.

266 DE PRIMIGENIIS CORPORIBUS
tenuiori & aqueis partibus; 2°. quòd acida quæ re-
conduntur in oleis crassioribus, ita sunt involuta
terreis & oleosis partibus, ut non emineant; 3°.
quòd è contrà acida copulata oleis essentialibus
plurimùm prominent.

His cognitis, perspicuum fit partes aqueas spiri-
tûs vini repellere & remove (ratione suæ hetero-
geneitatis) partes oleorum crassiorum, & sic obsta-
re quominus accuratè permisceantur & copulentur.
Verùm, ubi illa olea fuerunt crassioribus partibus
spoliata, tunc prominent & extant acida; partes
verò aqueæ his occurrentes illa solvunt & cum his
nectuntur; undè exurgit corpus compositum & mi-
nùs heterogeneous quod non repellitur à partibus
oleosis, & quod potest pertingere ad oleosas spiritûs
vini partes, & cum his accuratè permisceri ac copu-
lari. Hâc fit de causâ ut olea crassiora solvantur vini
spiritu, ubi fuerunt emendata & purgata crassiori-
bus partibus quibus involvebantur acida.

Contrà verò dum olea essentialia analysi Chy-
micæ subjiciuntur, ita ut magis emendentur, tunc
spoliantur acidis quæ soluta partibus aqueis spiritûs
vini constituebant corpus intermedium quocum
permisceri & adunari poterant oleosæ partes spiri-
tûs vini. Verùm, ubi olea essentialia fuerunt suis
acidis spoliata, tunc aqueæ partes spiritûs vini oc-
currentes partibus oleorum essentialium spoliatis
omni sale, eas remonent, & obstant quominus per-
tingant ad oleosas spiritûs vini partes, & cum ipsis
misceantur.



ARTICULUS SEPTIMUS.

de Fermentatione.

OMNIUM Physicorum & Chymicorum admirationem jamdudum moverunt inordinati & inconditi motus qui exoriuntur statim ac permiscuntur indolis debitæ corpora; Physicorum admirationem adauxerunt diversa phænomena quæ hos motus inconditos comitantur vel subsequuntur. Mirum enim videri debet hos motus nunc calorem mox frigus suscitare, & nonnunquam frigus & calorem ab his gigni in eodem temporis puncto. Mirum etiam his motibus nonnulla corpora in integrantes duntaxat partes solvi, aliorum verò compagem destrui novaque procreari corpora.

Illi motus quibus inditum fuit nomen *fermentationis generatim sumptæ*, distinguuntur in diversas classes, prout vehementiores vel debiliores sunt, & prout diversos pariunt effectus.

Si motus inordinati pariunt solutiones corporum in partes integrantes, illi vel *effervescentiæ* vel *ebullitionis* nomen audiunt. *Effervescentiæ* nuncupantur, si debiliores sint & similes illis quibus aguntur partes aqueæ dum effervesce dicuntur: si verò sint vehementiores & bullis stipatæ, tunc vocantur *ebullitiones*.

Si verò motus inordinati procreent corpus diversum ab illis quæ fermentaverunt, tunc *fermentationis strictè sumptæ* nomine gaudet, siue vehementiores sint vel debiliores.

Tandem imponitur nomen *putrefactionis* motibus

inordinatis quibus destruitur tota corporis compages vaporazione partium volatiliū & aquearum, ita ut supersint tantum partes terreæ, salia fixa, nonnunquam pauca sulphura crassiora.

Effervescentiæ, fermentationes & putrefactiones procreantur vel à causâ externâ, nempe permixtione corporum debitæ indolis; vel à causâ internâ, nempe à jugi transitu centralis materiæ vel aliorum fluidorum pervadentium intimam corporum compagem. Etenim patefecimus liquores animantium & vegetantium diversis agi motibus in ipsis animalium & vegetabilium tubulis, & hâc de causâ diversos procreari succos seu liquores. Aliundè constat fodinas pauperes fieri temporis progressionē divites, modò earum fauces fuerint accuratè clausæ: animadvertimus maculas gigni in intimâ corporum duriorum compage; unde sequitur vel alteratam fuisse naturam liquorum qui genesim aut accretionem illorum corporum peregerunt, vel immutatum fuisse contextum partium solidarum, proindeque constat effervescentias, fermentationes & putrefactiones gigni à causâ internâ.

De naturâ corporum fermentescentium.

Indagantes Chymici naturam corporum quæ effervescebant vel fermentescebant, &c. observaverunt liquores acidos fermentescere cum omnibus salibus alkalinis. Hinc immeritò collegerunt sola salia procreare fermentationes; nam plures animadverterunt postea Physici, & imprimis Philosophi Florentini, liquores acidos fermentescere cum substantiis merè terreis & aliis corporibus nulla præbentibus indicia salis alkalini, & quæ his de causis dictæ fuerunt *alkalinæ substantiæ*.

In medium præterea protulerunt nonnulli Chymici (a) non solum ebullire acida cum salibus & substantiis alkalinis, sed etiam cum aliis corporibus omni substantiâ alkalinâ spoliatis, v. g. cum aquâ pluvîâ purissimâ; si enim drachmæ tres olei vitrioli misceantur cum aquæ pluvîæ uncia, liquor Thermometri immersi huic mixturæ evenitur, & annotat ill. Musschembroeck hanc aquam fuisse purissimam, siquidem illa permixta cum plurimis acidis, nullos alios effectus ediderit quàm eorum colorem dilutiorem efficere. Verùm non possumus hinc inferre acida ebullire cum aquâ; tunc enim calor & ebullitio oriuntur à simplici segregatione seu solutione massularum salinarum olei vitrioli in partes tenuiores & simpliciores; cùm verò plures recondantur igneæ partes inter illas massulas, illæ effluunt statim atque massulæ sejunctæ fuerunt aquâ, non secus ac erumpunt igneæ partes è salibus alkalinis fixis, ubi solvuntur aquis.

Scripsit clar. Poly (b) sal ammoniacum vel urinae, vel cornu cervi permixta cum sale tartari, fermentescere, & spiritus nitri & salis permixtos fermentationem edere; undè intulit alkalina fermentescere cum alkalinis, & acida cum acidis.

Verùm si attendimus quòd salia quibuscum sua peregit experimenta, non sunt sincera, nempe quòd sal ammoniacum recondit acida salis marini, & quòd in alkalibus volatilibus latent, ut plurimum, nonnulla acida, tunc mirum non videbitur quòd oriatur fermentatio ubi hæc alkalia permiscen-

(a) Boile transf. philos. ann. 1664 & 1668, Vieussens de proxim. & remot. mixti corporibus.

Hooke in Phil. transf. num. 119.

Muschemb. in Ad lit. Tentam. Philos. Florent.

(b) Hist. Reg. Scient. Acad. Paris. ann. 1714, pag. 39.

270 DE PRIMIGENIIS CORPORIBUS
tur cum sale tartari : at indè non sequetur alkaliâ
fermentescere cum alkalinis.

Rursûs, si in memoriam revocamus quòd spiritus
nitri & spiritus salis retinent semper partes ipsis
extraneas, ut diximus, tunc animo percipiemus
quòd illa acida permista fermentescere possunt, eò
quòd occurrunt partes extraneæ quæ non sunt aci-
dæ, non possumus igitur hinc colligere acida fer-
mentescere cum acidis. Quamobrem pro certo te-
nebimus acida numquam fermentescere cum aliis
corporibus, quàm cum salibus vel substantiis alka-
linis, at calorem & effervescentiam, vel ebullitio-
nem oriri posse absque fermentatione & simplici so-
lutione, seu disjunctione partium inter quas recon-
duntur igneæ partes, ut diximus.

Dissentiunt inter se Chymici de naturâ partium
corporum quæ effervescentias vel fermentationes
pariebant; plures enim capti vehementiâ motûs seu
repulsûs partium corporum effervescentium vel fer-
mentescientium, asseruerunt hæc corpora luctari &
repugnare suæ adunationi, & nonnisi invita con-
nubio jungi; undè existimaverunt hæc corpora esse
inimica, id est, heterogenea. Contrà verò Chy-
mici (a) qui naturam corporum fermentescientium,
&c. perpenderunt, pro certò habuerunt corpora
effervescentia vel fermentescientia esse amica, id
est, homogenea. Etenim acida & alkalia fixa seu
volatilia, quæ majores & vehementiores pariunt
fermentationes, sunt sibi homogenea, nam terreæ
vel sulphureæ partes & cuspides acidorum quibus
gignuntur alkalia, sunt maximè homogenea acidis
quæ cum his permiscuntur; undè sequitur corpora

(a) Boerh. in suâ chymic. vol. I.

in integrum sibi homogenea vehementer fermentescere.

Aliundè corporum dissolutiones absolvi nequeunt, nisi corpus solvens subeat & ingrediatur poros alterius, & immediatè contingat latera pororum: at, cùm heterogenea corpora sese mutuò repellant, & numquam immediatè sese contingant, nec firmo nexu cohæreant, sequitur dissolutiones peragi à corporibus homogeneis, ut jam diximus.

Tandem cùm fermentationibus strictè sumptis procreentur corpora diversæ naturæ illorum quæ fermentaverunt, sequitur partes intimæ compagis utrorumque corporum in unum coaluisse: at hæc coalitio seu adunatio fieri non posset, nisi illorum partes essent homogeneæ; undè sequitur corpora fermentescentia esse sibi homogenea.

An inconditi motus qui exoriuntur dum effervescent vel fermentescunt corpora, peragantur viribus quas partes homogeneæ ad se mutuò accedentes inferunt interfusis corporibus: an oriantur à solutione compagis corporum fermentescentium.

Ambigitur inter Chymicos an motus inconditi & inordinati qui animadvertuntur, dum effervescent vel fermentescunt corpora, peragantur à vi quæ partes homogeneæ ad se mutuò latè repellunt partes interfusi fluidi, vel à solutione compagis corporum effervescentium aut fermentescentium.

Ad hanc dilucidandam quæstionem, in memoriam revocabimus 1^o. tarditatem motûs quo ad se mutuò accedunt partes homogeneæ, & necnon debilitatem virium quibus ad se mutuò feruntur illæ partes; non nisi enim simplici motu fluidi trudun-

272 DE PRIMIGENIIS CORPORIBUS
tur : at ille multò minor est motibus inordinatis ;
ac proindè non potest illos gignere.

2°. Meminisse juvabit nullos exoriri motus , dum
partes salium aquâ solutorum ad se mutuò feruntur ,
ac in massulas seu crystallos crassiores coeunt , &
partes oleosas dispersas in aquis ad se mutuò acce-
dere absque ullo motu partium interfusæ aquæ.

Præterea plura experimenta testari videntur solvi
compagem corporum effervescentium vel fermen-
tescentium ; etenim erumpit ut plurimum è corpo-
ribus effervescentibus vel fermentescentibus flui-
dum elasticum consimile illi quod terram cingit ,
& quod refert sæpius odorem proprium & peculia-
rem corporibus quæ fermentaverunt. At , cum hic
odor procreari non possit nisi partes quibus constan-
tur illa corpora , fuerint sejuncta , & quin illorum
corporum compages fuerit soluta in partes inte-
grantes , sequitur effervescentium corporum com-
pagem solvi.

Rursus , absolvi non potest novi corporis pro-
creatio , quin utriusque corporis partes ita compo-
nantur , ut in unum coalescant , ac proindè quin
unius vel utrorumque compages solvatur , quod
luculenter patefit genesi salis neutri ab acidorum
permixtione cum salibus alkalinis. Etenim sal neu-
trum non est hinc indè acuminatum ut sal acidum ,
nec ipsius superficies est aculeis horrida ut alkalino-
rum superficies. At nisi acida subirent intimam
compagem alkalinarum & eam ingrederentur , non
possent sal neutrum parere ; nam tunc inhærent
& commorarentur interstitiis quæ sunt inter acido-
rum aculeos quibus genitum fuit sal alkalinum. Si
verò acida affusa commorabantur inter aculeos al-
kalinarum acidorum cuspides , eminerent alkalino-
rum

rum aculeis qui sunt breviores acidis affusis, eò quòd debita portio acidorum procreantium alkalia, reconditur intrà terreas vel sulphureas partes compagis alkalinarum; at si cuspides affusorum acidorum eminebant aculeis alkalinarum, illi parerent adhuc corpus echinatum & porosum, id est, sal alkalinum, quod esset suâ naturâ prorsus diversum à sale neutro. Ut igitur salium acidorum & alkalinarum permixtione procreetur sal neutrum, necesse est ut solvatur alkalinarum compages, & ut acida affusa ita componantur cum terreis, sulphureis & acidis partibus quibus conflatur alkalinarum compages, & indè procreetur sal quod nec sit acuminatum, nec echinatum.

Ex his omnibus colligemus corporum effervescentium & fermentescentium compagem solvi.

Quâ verò arte peragatur solutio compagis corporum, in controversiâ est; plures enim existimant quòd aqueæ & acidæ partes in mediâ sui parte protuberantes agunt cuneorum ad instar, statim atque earum extrema tenuiora vel acuminata subierunt aditus pororum, & sic corporum solutiones moluntur.

Confitemur equidem quòd aqueæ & acidæ partes possunt, præ suâ figurâ, corporum solutiones absolvere, statim atque earum extrema fuerunt adacta in aditus pororum, modò agant in pororum latera vi majori eâ quâ secum cohærent corporum partes. Verùm quoties vis mutuæ cohærentiæ partium corporis erit potentior vi quâ pelluntur aqueæ vel acidæ partes, toties non poterunt solvere corporum compagem; nam actio cunei est semper in ratione vis pellentis, relativè ad vim cohærentiæ partium solvendi corporis; neque enim cunei scinderent

ligna, nisi pellerentur vi majori eâ quâ cohærent partes ligni. Non negabimus dari posse nonnulla corpora quorum adeo debilis est cohærentia partium quibus conflantur, ut ipsi sejungi possint minimâ vi quâ donantur partes quæ solo motu fluidi aguntur; v. g. non negabimus quod partes quibus conflantur massulæ seu crysalli salinæ, possunt sejungi minimâ vi quâ donantur aqueæ partes solo motu fluidi gaudentes, ac proinde quod compages crysallorum salinarum potest solvi solo motu fluidi aquei. At rationi repugnat opinari quod partes saxorum & rupium, quas furentes maris fluctus & validiores ictus non possunt sejungere, solvantur & sejungantur debiliori motu quo aguntur salia minoris quantitatis aceti, minori vi affusi saxi. Rationi etiam aversum est opinari quod partes ferri quæ tantis cum viribus cohærent, ut non nisi intensissimo igne sejungi possint, solvantur & sejungantur à minori vi quâ aguntur salia menstrui affusi. Perspectum est igitur solutiones plurium corporum absolvi non posse viribus quibus donantur menstruorum salia, eaque non posse procreare portentosos effectus quos pariunt fermentationes; proindeque constat corporum solutiones, effervescentias & fermentationes pendere à causâ prorsus diversâ. Cum verò hujus notitia plurimum conferre possit ad dilucidationem plurium phænomenon quæ gi-gnuntur cum in operationibus Chymicis, tum in functionibus corporis humani, utilius duximus eam indagare.

Ad hanc inquisitionem tutius & diligentius per-agendam meminisse juvabit, 1^o. corpora nunquam solvi, nisi partes menstrui valeant suâ naturâ immediate contingere corpus solvendum, & aditus pororum ingredi aut tegere;

2^o. Plura dari experimenta quibus patet fluida jugiter pervadentia corporum intimam compagem, in hanc ingentibus agere viribus, statim atque præcluduntur vel constringuntur pori, vel spiracula quibus effugere solebant.

Etenim aqua plurimum expanditur & excelsius tollitur, statim atque pori ipsius superficiei constringuntur gelu.

Si perforetur cuspide superfacies aquæ congelatæ usque ad aquam adhuc fluidam, illicò fursùm trunduntur aqueæ partes ultrà superficiem, & illæ partes in glaciem postea concrescunt sub cylindri formâ.

Aqua in vasis solidioribus inclusa, v. g. in tubis ferreis, tantis cum viribus expanditur, statim atque congelari incipit, & pori tuborum constringuntur gelu, ut valeat diffringere tubos ferreos.

Fœnum humidum in vasis inclusum, vel in cumulum congestum & ponderibus compressum, intumescit & pondera disjicit.

Lapides duriores expositi gelu, dehiscunt, vel in fragmenta abeunt, si eorum superfacies non fuerunt coopertæ terrâ, stipulis, &c.

Saxum solvitur à minori quantitate aceti cum in aëre patulo, tum in vacuo.

Si argenti fusi gutta extrahitur è catillo, & ponitur in aëre patulo super lamellam metallicam, vel lapidem, oculis videbimus plures argenti fusi partes erumpere, & excelsius ultra superficiem trudi, statim atque guttæ superfacies incipit concrescere.

Si projiciuntur nonnullæ partes aqueæ in pelvim æneam calidam & complectentem oleum fervens, experiemur plurimas partes olei crassiores hinc indè longius & excelsius projici & exsilire cum impe-

tu è locis distantibus ab illis in quæ projecta fuit aqua. Si frigida projicitur aqua in cumulum cinerum vel scobium metallorum calidiorum, illicò plurimæ partes scobium graviorum majori cum impetu disjiciuntur, disturbatur cumulus, pluresque procreantur hiatus in locis distantibus ab illis in quâ projecta fuit aqua.

Nunc attendamus 1°. solutionem partium aquearum, dum congelari incipit aquæ superficies, & partium argenti, dum frigesit & concrescit ipsius superficies, necnon inflationem humidi fœni, aliundè non posse oriri, quàm à fluidis trajicientibus horum corporum compagem;

2°. Poros superficiei aquæ coangustari, dum congelatur, & poros superficiei argenti constringi, dum frigesit, ac tandem poros fœni compressi obturari à corporibus comprimentibus.

Tuncque perspicuum erit quòd cursus seu transitio fluidorum intimam corporum compagem trajicientium, immorabitur, & quòd ipsa non poterunt solitâ copiâ efflugere: verùm eorum effluxus non potest immorari, quin majoribus agantur viribus à novis fluidis jugiter affluentibus in corporum compagem, ac proindè quin tanta vis inferatur singulis partibus hujus compagis, ut sejungantur.

Opponent nonnulli quòd debili projectione aquæ in funem crassum, ille brevior fit, etiamsi trahatur in longitudinem à gravissimo pondere. At arguunt: Si igneæ partes pervadentes funis compagem vim inferebant omnibus partibus circumpositis, statim atque præclusa fuerunt effugia, illæ agerent in aqueas partes, ac eas discuterent potius & faciliùs quàm removerent funis filamenta, quæ multò majori vi reniti debent suæ dimotioni.

His assentiri non possumus, eò quòd experimenta vulgaria infirmare videntur hoc argumentum. Etenim si aqua projiciatur in naviculæ velum laxum quod ventus hinc indè jactat, illicò velum intenditur, navicula velociùs fertur, & nonnisi post longum temporis spatium discutiuntur partes aqueæ; attamen minori vi opus est ad discutiendas aqueas partes adhærentes filis veli, quàm ad intendendum velum, & velociùs ferendam naviculam.

Minori vi opus est ad repellendas & in vapores discutiendas partes aqueas projectas in oleum fervens complexum æneâ pelvi, quàm ad excelsiùs pellendas plurimas olei guttas crassiores; attamen contrarium experimur, & diutiùs remanent aqueæ partes in pelvi antequàm discutiantur; nam per debitum temporis spatium fragor & sonus gravis, vel nonnunquam acutus, commovet auditûs organa.

Minori vi etiam opus est ad repellendas aqueas partes projectas in graviorum metallorum scobes, quàm ad hinc indè projiciendas partes scobium, & ad disturbandum cumulum scobibus coalitum; attamen illæ scobes cum impetu longiùs projiciuntur, dum commorantur aqueæ partes per debitum temporis curriculum.

Si conjecturis assequi velis causam quâ fit ut commorentur aqueæ partes, etiamsi ventus irruens magnam vim inferat velo, & etiamsi fluida trajicientia corporum compagem, projiciant longè corpora graviora, & abbrevient funem, attende poros corporum esse flexuosos, & plures obliquè hiare in cavum alterius: tunc animo percipies quòd partes fluidi protrusi in hos poros, non poterunt faciliè & illicò expelli propter flexus pororum & homogeneitatem partium fluidi, quâ fit ut immediatè sese

278 DE PRIMIGENIIS CORPORIBUS
contingant & strictius cohæreant. Præterea partes
fluidi quæ illabuntur poros adjacentes, non semper
reconduntur in integrum in uno eodemque poro;
sed portio partis fluidi occupat justum spatium in
poro, dum ejusdem partis altera portio est in alio
poro. At perspicuum est quòd partes ita reconditæ
discuti non possunt illicò, & quòd earum expulsio
nonnisi progressionem temporis absolvi potest. Hæc
conjectatio probari videtur diuturno madore filo-
rum veli, nam diutius commorantur aqueæ partes
in poris filorum veli, etiamsi ventus vehementi
cum impetu in hæc irruat.

Ex omnibus igitur allatis colligemus solvi argu-
mentum petitum à contractione funis cui appendet
grave pondus dum in hunc projicitur aqua, ac proin-
dè verisimilius semper esse, & experimentis consen-
taneum, opinari funem breviorē fieri & corporum
solutiones absolvi viribus fluidorum jugiter perva-
dentium intimam corporum compagem: illa enim
fluida agunt in fila veli vel funis, vel in partes com-
pagis corporum, statim atque præcluduntur viæ
quibus effugere solebant.

Sed quâcumque arte fiat solutio intimæ compagis
corporum effervescentium vel fermentescentium,
satis est ut constet eam solvi ad illustrandas causas
caloris, frigoris, motuum inordinatorum & incon-
ditorum, necnon procreationis novorum corpo-
rum & aliorum phænomenon quæ comitantur, aut
sequuntur effervescentias vel fermentationes.

Immeritò nonnulli asseruerunt Chymici calo-
rem gigni motu quo aguntur corporum effervescenti-
um partes: nam constat 1°. quòd salia fixa calo-
rem pariunt, statim atque solvuntur aquis; attamen
nulla fit effervescentia, saltem conspicua.

2°. Si spiritus salis plumbo affunditur in vacuo,

fit effervescentia absque ullo calore.

3°. Si oleum vitrioli permiscetur cum aquâ pluviâ, nullo motu conspicuo aguntur liquorum partes, & tamen calor adaugetur; nam liquor Thermometri huic mixturæ merfi, evehitur à gradu 48 ad 92. His patet 1°. calorem gigni absque motu intestino partium corporum; 2°. partes corporum intestino motu actas nullum edere calorem; undè sequitur calorem non pendere motu partium corporum effervescentium & fermentescentium.

Perpectam habebimus causam caloris qui oritur dum solvuntur aut fermentescunt corpora, si recordemur nos patefecisse intimam omnium corporum compagem scatere partibus igneis: hinc enim sequitur igneas partes in corporum recessibus delitescentes ex his affatim effluere, statim atque solvitur compages in qua irretiebantur, & ipsas ruere in circumfusa corpora. Cum verò non possint cumulatius affluere in corpora, quin eorum calorem adaugeant, perspicuum fit quòd calor procreatus, dum solvuntur vel fermentescunt corpora, oritur ab igneis partibus quæ ex eorum sinu erumpunt, statim atque laxata & soluta fuit eorum compages.

Perspicuam etiam habebimus causam frigoris, quòd procreatur dum solvuntur & fermentescunt corpora, si in memoriam revocamus quòd omnia salia, præter salia fixa & oleum vitrioli, frigus procreant, statim atque solvuntur; nam hinc sequitur ea sibi adjuncta habere corpuscula quæ frigoris sensationem & congelationes pariunt: at, si salia habent sibi adjuncta corpuscula frigefacientia, perpectum est quòd salia menstruorum frigus procreabunt, quoties solventur, eò quòd tunc frigefacientia corpora cumulatè diffuunt ex illis salibus. Quo-

ties igitur frigefacientia corpuscula redundabunt in corporibus, & solvetur eorum compages, toties frigescent corpora circumjacentia; & licèt simul effluant partes igneæ, attamen frigus orietur, si major sit corpusculorum frigefacientium quantitas, ut patet pluribus experimentis.

Si consentimus igneas partes & frigefacientia corpuscula affatim effugere ex intimâ corporum compage, statim atque laxata fuit & soluta eorum compages, tunc dilucidè percipiemus causam motuum inconditorum & vehementium quibus aguntur partes corporum effervescentium vel fermentescentium; nam quoties igneæ partes vel corpuscula frigefacientia erumpunt majori copiâ eâ quâ effugere possunt per interstitia quæ sunt inter partes circumfusi fluidi, nullâ vi ipsis illatâ, toties illa corpuscula vel igneæ partes motu agent partes circumfusas, modò tamen vis earum cohærentiæ non sit major vi quâ donantur; hinc etiam sequitur quòd motus inconditi partium corporum effervescentium vel fermentescentium, vehementiores vel debiliores erunt, prout major vel minor erit copia vel impetus quo erumpent igneæ partes vel frigefacientia corpora.

Tandem dilucidior fit causa procreationis novorum corporum quæ sequitur fermentationes strictè sumptas; etenim statim atque soluta fuit & reserata corporum compages, illicò partes quibus constantur, motu actæ & hinc indè propulsæ, occurrunt necessariò cum salibus & aliis partibus menstruorum, illæ quæ erunt sibi magis homogeneæ, secum jungentur & connubio copulabuntur, ut diximus, ac novum corpus procreabunt; quod experimur dum conficiuntur salia neutra & nitrum fixum.

Præclarum experimentum certiores nos facit quòd calor & frigus quæ comitantur plures effervescentias & fermentationes, eduntur ab igneis partibus & corpusculis frigefacientibus erumpentibus è corporibus; si enim ponimus salem ammoniacum in vase vitreo (a), & huic sali imponamus Thermometrum, & postea aliud Thermometrum paulò excelsiùs suspendatur, & affundatur deindè oleum vi-
trioli sali ammoniaco, ingens exsurget ebullitio, erumpent copiosi fumi acerrimè nares ferientes, & liquor Thermometri impositi sali ammoniaco celeriter deprimetur; tantum tunc frigus procreatur, ut vas vitreum vix manu comprehendi possit & congelari videatur. Si baccillo agitetur mixtura frigida seu frigefaciens, illa in spumam assurgit & occupat spatium vices quinquies majus illo quod sal & oleum separatim occupant. Ipso tamen temporis puncto quo tantum frigus procreatur, ut liquor Thermometri mersei mixturæ descendat à gradu 60 ad gradum 48, tantum calorem procreant fumi ex hâc erumpentes mixturâ, ut ad decem gradus evehatur liquor Thermometri suspensi, statim atque fumi ad ipsum pertigerunt.

Si idem experimentum instituatur in spatiis aëre crassiori vacuis, observare licebit liquorem Thermometri mersei plurimùm descendere, & magnum frigus procreari: verùm liquor Thermometri suspensi non evehitur in primo minuto, & quamvis copiosi ac calidiores fumi exoriantur, persistabit liquor hujus Thermometri in eodem gradu, eò quòd idem ignis gradus, id est, idem numerus partium ignearum minorem procreat calorem in spatiis aëre

(a) Addit. Muschemb. Tentam. Philos. Florent. pag. 173.

282 DE PRIMIGENIIS CORPORIBUS
crassiori vacuis, quàm in aëre patulo, eò quòd
rarius est illud fluidum & patentia præbet effugia
partibus igneis.

Quamvis igneæ partes erumpentes in vacuo è
mixturâ olei vitrioli & salis ammoniaci, non agant
primo minuto in liquorem Thermometri suspensi,
& sola corpora frigeficientia deprimant liquorem
Thermometri merli mixturæ; attamen post spatium
minuti, liquor Thermometri merli mixturæ, inci-
pit ascendere, & post duo minuta liquores utrius-
que Thermometri plurimum evehuntur & adhuc
ascendunt post tria minuta; undè sequi videtur
quantitatem corporum frigeficientium multò mino-
rem esse quantitate partium ignearum.

His addemus quòd si nonnullæ guttæ vel aquæ,
vel olei, vel spiritûs vini, affundantur mixturæ olei
vitrioli & salis ammoniaci, in ipsomet temporis
puncto quo majus est frigus, & quo descendit li-
quor Thermometri merli huic mixturæ, illicò desi-
nit ebullitio, & mixtura calefit. Si addatur oleum
tartari, calor increfcit, & rursùs æstuat mixtura.
Si affunditur spiritus sulphuris, illicò rursùs frige-
fit mixtura. Hæc adjunximus, eò quòd inservire
poterunt ad dilucidationem diversorum phænomenon
quæ patefiunt, dum eadem corpora simul
permiscentur in aëre patulo & in spatiis aëre cras-
siori vacuis.

Ex hoc colligemus experimento, 1°. quòd calor
non oritur ab intestino motu partium corporum
fermentescentium, siquidem olei vitrioli & salis
ammoniaci mixtura, cujus partes vehementi motu
aguntur, frigus procreet; 2°. quòd frigus non edi-
tur ab *ente negativo*, siquidem innumeræ partes
igneæ permeant mixturam olei vitrioli & salis am-

moniaci in ipso temporis puncto quo illa frigus parit; 3°. quòd calor editur ab igneis partibus, & frigus à corpusculis diversis & peculiaribus; 4°. quòd soluta fuit corporum mixtorum compages, non solùm eò quòd igneæ partes & frigefacientia corpuscula aliundè oriri non possunt, sed etiam eò quòd copiosi fumi erumpunt, & quòd illi feriunt acerrimè nares. 5°. Mirum non videbitur quòd igneæ partes & frigefacientia corpuscula erumpant in eodem temporis articulo ex oleo vitrioli & sale ammoniaco permixtis, si recordemur quòd sal ammoniacum frigefacit omnes liquores quibuscum permiscetur, præter oleum & spiritum vini quæ obstant effugio corpusculorum frigefacientium, & quòd aliundè oleum vitrioli calefacit omnes liquores quibuscum permiscetur, præter oleum & spiritum vini quæ obstant etiam effugio partium ignearum. Statim atque igitur intima salis ammoniaci compages solvitur ab oleo vitrioli, illicò effugiunt corpuscula frigefacientia ex ammoniaco sale, & illa frigefacient omnia corpora ad quæ pertingent. Verùm, cùm illa sint minùs ad motum prompta quàm igneæ partes, illa non excelsiùs evehuntur, & frigefaciunt tantùm corpora circumjacentia.

A pari, statim atque soluta fuit compages olei vitrioli in partes integrantes, illicò ex ipsâ erumpunt igneæ partes in hac delitescences; verùm, cùm illæ partes sint ad motum promptæ & compositæ, excelsiùs feruntur, undè fit ut calidiores sint fumi, & evehatur liquor Thermometri suspensi.

Constabit igitur apud nos quòd calor vel frigus quæ oriuntur in diversis effervescentiis & fermentationibus, oriuntur à diversâ naturâ corpusculorum quæ effluunt ex intimâ corpusculorum fermentes-

284 DE PRIMIGENIIS CORPORIBUS
centium compage, & quòd calor & frigus procreari poterunt in eodem temporis puncto, si partes igneæ & corpuscula frigefacientia effluant in eodem temporis puncto iustâ quantitate è corporibus fermentescentibus.

Hinc rursus sequitur 1°. quòd solus tantum orietur calor, quoties igneæ duntaxat partes erumpent, vel ubi effluent multo majori copiâ quàm frigefacientia corpuscula; 2°. quòd è contrâ frigus procreabitur, si sola corpuscula frigefacientia effluant ex intimâ compage corporum fermentescentium, vel si erumpunt copiâ multò majori quàm partes igneæ.

His cognitis facilius animo percipere poterimus causam diversorum phænomenon quæ observavit ill. D. Van-Musschenbroeck (a), dum diversa permiscuit corpora in aëre & in vacuo. Etenim expertus est,

1°. Dari corpora (b) quæ æqualem caloris gradum pariebant, cum in aëre, tum in spatiis aëre crassiori vacuis; v. g. si spiritus nitri affundatur antimonio crudo, & Thermoscopium huic mergatur mixturæ in aëre, liquor Thermometri evehitur à gradu 47 ad gradum 73; idem expertus est ubi eadem miscuit corpora in spatiis aëre crassiori vacuis.

Idem exoritur caloris gradus in aëre & in vacuo, eò quòd major ignearum partium quantitas ex his effluit in vacuo quàm in aëre. In memoriam enim revocandum (c), quòd æqualis gradus ignis, id est, æqualis ignearum partium quantitas majorem

(a) Addit. Tentam. Philos. Florent. pag. 132.

(b) Addit. Tentam. Philos. Florent. pag. 178.

(c) Articuli. De Aëre.

caloris gradum procreat in aëre quàm in vacuo ; nam , cum fluidum complexum spatiis aëre vacuis , rarius sit aëre , faciliùs & citiùs hinc indè diffugiunt igneæ partes , & è contrà ipsæ congeruntur & congregantur dum transeunt per aërem , eò quòd immoratur eorum effugium à crassioribus aëris partibus ; etenim experientiâ constat quòd corpus iusto caloris gradu donatum deperdit in vacuo suum calorem citiùs quàm in aëre patulo : eâdem de causâ olea terebinthinæ , anisi , caryophylorum , raparum , &c. projecta in vacuo super ferrum candens , non accenduntur & fumum duntaxat emittunt.

2°. Dantur alia corpora quæ fermentescendo in aëre majorem caloris gradum procreant , quàm dum fermentatio peragitur in vacuo. Si enim bismuthum solvitur spiritu salis in aëre , liquor Thermometri evehitur à gradu 47 ad gradum 115 , & in vacuo liquoris sublatio est à gradu 47 ad gradum 94.

Si limatura stanni projicitur in spiritum nitri positum in aëre , liquor Thermometri ascendit à gradu 46 ad gradum 250 , & in vacuo à gradu 46 ad 180.

3°. Contrà verò dantur effervescentiæ quæ majorem calorem procreant in vacuo quàm in aëre ; v. g. ubi spiritus nitri effervescebat cum aquâ in aëre , caloris incrementum est à gradu 45 ad gradum 53 , & in vacuo à gradu 45 ad gradum 56.

Si solvitur ferrum à spiritu salis in vacuo , calor adaugetur à gradu 47 ad gradum 60 , & in aëre à gradu 47 ad 57.

His patet dari corpora è quibus igneæ partes effluunt majori copiâ in aëre quàm in vacuo , & alia dari corpora è quibus igneæ partes erumpunt majori copiâ in vacuo quàm in aëre. Quâ autem de causâ partes igneæ erumpant è nonnullis corpori-

286 DE PRIMIGENIIS CORPORIBUS
bus cumulatius in aëre quàm in vacuo, & vice versa, me prorsus latet.

Poterunt tamen nonnulli conjecturis augurari hæc oriri phænomena ab eâdem causâ quâ fit ut nonnulla corpora citius solvantur ab eodem menstruo in aëre quàm in vacuo, v. g. ab eâdem causâ quâ fit ut ferrum citius & majori copiâ solvatur in aëre ab aquâ forti vel spiritu salis, quàm in vacuo, dum è contrâ orichalcum citius & majori copiâ solvitur in vacuo ab aquâ forti quàm in vacuo; etenim (inquier) cùm fermentatio supponat solutionem unius è corporibus fermentescentibus, vel utrorumque corporum fermentescentium, fieri potest ut major & citior sit illorum solutio in aëre quàm in vacuo. At quoties major & citior est solutio, toties igneæ partes citius & cumulatius effluunt, & major procreatur calor.

Esto; sed quærenda erit semper causâ cur citius & majori copiâ solvantur eadem corpora in aëre quàm in vacuo, & vice versa.

Reponent hanc causam petendam esse vel à naturâ menstruorum & corporum solventium, vel à naturâ vaporum quibus conflatur aër crassior, vel ab indole partium quibus coalescit fluidum aëre rarius, quod replet spatia aëre crassiori vacua; etenim (inquier) experienciâ constat nonnullas aquæ, vel olei, vel spiritûs vini guttas sedare vehementem fermentationem procreatam à mixturâ olei vitrioli & salis ammoniaci, & quòd eam calefaciunt dum intensius friget.

Constat adhuc quòd hæc mixtura æstuat & majori calore perfunditur; si minor olei tartari copia huic miscetur; & quòd illa rursus frigescit, si minor spiritus sulphuris quantitas affunditur; at arguent:

Si illi liquores valent adaugere vel imminuere calorem & fermentationem; si nonnulli valent calorem & æstum parere, dum alii frigus edunt, quid obstat quominus natura vaporum quibus conflatur aër, promoveat fermentationes majores vel minores, & quòd è contrà partes quibus coalescit fluidum complexum spatiis aëre vacuis, conferant ad majorem calorem vel frigus pariendum?

His assentiamur: sed quærenda semper erit natura vaporum quibus fit ut citiùs & majori copiâ solvantur in aëre nonnulla corpora quàm in vacuo, dum alia citiùs & majori copiâ solvuntur in vacuo quàm in aëre. Quærenda erit natura vaporum quibus fit ut eadem corpora majorem vel minorem calorem procreent in aëre quàm in vacuo, & quibus fit ut eadem corpora calorem edant in aëre, & frigus in vacuo. Quamdiù verò latebit natura corporum vel vaporum quibus diversi illi effectus eduntur, tamdiù latebit causa cur eadem corpora qui fermentescendo debitum caloris gradum procreant in aëre, minorem pariant calorem in vacuo, & cur sæpiùs frigus edant.

Nonnullæ tamen causæ frigoris procreati fermentatione percipi possunt animo; nam constat experimentis suprà allatis, calorem & frigus procreari in eodem temporis puncto permiscendo salem ammoniacum & oleum vitrioli; at cùm aliundè constet salem ammoniacum scatere partibus frigefacientibus, ut patet frigore quod procreatur statim atque solvitur; cumque è contrà plurimæ partes igneæ delitescant in oleo vitrioli quibus calefacit omnes ferè liquores quibus permiscetur, perspicuum est quòd statim atque solvuntur hæc corpora, partes igneæ affatim erumpunt ex oleo vi-

288 DE PRIMIGENIIS CORPORIBUS
trioli, & quòd multa corpora frigefacientia effluunt
ex ammoniaco fale.

Expertus est ill. Musschenbroeck quòd si argentum solvitur in aëre à spiritu nitri, minor caloris gradus comitatur effervescentiam, & quòd eadem solutio facta in vacuo nullum parit calorem. Illud oritur, eò quòd minor partium ignearum copia quæ erumpit ex his corporibus dum fermentescunt, non potest calorem parere in vacuo, eò quòd hinc indè diffugiunt igneæ partes propter raritatem fluidi circumfusi, ut diximus.

Eâdem fere de causâ frigus oritur, dum solvuntur oculi cancrorum in vacuo, quamvis eadem solutio facta in aëre calorem edat; nam attendendum minimum esse caloris incrementum quod parit hæc solutio in aëre, siquidem sublatio liquoris Thermometri in aëre sit tantum à 44 ad 46; undè sequitur minorem ignearum partium copiam effluxisse ex oculis cancrorum & hanc minorem esse quàm ut calorem pariat in vacuo propter raritatem fluidi, ut diximus. Verum, cum aliundè acetum complectatur corpuscula frigefacientia quæ nec tam citò nec tam facile effugiunt ac igneæ partes, illa extinguunt in vacuo debiliores effectus partium ignearum, & frigus pariunt.

Consimili de causâ deprimitur liquor Thermometri dum oleum carvi vel fœniculi permiscetur in vacuo cum spiritu vini.

Quamvis factâ eadem mixturâ in aëre non deprimatur liquor Thermoscopii, nam constat quòd illa olea recondunt multa salia alkalina volatilia quæ solvuntur à phlegmate spiritûs vini: at perspectum est quòd illa salia frigus semper procreant ubi solvuntur, eò quòd continent plura corpuscula frigefacientia

facientia , proindeque illa frigus procreabunt , quoties eorum effectus non extinguetur à majori copiâ partium ignearum quæ ex his oleis effluit in aëre , siquidem liquor Thermometri non evehitur ; proindeque illa minor quantitas non poterit extinguere in vacuo effectus plurimorum corpusculorum frigefacientium.

Expertus est etiam ill. Van-Musschenbroeck nec calorem nec frigus procreari , licet exoriatur effervescentia , id est , licet motu intestino & incondito agantur partes corporum permixtorum ; v. g. si plumbum miscetur cum spiritu salis in vacuo , nec frigus nec calor procreatur , licet gignatur effervescentia ; unde sequitur minorem effluere quantitatem partium ignearum vel corpusculorum frigefacientium , quàm ut calor vel frigus gignatur : illa tamen minor quantitas poterit motu agere in vacuo partes liquorum quos transmeant , eò quòd aër crassior ipsis non incumbit ; nam tunc minori vi renituntur suæ dimotioni : eadem de causâ minor illa quantitas non poterit motu agere partes eorundem liquorum in aëre , eò quòd ille validiùs renititur earum dimotioni.

Non veriti sumus nonnullas conjectationes in medium promere , ut possint Physices studiosi verisimilem ideam sibi informare causæ plurium phœnomenon. Verùm his non adhæremus & eas lubenter deponemus , statim atque verisimiliores causæ in lucem edentur , vel quoties illæ conjectationes firmis argumentis erunt impugnatæ.



ARTICULUS OCTAVUS.

*Brevis repetitio eorum quæ diximus, ubi egimus
de Elementis Chymicis.*

EX omnibus quæ diximus de primigeniis corporibus seu de Elementis Chymicis, colligere et partes è Sole effluentes, vel è terræ præcordiis erumpentes, esse lucis & caloris parentes; undè ipsis imposita fuerunt nomina *materiæ luminis vel igneæ*: attamen sæpiùs nuncupavimus partes igneas è terræ visceribus erumpentes *materiam centram*, ut distinguerentur ab his quæ è Sole vibrantur; nam quamvis sint ejusdem naturæ, attamen verisimilius est quòd illæ quas Sol vibrat, sunt puriores & sinceriores illis quæ emanant ex intimis terræ recessibus; illæ enim intimam telluris compagem pervadendo rapiunt plurimas partes corporum, & eas in auras trudunt vaporum insensilium specie; cum verò partes materiæ centralis involvantur aliis partibus, nullam lucem ut plurimum pariunt, debilio-remque procreant calorem; neque enim partes igneæ lucem & calorem pariunt, ubi sunt involutæ plurimis partibus heterogeneis, ut patet fumis effluentibus è diversis corporibus, v. g. è ferro calidiori quòd nullam lucem emittit, etiamsi tanta partium ignearum quantitas ex ipso effluat, ut intensum calorem procreet, & comburat corpora ad debitam distantiam posita.

Omnes igneæ partes sunt exilissimæ & mobilissimæ, illæ incredibili cum velocitate aguntur, statim

atque fuerunt motu actæ. Plurimæ tamen in intimis corporum recessibus & in loculamentis sulphurum delitescunt & hospitantur, dum aliæ subeuntes tramites intimæ compagis corporum, eos velocius pervadunt. Illæ omnis immorationis sunt impatientes; undè portentosos edunt effectus, statim atque præcluduntur viæ quibus effluere solent. Eò majora sunt phænomena ab his procreata, quòd sæpius evolvunt igneas partes in corporibus delitescentes; tunc enim incredibilis est numerus partium ignearum quæ vehementi motu aguntur; undè fit ut immania procreent phænomena, nisi pateant viæ quibus possint expeditius effugere.

Illæ sunt motrices corporum omnium terraquei globi, necnon fluidi huic circumfusi. Aquæ enim & olea ab ipsis suam acceptam habent fluiditatem, & fortasse ab illis præcipuè quæ è terris erumpunt; nam constat illas esse primas causas motûs partium quibus conflatur intima telluris compages; hinc sequitur quòd illæ sunt primariæ causæ procreationis, nutritionis & accretionis diversorum mixtorum, & præcipuè vegetantium, siquidem earum impulsu tantis cum viribus agantur succi nutritii vegetantium, ut valeant evehi ad excelsiorum arborum comas.

Quæcumque sit vis & impetus quo aguntur igneæ partes, attamen constat quòd aqua & terra ipsarum effectus infirmant & sæpius extinguunt; nam hinc indè repelluntur maximâ vi & cum fragore partes igneæ ab affusione debitæ quantitatis partium aquearum, & appositio justæ copiæ partium terrearum impedit quominus grassetur ignis, ita ut illa corpora videri possint tanquam moderatores seu temperatores partium ignearum quæ jugi.

292 DE PRIMIGENIIS CORPORIBUS
transitu citiùs consumerent omnia corpora, & præcipuè animalia & vegetabilia, nisi earum vis & impetus infirmarentur ab aqueis & terreis partibus: illæ tamen agunt diverso modo; nam aqueæ partes hinc indè cum impetu repellunt igneas partes. Verùm terreæ partes immorantur tantùm, ac obtundunt ignearum partium motum, & sic obstant quominùs grassetur & propagetur incendium.

Ignæ partes sunt maximè heterogeneæ partibus aqueis, ut patet impetu quo sese mutuò repellunt: ipsæ nunquam cohærent salibus sinceris; nam retulit ill. Homberg quòd sales acidi in crysallos siccas concreti, abierant in fumos & vapores, ac longiùs fuerant diffusi, statim atque prunis has imposuerunt; undè sequitur igneas partes esse etiam heterogeneas salibus sinceris, minor tamen est earum heterogeneitatis gradus cum acidis quàm cum aqueis partibus.

Ignæ materia non est heterogenea terreis partibus, è contrà ipsis homogœna videtur; nam placidè & tranquillè cum his permiscetur, & diutiùs inter terreas partes grassatur. Si partes ignæ materiæ non adhærent terreis partibus, illud oritur à magnitudine interstitiorum quæ sunt inter partes terreas. Cùm enim illa sint ampliora, jugiter pervaduntur à pluribus fluidis quæ collidendo partes igneas eas hinc indè discutunt, quod quidem firmari videtur experimentis; etenim ignæ partes diutissimè delitescunt intrà partes terreas, ubi eorum interstitia, vel debita eorum pars occupatur à salibus vel partibus sulphureis crassis, ut patet, dotibus lucendi & urendi, quas acquirunt plura corpora diuturniori calcinatione. Verùm ignæ partes sunt maximè homogœnæ sulphuribus, siquidem in ipsis hos-

pitentur , & eorum peculiarem naturam constituent.

Non possumus recensere inter primigenia corpora aërem , id est , fluidum naturâ suâ flexile & elasticum , siquidem nullo pateat experimento dari partes materiæ simplices naturâ suâ flexiles & elasticas , & diversas à partibus quibus omnia conflantur corpora ; è contrâ plura testari videntur experimenta flexilitatem & elaterium fluidi terram ambientis , oriri ab expansione partium corporum terrestrium quæ sub formâ vaporum in auras pelluntur.

Aqua est maximè heterogenea materiæ igneæ , ut diximus , & partibus sulphureis ; earum enim immediatum contactum respuit , sed est maximè homogenea salibus ; illæ enim substantiæ mutuò sese petunt , & copulari amant : ipsa solvit salia & motu agit partes terreas solo fluidi motu quo gaudet , unde inter principia activa recensetur ; attamen cum aqua suam mutuæ fluiditatem ab igneâ materiâ , non potest haberi pro principio activo : at spectari non potest tanquam principium passivum , siquidem motu agat salia ac partes terreas , & sit vehiculum omnium succorum quibus fit accretio & nutrimentum corporum : quamobrem eam habere debemus pro secundo motore omnium corporum.

Quamvis aqua sit corpus naturâ suâ præditum omnibus dotibus quibus corpus sit fluidum ; id est , quamvis sit corpus cujus partes jugi motu aguntur à perenni transitu materiæ igneæ vel vaporum insensilium è terris effluentium ; attamen illa faciliè concrevit in corpus solidum , nempe in glaciem. Illius concretio non oritur à secessione partium quibus suam mutuabat fluiditatem , sed ab intromissione partium extranearum debitæ molis quæ suâ naturâ

294 DE PRIMIGENIIS CORPORIBUS
frigus & congelationes pariunt, non secùs ac ignea
materia calorem & lucem procreat.

Terra est maximè homogenea salibus; cum ipsis
enim firmè necitur, ut diximus, & eorum connu-
bio procreantur salia fixa; illa est etiam homoge-
nea luminis materiæ, aquæ & sulphuribus, nulla-
que dantur corpora primigenia quorum immédia-
tum contactum respuat, ac proindè quibus sit he-
terogenea; verùm præ cæteris homogenea est aci-
dis & sulphuribus, ab his enim vix arte chymicâ se-
jungi potest. Ipsi partes non possunt motu agi
ab igne, nec solo motu fluiditatis aquæ, subsident
enim terreæ partes, nisi vehementior sit aquæ mo-
tus: his de causis terra habetur pro basi fixâ corpo-
rum, id est, pro elemento chymico, cujus partes
nonnisi majoribus viribus agi possunt, & quæ po-
tenter renituntur viribus igneæ materiæ & aquæ.

Salia nullis corporibus primigeniis videntur he-
terogenea, siquidem nullorum respuant contactum
immediatum; attamen minùs homogenea videntur
igneis partibus quibuscum non sociantur, nisi in-
termedii ope, sed sunt maximè homogenea terræ,
aquæ & sulphuribus, cum ipsis enim firmiùs adu-
nantur, & vix ab his sejungi possunt: videntur
adhuc magis homogenea aquæ quàm terræ & sul-
phuri; secedunt enim à terris & sulphuribus, &
ruunt in aquas circumfusas.

Acida sunt primigenia salia; ab his enim & ter-
reis ac sulphureis partibus componuntur alkalina
fixa & volatilia, necnon salia neutra. Quamvis aci-
da sint primigenia salia, attamen nunquam edu-
cuntur sincera, & retinent semper nonnullas partes
typorum in quibus recondebantur; undè oritur di-
versitas acidi primigenii in salem muriaticum, ni-
trosum & vitriolicum.

Omnia salia acida , falsa , neutra & alkalina volatilia frigus & nonnunquam congelationes pariunt , statim ac solvuntur aquis : sola salia fixa & oleum vitrioli calorem procreant. At cùm illa diuturniorem ignis torturam passa fuerint , patet quòd calor quem pariunt , non oritur ab eorum natali indole , sed ab igneis partibus quæ fuerunt in eorum compagem adaectæ.

Frigus quòd salia procreant , non oritur ab ipsismet partibus salinis ; siquidem glacies nullo sapore salino gaudeat , & aqua salibus scatens tardius in glaciem concreseat quàm aqua pura. Tandem plura alia experimenta superiùs allata testari videntur quòd glacies non procreatur ab ipsis salibus , undè intulimus quòd frigus & glacies quæ gignuntur statim atque salia solvuntur aquâ , non oriuntur ab illis salibus , sed ab aliis corpusculis ipsis adhærentibus. Quemadmodum enim ignea materia inhæret vel hospitatur in sulphuribus , ita corpora frigus & glaciem procreantia videntur adhærere salibus vel intrâ massulas salinas delitescere.

Frige-facientia corpuscula plures sensus fugiunt , & nonnisi frigore & congelationibus eos afficiunt , non secùs ac ignea materia quæ solo calore & luce sub sensus cadit : frige-facientia corpuscula vitri & omnium corporum poros pervadunt , undè sequi videtur quòd sunt exilissima ac proindè simplicissima.

Cùm salia ingrediantur omnium corporum compositionem , & habeant semper sibi adjuncta corpuscula frige-facientia , sequitur illa ingredi etiam compositionem omnium corporum , ac proindè illa corpuscula inter corporum elementa recenserì posse , eò magis quòd aqua & atmosphæricum fluidum redundant his corpusculis.

Illa corpuscula videntur esse prorsus heterogenea igneae materiae; nam non solum effectus prorsus oppositos pariunt, sed etiam mutuò suos effectus infringunt & sæpiùs extinguunt: debita enim partium ignearum quantitas expellit è corporibus congelatis frigefacientia corpuscula, & ea hinc indè dispergit, & vice versâ iusta eorum corpusculorum copia infirmat calorem quem ignea materia valet suscitare; attendendum tamen quòd ignea materia è Sole vel è terræ præcordiis effluens, multò magis est apta & composita ad motum quàm corpuscula frigefacientia, ut patet in fermentationibus quæ in eodem temporis puncto frigus & calorem pariunt; quod quidem oriri debet vel à figurâ corpusculorum frigefacientium, vel à majori eorum superficie, relativè ad eorum massas, &c.

Sulphura strictiori connubio junguntur cum terrâ & salibus: illa sunt hospitia igneae materiae; undè sequitur esse homogenea omnibus elementis chymicis, præter aquam cujus immediatum contactum respuunt.

Attendendum tamen quòd licèt plura elementa Chymica sint sibi homogenea, attamen quòd dantur inter ipsa diversi gradus homogeneitatis; nam salia sunt magis homogenea aquæ quàm terræ & oleo, & è contrâ terra est magis homogenea oleo quàm salibus & aquæ.

Si attento perpendimus animò quòd omnia corpora primigenia sunt diversa, vel mole, vel suâ naturâ, ut patet effectibus prorsus diversis & sæpiùs oppositis, quos edunt; sique verisimilius videtur quòd illa corpora, præcipuè ignea materia, aqua & terra, procreata fuerunt à materiae partibus simplicissimis quæ ulterius non possunt dividi, id est, ab *Atomis*, tunc

verisimilius etiam erit dari atomos diversæ molis, figuræ, naturæ, &c. vix enim animo dilucidè possemus percipere quòd solâ adunatione seu connubio partium consimilis naturæ, gignerentur corpora quæ essent adeò sibi opposita, ut immediatum contactum respuerent.

Nemo non percipit quantæ sit utilitatis & necessitatis ignea materia ad procreationem & accretionem omnium corporum, nempe animalium, vegetantium & mineralium, necnon ad sustentandam & fovendam eorum perennitatem, siquidem sit parens motûs omnium corporum fluidorum, præcipuè aquæ quæ vehit omnes succos inservientes ad procreationem, accretionem & nutritionem corporum; hinc tamen sequitur aquam non minoris esse utilitatis, siquidem præcipuum sit vehiculum omnium succorum, & præcipua causa eorum circuitûs, cum in animalibus & vegetabilibus, tum in corporibus altius terrâ sepultis.

Plurimum etiam confert ad corporum perennitatem heterogeneous aquæ & igneæ materiæ, siquidem compescat & temperet effectus igneæ materiæ jugiter pervadentis intimam omnium corporum compagem. Hæc enim materia quæ tantum contulit ad eorum procreationem & accretionem, ea citius exsiccaret & combureret, nisi ipsius motus compesceret, aqua. Ipsa enim ignea materia quæ procreavit corpora, potest spectari tanquam præcipuus eorum consumptor.

Plurimum etiam confert fixitas terræ ad corporum perennitatem; nam cum ipsius partes non possint dimoveri ab igneâ materiâ & immorentur ac obtundant ipsius vires seu motus, obstant quominus illa citius consumat aut solvat solidam corporum

compagem. Tandem salia & sulphura conferunt etiam ad corporum perennitatem, quatenus vel occupant interstitia quæ sunt inter partes terreas, vel quatenus vinciunt vel colligunt secum partes terreas & alia elementa: quamobrem spectari debent tanquam firmamenta basis fixæ corporum, id est, terræ.

His omnibus satis superque patet variam diversorum mixtorum naturam oriri à majori vel minori quantitate diversorum elementorum quæ eorum compositionem ingrediuntur, & à diversâ eorum copulatione; prout enim nonnulla elementa majori erunt copiâ, vel prout erunt diverso modo copulata, procreabunt corpora diversæ naturæ, quod quidem exemplis patefecit ill. Geoffroy (a): quamobrem utile duximus ea referre in Tironum gratiam.

Etenim quamvis educantur ex animalibus aqua, terra, salia & olea; attamen constat quòd gelatinosa substantia quæ in eorum nutrimentum cedit, constat præcipuè alkalinis volatilibus ac oleis, & è contrà quòd eorum axungia coalescit acidis & oleis quæ ex hâc educuntur. Præterea si spiritus nitri vel vitrioli permiscetur cum oleo olivarum, & hæc mixtura digestionem committatur, gignitur sebum vel axungia similis animalium pinguedini.

His patet quòd animalium diversæ substantiæ gignuntur à diversâ corporum primigeniorum copulatione.

Educunt Chymici è vegetabilibus omnia primigenia corpora, sed præterea patefaciunt quòd illorum diversæ substantiæ procreantur à diversâ copulatione corporum primigeniorum; si enim oleum tenuius ac defæcatum, ut alkohol vini, permiscetur

(a) Introd. ad Mater. Medic. pag. 21.

cum fale acido, v. g. oleo vitrioli, tunc educitur distillatione post diuturnam digestionem oleum inflammabile, subtile, grati odoris & simile oleis plantarum essentialibus, & quod remanet in fundo retortæ, est vera resina; undè sequitur quòd olea vegetabilium essentialia, & resinosa eorum substantia gignuntur à diversâ copulatione acidi & olei cum nonnullis partibus aqueis & terreis.

Si spiritus vini permiscetur cum urinæ spiritu volatili, gignitur corpus mucilaginosum, ut gummi; si verò sal tartari fixum permiscetur cum oleo olivarum, exsurgit corpus solidum quod sapo nuncupatur; his patet quòd vegetabilium substantiæ gummosæ eduntur connubio salium volatilium & oleorum tenuiorum, & quòd eorum substantiæ saponaceæ gignuntur conjunctione salium fixorum & oleorum crassiorum: illa simul mixta corpus solidum constituunt; licet enim sal fixum valeat suâ indole carpere olea, attamen illud sal hunc effectum non parit, nisi motu agatur aqueis partibus; ubi enim his orbatur, intricatur & implicatur intrâ filamenta crassiora olei, & simul componunt corpus solidum.

Omnia corpora diversa quæ in terræ visceribus sepeliuntur, gignuntur etiam diversâ copulatione corporum primigeniorum. In exemplum attulit ill. Geoffroy (a) concreciones sulphureas quæ reconduntur in terris, & quæ bituminis seu pinguedinis terræ nomen audiunt, illæ coalescunt aquâ, terrâ, fale & oleo, ut patet analysi chymicâ; attamen si largior aquæ quantitas affunditur bitumini, exsurgit oleum minerale multò tenuius bitumine quod

oleum petræoleum æmulatur : contrà , si idem bitumen permiscetur cum sale & terrâ , pariuntur bitumina solidiora , v. g. carbonēs fossiles , gagates & alia quæ sunt magis vel minùs crassa , pro terræ copiâ , &c. eâdem arte procreatur sulphur vulgare. Si illud bitumen permiscetur cum terris quæ scant salibus , & quæ sunt ut plurimum fusibiles , & quæ in vitri speciem mutari possunt , tunc gignuntur corpora solida , ductilia , malleabilia , æmulantia metallorum splendorem , id est , gignuntur metalla. Hæc omnia probat D. Geoffroy diversis operationibus ; si enim olei vitrioli & terebinthinæ partes æquales permisceantur , effluet distillatione per retortam (post lenem sed diuturnam digestionem) liquor primò flavescens , deindè croceus ad petræoleum odore , crassitie proximè accedens. Quod in retortâ superest inspissatur , ut bitumen molle , quod tandem concrescit & induratur in massam solidam & nigram. Illa flammæ admota citiùs accenditur & spargit odorem similem illi qui oritur è carbonibus fossilibus.

Si distillatio peragitur , liquor albicans & acidus stillat , in quo subsidet pulvis gilvus , qui est sulphur vulgare , quod faciliè flammis corripitur : ad collum retortæ evehitur sulphur vulgare , id est , corpus flavum inflammabile , quod nullo modo discrepat à sulphure vulgari. Remanet tandem in retortâ substantia nigra , splendens , levis , talcosa in quâ occurrunt plurimæ partes quæ in magnetem ruunt ; undè sequitur eas esse ferreas vel proximè accedentes ad naturam ferri.

Metalla saltem imperfecta in cineres & corpora vitri speciem æmulantia mutantur , statim atque ex his eductum fuit sulphur seu oleum elementare : ip-

ſa verò rursùs revertuntur in metalla ductilia & malleabilia, ſi oleum quodcumque, ſive animale, ſive vegetabile, ſive bituminofum ipſis affunditur; undè ſequitur illa metalla nil aliud eſſe quàm bitumina diuturno digeſtionis calore cocta & ad juſtum fixitatis gradum ducta.

Tandem D. Duclos aſſerit in Actis Reg. Scient. Acad. Pariſ. tom. I, ann. 1667, pag. 26, ſe procreaviſſe cœmentum durum cum aceto diſtillato, ſale tartari & ſabulo qui reperitur propè urbem *Etampes*; undè conjecturis augurari licet lapides hiſ ſalibus & terris debitæ indolis coaleſcere.

Conſtat igitur quòd varietas ſeu differentia quæ eſt inter diverſa corpora, oritur à diverſâ conjunctione ſeu copulatione diverſorum corporum primigeniorum, ut jam pluries diximus; hæc verò diverſa copulatio abſolvitur à jugi tranſitu materiæ centralis quæ tranſfert, jungit, vel ſejungit diverſa corpora primigenia, prout majori vel minori copiâ occurrunt in diverſis locis intimæ compagis terræ.

F I N I S.



I N D E X.

	Pag.
CAPUT I.	
ARTICULUS I.	1
ARTICULUS II.	5
ARTICULUS III.	10
ARTICULUS IV.	18
ARTICULUS V.	20
ARTICULUS VI.	23
ARTICULUS VII.	25
PARAGRAPHUS I.	32
PARAGRAPHUS II.	ibid.
PARAGRAPHUS III.	37
PARAGRAPHUS IV.	39
PARAGRAPHUS V.	42
ARTICULUS VIII.	45
PARAGRAPHUS I.	51
PARAGRAPHUS II.	ibid.
PARAGRAPHUS III.	56
	59
	60

I N D E X.

Argumenta & experimenta quæ videntur indicare
corporum explosionem absolvi à solis viribus qui-
bus gaudent igneæ partes, 64

Argumenta allata contra hanc opinionem, 70

ARTICULUS IX. De propagatione caloris & lucis, 74

PARAGRAPHUS I. An corporum calefactio & sensatio caloris procreen-
tur in primis momentis ab ipsis partibus igneis
quæ erumpunt ex accensis corporibus, 78

ARTICULUS II. De Aëre. Quæstio. An dentur corpuscula simpli-
cissima, quæ sint, propria suâ naturâ, flexilia &
elastica, & diversa ab aliis corporibus simplicis-
simis, quibus composita constantur corpora, id est,
an detur aër, & ille inter primigenia, seu simpli-
cissima corpora, recenseri debeat, 85

PARAGRAPHUS I. Primum Experimentum, quo patet corpora inflexi-
lia & nullo pollentia elaterio, flexilia fieri &
elastica, statim ac fiunt rarefacta aut expan-
sa, 89

Secundum Experimentum, quo patet corpora
rareferi posse absque auxilio, partium aërearum
proprie dictarum, ibid.

Tertium Experimentum, quæ patet rarefacta
fluida aëre spoliata, flexilia esse & elastica, 90
Atmosphericum fluidum est semper & actu rare-
factum, ibid.

PARAGRAPHUS II. Experimenta ab Halesio peracta, quæ probant
omnium corporum partes in vaporem expansas,
procreare fluidum elasticum flexile, omnibusque
dotibus præditum quibus gaudet atmospheri-
cum fluidum, 96

PARAGRAPHUS III. Primum Argumentum, petitum è flexibilitate &
elaterio quibus gaudet atmosphericum fluidum
in gelidiori tempestate, 102

Secundum Argumentum, petitum è fulgore pru-
narum in atmosferico fluido, & diuturnitate
vitæ animalium in illo fluido, 104

Tertium Argumentum, ortum ex æqualitate ela-
terii fluidi atmospherici, dum tonitruis omnia
concutiuntur corpora, & dum è cælo demittitur
uberior imber, 107

Quartum Argumentum, petitum è procreatione
& magnitudine bullarum quæ eructantur è
fluidis, statim ac ex ipsis educitur atmospheri-
cum fluidum, 110

PARAGRAPHUS IV. Experimenta, quibus patet aërem factitium, id
est, fluidum, ope caloris è corporibus eductum,
homogeneum esse, & iisdem donari dotibus qui-
bus gaudet aër naturalis, seu atmosphericum
fluidum, 124

INDEX.

Experimentum, quo probatur aërem factitium & aërem naturalem ejusdem esse ponderis,	125
Experimentum, quo probatur aërem factitium & aërem naturalem ab aequalibus ponderibus aequaliter comprimi,	ibid.
Experimentum, quod patefacit aërem factitium & aërem naturalem aequali gaudere elaterio,	126
Experimenta, quibus demonstrat Halesius 1 ^o . aërem factitium recenter extractum, plurimum deperdere de suo elaterio; 2 ^o . aërem factitium defecatum, nil de suo elaterio deperdere,	127
Experimenta, quibus constat aërem factitium & aërem naturalem, ab iisdem absorberi posse fumis, & ab ipsis partibus absorbentibus quas in suo recondunt sinu,	128
Experimenta, quibus patet aërem naturalem & aërem factitium absorptos, id est, suo spoliatos elaterio, illud recuperare caloris auxilio,	132
Experimenta, quibus patet aërem factitium iisdem coalescere partibus quibus constabant corpora è quibus eductus fuit destillationis ope,	134
Experimentum, factum cum menstuis solventibus metalla,	135
Experimenta, peracta fermentationis ope,	ibid.
De aquâ elementari,	139
Lavigatior est partium aquearum superficies,	144
Aquea partes secundum minores superficies sese contingunt,	ibid.
Aquea partes ovali donantur figurâ,	ibid.
Partes aqueæ sunt rigida: illæ firmitus sese mutuo suffulciunt, & nullo donantur elaterio,	146
Partes aqueæ sunt exilissima,	148
Aquea partes plurimum expandi possunt,	151
Aquea partes sunt prorsus heterogeneæ partibus igneis,	154
De causâ concretionis aquæ in glaciem,	155
De terra elementari,	168
De naturâ & ortu diversarum substantiarum salinarum, ac de sale elementari,	174
De salibus alkalinis,	178
De salibus salsis seu neutris,	180
An salina substantia ingredientur omnium corporum compositionem, ita ut possint inter corporum elementa recenseri,	181
An salia neutra sint substantia simplicissima, seu primigenia corpora,	186
An salia alkalina fixa sint substantia simplicissima, seu primigenia corpora,	187

ARTICULUS III.

ARTICULUS IV.

ARTICULUS V.

INDEX.

<i>An salia urinosa, seu alkalina volatilia, sint substantiæ simplicissima,</i>	197
<i>De sale acido,</i>	207
<i>An salia acida possint in alias substantias simpliciores solvi,</i>	208
<i>An acida quibus luxuriant vegetabilia, oriantur è terræ visceribus,</i>	215
<i>Acida quæ è terræ præcordiis in vegetabilium radices iruduntur, mutantur & convertuntur in ipsis vegetabilium tubulis in alias substantias salinas diversas ab acidis,</i>	219
<i>De causis diversorum effectuum quos pariunt acida,</i>	221
ARTICULUS VI. <i>De sulphure elementari,</i>	249
ARTICULUS VII. <i>De fermentatione,</i>	267
<i>De naturâ corporum fermentescentium,</i>	268
<i>An inconditi motus qui exoriuntur dum effervescent vel fermentescunt corpora, peragantur viribus quas partes homogeneæ ad se mutuò accedentes inferunt interfusis corporibus: an oriantur à solutione compagis corporum fermentescentium,</i>	271

FINIS INDICIS.

E R R A T A.

- P** Ag. 1. lin. 2. diversè, *lege*, diversa.
P. 2. l. 17. interioris, *lege*, exterioris.
P. 5. l. 3. ex, *lege*, è.
P. 26. l. 10. flammæ, *lege*, flanni.
P. 33. l. 13. illas, *lege*, ullas.
P. 38. l. 2. *dele*, vel. l. 14. *dele* :
P. 41. l. 10. potentior, *lege*, potentior sit.
P. 43. l. 25. proximæ, *lege*, proximas.
P. 45. l. 27. affluere, *lege*, effluere.
P. 59. l. 9. sejungant, *lege*, sejungat.
P. 64. l. 20. possent, *lege*, possint.
P. 80. l. 2. glaciata, *lege*, glaciata.
P. 94. l. 22. permeent, *lege*, permeant.
P. 95. l. 24. comprimens, *lege*, comprimens, partes hujus fluidi, *dele* ;
P. 96. l. 17. mutuetur, *lege*, mutuatur.
P. 97. l. 11. utrumque acrem, *adde*,
P. 103. l. 23. intentius, *lege*, intensius.
P. 120. l. 7. ignis, *lege*, igne.
P. 128. l. 24. aquas *lege*, quas.
P. 129. l. 30. detonatio flammæ, *lege*, detonatio, flammâ.
P. 141. l. 12. soluti, *lege*, soluta.
P. 144. l. 12. partes, *lege*, partis.
P. 146. l. 12. sit adeò, *dele* adeò.
P. 154. l. 33. illum, *lege*, illam.
P. 169. l. 33. eundem ac, *dele* ac.
P. 171. l. 25. elementari, *lege*, elementari, terra.
P. 173. l. 4. Partium, *lege*, Partium ignearum,
P. 180. l. 9. immutent, *lege*, immutant.
P. 182. l. 24. salis, *lege*, sali.
P. 189. l. 22. aquæ, *lege*, aquæ.
P. 211. l. 21. Potuerit, *lege*, potuit.
P. 212. l. 1. Hoffmann, *lege*, Hoffmani. l. 12 ipsi, *lege*, ipse.
P. 220. l. 15. erectorum, *lege*, erutorum.
P. 232. l. 33. è fossilibus, *lege*, è fossilibus. l. 34 à fossilibus, *lege* à fossilibus.
P. 246. l. 24. nomen ac, *lege*, nomen ut.
P. 247. l. 10. figura, *dele* ;
P. 249. l. 1. uisæ, *lege*, urisæ.
P. 256. l. 7. materiæ, *lege*, mercurii.
P. 261. l. 22. oleolæ seu, *lege*, oleosæ seu.
P. 272. l. 16. fuerunt, *lege*, fuerint. l. 34 acidorum cuspidés, *lege* ; acidorum, cuspidés.

APPROBATIO.

Illustrissimi Galliarum Cancellarii speciali mandato legi doctissimi viri D. Helvetius, Librum cui titulus est : *Principia Physico-Medica in Tironum Medicina gratiam conscripta*, eumque dignissimum censui qui in publicum prodeat. Datum Parisiis Kalendas Augusti 1752.

LORRY

PRIVILEGE DU ROI.

LOUIS, PAR LA GRACE DE DIEU, ROY DE FRANCE ET DE NAVARRE: A nos amés & féaux Conseillers, les Gens tenans nos Cours de Parlement, Maîtres des Requêtes ordinaires de notre Hôtel, Grand-Conseil, Prevôt de Paris, Baillifs, Sénéchaux, leurs Lieutenans Civils, & autres nos Justiciers qu'il appartiendra, SALUT. Notre amé le Sieur HELVETIUS, Nous a fait exposer qu'il désireroit faire imprimer & donner au Public un Ouvrage qui a pour titre *Principia Physica in Philiatorum gratiam conscripta*, à D. Helv. tins, Regina Archiatro Comite Consistoriano, s'il Nous plaisoit lui accorder nos Lettres de Privilége pour ce nécessaires. A CES CAUSES, voulant favorablement traiter l'Exposant, Nous lui avons permis, & permettons par ces Présentes, de faire imprimer ledit Ouvrage en un ou plusieurs Volumes, & autant de fois que bon lui semblera, & de le faire vendre & débiter par tout notre Royaume pendant le tems de dix années consécutives, à compter du jour de la date des Présentes. Faisons défenses à tous Imprimeurs, Libraires & autres personnes de quelque qualité & condition qu'elles soient, d'en introduire d'impression étrangère dans aucun lieu de notre obéissance; comme aussi d'imprimer ou faire imprimer, vendre, faire vendre, débiter ni contrefaire ledit Ouvrage, ni d'en faire aucun Extrait, sous quelque prétexte que ce soit, d'augmentation, correction, changement ou autres, sans la permission expresse, & par écrit dudit Exposant, ou de ceux qui auront droit de lui, à peine de confiscation des Exemplaires contrefaits, de trois mille livres d'amende contre chacun des contrevenans, dont un tiers à Nous, un tiers à l'Hôtel-Dieu de Paris, & l'autre tiers audit Exposant, ou à celui qui aura droit de lui, & de tous dépens, dommages & intérêts; A la charge que ces Présentes seront enregistrées tout au long sur le Registre de la Communauté des Imprimeurs & Libraires de Paris, dans trois mois de la date d'icelles; que l'impression dudit Ouvrage sera faite dans notre Royaume & non ailleurs, en bon papier & beaux caractères, conformément à la feuille imprimée attachée pour modèle sous le contre-scel des Présentes; que l'Impétrant se conformera en tout aux Réglemens de la Librairie, & notamment à celui du 10 Avril 1725, & qu'avant de l'exposer en vente, le Manuscrit qui aura servi de copie à l'impression dudit Ouvrage, sera remis dans le même état où l'Approbation y aura été donnée, es mains de notre très-cher & féal Chevalier Chancelier de France le sieur DE LAMOIGNON, & qu'il en sera ensuite remis deux Exemplaires dans notre Bibliothèque publique, un dans celle de notre Château du Louvre, un dans celle de notre très-cher & féal Chevalier Chancelier de France le Sieur DE LAMOIGNON, & un dans celle de notre très-cher & féal Chevalier Garde des Sceaux de France le Sieur DE MACHAULT, Commandeur de nos Ordres, le tout à peine de nullité des Présentes: Du contenu desquelles vous mandons & enjoignons de faire jouir ledit Exposant & ses ayans cause pleinement & paisiblement sans souffrir qu'il leur soit fait aucun trouble ou empêchement. Voulons que la copie des Présentes qui sera imprimée tout au long au commencement ou à la fin dudit Ouvrage, soit tenue pour dûment signifiée, & qu'aux copies collationnées par l'un de nos amés

& féaux Conseillers Secrétaires, foi soit ajoûtée comme à l'original : Commandons au premier notre Huissier ou Sergeant, sur ce requis, de faire pour l'exécution d'icelles, tous Actes requis & nécessaires, sans demander autre permission, & notwithstanding clameur de Haro, Charte Normande, & Lettres à ce contraires. CAR tel est notre plaisir. DONNÉ à Versailles le quinzième jour du mois de Septembre, l'an de grace mil sept cent cinquante-deux, & de notre Regne le trente-huitième. Par le Roi en son Conseil.

SAINSON.

Registré sur le Registre XIII. de la Chambre Royale des Libraires & Imprimeurs de Paris, N. 38. fol. 24, conformément au Règlement de 1723, qui fait défense art. IV. à toutes personnes de quelque qualité qu'elles soient, autres que les Libraires & Imprimeurs, de vendre, débiter & faire afficher aucuns Livres pour les vendre en leurs noms, soit qu'ils s'en disent les Auteurs ou autrement, & à la charge de fournir à la susdite Chambre neuf Exemplaires prescrits par l'art. 108 du même Règlement. A Paris le 26 Septembre 1752.

J. HERRISANT, Adjoint.

Typis Viduæ PH. N. LOTTIN, viâ San-Jacobæ, sub insigno
Veritatis. 1752.

